

RESERVE

395

RESERVE

CLEM. MAROT
ET
TH. DE BEZE
—
LES PSAUMES

RESERVE

PARIS 1563

RESERVE



RESERVE




RESERVE

4° A
361


RESERVE


RESERVE














1-42

A 361


Res

Mr. 395

Clem. Marot
et Ch. de Beze

2^e psautier.

Sarn 1563.



LES
PSEAVMES
MIS EN RIME
FRANCOISE,

40 *Pla Genouefa 1735.*
Par Clement Marot & Theodore de Beze.

PSEAVME IX.

Chantez au Seigneur qui habite en Sion, & annoncez
ses faits entre les peuples.

il ne porte point le glaive sans cause:

1. Pier. 2. Craignez Dieu. Honorez le Roy. Ro. 13. Car



car il est seruiteur de Dieu pour faire iustice, &c.

Par Antoine Dauodeau & Lucas de Mortiere.

POVR ANTOINE VINCENT.

M. D. LXIII.

Avec Privilege du Roy pour dix ans.

Offine elain



EXTRAIT DV PRIVILEGE du Roy.



AR Grace speciale, pleine puissance & auctorité Royale, a esté donné & octroyé à Antoine fils d'Antoine Vincet, marchand Libraire à Lion, Privilege, congé, licence & permission pour le temps & terme de dix ans prochains venans ensuiuans, & consentid'imprimer ou faire imprimer quand & où bon lui semblera, tous les Pseaumes du Prophete Dauid, traduits selon la verité Hebraïque. & mis en rime Françoisë & bonne Musique, comme a esté bien veu & cognu par gens doctes en la Sainte Escriure & esdites Langues. & aussi en l'art de Musiq. Que nuls en ce Royaume, pays, terres & Seigneuries, puissent imprimer, faire imprimer, vendre & distribuer lesdits Pseaumes de la dite traductiō, pēdāt & durant ledict temps, & iusques apres icelui fini & accompli, si ce n'est du consentement dudict Vincent. Avec inhibitions & defences à tous Imprimeurs, Libraires & autres personnes quelconques, que ledict Vincent ou les siens, & ayans de lui cause, ou ceux qui seront de lui aduouez, de faire, ou faire faire pendant ledict temps de dix ans, corriger, amender, augmenter, diminuer, imprimer, ou faire imprimer, vendre & distribuer en ce royaume, pais, terres & seigneuries, en quelque sorte ou maniere que ce soit ou puisse estre, lesdits Pseaumes de la dicte traduction, ne d'en apporter & vendre en ce royaume, pays terres & seigneuries, d'autres, par autres & ailleurs imprimez, si ce n'est du vouloir, congé & consentement dudict Vincent. Et ce sur peine de confiscation desdits liures, formes & caracteres qui se trouueront auoir esté faits au contraire, & d'amende de dix marcs d'or enuers le Roy, & arbitraire enuers ledict Vincent, lesdites inhibitions & defences tenās & les contreuenās à icelles à ce contraints, sur les peines dessusdites, ledict temps durant. Nonobstant oppositions ou appellations quelconques faites ou à faire, releuees ou à releuer, & lettres quelconques impetrees ou à impetier à ce contraires, sans qu'il soit besoin d'autre verification, emologation. publication ou interinement, sinon d'inferer lesdites lettres de privilege, & lettres de declaration d'icelui, ou le bref & abregé d'icelle, au commencement ou à la fin de chacun liure desdits Pseaumes. Lequel abregé veut & entend ledit seigneur Roy, qu'il vaille & serue autant que s'il estoit particulièrement signifié à vn chacun de ceux auxquels il pourroit appartenir & toucher. Comme plus à plein est contenu & déclaré par lesdites lettres de privilege sur ce donnees & expediees à saint Germain en Laye, le dixneuſieme iour d'Octobre, l'an de grace mil cinq cens soixante & vn, & du regne dudit seigneur le premier. Signees sur le reply, Par le Roy. Robertet, & scelees du grand seal dudit seigneur, en cire iaulne, & queue double pendant, & par lesdites lettres de plus ample declaration au profit & faueur dudit Vincent sur ce donnees & expedites audit saint Germain en Laye, le vingtsixieme iour du mois de Decembre, l'an de grace mil cinq cens soixante & vn, & du regne dudit seigneur le deuxieme. Signees par le Roy en son conseil, Coignet, & scelees dudit grand seal royal, en cire iaulne, & simple queue pendant.



Par Antoine Vincet & Luc de Mont
TOUR ANTOINE VINCET
M. D. LXXII

A T O V S C H R E S T I E N S

*Et amateurs de la Parole de
Dieu, Salut.*



COMME c'est vne chose bien requise en la Chrestienté, & des plus necessaires, que chacun fidele obserue & entretiene la cōmunion de l'Eglise en son endroit, frequen- tant les assemblees qui se font tant le Di- manche que les autres iours, pour honorer & seruir Dieu: aussi est-il expedient & raisonnable que tous cognoissent & entendent ce qui se dit & fait au temple, pour en receuoir fruit & edificatiō. Car nostre Seigneur n'a pas institué l'ordre que nous deuons tenir, quand nous conuenons en son nom, seulement pour amuser le mōde à voir & regarder: mais plustost a voulu qu'il en reuinist profit à tout son peuple: comme saint Paul tes- moigne, commandant que tout ce qui se fait en l'Eglise soit rapporté à l'edification commune de tous: ce que le seruiteur ne commanderoit pas, que telle ne fust l'inten- tion du Maistre. Or cela ne se peut faire que nous ne so- yons instruits pour auoir intelligence de tout ce qui a esté ordonné pour nostre vtilité. Car de dire que nous puissions auoir deuotion, soit à prieres, soit à ceremoni- es, sans y rien entendre, c'est vne grande moquerie, com- bien qu'il se die communement. Ce n'est pas vne chose morte ne brutiue, que bonne affection enuers Dieu: mais est vn mouuement vis, procedant du S. Esprit, quād le cœur est droitement touché, & l'entendement illumi- né. Et defait, si on pouuoit estre edifié des choses qu'on voit, sans cognoistre ce qu'elles signifient, saint Paul ne

defendroit pas si rigoureusement de parler en langue
 incognue, & n'useroit de ceste raison, Qu'il n'y a nulle
 edification, sinon où il y a doctrine. Pourtant, si nous
 voulons bien honorer les saintes ordonnances de nostre
 Seigneur, desquelles nous usons en l'Eglise, le principal
 est de sauoir qu'elles contiennent, qu'elles veulent dire,
 & à quelle fin elles tendent: afin que l'usage en soit utile
 & salutaire, & par consequent droitement réglé. Or il ya
 en somme trois choses que nostre Seigneur nous a cō-
 mandees d'observer en nos assemblees spirituelles: assa-
 uoir, la predication de sa Parole, les oraisons publiques
 & solennelles, & l'administration de ses Sacremens. Je
 me deporte de parler des prediciōs pour ceste heure,
 d'autant qu'il n'en est pas question. Touchant les deux
 autres parties qui restent, nous auons le commandemēt
 expres du S. Esprit, que les oraisons se facent en langue
 commune & cognue au peuple: & dit l'Apostre que le
 peuple ne peut respondre Amen, à la priere qui a esté
 faite en langue estrange. Or est il ainsi, puis qu'on la fait
 au nom & en la personne de tous que chacun en doit e-
 stre participant. Parquoy c'a esté vne trop grande impu-
 dence à ceux qui ont introduit la langue Latine par les
 Eglises, où elle n'estoit communement entendue. Et n'y
 a subtilité ne cauillation qui les puisse excuser, que ceste
 façon ne soit peruerse & desplaisante à Dieu. Car il ne
 faut presumer qu'il ait agreable ce qui se fait directemēt
 contre son vouloir, & comme par despit de lui. Or on
 ne le sauroit plus despiter, que d'aller ainsi alencontre de
 sa defense, & se glorifier en ceste rebellion, comme si
 c'estoit vne chose sainte & fort louable. Quant est des
 Sacremens, si nous regardons bien leur nature nous co-
 gnoistrōns

gnoistrans que c'est vne coustume peruerse de les celebrer en telle sorte que le peuple n'en ait sinon la veüe, sans exposition des mysteres qui y sont contenus. Car si ce sont paroles visibles (comme saint Augustin les nomme) il ne faut pas qu'il y ait seulement vn spectacle exterieur, mais que la doctrine soit coniointe avec, pour en donner intelligēce. Et aussi nostre Seigneur en les instituant a bien demonstré cela : car il dit que ce sont témoignages de l'alliance qu'il a faite avec nous & qu'il a confirmée par sa mort. Il faut bien donc pour leur donner lieu, que nous sachions & cognoissions ce qui s'y dit : autrement ce seroit en vain que nostre Seigneur ouvreroit la bouche pour parler, s'il n'y auoit aureilles pour escouter. Combien qu'il n'est ia mestier d'en faire longue dispute. Car quand la chose sera iugée de sens rassis, il n'y aura celui qui ne confesse que c'est vne pure bastelerie, d'amuser le peuple en des signes dont la signification ne lui soit point exposée. Parquoy il est facile de voir qu'on profane les Sacremens de Iesus Christ, les administrant tellement que le peuple ne comprenne point les paroles qui y sont dites. Et de fait on voit les superstitions qui en sont sorties. Car on estime communement que la cōsecration tant de l'eau du Baptisme, que du pain & du vin en la Cene de nostre Seigneur, soit comme vne espeece d'enchantement: c'est à dire, quand on a soufflé & prononcé de bouche les paroles, que les creatures insensibles en sentent la vertu, encores que les hommes n'y entendent rien. Or la vraye consecration est celle qui se fait par la Parole de Foy, quand elle est declarée, & receue, comme dit saint Augustin : ce qui est expressement compris aux paroles de Iesus Christ.

Car il ne dit pas au pain, qu'il soit fait son corps, mais il adresse la parole à la compagnie des fideles, disant, Prenez, mangez, &c. Si nous voulons donc bien celebrer le Sacrement, il nous faut auoir la doctrine, par laquelle ce qui y est signifié nous soit déclaré. Je say bien que cela semble fort estrange à ceux qui ne l'ont pas accoustumé: comme il auient en toutes choses nouuelles. Mais c'est bien raison, si nous sommes disciples de Iesus Christ, que nous preferions son institution à nostre coustume. Et ne nous doit pas sembler nouueau ce qu'il a institué dès le commencement. Si cela ne peut encore entrer en l'entendement d'un chacun, il nous faut prier Dieu qu'il lui plaise illuminer les ignorans, pour leur faire entendre combien il est plus sage que tous les hommes de la terre: afin qu'ils apprennent de ne s'arrester plus à leur propre sens, ni à la sagesse folle & enragée de leurs conducteurs, qui sont aueugles. Cependant, pour l'usage de nostre Eglise, il nous a semblé bon de faire publier comme vn formulaire des Prières & des Sacremens, afin que chacun reconnoisse ce qu'il oit dire & faire en l'assemblée Chrestienne: combien que ce liure ne profitera pas seulement au peuple de ceste Eglise, mais aussi à tous ceux qui desireront sauoir quelle forme doiuent tenir & suiure les fideles, quand ils conuiennent au nom de Iesus Christ. Nous auons donc recueilli en vn sommaire la façon de celebrer les Sacremens & sanctifier le Mariage, semblablement des Prières & louanges, desquelles nous vsons. Nous parlerons puis apres des Sacremens. Quant est des Prières publiques, il y en a deux especes. Les vnes se font par simple parole: les autres avec chant. Et n'est pas

pas chose inuentee depuis peu de temps. Car dès la premiere origine de l'Eglise cela a esté, comme il appert par les histoires. Et mesme saint Paul ne parle pas seulement de prier de bouche, mais aussi de chanter. Et à la verité, nous cognoissons par experience que le chant a grande force & vigueur d'esmouuoir & enflamber le cœur des hommes, pour inuoyer & louer Dieu d'un zele plus vehement & ardent. Il y a tousiours à regarder que le chant ne soit leger ni volage, mais qu'il ait poids & maiesté (comme dit saint Augustin :) & ainsi qu'il y ait grande difference entre la musique qu'on fait pour resiouir les hommes à table & en leur maison, & entre les Pseaumes qui se chantent en l'Eglise, en la presence de Dieu & de ses Anges. Or quand on voudra droitement iuger de la forme qui est ici exposee, nous esperons qu'on la trouuera sainte & pure: veu qu'elle est simplement reglee à l'edification dont nous auons parlé, combien que l'usage de la chanterie s'estende plus loin. C'est que mesme par les maisons & par les champs ce nous soit vne incitation & comme vn organe à louer Dieu, & esleuer nos cœurs à lui, pour nous consoler, en meditant sa vertu, bonté, sagesse & iustice, ce qui est plus necessaire qu'on ne sauroit dire. Pour le premier, ce n'est pas sans cause que le saint Esprit nous exhorte si soigneusement par les saintes Escritures, de nous resiouir en Dieu, & que toute nostre ioye soit là reduite, comme à sa vraye fin: car il cognoist combien nous sommes enclins à nous resiouir en vanité. Tout ainsi dōc que nostre nature nous tire & induit à chercher tous moyēs de resiouissance folle & vicieuse: aussi au contraire, nostre Seigneur, pour nous distraire & retirer des

allechemens de la chair & du monde, nous presente
 tous moyens qu'il est possible, afin de nous occuper en
 ceste ioye spirituelle, laquelle il nous recommande tant.
 Or entre les autres choses qui sont propres pour recre-
 er l'homme & lui donner volupté, la Musique est ou la
 premiere, ou l'une des principales : & nous faut estimer
 que c'est vn don de Dieu deputé à cest vsage. Parquoy
 d'autant plus deuons nous regarder de n'en point abu-
 ser, de peur de la souiller & contaminer, la conuertis-
 sant en nostre condamnation, où elle estoit dediee à
 nostre profit & salut. Quand il n'y auroit autre con-
 sideration que ceste seule, si nous doit elle bien esmou-
 uoir à moderer l'vsage de la Musique, pour la faire ser-
 uir à toute honnesteté, & qu'elle ne soit point occa-
 sion de nous lascher la bride à dissolution, ou de nous
 effeminer en delices desordonnees, & qu'elle ne soit
 point instrument de paillardise, ne d'aucune impudi-
 cité. Mais encore y a-il d'auantage : car à grand' peine
 y a il en ce monde chose qui puisse plus tourner ou
 flechir çà & là les mœurs des hommes, comme Pla-
 to l'a prudemment considéré. Et de faict, nous expe-
 rimentons qu'elle a vne vertu secrete & quasi incro-
 yable à esmouuoir les cœurs en vne sorte ou en l'autre.
 Parquoy nous deuons estre d'autant plus diligens à la
 reigler en telle sorte qu'elle nous soit vtile, & nullement
 pernicieuse. Pour ceste cause les Docteurs anciens de l'E-
 glise se complaignent souuentefois, de ce que le peuple
 de leur temps estoit adonné à chansons deshonestes &
 impudiques, lesquelles non sans cause ils estiment &
 appellent poison mortelle & satanique, pour corrom-
 pre le monde. Or en parlant maintenant de la Musique,

ie compren deux parties, assauoir la lettre, ou subiect & matiere:secondemēt, le chant, ou la melodie. Il est vray que toute parole mauuaise (comme dit saint Paul) peruertit les bonnes mœurs:mais quand la melodie est auec, cela transperce beaucoup plus fort le cœur, & entre au dedans: tellement que comme par vn entonnoir le vin est ietté dedans le vaisseau: aussi le venin & la corruption est distillée iusques au profond du cœur par la melodie. Qu'est-il donc question de faire? C'est d'auoir chansons non seulement honnestes, mais aussi saintes, lesquelles nous soyent comme aiguillons pour nous inciter à prier & louer Dieu, à mediter ses œuvres, afin de l'aimer, craindre, honorer & glorifier. Or ce que dit saint Augustin est vray, que nul ne peut chanter choses dignes de Dieu, sinon qu'il l'ait receu d'icelui. Parquoy quand nous aurōs bien circui par tout pour chercher çà & là, nous ne trouuerons meilleures chansons ne plus propres pour ce faire, que les Pseaumes de Dauid: lesquels le saint Esprit lui a dictez & faits. Et pourtant, quand nous les chantons nous sommes certains que Dieu nous met en la bouche les paroles, comme si lui-mesme chantoit en nous, pour exalter sa gloire. Parquoy Chrysostome exhorte tant hommes que femmes & petits enfans, de s'accoustumer à les chanter, afin que cela soit cōme vne meditation pour s'associer à la compagnie des Anges. Au reste, il nous faut souuenir de ce que dit saint Paul. Que les chansons spirituelles ne se peuuent bien chanter que de cœur. Or le cœur requiert l'intelligence. Et en cela (dit saint Augustin) gist la difference entre le chant des hommes, & celui des oiseaux. Car vne linote, vn rossignol, vn papegay chanteront bien, mais ce sera

fans entendre. Or le propre don de l'homme est de chanter en sachant ce qu'il dit. Apres l'intelligence, doit suivre le cœur & l'affection : ce qui ne peut estre, que nous n'ayons le Cantique imprimé en nostre memoire, pour jamais ne cesser de chanter. Pour ces raisons ce present liure, mesme à ceste cause, outre le reste qui a esté dit, doit estre en singuliere recommandation à chacun qui desire se resjouir honnestement, & selon Dieu, voire à son salut, & au profit deses prochains : & ainsi n'a point de mestier d'estre beaucoup recommandé de par moy, veu qu'en soy-mesme il porte son prix & son los. Seulement que le monde soit si bien aduisé, qu'au lieu de chansons en partie vaines & friuoles, en partie sottes & lourdes, en partie sales & vilaines, & par conséquent mauuaises & nuisibles, dont il a vŕé par ci deuant, il s'accoustume ci apres à chanter ces diuins & celestes Cantiques avec le bon Roy Dauid. Touchant la melodie, il a semblé le meilleur, qu'elle fust moderee en la sorte que nous l'auons mise, pour emporter poids & maiesté conuenable au subiect, & mesme pour estre propre à chanter en l'Eglise selon qu'il a esté dit. De Geneue. ce 10. de Iuin, 1543.



THEODORE DE BEZE

A L'EGLISE DE NO-

stre Seigneur.



Etit Troupeau, qui en ta petiteſſe
Vas ſurmontant du monde la hauteſſe:

Petit Troupeau, le meſpris de ce monde,

Et ſeul treſor de la machine ronde,

Tu es celui auquel giſt mon courage,

Pour te donner ce mien petit ouurage:

Petit ie di, en ce qui eſt du mien:

Mais au ſurplus ſi grand qu'il n'y a rien

Aſſez exquis en tout ceſt vniuers

Pour egaler au moindre de ſes vers.

Voila pourquoy choſe tant excellente

A toy ſur tout excellent ie preſente:

Et ſuis trompé ſi te la de dier,

N'eſt à ſon poinct la choſe approprier.

Arriere Rois & Princes reueſtus

D'or & d'argent, & non pas de vertus:

Rois qui ſeruez d'argument aux flatteurs,

Qui rempliſſez les papiers des menteurs:

Ce n'eſt à vous que ſ'adreſſe ceci:

Non pas qu'à vous parlé ne ſoit ici:

Mais vous n'auex aureilles pour entendre,

Encore moins le cœur pour y apprendre.

Mais c'eſt à vous & vrais Rois & vrais Princes,

Dignes d'auoir royaumes & prouinces,

Qui defendez ſous l'ombre de vos ailes

La vie, helas, de maints poures fideles:

C'eſt (di-ie) à vous, auxquels parle & ſ'adreſſe

Du grand Dauid la harpe chanteresse:
 Puis qu'entre tous Dieu vous fait l'auantage
 De bien sauoir entendre son langage.

Or donques, Rois, oyez parler vn Roy
 Et vous bergers, oyez non pas de moy,
 Mais d'vn berger la musette sonner,
 Que Dieu voulut lui mesmes entonner.

Oyez, Brebis, la musique Diuine,
 Qui fait donner plaisir & medecine.
 Gémissez-vous? Vous serez consolees:
 Auez-vous faim? Vous en serez soulees:
 Endurez-vous? On vous soulagera:

Auez-vous peur? On vous assurera.

Bref, il n'y a perte ne desplaisir,
 Qu'elle ne tourne en profit & plaisir.

Làs, qu'est-ce cî? Qu'ad vous to^o ie rassemble,
 Rois & Seigneurs, Bergers, Brebis ensemble,
 Il m'est auis que mon conte ne trouue.

I'en voy les vns aux pattes de la louue:

I'en voy les vns qui ont les cœurs faillis,

Autres, aussi en leurs parcs assaillis:

Je voy vn masque avec sa maigre mine,

Qui fait trembler les lieux où il chemine:

Je voy le loup qui trois couronnes porte,

Enuironné de bestes de sa sorte:

Je voy des loups de sguisez en brebis:

D'autres i'en voy qui tournent leurs habits:

Je voy les feux brulans en lieux diuers:

Je voy passer de la mer au trauers

Vne grand troupe, & vn Roy sur le port,

Qui tend la main pour les tirer à bord.

Que Dieu te donne, ô Roy, qui en enfance
 As surmonté des plus grans l'esperance,
 Croissans tes ans, si bien croisstre en ses graces,
 Qui apres tous Rois toymesme tu surpasses.

Or cependant, parmi ces grans orages,
 Troupeaux espars vnies en nos courages,
 Faisons deuoir de chanter les bontez
 De ce grand Dieu, qui nous a tous contez:
 Et ne pourra endurer nullement
 Que nous perdions vn cheueu seulement.

Vous, enferrez, qui en prisons obscures
 Pour Verité portez peines tant dures,
 Et qui souffrez pour tant iuste querelle
 La mort, helas, extremement cruelle,
 Vous tairez-vous en ces afflictions?
 Flechirez-vous parmi ces passions?
 Vos corps sont pris, mais l'esprit est deliure:
 Le corps se meurt, l'esprit commence à viure.
 Sus donc, amis, chantez-moy ces complaintes,
 Faites ouir ces prieres tant saintes,
 Fendant le feu d'une voix de louanges,
 Qui soit tesmoin deuant Dieu & ses Anges,
 De vostre sainte & vertueuse estude,
 Contre le monde & son ingratitude.
 Que si la langue on contraint de se taire,
 Face le cœur ce qu'elle ne peut faire:
 Dont s'ensuiura vn tel allegement,
 Qu'en pleine mort auez contentement.
 S'il faut seruir au Seigneur de tesmoins,
 Mourons, mourons, louans Dieu pour le moins
 Au departir de ces lieux miserables,

Pour trauerser aux cieux tant desirables,
 Que les tyrans soyent de nous martyrer
 Plustost, lassez, que nous de l'endurer.

Or donc, afin que pas vn n'eust excuse
 De louer Dieu, Marot avec sa Muse
 Chanta iadis iusqu'au tiers des Cantiques
 Du grand Dauid, qui en sons Hebraïques
 Sa harpe fit parler premierement,
 Et puis choisit la plume de Clement:
 A celle fin que du peuple François
 Dieu fust loué & de cœur & de voix.
 Làs! tu es mort sans auoir auancé
 Que le seul tiers de l'œuvre commencé,
 Et, qui pis est, n'ayant laissé au monde,
 Docte Poete, homme qui te seconde.
 Voila pourquoy, quand la mort te raut,
 Aueques toy se teut aussi Dauid:
 Craignans quasi tous les meilleurs esprits
 Mettre la main à ton œuvre entrepris.
 Qui te fait donc (dira quelcun) si braue,
 Que d'entreprendre vn ouurage si graue?
 Escoute, ami, ie say bien, Dieu merci,
 Que i'entrepren, & qui ie suis aussi:
 Ie say tresbien que ma condition
 Suit de bien loin ma bonne affection:
 Mais toute fois vn bon cœur trop mieux vaut,
 Lors mesmement que le pouuoir defaut,
 Qu'un grand pouuoir, & volonté trop lasche.
 Que si quelcun en me lisant se fasche,
 Tant s'en faut-il qu'il me puisse desplaire,
 Que ie voudroy' plustost, tout au contraire,

Quiconque

Quiconque il soit, tant lui estre ennuyeux,
Qu'il lui en prinſt deſir de faire mieux.

Sus donc, eſprits de celeſte origine,
Monſtrez ici voſtre fureur Diuine,
Et ceſte grace autant peu imitable
Au peuple bas, qu'aux plus grans admirable.

Soyent deſormais vos plumes adonnees

Alouer Dieu, qui les vous a donnees.

C'eſt trop ſerui à ſes affection,

C'eſt trop ſuiui folles inuention.

On a beau faire & complaintes & cris,

Dames mourront, & vous & vos eſcrits.

Flatez, mentez, faites du diable vn Ange:

Vos dieux mourront, vous & voſtre louange.

Reueillez-vous, amis, de voſtre ſonge,

Et m'embrassez Verité pour menſonge.

Ne permettez, gentilles creatures,

Vos beaux eſprits croupir en ces ordures.

Cercher vous faut ailleurs qu'en ce bas môde.

Dignes ſubieſts de voſtre grand faconde.

Mais pour ce faire, il faut premierement

Que reformiez vos cœurs entierement.

Vos plumes lors d'un bon eſprit pouſſees,

Deſcouuriront vos Diuines penſees.

Lors ſerez-vous Poetes veritables,

Prifez des bons, aux meſchans redoutables.

Simon, chantez vos ſeintes poeſies,

Dames, amours, complaintes, ialouſies:

Quant eſt de moy, tout petit que ie ſuis,

le vueil louer mon Dieu comme ie puis.

Teſmoin ſera mainte froide montagne.


De ce mien zele, & parmi la campagne,
 Lac Geneuois, tes riuës escumeuses
 Bruiront de Dieu les louanges fameuses:
 Et du Treshaut le Nom parmi les nues,
 Retentira dans les Alpes cornues.
 En moy, Seigneur, ce bon vouloir as mis,
 L'effet aussi m'en soit donques permis,
 Que de cest œuvre achené ie te loue,
 Qu'en ton honneur à ton Troupeau ie voue.




P S E A V M E I.

C L E M. M A.


Ce Pseume chante que ceux sont bien-heureux, qui reietans les mœurs & le conseil des mauuais, s'adonnent à cognoistre & mettre à effect la Loy de Dieu: & mal-heureux ceux qui sont au contraire.




Vi au conseil des malins




n'a esté, Qui n'est au trac des




pecheurs arresté, Qui des moqueurs au banc pla-



ce n'a prise, Mais nuit & iour la Loy contemple &



prise De l'Eternel, & en est desireux, Certainement



cestui-la est heureux,

Et semblera vn arbre grand & beau,
Planté au long d'un clair courant ruisseau,
Et qui son fruit en sa saison apporte:

Duquel aussi la fille ne chet morte:
Si qu'un tel homme, & tout ce qu'il fera

Toufiours heureux & prospere sera.

Mais les peruers n'auront telles vertus:
Ainçois seront semblables aux festus,
Et à la poudre au gré du vent chassée.

Parquoy sera leur cause renuersee
En iugement, & tous ces reprouuez
Au reng des bons ne seront point trouuez.


Car l'Eternel les iustes cognoist bien,
Et est soigneux & d'eux & de leur bien:
Pourtant auront felicité qui dure:

Et pour autant qu'il n'a ne soin ne cure
Des mal-viuans, le chemin qu'ils tiendront,
Eux, & leurs faicts en ruine viendront.


PSEALME II. CL. M. A.

Ici voit-on comment David & son royaume sont vraye figure & indubitable prophétie de Iesus Christ & de son regne.


P Our quoy font bruit & s'assemblēt les gens Quel-
le folie à murmurer les meine? Pourquoi font
tant les peuples diligens A mettre sus vne entre-
prise vaine? Bandez se font les grans rois de la terre,
Et les



Et les Primats ont bien tant presumé, De conspi-



rer & vouloir faire guerre Tous contre Dieu &



son Roy bien-aimé:

Difans entr'eux, Desrompons & brisons

Tous les liens, dont lier nous pretendent:

Au loin de nous iettons & mesprisons

Le ioug, lequel mettre sur nous s'attendent.

Mais cestui-la qui les hauts cieux habite

Ne s'en fera que rire de là haut:

Le Toutpuissant de leur façon despite

Se moquera, Car d'eux il ne lui chaut.

Lors s'il lui plaist, parler à eux viendra

En son courroux, plus qu'autre espouuantable:

Et tous ensemble estonnés les rendra

En sa fureur terrible & redoutable.

Rois, dira-il, d'où vient ceste entreprise?

De mon vray Roy j'ay fait election,

Je l'ay sacré, sa couronne il a prise.

Sur mon tressaint & haut mont de Sion:

Et ie qui suis le Roy qui lui ay pleu,

Raconteray sa sentence donnee:

C'est qu'il m'a dit, Tu es mon Fils eleu,

Engendré l'ay ceste heureuse iournee.

Demande-moy, & pour ton heritage
 Suiets à toy tous peuples ie rendray,
 Et ton empire aura cest auantage,
 Que iusqu'aux bords du monde l'estendray.

Verge de fer en ta main porteras
 Pour les donter, & les tenir en ferre:
 Et s'il te plaist, menu les briseras
 Aussi aisé comme vn vaisseau de terre.

Maintenant donc, ô vous & Rois & Princes,
 Plus entendus & sages deuenez:
 Iuges aussi de terres & prouinces,
 Instruction à ceste heure prenez.


Du Seigneur Dieu seruiteurs rendez-vous,
 Craignez son ire & lui vueillez complaire,
 Et d'estre à lui vous resiouissiez tous,
 Ayans tousiours crainte de lui desplaire.

Faites hommage au Fils qu'il vous enuoye,
 Que courroucé ne soit amèrement:
 Afin aussi que de vie & de voye
 Ne perissiez trop mal-heureusement.


Car tout acoup son courroux rigoureux
 S'embrasera, qu'on ne s'en donra gardé.
 O combien lors ceux-la seront heureux,
 Qui se seront mis en sa sauuegardé.

PSEAVME III


David assailli d'une grosse armee, s'estonné du commencement: puis prend vne si grande fiance en Dieu, qu'après l'auoir imploré, il s'assure de la victoire.




Seigneur, que de gens A nuire diligens,




Qui me troublét & greuét! Mō Dieu que d'ennemis




Qui aux chāps se sont mis Et cōtre moy s'esleuēt! Cer-



tes plusieurs i'en voy, Qui vont disāns de moy, Sa



force est abolie, Pl⁹ ne trouue en son Dieu Secours en



aucun lieu: Mais c'est à eux fo li e.

Car tu es mon tresseur
Bouclier & defenseur,
Et ma gloire esprouuee:
C'est toy, à bref parler,
Qui fais que puis aller
Haut la teste leuee.

I'ay crié de ma voix
Au Seigneur maintes-fois,
Lui faisant ma complainte:
Et ne m'a repoussé,
Mais tousiours exaucé
De sa montagne sainte.

Dont coucher m'en iray,

En seurté dormiray,
 Sans crainte de mesgarde:
 Puis me reueilleray,
 Et sans peur veilleray,
 Ayant Dieu pour ma garde.


Cent mille hommes de front
 Craindre ne me feront,
 Encor' qu'ils l'entreprinsissent:
 Et que pour m'estonner,
 Clorre & enuironner
 De tous costez me vinssent.


Viendonc, declare-toy
 Pour moy, mon Dieu, mon Roy,
 Qui de buffes renuerfes
 Mes ennemis mordens:
 Et qui leur romps les dents
 En leurs gueules peruerfes.

C'est de toy, Dieu tres-haut,
 De qui attendre faut
 Vray secours & defense:
 Car sur ton peuple estens
 Toufiours en lieu & temps,
 Ta grand' beneficence.


PSEAVME IIII. CL. M. A.

En la conspiratio d'Absalom il inuoque Dieu: reprend les princes d'Israel conspirans
 contre lui: les appelle à repentance, & conclud qu'il se trouue bien de se fier en Dieu.


 Vand ie t'inuoke, he las escoute, O Dieu de
 ma




ma cause & raison. Mō cœur ferré au large bou te:




De ta pitié ne me re bou te, Mais exauce mon o-




raison. Iusques à quād gens inhumaines, Ma gloire a-



ba tre tascherez? Iusques à quād emprises vaines, Sans



fruit, & d'abusion pleines, Aimez-vous &



cercherez?

Sachez, puis qu'il le conuient dire,

Que Dieu pour son Roy gracieux

Entre tous m'a voulu elire:

Et si à lui crie & souspire,

Il m'entendra de ses hauts cieux.

Tremblez donques de telle chose,

Sans plus contre son vueil pecher:

Pensez en vous ce que propose

Dessus vos liets en chambre close,

Et cessez de plus me fascher.

Puis offrez iuste sacrifice,
De cœur contrit, bien humblement,
Pour repentance d'un tel vice,
Mettans au Seigneur Dieu propice
Vos fiances entierement.

Plusieurs gens disent, Qui sera-ce
Qui nous fera voir force biens?
O Seigneur, par ta sainte grace,
Vueille la clarté de ta face
Esleuer sur moy & les miens.


Car plus de ioye m'est donnée
Par ce moyen, ô Dieu treshaut,
Que n'ont ceux qui ont grand' annee
De froment & bonne vinee,
D'huiles, & tout ce qu'il leur faut:

Si qu'en paix & en seurté bonne
Coucheray & reposeray.
Car, Seigneur, ta bonté l'ordonne,
Et elle seule espoir me donne
Que seur & seul regnant seray.

P S E A V. P. CL. M. A.

Dauid en exil, ayant beaucoup souffert, & s'attendant souffrir d'avantage par les flatteurs qui estoient autour de Saul, dresse sa priere à Dieu : puis se console quand il pense que le Seigneur a toujours les mauvais en haine, & qu'il fauorise les bons.

A Vx paroles que ie vueil dire, Plaise-toy
l'aureille prester, Et à cognoistre t'arrester Pour
quoy



quoy mō cœur pèse & souspire, Souuerain Sire.

Enten à la voix trefardente
De ma clameur, mon Dieu, mon Roy,
Veu que tant seulement à toy
Ma supplication presente
l'offre & presente.

Matin deuant que iour il face,
S'il te plaist, tu m'exauceras:
Car bien matin prié seras
De moy, leuant au ciel la face,
Attendant grace.

Tu es le vray Dieu, qui meschance
N'aimes point ne malignité:
Et avec qui en verité,
Malfaiçteurs n'auront accointance,
Ne demeurance.

Iamais le fol & temeraire
N'ose apparoir deuant tes yeux:
Car tousiours te sont odieux
Ceux qui prennent plaisir à faire
Mauuais affaire

Ta fureur perd & exterminé
Finalement tous les menteurs:
Quant aux meurtriers & decepteurs,
Celui qui terre & ciel domine
Les abomine.

Mais moy en la grand' bonté mainte,
 Laquelle m'as fait fauourer,
 Iray encores t'adorer
 En ton Temple, en ta maison sainte,
 Dessous ta crainte.

Mon Dieu, guide-moy, & conuoye
 Par ta bonté, que ne soy' mis
 Sous la main de mes ennemis:
 Er dresse deuant moy ta voye,
 Que ne fouruoye.

Leur bouche rien de vray n'ameine,
 Leur cœur est feint, faux & couuert:
 Leur gosier vn sepulchre ouuert:
 De flaterie fausse & vaine
 Leur langue est pleine.

O Dieu, monstre-leur qu'ils mesprenent:
 Ce qu'ils pensent faire, defaits:
 Chasse-les pour leurs grans meffaits:
 Car c'est contre toy qu'ils se prennent,
 Tant entreprenent.

Et que tous ceux se resiouissent
 Qui en toy ont espoir & foy:
 Ioye auront sans fin dessous toy,
 Auec ceux qui ton Nom cherissent,
 Et te benissent.

Car de bien faire tu'es large
 A l'homme iuste, ô vray Sauueur,
 Et le couures de ta faueur,

Tout ainsi comme d'une targe
Espeſſe & large.

PSEAVME VI. CL. MA.

David affligé de la main de Dieu, recognoist auoir par sa coulpe prouoqué l'ire d'ice
lui: & afin d'estre soulagé, demande pardon de ses pechez: se complaint qu'il ne le pourra
pas louer, s'il ne le retire du danger de mort: puis s'estât fortifié, magnifie la grace de
Dieu, & tourne son propos vers ses ennemis, qui se resioissoient de ses maux.

N E vueille pas, ô Si re, Me repren-
dre en ton ire, Moy qui t'ay irri té, N'en ta fu-
reur terrible Me punir de l'horrible Tormét qu'ay
merité:

Ains, Seigneur, vien estendre
Sur moy ta pitié tendre,
Car malade me sens.

Santé donques me donne:
Car mon grand mal estonne
Tous mes os & mes sens:

Et mon esprit se trouble
Grandement, & au double
En extreme fouci.

O Seigneur plein de grace,
Iusques à quand sera-ce
Que me lairras ainsi?

Helas, Sire, retourne,
D'entour de moy destourne
Ce merueilleux esmoy.

Certes grande est ma faute,
Mais, par ta bonté haute,
Je te pri' sauue-moy.

Car en la mort cruelle
Il n'est de toy nouuelle,
Memoire ne renom.

Qui penfes-tu qui die
Qui louë & psalmodie
En la fosse ton Nom

^{**} ^{**}
Toute nuiët tant trauaille,
Que liët, chalit & paille
En pleurs ie fay noyer:

Et en eau goute à goute
S'en va ma couche toute,
Par si fort larmoyer.

Mon œil pleurant sans cesse,
De despit & destresse
En vn grand trouble est mis:

Il est enuieilli d'ire,
De voir entour moy rire
Mes plus grans ennemis.

Sus, sus, arriere iniques,
Deslogez tyranniques
De moy tous à la fois.

Car le Dieu debonnaire,
De ma plainte ordinaire
A bien ouy la voix.

Le Seigneur en arriere
N'a point mis ma priere,
Exaucé m'a des cieux:

Receu a ma demande,
Et ce que lui demande
Accordé m'a, & mieux.


Donques honteux deuient,
Et pour vaincus se tienent
Mes aduersaires tous:

Que chacun d'eux s'esloigne
Subit en grand' vergongne,
Puis que Dieu m'est si doux.


PSEAVME VII. CL. MA.

Il prie d'estre preferué de la grande persecution de Saul; met en auant son innocen-
ce: requiert le royaume à lui promis, & confusion à ses aduersaires. Finalement il chan-
te qu'ils periront de leurs propres glaiues: & en loue Dieu.

M On Dieu, j'ay en toy esperance, Don-
ne-moy donc sauue assurance De tant d'en-
nemis inhumains, Et fay que ne tombe en leurs
mans: Afin que leur chef ne me grippe, Et ne me



de frompe & dissipe, Ainsi qu'un lion deuorant,



Sans que nul me soit secourant.

Mon Dieu, sur qui ie me repose,
Si j'ay commis ce qu'il propose,
Si de lui faire ay proietté
De ma main tour de lascheté:

Si mal pour mal j'ay voulu faire
A cest ingrat, mais au contraire,
Si fait ne lui ay tour d'amî,
Quoy qu'à tort me soit ennemi:

Je vueil qu'il me poursuiue en guerre,
Qu'il m'ataigne & porte par terre,
Soit de ma vie ruineur,
Et mette à neant mon honneur.

Leue-toy donc, leue-toy Sire,
Sur mes ennemis en ton ire:
Veille pour moy, que ie soye mis
Au droict, lequel tu m'as promis.

A grans troupeaux le peuple viene
Autour de la Maïesté tiene:
Sois pour la cause de nous deux
Haut esleué au milieu d'eux.

Là des peuples Dieu sera iuge:
Et alors, mon Dieu mon refuge,
Iuge-moy en mon equité,

Et selon mon integrité,

La malice aux malins consume,
Et soustien le droit & iuste homme,
Toy iuste Dieu, qui iusqu'aux fons
Sondes les cœurs mauuais & bons.

C'est Dieu qui est mon assurance,
Et mon pauois: i'ay esperance
En lui, qui garde & fait vainqueur
Vn chacun qui est droit de cœur.

Dieu est le iuge veritable
De celui qui est equitable,
Et de celui semblablement
Qui l'irrite iournellement.

Si l'homme qui tasche à me nuire
Ne se veut changer & reduire,
Dieu viendra son glaiue aiguïser,
Et bander son arc pour viser.

Desia le grand Dieu des alarmes
Lui prepare mortelles armes:
Il fait dards propres & seruans
A poursuiure mes poursuiuans.

Et l'autre engendre chose vaine,
Ne conçoit que trauail & peine,
Pour enfanter, quoy qu'il en soit,
Le rebours de ce qu'il pensoit.


A cauer vne grande fosse
Il met sollicitude grosse:
Mais en la fosse qu'il fera,
Lui-mesme il trebuschera.


Le mal qu'il me forge & appreste
Retournera dessus sa teste:
Bref, ie voy le mal qu'il commet
Lui descendre sur le sommet.


Dont louange au Seigneur ie donne
Pour sa iustice droite & bonne:
Et tant que terre hanteray
Le Nom du Tres-haut chanteray.

PSEAVME VIII. CL. MA.

Avec grande admiration David celebre ici la merueilleuse puissance du Createur de toutes choses, & la grande bonté dont il a daigné user enuers l'homme, l'ayant fait tel qu'il est.


O Nostre Dieu, & Seigneur amiable, Cōbien ton


Nom est grād & admirable Par tout ce val terrestre


spacieux, Qui ta puissance esleue sur les cieux!

En tout se voit ta grand' vertu parfaite
Iusqu'à la bouche aux enfans qu'on allaitte:
Et rens par là confus & abatu
Tout ennemi qui nie ta vertu:

Mais quand ie voy & contemple en courage
Tes cieux, qui sont de tes doigts haut ouurage:
Estoilles, Lune, & signes differens,
Que tu as faits & assis en leurs rengs:

Adonc ie di à part-moy, ainsi comme

Tout

Tout esbahi, Et qu'est-ce que de l'homme,
D'auoir daigné de lui te souuenir,
Et de vouloir en ton soin le tenir?

Tu l'as fait tel que plus il ne lui reste
Fors estre Dieu. Car tu l'as (quant au reste)
Abondamment de gloire enuironné,
Rempli de biens, & d'honneur couronné.

Regner le fais sur les œuvres tant belles
De tes deux mains, comme seigneur d'icelles.
Tu as de vray, sans quelque exception,
Mis sous les piez tout en suiection,

Brebis & bœufs, & leurs peaux & leurs laines,
Tous les troupeaux des hauts monts & des plaines:
En general toutes bestes cerchans
A pasturer & par bois & par champs:


Oiseaux de l'air, qui volent & qui chantent,
Poissons de mer, ceux qui nagent & hantent
Par les sentiers de mer, grans & petis,
Tu les as tous à l'homme assuietis.

O nostre Dieu, & Seigneur amiable,
Comme à bon droit est grand & admirable
L'excellent bruit de ton Nom precieux,
Par tout ce val terrestre spacieux!

P S E A V M E. I X. C L. M. A.

C'est vn chant triomphal, par lequel David rend graces à Dieu de certaine bataille
qu'il gagna, en laquelle mourut son principal ennemi: aucuns estimer que ce fut Goliath:
apres il magnifie la iustice de Dieu, qui venge les siens en temps & lieu.

D



E tout mō cœur t'exalteray, Seigneur, & si ra-

b.i.



conteray Toutes tes œuvres nompareilles, Qui sont



dignes de grand's merueilles.

En toy ie me vueil resiouir,
D'autre foulds ne vueil iouir:
O Tres-haut, ie vueil en cantique
Celebrer ton Nom authentique,

Pource que par ta grand' vertu
Mon ennemi s'enfuit batu,
Desconfit de corps & courage,
Au seul regard de ton visage.

Car tu m'as esté si humain,
Que tu as prins ma cause en main,
Et t'es assis pour mon refuge
En chaire, comme iuste Iuge.

Tu as deffait mes ennemis,
Le meschant en ruine mis:
Pour tout iamais leur renommee
Tu as esteinte & consumee.

Or ça, ennemi caut & fin,
As-tu mis ton emprise à fin?
As-tu rasé nos cités belles?
Leur nom est-il mort avec elles?

Non, non: le Dieu qui est là-haut

En regne qui iamais ne faut,
 Son throne a dressé tout propice
 Pour faire raison & iustice.

Là iugera-il iustement
 La terre ronde entierement,
 Pesant les causes en droiture
 De toute humaine creature.

Et Dieu la retraite sera
 Du poure qu'on pourchassera:
 Voire sa retraite & adresse
 Au plus dur temps de sa destresse.

Dont ceux qui ton Nom cognoistront
 Leur assurance en toy mettront
 Car, Seigneur, qui à toy s'adonne,
 Ta bonté point ne l'abandonne.

P A V S E.

Chantez en exultation
 Au Dieu qui habite en Sion:
 Preschez à gens de toutes guises
 Ses œuvres grandes & exquis:

Car du sang du iuste il s'enquiert,
 Lui en fouvient, & le requiert:
 Et iamais la clameur n'oublie
 De l'affligé qui le supplie.

Seigneur Dieu (ce disoy'-ie en moy,)
 Voy par pitié que j'ay d'esmoy
 Par mes ennemis remplis d'ire,
 Et du pas de mort me retire:

Afin qu'au milieu de l'enclos

De Sion l'anonce ton los,
 En demenant resiouissance
 D'estre recoux par ta puissance.

Incontinent les mal heureux
 Sont cheus au piege fait par eux:
 Leur pié mesme s'est venu prendre
 Au filé qu'ils ont osé tendre.

^{***} Ainsi est cognu l'Immortel,
 D'auoir fait vn iugement tel,
 Que l'inique a senti l'outrage,
 Et le mal de son propre ourage.

Croyez que tousiours les meschans
 S'en iront à bas trebuschans,
 Et toutes ces gens insensees,
 Qui n'ont point Dieu en leurs pensees.

Mais l'homme poure humilié
 Nè sera iamais oublié:
 Iamais de l'humble estant en peine
 L'esperance ne fera vaine.

Vien, Seigneur, monstre ton effort,
 Que l'homme ne soit le plus fort:
 Ton pouuoir les gens venir face
 En iugement deuant ta face.

Seigneur Dieu, qui immortel es,
 Tressaillir de crainte fai-les:
 Donne-leur à cognoistre comme
 Pas vn d'entr'eux n'est rien fors qu'homme.

dol & par force oppressent les bons & les plus foibles : & y sont descrits l'orgueil & les moyens dont enuers eux vsent les mal viuans.

D'Où vient cela, Seigneur, ie te suppli', Que loï de
 nous te tiens les yeux couuers? Te cachès-tu pour
 nous mettre en oubli, Mesmes au temps qui est dur
 & diuers? Par leur orgueil sont ardens les peruers A
 tormenter l'humble qui peu se prise : Fay que sur eux
 tombe leur entreprise.

Car le malin se vante & se fait feur
 Qu'en ses desirs n'aura aucun defaut:
 Ne prisant rien que l'auare amasseur,
 Et mesprisant l'Eternel de là-haut.

Tant il est fier que de Dieu ne lui chaut:
 Mais tout cela qu'il pense en sa memoire,
 C'est, Dieu n'est point, & si ne le veut croire.

Tout ce qu'il fait tend à mal sans cesser:

De sa pensee est loin ton iugement:
Tant est enflé qu'il cuide renuerfer
Ses ennemis à souffler seulement.

En son cœur dit, D'esbranler nullement
Garde ie n'ay: car ie say qu'en nul aage
Ne peut tomber sur moy aucun dommage.

D'un parler feint, plein de deception,
Le faux periure est tousiours embouché:
Dessous sa langue avec oppression,
Desir de nuire est tousiours embusché:

Semble au brigand, qui sur les champs caché,
L'innocent tue en caverne secrette,
Et de qui l'œil pources passans aguette.

Aussi l'inique v^{**}se du tour secret
Du lion caut en sa taniere, hélas!
Pour attraper l'homme simple & pouret,
Et l'engloutir, quand l'a prins en ses laqs.

Il fait le doux, le marmiteux, le las:
Mais sous cela par sa force peruerse,
Grand' quantité de pources gens renuerse:

Et dit encor' en son cœur vicieux,
Que Dieu ne veut la souuenance auoir
De tout cela, & qu'il couure ses yeux,
A celle fin de iamais n'en rien voir.

Leue-toy donc, Seigneur, pour y pouruoir:
Haussé ta main dessus, ie te supplie,
Et ceux qui sont persecutés n'oublie.

Pourquoy irrite & contemne en ses faicts
L'homme melchant, le Dieu doux & humain?

En son

En son cœur dit qu'enqueste tu n'en fais:
Mais tu vois bien son meffait inhumain:

Et voyant tout, prens les causes en main.
Voila pourqnoy s'appuye le debile
Sur toy, qui es le support du pupile.


Brise la force, & le bras plein d'exces
Du malfaiçteur inique & reprouué:
Fay de ses maux l'enqueste & le proces,
Plus n'en fera par toy vn seul trouué.

Lors à iamais, Roy de tous approuué
Regnera Dieu, quand en sa terre sainte
De ces meschans sera la race esteinte.


O Seigneur donc, s'il te plaist, tu orras
Ton poure peuple en ceste aspre saison:
Et bon courage & espoir lui donras,
Prestant l'aureille à son humble oraison,
Qui est de faire aux plus petis raison,
Droict aux foulez, si que l'homme de terre
Ne viene plus leur faire peur ne guerre.

PSEALME XI. CL. MA.


Il se complaint de ceux qui le chassoyent de toute la terre d'Israel, puis chante sa confiance en Dieu, & le iugement d'icelui sur les bons & sur les mauuais.




Le m'esbahi comment de vostre mont Plu stost qu'oi-




seau dites que ie m'enfuye. Vray est que l'arc les malins



ten du m'ont, Et sur la corde ont assis leurs faget-



tes Pour contre ceux qui de cœur iustes sont Les



decocher iusques en leurs cachettes.

Mais on verra bien tost à neant mise
L'intention de tels malicieux.

Car quelle faute a le iuste commise?

Sachez que Dieu a son palais aux cieux,
Dessus son throne est l'Eternel Monarque:
Là haut assis, il voit tout de ses yeux,
Et son regard les humains note & marque.

Tout il esprouue, & le iuste il approuue:
Mais son cœur hait qui aime extorsion,
Et l'homme en qui violence se trouue.

Pleuvoir fera feu de punition
Sur les malins, souffre chaut, flamme ardente,
Vent foudroyant. Voila la portion
De leur bruillage, & leur paye euidente.

Car il est iuste, & pource aime iustice,

Tournant

Tournant tousiours par douce affection
Vers l'homme droit son œil doux & propice.

PSEAVME XII. CL. M. A.

Il parle contre les flatteurs de la cour de Saul, qui par flateries, dissimulations, & arrogances, estoient molestes à chacun: & prie Dieu y donner ordre.

Donne secours, Seigneur, il en est heure: Car
d'hômes droits sommes tous desnusés: Entre les fils des
hommes ne demeure Vn qui ait foy, tât sont diminués.

Certes chacun vanité, menteries
A son prochain dit ordinairement:
Aux leures n'a l'homme que flateries:
Quand il dit l'un, son cœur pense autrement.

Dieu vueille donc ces leures blandissantes
Tout à trauers pour iamais inciser:
Pareillement ces langues arrogantes,
Qui brauement ne font que deuifer:

Qui mesmement entr'eux ce propos tiennent,
Nous ferons grans par nos langues sur tous:
A nous de droict nos leures appartiennent:
Flatons, mentons, qui est maistre sur nous?

Pour l'affligé, pour les petis qui crient,
(Dit le Seigneur) ores me leueray:

Loin les mettray des langues qui varient,
Et de leurs laqs chacun d'eux sauueray.




Certes de Dieu la Parole se treuue
Parole nette, & trespure est sa voix:
Ce n'est qu'argent affiné à l'espreuue,
Argent au feu espuré par sept fois.

Or donc, Seigneur, que ton peuple & tes hommes
Soyent maintenus par ta grauité:
Et de ces gens, dont tant molestés sommes,
Deliure-nous à perpetuité.

Car les malins à grand's troupes cheminent
Deçà, delà, tout est plein d'inhumains,
Lors que d'iceux les plus meschans dominent,
Et qu'esleués sont entre les humains.

PSEAVME XIII. CL. MA.

Après plusieurs batailles perdues, il se complaint de ce que Dieu tarde tant à le secourir: puis le prie lui donner la ioye de victoire obtenue.



Iusques

Iusques à quand sera mon cœur
Veillant, conseillant, pratiquer,
Et plein de souci ordinaire?
Iusques à quand mon aduersaire
Sera-il dessus moy vainqueur?

Regarde-moy, mon Dieu puissant:
Respon à mon cœur gemissant,
Et mes yeux troublés illumine,
Que mortel dormir ne domine
Dessus moy quasi perissant.


Que celui qui guerre me fait,
Ne die point, le l'ay defait:
Et que tous ceux qui tant me troublent,
Le plaisir qu'ils ont ne redoublent,
Par me voir trebuscher de fait.

En toy gist tout l'esperoir de moy:
Par ton secours fay que l'esmy
De mon cœur, en plaisir se change:
Lors à Dieu chanteray louange,
Car de chanter i'auray dequoy.


PSEAVME XIIIIL. CL. MA.

Il dit que tout est plein d'infideles & ethniques, décrit leur entendement corrompu
souhaite & predit leur ruine, & la deliurance du peuple de Dieu, par eux deuoré.

LE fol mal en son cœur dit & croit Que Dieu n'est
point, & corrompt & renuerse Ses mœurs, sa vie, hor-



ribles faicts exerce: Pas vn tout seul ne fait rien bõ ne



droit, Ni ne voudroit.

Dieu du haut ciel a regardé ici
 Sur les humains, avecques diligence
 S'il en verroit quelqu'un d'intelligence,
 Qui d'invoquer la Divine merci
 Fust en souci:

Mais, tout bien veu, a trouué que chacun
 A fourvoyé, tenant chemins damnables:
 Ensemble tous sont faits abominables:
 Et n'est celui qui face bien aucun,
 Non iusqu'à vn,

N'ont-ils nuls sens, tous ces pernicious,
 Qui font tout mal, & iamaïs ne se changent,
 Qui comme pain mon poure peuple mangent,
 Et d'invoquer ne sont point soucieux
 Le Dieu des cieux?

Certainement tous esbahis seront,
 Que sur le champ ils trembleront de crainte:
 Car l'Eternel, par sa faueur tressainte
 Tiendra pour ceux, qui droits se trouueront,
 Et l'aimeront.

Hà, mal-heureux, vous-vous estudiez
 A vous moquer de l'intention bonne

Que l'Immortel au poure affligé donne,
 Pource qu'ils sont sur lui tous appuyez,
 Et en riez.

O qui & quand de Sion sortira
 Pour Israel secours en sa souffrance?
 Quand Dieu mettra son peuple à deliurance,
 De ioye adonc Israel iouira,
 Iacob rira.

PSEAVME XV. CL. MA.

Ce Pseume châte de quelles mœurs doiuent estre ornés les vrais citoyens des cieuz.

Qui est-ce qui conuertera, O Seigneur, en ton
 tabernacle? Et qui est celui qui sera Si heureux,
 que par grace aura Sur ton saint mont leur habitacle?

Ce sera celui droitement
 Qui va rondement en besongne,
 Qui ne fait rien que iustement,
 Et dont la bouche ouuertement
 Verité en son cœur tesmoigne:

Qui par sa langue point ne fait
 Rapport, qui los d'autrui efface:
 Qui à son prochain ne meffait:
 Qui aussi ne souffre de fait,
 Qu'opprobre à son voisin on face.

Ce sera l'homme contemnant
 Les vicieux, aussi qui prise
 Ceux qui craignent le Dieu regnant:
 Ce sera l'homme bien tenant
 (Fust-ce à son dam) la foy promise:


Qui à vsure n'entendra,
 Et qui si bien iustice exerce,
 Que le droict d'autrui ne vendra.
 Qui charier ainsi voudra,
 Craindre ne faut que iamais verfe.

PSEAVME XVI. TH. DE B E.

David demande secours à Dieu, allegant sa foy, & non point ses œuvres, lesquelles il confesse n'estre rien quant à Dieu. Puis proteste qu'il a en horreur toute idolatrie: & prend Dieu pour son tout, estant si asseuré de son oraison exaucée, qu'il en rend graces à Dieu: & s'asseure non seulement de le louer icy bas, mais aussi d'une plus grande felicité apres la mort, en vertu de la resurrection du Messias, laquelle il predit expressement, comme il est exposé au 2 & 13 chapitre des Actes. Pseume contenant vn vray patron de prieres pour les fideles languissans en ceste vie.

The musical notation is written on four staves, each beginning with a treble clef and a key signature of one sharp (F#). The notes are diamond-shaped, and the text is written below the staves. The first staff begins with a large 'S' for 'Soyez-moi'. The text continues across the four staves, ending with 'jusqu'à'.

Soyez-moy, Seigneur, ma garde & mon appui: Car
 en toy gist toute mon esperance. Sus donc aussi, ô
 mon ame, di lui, Seigneur, tu as sur moy toute puis-
 sance. Et toutesfois poit n'y a d'œuvre mienne Dont
 jusqu'à



iufqu'à toy quelque profit reuiene.

Mon vouloir est d'aider aux vertueux,
 Qui de bien viure ont acquis les louanges:
 Mais mal fur mal s'entassera fur ceux
 Qui vont courans apres ces dieux estranges.
 A leurs sanglans sacrifices ne touche,
 Voire leurs noms ie n'ay point en la bouche.

Le Seigneur est le fond qui m'entretient:
 Sur toy, mon Dieu, ma rente est asseuree.
 Certainement la part qui m'appartient
 En plus beau lieu n'eust peu m'estre liuree:
 Bref, le plus beau qui fust en l'heritage
 Est, de bon-heur, escheut en mon partage.

^{***}
 Loué soit Dieu, par qui si sagement
 Je suis instruit à prendre ceste adresse:
 Car (qui plus est) ie n'ay nul pensement
 Qui toute nuit ne m'enseigne & redresse.
 Sans cesse donc à mon Dieu ie regarde:
 Aussi est-il à ma dextre, & me garde.

Voila pourquoy mon cœur est si ioyeux,
 Ma langue en rit, & mon corps s'en asseure:
 Sachant pour vray que dans le tombeau creux
 Ne souffriras que ma vie demeure:
 Et ne voudrois aucunement permettre
 Que pourriture en ton Saint se vinst mettre.

Plustost, Seigneur, me mettras au sentier
 Qui me conduise à vie plus heureuse:

Car, à vray dire, on n'a plaisir entier
 Qu'en regardant ta face glorieuse:
 Et dans ta main est, & sera sans cesse,
 Le comble vray de ioye & de liesse.

PSEAVME XVII. TH. DE BE.

Dauid persecuté, prie Dieu, faisant comparaïson de la cruauté de ses ennemis avec son innocence. Toutesfois il recognoist que ceste affliction est conduite par la volonté de Dieu, qui se sert de telles gens pour l'exercer. Parquoy au lieu de se desconforter, il s'estime beaucoup plus heureux que ses ennemis, pour l'assurâce qu'il a de iouir quelque iour de la presence de son Dieu Pseaume propre pour ceux qui souffrent le mal pour le bien.

S Eigneur, en tē à mō bon droit, Entē, hélas! ce
 que ie crie: Veuilles ouir ce que ie prie Et de bou-
 che & de cœur tout droit. De toy, qui cognois toute
 chose, Je vueil iugement receuoir. Je te pri' toy-mes-
 me de voir Le droict de ce que ie propose.

Denuict mon cœur as esprouué,
 Tu l'as fondé, mis sur la touche,
 Iamais ne dementit ma bouche:
 Tu l'as tousiours ainsi trouué.

Quoy qu'on me face ou qu'on me die,
 J'ay a ton dire regardé,

Et d'ensuiure me suis gardé
Des pillars la meschante vie:

Plaise-toy d'asseurer mes pas
En tes sentiers, où ie chemine:
Fay tant que point ie ne decline,
Et que mon pié ne glisse pas.

Mon oraison soit entendue
Quand ie te prie en mon meschef:
Làs, ie te prie, derechef
Ton aurreille me soit tendue.

Ren admirable ta bonté,
O Dieu, qui es la soustenance
De ceux qui ont en toy fiance,
Contre ceux qui t'ont resisté.

Vueille sous l'ombre de ton aile
Me cacher bien & seurement,
Et tenir aussi cherement
Qu'on tient de son œil la prunelle:

Afin que ie puisse eschapper
De ceux qui tant de maux me donnent,
De mes haineux qui m'environnent,
Afin de ma vie attraper.

Ils sont si gras que plus n'en peuuent,
Fiers en propos, & orgueilleux:
Suiuent nos pas, visent des yeux,
Pour me ruiner, s'ils me treuuent.

Sur tout l'un d'entr'eux le plus fier
Semble vn lion qui est en queste,
Vn lionceau guettant la beste

Au plus couuert de son hallier.

Marche au deuant mets-le par terre:

Arrache mon ame au meschant,

Aueques le glaiue trenchant,

Dont aux meschans tu fais la guerre.

D'entre ceux me sauue ton bras,

Qui sont de si long temps au monde,

Et dont le cœur ici se fonde,

Pour y viure & deuenir gras.

Seigneur, tu leur emplis la pance.

De tes biens plus delicieux:

Leurs fils sont fous, & apres eux

Laissent aux leurs toute abondance.

Mais, quant à moy, ie te verray


Auec ma vie innocente:

Et de ta Maïesté presente,


M'esueillant ie me souleray.

PSEAVME XVIII. CL. MAI


Hymne tres excellent, lequel Dauid chanta au Seigneur Dieu, apres qu'il l'eut rendu paisible & victorieux sur Saul, & sur tous ses autres ennemis: prophetisant de Iesus Christ en la conclusion du Pseaume.




I E t'aimeray en tou te. o be if san ce, Tant



que viuray, ô mon Dieu ma puissance: Dieu est mon




roc, mon rempar haut & seur, C'est ma rançon, c'est




mon fort defenseur:




En lui seul gist ma fiance parfaite, C'est mon pa-




uois, mes armes, ma re trai te: Quand ie l'exalte &




prie en ferme foy, Soudain recoux des ennemis me




voy. Dangers de mort vn iour m'environnerent, Et



grans torrens de malins m'estonnerent: l'estoy' bien



pres du sepulchre venu, Et des filez de la mort



preueni.

Ainsi pressé, soudain l'inuoque & prie
 Le Tout-puissant, haut à mon Dieu ie cries
 Mon cri au ciel iusqu'à lui penetra,
 Si que ma voix en son oreille entra.

Incontinent tremblèrent les campagnes,
 Les fondemens des plus hautes montagnes,
 Tous esbranlez, s'esmeurent grandement:
 Car il estoit courroucé ardemment.

En ses nareaux lui monta la fumee,
 Feu aspre issoit de sa bouche allumee:
 Si enflambé en son courage estoit,
 Qu'ardens charbons de toutes pars iettoit.

Baissa le ciel, de descendre print cure,
 Ayant sous piés vne brouee obscure:
 Monté estoit sur Cherubins mouuans,
 Voloit guindé sur les ailes des vents:

**

**

Et se cachoit dedans les noires nues,
 Pour tabernacle autour de lui tendues,
 En fin rendit par sa grande clarté
 Ce gros amas de nues escarté.

Gresle iettant & charbons vifs en terre,
 Au ciel menoit l'Eternel grand tonnerre:
 L'Altitonnant sa voix grosse hors mit,
 Et gresle & feu sur la terre transmit:

Lança ses dards, rompit toutes leurs bandes,
 Doubla l'esclair, leur donna frayeurs grandes:
 A ta menace, & du fort vent poussé
 Par toy, Seigneur, en ce poinct courroucé,
 Furent canaux desnues de leur onde,

Et descou-

Et descouuers les fondemens du monde.
 Sa main d'en haut ici bas me tendit,
 Et hors des eaux sain & sauf me rendit.

Me recourut des puissans & hauffaires,
 Et plus que moy renforcés aduersaires:
 A mes dangers il preueut, & preuint:
 Quand il fut temps, secours de Dieu me yint.

Me mit au large, & si fit entreprise
 De me garder: car il me fauorise,
 Or m'a rendu selon mon equité,
 Et de mes mains selon la pureté.

Car du Seigneur i'auoy' suivi la voye,
 Ne reuolté mon cœur de lui n'auoyé:
 Ains tousiours eu deuant l'œil tous les dictz,
 Sans reietter yn seul de ses edicts:

Si qu'enuers lui, entier en tout affaire
 Me suis monstre, me gardant de mal-faire:
 Or m'a rendu selon mon equité,
 Et de mes mains selon la pureté.

P A V S E.

Certes, Seigneur, qui fais telles mes œeuures,
 Au bon tresbon, pur au pur te descœeuures:
 Tu es entier à qui entier sera,
 Et defaillant à qui failli aura.

Les humbles viure en ta garde tu laisses,
 Et les sourcils des braues tu rabaisles.
 Aussi, mon Dieu, ma lanterne allumas,
 Et esclairé en tenebres tu m'as.

Par toy donnay à trauers la bataille,
 Mon Dieu deuant, ie fautay la muraille.

C'est l'Eternel qui entier est trouuë,
Son parler est comme au feu esprouuë:

C'est vn bouclier de forte resistance
Pour tous ceux-la qui ont en lui fiance,
Mais qui est Dieu, sinon le Supernel?
Ou qui est fort, si ce n'est l'Eternel?

De hardiesse & force il m'environne,
Et seure voye à mes emprises donne:
Mes piés à ceux des cheureux fait egaux,
Pour monter lieux difficiles & hauts.

Ma main par lui aux armes est apprise,
Si que du bras vn arc d'acier ie brise.
De ton secours l'escu m'as apporté,
Et m'a ta dextre au besoin supporté.

Ta grand' bonté, où mon espoir mettoye,
M'a fait plus grand' encor' que ie n'estoye:
Preparer vins mon chemin sous mes pas,
Dont mes talons glissans ne furent pas:

Car ennemis seu poursuiure & atteindre,
Et ne reuin sans du tout les esteindre:
Durer n'ont peu, tant bien les ay secoux,
Ains à mes piés trebuscherent de coups.

Circui m'as de belliqueuse force,
Ployant sous moy qui m'enuahir s'efforce:
Tu me monstras le dos des ennemis,
Et mes haineux i'ay en ruine mis.

Ils ont crié, n'ont eu secours quelconques,
Mesmes à Dieu, & ne les ouit onques.
Comme la poudre au vent les ay rendus,

Et com-

Et comme fange en la place estendus.

Delivré m'as du mutin populaire,
Et t'a pleu chef des nations me faire:
Voire le peuple, à moy peuple incognu,
Sous mon renom obeir m'est venu:


Maints estrangers, par seruite contrainte
M'ont fait honneur d'obeissance feinte:
Maints estrangers redoutans mes efforts,
Espouuantés ont tremblé en leurs forts.

Viue mon Dieu, à mon Sauueur soit gloire,
Exalté soit le Dieu de ma victoire,
Qui m' donné pouuoir de me venger,
Et qui sous moy les peuples fait renger:
Me garentit qu'ennemis ne me greuent:
M'esleue haut sur tous ceux qui s'esleuent
Encontre moy, me deliurant à plein
De l'homme ayant le cœur d'outrage plein.


Pourtant, mon Dieu, parmi les gens estranges
Te beniray, en chantant tes louanges.
Ce Dieu ie di qui magnifiquement
Sauua son Roy, & qui vniquement
Dauid son Oinct traitte en grande clemence,
Traittant de mesme à iamais sa semence.

PSEAVME XIX. CL. MA.

Il montre par le merueilleux ourage des cieux, combien Dieu est puissant: loue & exalte la Loy diuine: & en fin prie le Seigneur qu'il le preserue de peché, afin de lui estre agreable.



Es cieux en chacun lieu La puissance de



Dieu Racontent aux humains : Ce grand entour e-
 spars Publi e en toutes pars L'ouurage de ses mains:
 Jour a pres iour coulant Du Seigneur va parlant
 Par longue experi en ce : La nuit suiuant la nuit
 Nous presche & nous instruit De la grad' la pi en ce.

Et n'y a nation,
 Langue, prolation,
 Tant soit d'estranges lieux,
 Qui n'oye bien le son,
 La maniere & facon
 Du langage des cieux.
 Leur tour par tout s'estend,
 Et leur propos s'entend
 Iusques au bout du monde:
 Dieu en eux a posé
 Palais bien composé
 Au soleil clair & monde,

Dont il sort ainsi beau

Comme

Comme vn espoux nouveau
De son paré pourpris:
Semble vn grand prince à voir
S'esgayant pour auoir
D'une course le prix.

D'un bout des cieux il part,
Et atteint l'autre part
En vn iour tant est viste:
Outreplus n'y a rien
En ce val terrien
Qui sa chaleur euite.

La tref-entiere Loy
De Dieu souuerain Roy,
Vient l'ame restaurant:
Son telmoignage leur
Sapience en douceur
Monstre à l'humble ignorant.

D'icelui Roy des rois
Les mandemens sont droits,
Et ioye au cœur assignent:
Les commandemens saints
De Dieu sont purs & saints,
Et les yeux illuminent.

L'obeissance à lui
Est vn tressaint appui
A perpetuité:
Dieu ne fait iugement,
Qui veritablement
Ne soit plein d'equité.
Ces choses sont encor

toe
B. S. G.

Plus desirables qu'or,
 Fust-ce fin or de touche:
 Et en vn cœur sans fiel
 Sont plus douces que miel,
 Ne pain de miel en bouche.

Qui seruir te voudra,
 Par ces poincts apprendra
 A ne se fouruoyer:
 Et en les obseruant,
 En aura le seruant
 Grand & riche loyer.

Mais où se trouuera
 Qui ses fautes saura
 Nombrer, penser, ne dire?
 Là de tant de pechés,
 Qui me sont tous cachés,
 Purge-moy trefcher Sire:

Aussi des grans forfaits
 Temerairement faits,
 Soit ton serf relasché:
 Qu'ils ne regnent en moy:
 Si seray hors d'es moy,
 Et net de grand peché.

Ma bouche prononcer,
 Ne mon cœur rien penser
 Ne puisse qui ne plaise
 A toy, mon defendeur,
 Sauueur & amendeur
 De ma vie mauuaise.

Le peuple voyant son Roy aller en vne guerre fort dangereuse, innoque Dieu: puis le remercie, comme desia assure de la victoire. Pseaume propre pour l'Eglise assaillie de tous costez par les princes infideles.

L E Seigneur ta priere entende En ta necessi-
té, Le Dieu de Iacob te defende En ton aduersi-
té: De son lieu saint en ta complainte A tes maux
il subuiene, De Sion sa montagne sainte Il te gard'
& soustiene.

De tes offertes & seruices
Se vueille souuenir,
Et faire tous tes sacrifices
En cendre deuenir:
Te donne issue en ton affaire
Telle que tu demandes:
Vueille tes emprises parfaire,
Et petites & grandes:

Dieu vueille accomplir tes prieres,
Afin que tous ioyeux

Dressions enseignes & banieres

En son Nom glorieux;

Difans, Dieu de sa sainte place

A son Roy amiable

A respondu, lui faisant grace,

Par sa main secourable.

Nos ennemis auoyent fiance

En leurs chars & cheuaux:

Et nous inuouquions la puissance

Du Seigneur en nos maux.

Aussi est-elle renuersee

Leur puissance tant fiere:

Et nostre force est redressée,

Plus que iamais entiere.

Seigneur, plaife-toy nous defendre,


Et faire que le Roy

Puisse nos requestes entendre


Encontre tout effroy.

PSEAVME XXI. TH. DE B. E.


Dauid en la personne du peuple rend graces des grans biens que Dieu lui a faits. Et semble auoir fait ce Pseume estant à la poursuite de ses ennemis desia desfaits en partie: combien qu'aucuns l'exposent comme d'une victoire desia entierement obtenue, dont il est parlé 2. Sam. 10. Pseume conioint avec le precedent.



urance Par ta grande puissance: O combien ioyeux



il se ra, D'ainſi ſoudain ſe voir Recoux par ton



pouuoir.

L'iſſue de tout ſon ſouhait,

Telle qu'a demandee,

Tu lui as accordee:

Et de ſa bouche quoy qu'il ait

Seulement prononcé,

Touſiours l'as exaucé.

Meſme auant qu'en eſtre requis,

Tes biens lui viens eſpandre,

Sans ſa priere attendre.

Vn diademe fort exquis,

De fin or compolé,

Sur ſon chef as poſé.

Il te demandoit ſeulement

Que lui fiſſes la grace

De viure quelque eſpace:

Et là deſſus bien longuement

Durer tu lui permets,

Voire pour tout iamais.

Par le moyen de ta bonté

On voit par tout ſemee

Sa bonne renommee:

Car tu lui as touſiours eſté

Et de gloire & d'honneur

Tresliberal donneur.

Tu l'as fait tel qu'à l'auenir
Il seruira d'exemple

Où ta grace on contemple:

Tu l'as fait ioyeux deuenir,
Iettant sur lui tes yeux
D'un regard gracieux.

Car le Roy met en cest assaut,
Pour sa pleine assurance,
En Dieu son esperance:

Il attend secours du Treshaut,
Dont se peut assurer
De ferme demeurer.

Ta main suffit bien pour fraper,
Voire du tout deffaire

Quiconque t'est contraire:

Ta main saura bien attraper
Ceux qui ton los & pris
Auront eu en mespris:

Ton courroux les embrasera
Ainsi qu'une fournaise

Toute rouge de braise:

Ton ire les engloutira,
En tes feux allumés

Tost seront consumés:

Raclés seront entierement
De ceste terre basse,

Eux & toute leur race.

Il ne sera aucunement

Rien

Rien dit ne recité
De leur posterité:

Pour autant qu'ils ont entrepris,
O Roy, pour te meffaire,
Chose meschante à faire:

Contre toy le conseil ont pris:
Mais leur pouuoir trop bas
Ne l'accomplira pas.

La bande de ces enuieux,
Qui ton honneur rebute,
Tu te mettras en bute:


Et pour les ferir droit aux yeux,
Ton traict sera couché,
Et sur eux descoché.

Or donques leue-toy, Seigneur,
Et de monstrier t'efforce
La grandeur de ta force:

A celle fin qu'en ton honneur
Tousiours allions chantans,
Et tes faits racontans.

PSEAVME XXII. CL. MA.

Prophetie de Iesus Christ, en laquelle Dauid chante d'entree sa basse & honteuse dejection: puis l'exaltation & l'estendue de son royaume iusques aux fins de la terre, & la perpetuelle duree d'icelui.




M On Dieu, mon Dieu, pourquoy m'as tu laif-




fé Loin de secours, d'ennui tant oppressé, Et loin du




cri que ie t'ay adressé En ma cōplainte: De iour mon



Dieu, ie t'inuoque sans feinte, Et toute fois ne respōd



ta voix sainte: De nuit aussi, & n'ay dequoy estein-



te Soit ma clameur.

Helas, tu es le Saint & la treneur,
Et d'Israel le resident bon-heur,
Là où t'a pleu que ton los & honneur

On chante & prise.

Nos peres ont leur fiance en toy mise,
Leur confiance ils ont sur toy assise,
Et tu les as de captifs en franchise
Toufiours boutez.

A toy crians d'ennui furent ostés,
Esperé ont en tes saintes bontés,
Et ont receu, sans estre reboutés,
Ta grace prompte.

Mais moy, ie suis vn ver qui rien ne monte,
Et non plus homme, ains des hommes la honte:
Et plus ne ser que de fable de conte

Au peuple bas.

Chacun

Chacun qui voit comme ainsi tu m'abas,
De moy se moque, & y prend ses esbas:
Me font la mouë, & puis haut, & puis bas:

Hochent la teste:

Puis vont disans, Il s'appuye & s'arreste
Du tout sur Dieu, & lui fait sa requeste:
Donc qu'il le sauue, & que secours lui preste,
S'il l'aime tant.

Si m'as-tu mis hors du ventre pourtant,
Cause d'espoir tu me fus apportant
Dés que i'estoy' les mammelles-tettant

De ma nourrice.

Et qui plus est, sortant de la matrice
Me recueillit ta sainte main tutrice,
Et te monstras estre mon Dieu propice

Dés que fu né.

Ne te tien donc de moy si destourné:
Car le peril m'a de près adiourné,
Et n'est aucun par qui me soit donné

Secours ne grace.

Maint gros taureau m'environne & menace,
Les gros taureaux de Basan, terre grace,
Pour m'assieger m'ont suiui à la trace,
En me pressant.

Et tout ainsi qu'un lion rauissant,
Après la proye en fureur rugissant,
Ils ont ouuert dessus moy languissant

Leur gueule gloute.

Là! ma vertu comme eau s'escoule toute:

N'ay os qui n'ait la iointure dissoute:
Et comme cire en moy fond goute à goute
Mon cœur fasché.

P A V S E.

D'humeur ie suis comme tuile asseché,
Mon palais est à ma langue attaché:
Tu m'as fait prest d'estre au tombeau couché,
Reduit en cendre:
Car cirçui m'ont les chiens pour me prendre:
La fausse troupe est venue m'offendre,
Venue elle est me transpercer & fendre
Mes piés & mains.

Conter ie puis mes os du plus au moins:
Ce que voyans les cruels inhumains,
Tous resiouis me iettent regards maints
Auec rísee.

Ia ma despouille entr'eux ont diuísée:
Entr'eux desia ma robe depósee
Ils ont au sort hazardeux exposée,
A qui l'aura.

Seigneur, ta main donc ne s'esloignera:
Ains par pitié secours me donnera:
Et s'il te plaist, elle se hastera,
Mon Dieu ma force.

Sauue de glaíue & de mortelle estorce
Mon ame, hélas, que de perdre on s'efforce:
Deliure-la, que du chien ne soit morse,
Chien enragé.

Du leonin gosier encouragé
Deliure-moy: respon à l'affligé,

Qui

Qui est par grand's licornes assiegé,
Des cornes d'elles.

Si conteray à mes freres fideles
Ton Nom treshaut:tes vertus immortelles
Diray parmi les assemblees belles,
Parlant ainfi,

Vous craignans Dieu, confessez-le sans si:
Fils de Iacob,exaltez sa merci:
Crain-le tousiours toy d'Israel aussi,
La race entiere.

Car rebouté n'a l'humble en sa priere,
Ne destourné de lui sa face arriere:
S'il a crié,sa bonté singuliere
L'a exaucé.

Ainsi ton los par moy sera hausé
En grande troupe:& mon vœu ia dresé
Rendray deuant le bon peuple amassé,
Qui te craint,Sire.

Là mangeront les pources à suffire:
Benira Dieu,qui Dieu craint & desire:
O vous ceux-la,sans fin,ie le puis dire,
Vos cœurs viuront.

Cela pensant tous se conuertiront
Les bouts du monde,& à Dieu seruiront:
Bref,toutes gens leur genoux flechiront
En ta presence.

Car ils sauront qu'à la Diuine essence
Seule appartient regne & magnificence:
Dont sur les gens seras par excellence

Roy conquerant.

Gras & repeus te viendront adorant,

Voire le maigre à la fosse courant,

Et dont la vie est hors de restaurant,

Te donra gloire.

Puis leurs enfans à te seruir & croire

S'enclineront: & en tout territoire

De fils en fils il sera fait memoire

Du Tout-puissant.

Tousiours viendra quelcun d'entr'eux issant,


Lequel au peuple à l'auenir naissant

Ira par tout ta bonté annonçant,


Sur moy notoire.

PSEALME XXIII. CL. M.

Il chante les biens & la felicité qu'il a: & d'une merueilleuse fiance se promet que Dieu, duquel ce bien lui vient, le traitera tousiours de mesme.




On Dieu me paist sous sa puissance haute:



C'est mō berger, de rien ie n'auray faute. En tect bié



feur, ioignant les beaux herbages, Coucher me



fait, me meine aux clairs riuages, Traite ma vie en

dou-

PSEAVME XXIIII.



douceur treshumaine , Et pour son Nom par




droits sentiers me meine.

Si seurement que quand au val viendroye
D'ombre de mort, rien de mal ne craindroye:
Car avec moy tu es à chacune heure:
Puis ta houlette & conduite m'asleure:
Tu enrichis de viures necessaires
Ma table, aux yeux de tous mes aduerfaires.


Tu oings mon chef d'huiles & senteurs bonnes,
Et iusqu'aux bords pleine tasse me donnes:
Voire & feras que ceste faueur tiene
Tant que viuray compagnie me tiene:
Si que tousiours de faire ay esperance
En la maison du Seigneur demeureance.

PSEAVME XXIIII. CL. M.A.

Dauid fit ce Pseume, pour dire quand on ameneroit l'Arche, où habitoit la Diuinité, dedans le temple que Salomon deuoit faire.




A terre au Seigneur appartient, Tout ce qu'en




sa rondeur contient, Et ceux qui habitent en elle:

d.iii.



Sur mer fondemēt lui dōna, L'enrichit & l'enuirōna



De mainte riuiera trefbelle.

Mais la montagne est vn saint lieu:
 Qui viendra donc au mont de Dieu?
 Qui est-ce qui là tiendra place?
 L'homme de mains & cœur laué,
 En vanité non esleué,
 Et qui n'a iuré en fallace.

L'homme tel, Dieu le benira:
 Dieu son Sauueur le munira
 De misericorde & clemence.
 Telle est la generation
 Cerchant, cerchant d'affection,
 O Dieu de Iacob, ta presence.

Hauffez vos testes, grans portaux:
 Huis eternels, tenez-vous hauts,
 Si entrera le Roy de gloire.
 Qui est ce Roy tant glorieux?
 C'est le fort Dieu victorieux,
 Le plus fort qu'en guerre on peut croire.

Hauffez vos testes, grans portaux:
 Huis eternels, tenez-vous hauts,
 Si entrera le Roy de gloire.
 Qui est ce Roy tant glorieux?

Le Dieu d'armes victorieux,
C'est lui qui est le Roy de gloire.

PSEAL. XXV. CL. MA.

Ici l'homme pressé de ses pechés, & de la malice de ses ennemis, prie le Seigneur Dieu pour soy, & generally pour tout le peuple.

A Toy, mon Dieu, mon cœur monte, En toy

mon espoir ay mis: Fay que ie ne tombe à honte,

Au gré de mes ennemis. Honte n'auront voirement

Ceux qui dessus toy s'appuyent: Mais bien ceux qui

durement, Et sans cause les ennuyent.

Le chemin que tu nous dresse

Fay-moy cognoistre, Seigneur.

De tes sentes & adresses

Vueille moy estre enseigneur.

Achemine-moy au cours

De ta Verité patente,

Comme Dieu de mon secours,

Où j'ay chacun iour attente.

De tes bontés te recorde,
Mets en memoire, & estens
Ceste grand' misericorde,
Dont vsé as de tout temps.

Oublie ma mauuaistié
Dés ma premiere ieunesse:
De moy, selon ta pitié,
Te souuiene en ma destresse.

Dieu est bon & veritable,
L'a esté & le sera:
Parquoy en voye equitable
Les pecheurs radressera:
Les pources fera venir
A vie iuste & decente:
Aux pources fera tenir
L'Eternel sa droite lente.

**

**

Bonté, seurte, souuenance,
Sont du Seigneur les sentiers
A ceux qui sa conuenance
Gardent bien & volontiers.

Helas, Seigneur tout parfait,
Pour l'amour de ton Nom mesme
Pardonne-moy mon forfait.
Car c'est vn forfait extreme.

Qui fera l'homme, à vray dire,
Qui son Dieu desirera?
Du chemin qu'il doit elire
L'Eternel l'aduertira:
A repos parmi ses biens

Viura son cœur en grand' aage:
 Puis auront les enfans siens
 La terre pour heritage.

Dieu fait son secret paroistre
 A ceux qui l'ont en honneur:
 Et leur monstre & fait cognoistre
 De son contract la teneur.

Quant à moy, yeux & esprits
 En tout temps à Dieu ie tourne:
 Car mes piés, quand ils sont pris,
 Du filé tire & destourne.

Iette donc sur moy ta veuë,
 Pren de moy compassion:
 Personne suis despourueü,
 Seule, & en affliction.

Ia mon cœur sen empirer,
 Et augmenter ses destresses:
 Làs! vueille- moy retirer
 De ces mienes grand's oppresses.

Tourne à mon torment ta face,
 Voy ma peine & mon souci,
 Et tous mes pechés efface,
 Qui sont cause de ceci.


Voy mes ennemis qui sont
 Non seulement grosse bande:
 Mais qui sur moy, certes, ont
 Haine furieuse & grande:

Preferue de leur embusche
 Ma vie, & deliure-moy,

Qu'à honte ie ne trebusche,
 Puis que i'ay espoir en toy.
 Que ma simple integrité
 Comme à l'un des tiens me serue:
 Et de toute aduersité
 Israel tire & conserue.

P S E A V M E XXVI. TH. DE B. E.

Il proteste de sa bonne conscience enuers ses ennemis, & se voue du tout au seruice de Dieu: auquel il prie de le vouloir garder, & mettre à part: preuoyant la rigoureuse punition que Dieu fera des meschans. Pseaume propre pour ceux qui sont affligés entre les idolatres.



S Eigneur, garde mon droict: Car i'ay en cest en-
 droit Cheminé droit & rondement: Pay en Dieu
 esperance, Qui me donne assurance Que choir ne
 pourray nullement.

Seigneur, eslaye-moy:
 Je requier que de toy
 Sondé ie soy & esprouué:
 Mes reins & mes pensées
 Dans le feu soyent lancees,
 Pour voir quel ie seray trouué:

Pour-autant que l'œil mien

Touſiours fiché ie tien
 Sur ta pitié & grand' bonté:
 Ma vie ie conforme
 Au plus pres de la forme
 Que nous enioint ta Verité.

Vn tas de menſongers,
 Inconſtans & legers,
 Gardé me ſuis de frequenter:
 Et tout homme qui vſe
 De cautelle & de ruſe
 N'ay voulu, ni ne vueil hanter.

Le complot des peruers,
 Et leur cœur de trauers
 Mon cœur a touſiours deteſté:
 Meſchantes compagnies
 J'ay tellement hayes
 Que ne m'en ſuis point accointé.

Mes mains nettes tiendray,
 A tout bien les duiray:
 Puis apres, quand ie ſeray tel,
 Seigneur, à tes ſeruices,
 Et diuins ſacrifices
 Entendray, pres de ton autel:

Afin que ton honneur,
 Et ta gloire, Seigneur,
 A pleine voix i'aïlle chantant:
 Et toutes tes merueilles,
 Grandes & nompareilles,
 Par tout on m'oye racontant.

Le saint & sacré lieu
 Où tu te tiens, mon Dieu,
 M'est precieux iusques au bout:
 Ce Diuin Tabernacle,
 De ta gloire habitacle,
 P'estime & prise dessus tout.

Or donc ne me compren,
 Et point ne me repren
 Quand des meschans te vengeras:
 Soit mon ame innocente
 De ta fureur exempte
 Quand les meurtriers tu iugeras.

Car les traistres qu'ils sont,
 En leurs mains tousiours ont
 Quelque fausse accusation:
 Bref, ils ne fauroyent estre,
 Qu'ils n'ayent pleine dextre
 Des presens de corruption.

Mais ie vueil aller droit,
 D'un cœur entier & droit,
 En rondeur & toute equité.
 Fay-moy misericorde,
 O mon Dieu, & m'accorde
 Que par toy ie soy' racheté.

Or me voy-ie remis,
 Et mes piés affermis
 Au chemin vni & entier:
 Dont ta gloire immortelle,
 En la troupe fidele
 De chanter ie feray mestier.

David deliuré de quelque grand danger, s'assure merueilleusement de la bonté de Dieu: auquel il fait priere, declarant son extreme necessité, avec assurance d'estre exaucé. Pseaume propre aux pures fideles que Dieu a arrachez aux persecuteurs, & qui se sont retirez en l'assemblée du Seigneur.

L E Seigneur est la clarté qui m'adresse, Et mon
salut, que doy-ie redouter? Le Seigneur est l'ap-
pui qui me redresse, Où est celui qui peult m'espou-
vanter? Quand les malins m'ont dressé leurs cōbats,
Pour me cuider manger à belles dents, Tous ces hai-
neux, ces ennemis mordens l'ay veu broncher, &
trebuscher en bas.

Tout vn camp viene, & moy seul enuironne,
Iamais pourtant mon cœur n'en tremblera:
Viene assaillir qui voudra ma personne,
Dessus cela mon cœur s'assurera.

A l'Eternel i'ay requis vn seul poinct,
 Et vueil encor' lui requerir tousiours,
 Que si long temps que dureront mes iours,
 De sa maison ie ne m'esloigne point.

A celle fin que ie voye & contemple
 De son palais l'excellente beauté,
 Et que ie puisse estant dedans son temple,
 Le visiter d'vn & d'autre costé.

Car au dur temps, quand ie seray pressé,
 Caché seray en sa tente à l'escart
 En quelque coin, & plus secrette part:
 Puis derechef au plus haut redressé.

**

**

Aller me fait desia sans nulle crainte,
 Haussant la teste entre tous mes haineux:
 Parquoy aussi dedans sa maison sainte
 Chanter, corner, sacrifier lui veux.

Puis que ie vien, ô Seigneur, te prier
 Soit ma requeste entendue de toy:
 Puis qu'au besoin tu m'entens escrier,
 Ie te suppli' qu'ayes pitié de moy.

P'ay dedans moy apperceu mon courage,
 Comme en ton Nom m'aduertissant ainsi
 Employe-toy à chercher mon visage.
 Tu vois, Seigneur, que ie le cherche aussi.

De moy, hélas, ta face ne soit loin:
 Ton serf ne chasse en fureur, ô mon Dieu.
 Tu m'as esté fauorable en maint lieu:
 Dieu mon Sauueur ne me laisse au besoin.

Quand ie n'auroy' pour moy pere ni mere;

Mon

Mon Dieu sera pour moy, quoy qu'il en soit.
 Je suis pressé: parquoy, ô Dieu mon Pere,
 Enseigne-moy ton chemin bon & droit.


Aguetté suis par plusieurs ennemis
 Et faux tesmoins, qui en leur bouche n'ont
 Sinon l'outrage & le tort qu'ils me font:
 Làs! ne permets qu'à leur plaisir soy' mis.

Certainement n'eust esté l'assurance
 Qu'ici bas mesme auant que voir la mort,
 Des biens de Dieu j'auray la iouissance,
 Sous vn tel faix pieça ie fusse mort.

Or donc atten tousiours patiemment
 Le Seigneur Dieu: soustien iusques au bout,
 Dieu te viendra assurer contre tout.
 Or donc atten de Dieu l'auenement.

PSEALME XXVIII. TH. DE BE.

Le Prophete extremement marri de voir deshonorer Dieu par les meschans, demande d'en estre desueloppé, & s'escrie contr'eux: puis s'assure que Dieu l'a ouy, auquel il recommande tous les fideles.


 O Dieu, qui es ma forteresse, C'est à toy q mon
 cri s'adresse: Ne vueilles au besoin te taire, Autre-
 ment ie ne say que faire, Sinon à ceux me comparer
 Qu'on veut au sepulchre enterrer.

Vueilles ouir ce que ie crie,
 Quand à mains iointes ie te prie,
 Venant en ton saint lieu me rendre:
 Mon Dieu, ne vueille me comprendre
 Parmi tant de meschans, qui n'ont
 Aucun plaisir, qu'au mal qu'ils font.

En la bouche ils n'ont que concorde:
 Mais leur cœur à tout mal s'accorde.
 Paye-les suiuant leurs merites,
 Et leurs intentions maudites:
 Selon le train qu'ils ont mené,
 Salaire aussi leur soit donné.

D'autant qu'ils n'ont en leurs courages
 Consideré ses hauts ouurages,
 Ne taché d'auoir cognoissance
 Des hauts effects de sa puissiance,
 En lieu de les vouloir hausser,
 Dieu les fera tous renuerfer.

Loué soit Dieu, qui ma priere
 N'a point voulu mettre en arriere.
 Dieu est ma force & ma rondelle,
 Espoir n'ay ni secours que d'elle:
 Dont mon cœur se resiouira,
 Ma bouche son los chantera.

A mes gens toute force il donne,
 Gardant de son Roy la couronne:
 Sauue ton peuple, & en tout aage
 Fay du bien à ton heritage:
 Vueille-le repaistre, Seigneur,
 Et sans fin le croistre en honneur.

Cantique excellent, auquel David décrit la maiesté de Dieu par les foudres & tempestes, qui estonnent toutes creatures: combien que cependant il soit doux & gracieux aux siens. Pseume propre à louer Dieu, quand il nous admoneste par tels estonnemens.

Vous tous Princes & Seigneurs, Réplis de gloi-

re & d'honneurs, Rendez, rendez au Seigneur Tou-

te force & tout honneur: Faites-lui recognoissance

Qui respõde à sa puissance: En sa demeure tressainte

Ployez les genoux en crainte.

La voix du Seigneur tonnante
Va sur les eaux resonnant:
Parmi les nues des cieux
S'entend le Dieu glorieux.

La voix du Seigneur tesmoigne
De quelle force il besongne:
La voix du Seigneur hautaine,
De hautesse est toute pleine.

La voix du Seigneur abbat
Les grans cedres tout à plat:
Brise les plus hauts montés,

Au mont du Liban plantés:
 Les faisant sauter en sorte,
 Eux & Liban qui les porte,
 Qu'on void sauter és boscages
 Faons des Licornes sauvages.

La voix du Seigneur espard
 Flammes d'une & d'autre part:
 Et les grans deserts profonds
 Fait trembler iusques aux fons:
 Oyant ceste voix si forte,
 La biche craintive auorte:
 Mainte forest toute verte
 En est soudain descouverte.

Mais au temple cependant
 Chacun à Dieu va rendant,
 En lieu de trembler de peur,
 Gloire de bouche & de cœur.

Dieu preside comme Iuge
 Dessus les eaux du deluge:
 Et sans aucun iour ne terme
 Dure son Royaume ferme.

Parquoy le Seigneur tout fort,
 Des siens sera le support:
 Puis en paix les nourrira
 Des biens qu'il leur donnera.

Il rend graces à Dieu qui l'a retiré de la mort, admonestant tous fideles de faire le semblable, & cognoistre par son exemple cōbien Dieu est plus doux que rigoureux aux siens: puis retourne à le prier, & promet de chanter sa louange à iamais. Pseaume propre pour louer Dieu apres l'affliction.

Seigneur,

S Eigneur, puis que m'as retiré, Puis que n'as ia-
 mais enduré Que mes haineux eussent dequoy Se
 rire & se moquer de moy: La gloire qu'e as meritee,
 Par mes vers te fera chantée.

Quand i'ay prié ta Maïesté,
 Seigneur mon Dieu, i'ay eu fanté:
 I'estoy' aux enfers deualé,
 Seigneur, quand tu m'as rappelé:
 Ma vie presque enterree
 Tu as du tombeau retiree.
 Vous qui sa bonté cognoissez,
 Chantez sa gloire, & accroissez
 Son renom plein de sainteté:
 Car iamais il n'est irrité,
 Qu'en moins d'une petite espace
 Toute sa fureur ne se passe:

Mais son vouloir benin & doux
 Demeure à vie dessus nous.

Voila d'où souuent il auient
 Que dueil au soir chez nous se tient:

Puis si tost que le iour se monstre
Matiere de ioye on rencontre.

Lors que i'auoy' tout à souhait,
I'alloy' disant, Voila, c'est fait,
Je suis pour iamais asseuré:
Ta bonté m'auoit remparé,
Seigneur, ma forteresse haute,
Si que de rien ie n'auoy' faute:


Mais ton visage estant tourné,
Soudain mon cœur s'est estonné.
Alors au Seigneur i'ay crié,
Alors i'ay le Seigneur prié,
Disant, Si ie suis mis en terre,
Qu'y peux-tu gagner ni acquerre?

Estant mis en poudre, Seigneur,
Pourray-ie auancer ton honneur,
Ou tes verités annoncer?
Plaife-toy ma voix exaucer:
Seigneur, ta pitié me regarde:
Seigneur Dieu, sois ma sauuegarde.


Alors mon dueil tu conuertis
En pure ioye, & me vestis
En lieu d'un sac, de plaisir vray:
Dont sans fin ton los chanteray,
Par tout publiant ta puissance,
Seigneur Dieu de ma deliurance.

Dauid enuironné de Saul au desert de Maon, comme il est escrit au I. de Sam. 23. chap.
peind au vif les tormens des fideles, agités comé d'une torméte de mer: parquoy au com-
mencemēt il iette quatre ou cinq grans cris, monstrant l'extremé danger ou il est: puis il
s'escrie


s'escrie derechef contre ses ennemis. En fin, il s'assure du tout sur la bonté de Dieu, ad-
monestant tous fideles de l'ensuiure. Pseaume excellent en quelque grande affliction.




I 'Ay mis en toy mon esperace: Garde-moy d'oc,



Seigneur, D'eternel deshonneur: Ottroye-moy ma



deliurance, Par ta grand' bonté haute, Qui iamais



ne fit faute.

Ten l'aureille à moy miserable,
Et pour me secourir,
Vien soudain accourir:
Monstre-toy mon roc imprenable,
Et ma place tresseure,
Où ma vie s'assure.

Tu es ma tour & forteresse,
Pour l'honneur haut de toy,
Condui & mene-moy:
Et de ces filez qu'on me dresse,
Garde qu'on ne m'offense,
Car tu es ma defense.

Mon ame en tes mains ie vien rendre:
Car tu m'as racheté,
O Dieu de verité.

Au seul Seigneur ie vueil m'attendre,
 Je hay la menterie,
 Et toute tromperie.

Vn iour avec toute liesse,
 Par moy sera chanté
 Le los de ta bonté,
 Quand sur mon ame en sa destresse
 Auras ietté la veuë,
 Et l'auras apperceuë.

N'ayant permis que ie tombasse
 En la cruelle main
 De ce faux inhumain:

Ainçois me faisant faire place,
 Quand i'ay veu par surprise
 Ma iambe quasi prise.

Fay que ta pitié me conforte,
 O mon Dieu, car ie suis
 Tout accablé d'ennuis:
 I'en ay la veuë toute morte,
 Mon ventre s'en retire,
 Mon ame en est martyre.

Douleurs ont miné ma personne:
 En mes souspirs cuisans
 I'ay passé tous mes ans.

Des traux qu'à tort on me donne,
 Mes forces me delaisent,
 Mes pources os s'abaissent.

P A V S E.

Entre tous ceux-la qui me hayent,

Mes

Mes voisins i'apperçoy
 Auoir honte de moy:
 Il semble que mes amis ayent
 Horreur de ma rencontre,
 Quand dehors ie me monstre.

Ie suis hors de leur souuenance,
 Ainsi qu'un trepassé:
 Ie suis vn pot calsé.

Ie m'enten blasmer à outrance:
 Ma personne est de crainte
 De toutes pars estreinte.

Car tout leur conseil delibere,
 Et fait tout son effort
 De me mettre à la mort.

Mais, Seigneur Dieu, en toy i'espere:
 Mon cœur dit en soy-mesme,
 Tu es mon Dieu supreme.

Ta main tient le cours de ma vie,
 Fay que des ennemis
 En la main ne soy' mis.

Garenti-moy contre l'enuie
 De la bande traistresse,
 Qui me poursuit sans cesse.

Deffus ton seruant fay reluire

Ta face, & ta bonté
 Me mette à sauueté:

O Dieu, ne vueille m'esconduire,

Afin qu'on ne s'en moque,

Car c'est toy que i'inuoque.

** Honte ces meschans endommage:
 Au tombeau soyent enclos,
 Et leur faux gosier clos:
 Car au iuste ils ont dit outrage,
 Voire avec moquerie,
 Et grand' gaudisserie.

O combien est grand à merueilles
 Le bien qu'as preparé
 A qui t'a reueré!
 Combien de graces n'ompareilles
 Publiquement tu donnes
 Aux fideles personnes!

Deuant toy en ton habitacle
 Maintenir tu les veux
 Contre tous orgueilleux:
 Tu les tiens en ton tabernacle,
 Arriere de tous blasmes
 De ces langues infames.

Louange au Seigneur soit donnee,
 Lequel m'est entre tous
 Si benin & si doux:
 Et m'a telle garde ordonnee,
 Qu'il n'est place en la terre
 Plus seure en temps de guerre.

Durant ma peur precipitee
 P'ay dit, Tu m'as laissé,
 Et loin de toy chassé:
 Mais tu as ma voix escoutée
 Lors qu'en destresse grande

Je t'ay fait ma demande.

Aimez Dieu, vous ses debonnairez:

Dieu qui garde les bons,
Rend le double aux felons.

Soustenez contre vos contraires:

Car lui seul fortifie

Quiconque en lui se fie.

PSEALME XXXII. CL. M. A.


Dauid puni par maladie pour son peché, chante que bien-heureux sont ceux qui par leur coulp ne tombent point en l'inconuenient où il est: confesse son peché, Dieu lui pardonne: exhorte les mauuais à bien viure, & les bons à se resiouir en Dieu.


 Bien-heureux celui dõt les cõmises Trans-


 gressions sont par grace remises, Duquel aussi

 les iniques pechés Deuât son Dieu sõt couuers &

 cachés! O combien plein de bon-heur ie repu-

 te l'homme à qui Dieu son peché point n'im-

 pute, Et en l'esprit duquel n'habite point D'hy-



pocrisie & de fraude vn seul point!

Durant mon mal, soit que vinssé à me taire,
Las de crier, soit que me prinssé à braire
Et à gemir tout le iour sans cesser,
Mes os n'ont fait que fondre & s'abaisser.

Car iour & nuict ta main dure ay sentie,
Par mon peché sur moy appesantie:
Si que l'humeur de moy ainsi traité,
Sembloit du tout secheresse d'esté.

Mais mon peché ie t'ay déclaré, Sire,
Caché ne l'ay: & n'ay feu si tost dire,
Il faut à Dieu confesser mon meffait,
Que ta bonté vray pardon ne m'ait fait.

Pour ceste cause à heure propre & bonne
Te requerra toute sainte personne:
Et quand de maux vn deluge courroit,
D'icelle adonc approcher ne pourroit.

C'est toy qui es mon fort & ma retraite:
C'est toy qui fais qu'ennui mal ne me traite:
C'est toy par qui à tous coups m'est liuré
Dequoy chanter, par me voir deliuré.

Vien-ça, chacun, ie te vueil faire entendre,
Et te monstrier la voye où tu dois tendre,
En ayant l'œil droit dessus toy planté,
Pour t'adresser, comme expérimenté.

Ne sois semblable à cheual ni à mule,
Qui n'ont en eux intelligence nulle:


Pour les garder de mordre, tu refreins
Leurs dents & gueule, aueques mors & freins.

L'homme endurci sera donté de mesmes
Par maux sans nombre, & par douleurs extremes:
Mais qui en Dieu son espoir asserra,
Enuironné de merci se verra.


Or ayez donc de plaisir iouissance,
Et tous en Dieu prenez resiouissance,
Iustes humains: menez ioye orendroit,
Chacun de vous qui auez le cœur droit,

PSEAVME XXXIII. CL. MA.

C'est vn bel hymne, auquel le Prophete inuite d'entree à celebrer le Tout-puissant:
puis chante que tout est plein de sa bonté: recire ses merueilles, admoneste les Princes
de ne se fier en leurs forces, & q Dieu assiste à ceux qui le reuerent: puis inuoue sa bonté.



Dieu ioye orendroit: Louange est tresleante & belle



Pendue en escharpe, Le Seigneur louez: De luts,
d'espinettes, Saintes chasonnettes A son Nom iouez:

Chantez de lui par melodie
 Nouveaux vers, nouvelle chanson:
 Et que bien on la psalmodie
 A haute voix, & plaissant son.

Car ce que Dieu mande,
 Qu'il dit & commande,
 Est iuste & parfait:
 Tout ce qu'il propose,
 Qu'il fait & dispose,
 A fiance est fait.

Il aime d'amour souveraine
 Que droit regne, & iustice ait lieu:
 Quand tout est dit, la terre est pleine
 De la grande bonté de Dieu.

Dieu par sa Parole
 Forma chacun pole
 Et ciel precieux:
 Du vent de sa bouche
 Fit ce qui attouche
 Et orne les cieux.

Il a les grand's eaux amassees
 En la mer, comme en vn vaisseau:
 Aux abysses les a mussees,
 Comme vn thresor en vn monceau.

Que la terre toute
 Ce grand Dieu redoute,
 Qui fit tout de rien:
 Qu'il n'y ait personne
 Qui ne s'en estonne
 Au val terrien.

Car toute chose qu'il a dite
 A esté faite promptement:
 L'obeissance aussi subite
 A esté que le mandement.

Le conseil, l'emprise
 Des gens il debrise,
 Et met à l'enuers:
 Vaines & cassées
 Il rend les pensées
 Des peuples diuers.

Mais la Diuine prouidence
 Son conseil fait perpetuer:
 Ce que son cœur vnefois pense,
 Dure à iamais, sans se muer.

O gent bien-heuree,
 Qui toute asseuree
 Pour son Dieu le tient!
 Heureux le lignage,
 Que Dieu en partage
 Choisit & retient!

P A V S E

Le Seigneur eternal regarde
 Ici bas du plus haut des cieux,
 Dessus les humains il prend garde,
 Et les voit tous deuant ses yeux:

De son throne stable,
 Paisible, équitable,
 Ses clairs yeux aussi
 Iusqu'au fons visitent
 Tous ceux qui habitent
 En ce monde-ci.

Car lui seul, sans autre puissance,
 Forma leurs cœurs tels qu'ils les ont:
 C'est lui seul qui a cognoissance
 Quelles toutes leurs œuvres sont.

Nombre de gendarmes,
 En assaux n'alarmes,
 Ne sauuent le Roy,
 Bras ni halebarde
 L'homme fort ne garde
 De mortel desroy.

Celui se trompe qui cuide estre
 Sauué par cheual bon & fort:
 Ce n'est point par sa force adextre
 Que l'homme eschappe vn dur effort:

Mais l'œil de Dieu veille
 Sur ceux à merueille
 Qui de volonté
 Craintifs le reuerent,
 Qui aussi esperent
 En sa grand' bonté.

Afin que leur vie il deliure
 Quand la mort les menacera:
 Et qu'il leur donne de quoy viure
 Au temps que famine sera.


Que donques nostre ame
 L'Eternel reclame,
 S'attendant à lui.
 Il est nostre adresse,
 Nostre forteresse,
 Paois & appui.

Et par lui grand' resiouissance
 Dedans nos cœurs tousiours aurons,
 Pendant qu'en la haute puissance
 De son Nom saint nous esperons.

Or ta bonté grande
 Dessus nous s'espande,
 Nostre Dieu & Roy,
 Tout ainsi qu'entente,
 Espoir & attente
 Nous auons en toy.

PSEAVME XXXIIII. TH. DE BE.

David eschappé d'Achis, suivant ce qui est escrit au 1. de Sam. 21. chap. cōposa ce Pseu-
 me, contenant autant de sentēces que de versets, pour monstrier le soin que Dieu a des
 siens: & se propose comme souuerain exemple de la bonté d'icelui. Pseume de singu-
 liere consolation.



I Amais ne cesseray De magnifier le Seignr: En
 ma bouche auray son hōneur Tāt q̄ viuāt seray: Mon
 cœur plaisir n'aura Qu'à voir son Dieu glorifié: Dont
 maint bon cœur humilié L'oyant, s'esiouira.

Sus donc chantons de Dieu,
 Nous tous le renom precieux:
 Louons son Nom, à qui mieux, mieux,
 Tous en ce mesme lieu.

Mon Dieu m'a entendu
 Quand de bon cœur ie l'ay cherché:
 Des peurs qui m'ont le plus fasché,
 Deliure m'a rendu.

Qui le regardera
 S'en trouuera tout esclairé,
 Iamais son front deshonoré
 Rougir on ne verra.

Le pource à son besoin
 A crié, & Dieu l'exauçant,
 L'a sauué par son bras puissant,
 Iettant ses maux au loin.

Les Anges ont planté
 Leur camp tout alentour de ceux
 Qui craignent Dieu, veillans pour eux
 Et pour leur seureté.

Goustez donc d'icelui,
 Et cognoissez la grand' douceur.
 O combien est heureux & seur
 Qui s'appuye sur lui!

Craignez le Dieu treshaut,
 Vous dont le cœur est pur & saint:
 Car à tout homme qui le craint,
 Iamais rien ne défaut.

Le lion affamé
 Bien souuent ne trouuera riens:
 Mais ceux-la sont remplis de biens
 Qui ont Dieu reclamé.

Sus, enfans bien-heureux,

Venez

Venez m'escouter en ce lieu,
Car le moyen de craindre Dieu
Apprendre ie vous veux.

Qui est-ce d'entre vous,
Qui veut long temps estre dispos,
Qui veut longuement en repos
Passer le temps tout doux?

Garde que blasme aucun
De ta langue on n'oye sortir:
Garde tes leures de mentir,
Ni deceuoir quelqu'un.

Fui le mal, fay le bien,
Cerche la paix & la poursui:
Car Dieu voit & entend celui
Qui tasche à faire bien.

P A S S E.

Dieu tient son œil fiché
Sur les meschans & sur leurs faicts,
Afin que du monde à iamais
Leur nom soit arraché.

Les iustes en leurs maux
Crient au Seigneur, qui les oit,
Et tost en seurté les reçoit,
Gueris de leurs trauaux.

Pres des cœurs desolés
Le Seigneur volontiers se tient:
A ceux volontiers il subuiet
Qui sont les plus foulés.

Quiconques ira droit,
Suiet à mille maux fera:

Mais le Seigneur l'en tirera,
Quelque mal que ce soit.

De Dieu sont garantis
Tous ses os, voire tellement,
Qu'on n'en peut casser seulement
Vn seul des plus petis.


Mais tousiours le meschant
Est ruiné par son forfait:
Et quiconque aux iustes meffait,
Va tousiours trebuschant.

L'Eternel sauuera
Tout bon cœur qui le va seruant:
Quiconque espere au Dieu viuant,
Iamais ne perira.

P S E A I V M E X X X V. TH. DE BE.

David cognoissant la reprobation de ses ennemis qui le persecutoyent à grand tort, & resistoyent continuellement & à leur escient à la volonté de Dieu, les maudit, & prie Dieu de l'en deliurer, afin que Dieu en soit glorifié. Pseanne plein de foy & de l'amour de Dieu, duquel il se faut garder d'abuser par conuioise & vengeance.

D Eba contre mes debateurs, Comba, Seigneur,
mes combateurs, Empoigne-moy bouclier & lance,
Et pour me secourir t'auance: Charge-les, & mar-
che au deuant, Garde-les d'aller plus auant. Di à mon
ame,



ame, Ame, ie suis Celui qui garentir te puis.

De honte soyent tous esperdus,
Soyent renuersés & confondus
Tous ceux qui pourchassent ma vie,
Et de m'outrager ont enuie.

Soyent comme la poudre qui est
Du vent iettée où il lui plaist:
L'Ange du Seigneur tout-puissant,
Par tout les aille pourchassant.

Tous chemins soyent glissans pour eux:
Par chemins noirs & tenebreux
L'Ange de Dieu de place en place
Toujours les poursuiue & les chasse:
D'autant qu'à tort ils m'ont dressé
Leur engin dedans vn fossé:
Leur engin, di-ie, ils ont à tort
Appresté pour me mettre à mort.

Soit le meschant à despourueu
Surpris d'un mal qu'il n'ait preueu:
Au filé qu'il m'a voulu tendre,
Son pié mesme se viene prendre:
Tombe lui-mesme, & soit froissé
Au plus profond de son fossé:
Mon ame lors s'esiouira
En Dieu qui gardee l'aura.

Lors diront tous les os de moy,

Qui est le Seigneur. f. iii.

Seigneur, qui est pareil à toy?
 Gardant du foible l'impuissance,
 Contre le fort & sa puissance,
 Gardant que le pource affligé,
 Des meschans ne soit outragé.
 Faux tesmoins ont sur moy sailli,
 De faux propos m'ont assailli:

Le mal pour le bien m'ont rendu,
 D'auoir ma vie ont pretendu.
 Toutefois en leur temps contraire
 J'ay iusné, j'ay porté la haire:
 Pour eux en mon sein j'ay versé
 Mainte priere à chef baissé:
 Bref, en tel poinct ie me suis mis,
 Que pour mes freres & amis.

J'alloy' courbé comme feroit
 Vn qui sa mere pleureroit:
 Mais eux cognoissans mon martyre,
 Se sont assemblez pour en rire.
 Les plus maraux à mon desceu
 M'ont machiné ce qu'ils ont peu:
 A pleine gorge ils m'ont blasmé,
 Et tant qu'ils ont peu diffamé.

Contre moy ont grincé les dents
 Vn tas de flatereaux mordens,
 Auec ces plaisans venerables,
 Qui vont suiuians les bonnes tables.
 Seigneur, que veux-tu plus tarder?
 Plaïse toy mon ame garder,
 Qui est seuletée: es maux qu'elle a

Et des lions deliure-la.

P A V S E.

Sus, ie te beniray, mon Dieu,
De tout ce grand peuple au milieu,
Et parmi la troupe amassée
Sera ta grandeur annoncée.

Fay que de rire n'ait dequoy
Quiconque à tort en veut à moy:
Et ne permets ces enuieux
A tort me guigner de leurs yeux.

Car de noise ils parlent tousiours:
Et rien ne pensent tous les iours,
Qu'à deceuoir, s'il est possible,
Le pource affligé tout paisible.

Pour mieux se moquer, ces peruers
Ont sur moy leurs gosiers ouuers:
Chacun d'eux a crié sur moy,
Hâ, hà, le meschant, ie le voy.

Seigneur, tu les as veus aussi,
Ne laisse point passer ceci:
Seigneur, de loin ne m'abandonne,
Ains pour iuger ma cause bonne,
Mon Dieu, mon Seigneur, leue-toy:
Mon Dieu, mon Seigneur, iuge-moy
Par ta iuste bonté, afin
Qu'ils n'en soyent ioyeux à la fin:


Et qu'ils n'aillent disans entr'eux,
Sus, sus, c'est fait: soyons ioyeux,
Il est destruit. Tels personnages,
Prenans plaisir à mes dommages,

Soyent tous confus & diffamés:
Ceux qui sur moy sont animés,
Ayent pour tout leur parement,
Honte & vergongne seulement.


Mais tout plaisir puisse auenir
A qui veut mon droit soustenir:
Chante tousiours d'esjouissance,
Benite soit la grand' puissance
De toy, ô Seigneur Dieu, qui fais
Viure ton seruiteur en paix.
Tes bontés ma langue dira,
Et chacun iour te chantera.

Il s'esmerueille de la grâde bonté de Dieu, laquelle est si espâdue par tout, que mesme les mauuais s'en sentent: puis chante que les eleus la sentent singulierement sur tous, comme par benediction: & prie Dieu la continuer plus longuement à ceux qui le cognoissent, & les garder de la violence des mauuais, desquels il predict aussi la ruine.


D V malin le meschant vouloir Parle en mon
cœur, & me fait voir Qu'il n'a de Dieu la crainte:
Car tant se plaist en son erreur, Que l'auoir en haine
& horreur C'est bié force & cōtrainte. Son parler
est



est nuisant & fin: Doctrine va fuyant, afin De iamais



bien ne faire : Songe en son liect meschanceté, Au



chemin tors est arresté, A nul mal n'est contraire.

O Seigneur, ta benignité
Touche aux cieux, & ta Verité
Dresse aux nues la teste:
Tes iugemens semblent hauts monts,
Vn abyfme tes actes bons,
Tu gardes homme & beste.

O que tes graces nobles font
Aux hommes qui confiance ont
En l'ombre de tes ailes!
De tes biens foules leurs desirs,
Et au fleuve de tes plaisirs
Pour boire les appelle.

Car source de vie en toy gist,
Et ta clarté nous eslargit
Ce qu'auons de lumiere.
Continue, ô Dieu tout-puissant,
A tout cœur droit te cognoissant,
Ta bonté coustumiere.

Que le pié de l'homme inhumain
De moy n'approche, & que sa main
Ne m'esbranle ne greue.

C'est fait, les iniques cherront,
Et repoussés trebuscheront,
Sans qu'un d'eux se releue.

PSEALME XXXVII. CI. MA.

Afin que les bons ne s'estbahissent de voir prosperer les mauuais, David chante que toutes choses viendront à souhait à ceux qui aiment & craignent Dieu: & que ceux qui n'en font conte, cōbien qu'ils semblent florir pour quelque tēps, seront en fin desracinés.

N E fois fasché, si durant ceste vie Souuent tu
vois prosperer les meschās, Et des malins aux biēs ne
porte enuie: Car en ruine à la fin trebuschās, Serōt fau-
chés comme foin en peu d'heure, Et secheront com-
me l'herbe des champs.

En Dieu te fie, à bien faire labeure:
La terre auras pour habitation.
Et iouras de rente vraye & seure.

En Dieu sera ta delectation:
Et des souhaits que ton cœur voudra faire,
Te donnera pleine fruition.

Remets en Dieu & toy & ton affaire:
En lui te fie, & il accomplira

Ce que

Ce que tu veux accomplir & parfaire:
 Ta preud'homme en veuë il produira
 Comme le iour: si que ta vie bonne
 Comme vn midi par tout resplendira.

Laisse Dieu faire, atten-le, & ne te donne
 Souci aucun, regret, ne desplaisir
 Du prosperant, qui à fraude s'adonne.
 Si dueil en as, vueille-t'en dessaisir:
 Et de te ioindre à eux n'aye courage,
 Pour faire mal, & suiure leur desir.

Car il cherra sur les malins orage:
 Mais ceux qui Dieu attendront constamment,
 Possederont la terre en heritage.

Le faux faudra si tost, & tellement,
 Que quand sa place iras chercher & querre,
 N'y trouueras la trace seulement.

 Mais les benins heriteront la terre,
 Et y auront, sans moleste d'autrui,
 Tout le plaisir que l'homme sauroit querre.
 Il est certain que tout mal & ennui
 L'homme peruers au bien-viuant machine,
 Et par fureur grince les dents sur lui.

Mais cependant la maiesté Diuine
 Rit du meschant: car de ses yeux ouuers
 Voit bien venir le iour de sa ruine.

Tirer leur glaiue on verra les peruers,
 Et bander l'arc, pour l'humble & pourebatre,
 Et pour les bons ruer morts à l'euers.

Mais leur couteau sera pour les combatre,

Et percera leur cœur, tant soit-il caut:
Verront aussi leur arc rompre & abatre.

Certes le peu de l'homme iuste, vaut
Mille fois mieux que la riche abondance
Du mal-viuant, tant soit esleué haut.

Car du meschant le bras & la puissance
Seront rompus: mais le Dieu supernel
Sera des bons tousiours la soustenance.

Il voit & fait par vn soin paternel,
Les iours de ceux qui ont vie innocente,
Et d'iceux est l'heritage eternel.

Point ne seront frustrés de leur attente
Au mauuais temps, & si seront soulés
Aux plus longs iours de famine dolente.

Mais les malins periront desolés,
Et n'aimans Dieu s'en iront en fumee,
Ou deuiendront comme graisse esoulés.

P A V S E.

Leur main sera d'emprunter affamee,
Sans pouuoir rendre: & les iustes auront
Dequoy monstrier charité enflammee.

Car les benins de Dieu possederont
Finalement terre pleine de graisse:
Et les maudits en poureté cherront.

Dieu tous les pas du vertueux adresse,
Et au chemin qu'il veut suiure & tenir,
Donne faueur, & l'vnit & le dresse.

Si de tomber ne se peut contenir,
D'estre froissé ne lui faut auoir crainte:
Car Dieu viendra la main lui soustenir.

I'ay esté ieune, & vieillesse ay atteinte,
 Et n'ay point veu le iuste abandonner,
 Ni ses enfans mendier par contrainte:
 Ains chacun iour ne faire que donner,
 Prestier, nourrir: & si voit-on sa race
 Accroistre en heur, & en bien foisonner.]

Fui donc le mal, fui le bien à la trace:
 Et de durer à perpetuité
 Le Seigneur Dieu te donnera la grace:
 Car il ne pert (tant il aime equité)
 Nul de ses bons: ils ont garde eternelle:
 Mais il destruit les fils d'iniquité.

Les bien-viuans en ioye solennelle
 Possederont la terre qui produit,
 Et à iamais habiteront en elle.
 Du bien-viuant la bouche rien n'instruit
 Que sapience, & sa langue n'expose
 Rien qui ne soit trefuiste & plein de fruit.]

Car en son cœur la Loy de Dieu repose:
 Parquoy son pié ne sera point glissant,
 Quelque chemin que tirer il propose.
 Il est bien vray que l'inique puissant
 Le iuste espie: & pour à mort le mettre,
 Par tout le quiert comme vn loup rauissant:]

Mais en sa main Dieu ne voudra permettre
 Qu'il soit soumis, ne le voir condamner,
 Quand à iustice il se viendra soumettre.

Dieu donc atten, vueille en lui cheminer:
 Haut te mettra sur la terre seconde,

Et les malins verras exterminer.

J'ay veu l'inique enflé & craint au monde,
Quis'estendant, grand & haut, verdissoit
Comme vn laurier, qui en rameaux abonde:

Puis repassant par où il florissoit,
N'y estoit plus, & le cerchay à force:
Mais ne le feu trouuer en lieu qui soit.

Garde de nuire: à voir le droict t'efforce:
Car l'homme tel, en fin pour son loyer,
Aura repos, loin d'ennui & diuorce:



Mais tous faudront les prompts à fouruoyer,
Et des nuisans tout le dernier salaire
Sera, que Dieu les viendra foudroyer.


Que diray plus? Dieu est le salulaire
Des bien-viuans: c'est celui qui sera
Toufiours leur force au temps dur & contraires:

Les secourant, il les deliurera:
Les deliurant, garde il en voudra faire,
Pource qu'en lui chacun d'eux espoir a.

P S E A V M E XXXVIII. CL. M. A.

Dauid ayant la peste, ou quelqu'autre vlcere en la cuisse, se plaint fort à Dieu de la vehemence de son mal, du defect de ses amis, de la cruauté de ses ennemis: & implore l'aide de Dieu.

L  As'en ta fureur aigue Ne m'argue De mon

faict, Dieu tout-puissant: Ton ardeur vn peu retire,
N'en



N'en ton ire Ne me punis languissant.

Car tes fleches descochees

Sont fichees

Bien fort en moy, sans mentir:

Et as voulu, dont i'endure,

Ta main dure

Dessus moy appesantir.

Ie n'ay sur moy chair ne vaine

Qui soit saine,

Par l'ire en quoy ie t'ay mis:

Mes os n'ont de repos ferme

Iour ne terme,

Par les maux que i'ay commis.

Car les peines de mes fautes

Sont si hautes

Qu'elles surmontent mon chef:

Ce m'est vn faix importable

Qui m'accable,

Tant croist sur moy ce meschef.

Mes cicatrices puantes

Sont fluantes

De sang de corruption.

Làs, par ma folle sottie,

M'est sortie

Toute ceste infection.

Tant me fait mon mal la guerre

Que vers terre

Suis courbé totalement:
Avec triste & noire mine

Le chemine.

Tout en pleurs iournellement.

Car mes cuisses & mes aines

Sont ia pleines

Du mal dont suis tormenté:

Tellement qu'en ma chair toute

N'y a goutte

D'apparence de santé.

Je, qui fouloy' estre habile,

Suis debile,

Cassé de corps, piés & mains:

Si que de la douleur forte

Qu'au cœur porte,

Je iette cris inhumains.

Or tout ce que ie desire,

Trescher Sire,

Tu le vois clair & ouuert:

Le souspir de ma pensée

Transpercee,

Ne t'est caché ne couuert.

Le cœur me bat à outrance:

Ma puissance

M'a delaisié tout perclus:

Et de mes yeux la lumiere

Coustumiere,

Voire mes yeux ie n'ay plus.

Les plus grans amis que j'aye,

De ma

De ma playe
Sont vis à vis, sans grand foin:
Et hors mis toutes reproches,
Mes plus proches
La regardent de bien loin.

P A V S E.

Ceux qui à ma mort s'attendent,
Leurs laqs tendent:
D'autres voulans me greuer,
Sur moy mille maux auancent,
Et ne pensent
Que fraudes pour m'acheuer.

Et moy, comme n'oyant goutte,
Les escoute:
Leur cœur ont beau descouvrir,
Je suis là comme vne fouché,
Sans ma bouche
Non plus qu'un muet ouurir.

Je suis deuenue, en femme,
Comme un homme
Du tout sourd & qui n'oit point:
Et qui n'a, quand on le pique,
De replique
Dedans sa bouche un seul poinct.

Mais aueques esperance,
L'assurance
De ton bon secours i'attens:
Et ainsi mon Dieu mon Pere,
Que j'espere,
Tu me respondras à temps.

Je le di, & si t'en prie,
 Qu'on ne rie
 De mon mal-heureux esmoy:
 Car dès qu'un peu mon pié glisse,
 Leur malice
 S'esjouit du mal de moy.

Vien donc, car ie suis en voye
 Qu'on me voye
 Clocher trop honteusement:
 Pource que la grand' destresse
 Qui m'opresse,
 Me poursuit incessamment.

Làs, à part-moy, avec honte,
 Je raconte
 Mon trop inique forfait:
 Je refuse, ie me tormente,
 Je lamente,
 Pour le peché que j'ay fait:

Et tandis mes aduersaires
 Et contraires
 Sont vifs & fortifiés:
 Ceux qui m'ont sans cause aucune
 En rancune,
 Sont creus & multipliés.

Tous encontre moy se bandent,
 Et me rendent
 Pour le bien l'iniquité:
 Et de leur haine la source,
 Ce fut, pource

Que ie suiuioy' equité.

Seigneur Dieu, ne m'abandonne

Moy personne

Deschassée d'un chacun:

Loin de moy la grace tiene

Ne se tiene,

D'ailleurs n'ay espoir aucun.

Vien, & approche-toy donques,

Vien, si onques

De tes enfans te chalur:


De me secourir te haste,

Je me gaste,


Seigneur Dieu de mon salut.

PSEALME XXXIX. TH. DE BE.


Exemple singulier du combat d'un cœur fidele contre desespoir & impatience.




I' Ay dit en moy, De pres ie viseray A tout ce-



la que ie feray, Pour ne parler vn seul mot de trauers,



En voyāt debout le peruers: voire deusse-ie, afin de ne



parler, Ma propre bouche emmufeler.

Comme vn muet du tout ie n'ay dit rien,

Mesme iusqu'à taire le bien:
 Mais i'ay senti augmenter ma douleur,
 Et mon cœur doubler sa chaleur:
 Si qu'en pensant, i'estoy' comme brulé,
 Parquoy de ma langue ay parlé,

O Eternel, declare-moy ma fin,
 Et le temps de ma vie, afin
 Que de mes ans i'entende tout le cours.
 Voila, tu m'as taillé mes iours
 Au demi pié: mon temps de bout en bout
 Au pris du tien n'est rien du tout.

Certes tout homme est toute vanité,
 Quand mesme il semble estre arresté:
 Certes il est comme vn songe passant,
 Et pour neant va tracassant
 Pour amasser force biens, sans sauoir
 L'heritier qui les doit auoir.

**

**

Qu'atten- ie donc, ô Seigneur, & en quoy
 Gist mon espoir? certes en toy.
 Deliure-moy des maux que i'ay commis,
 Et ne permets que ie soy' mis
 Comme à seruir de ris & passe-temps
 A ceux qui ont perdu le sens.

I'ay fait ainsi qu'un muet proprement,
 I'ay clos la bouche entierement:
 Car c'est de toy que me vient tout ceci:
 Retire donc de moy transi
 Ta playe, helas! ie sen fondre mon cœur,

Sentant

Sentant de ta main la rigueur.

Quand les pecheurs il te plaist de punir,
On les voit à rien deuenir:

On voit perir la beauté du peruers,
Comme vn habit rongé de vers.

Certes tout homme, à dire verité,
N'est autre cas que vanité.

Oy ma priere, enten à mes clameurs:

Seigneur, ne mesprise mes pleurs:

Car pelerin estranger tu me vois,

Comme mes peres autresfois.

Recule-toy, souffre-moy renforcer,

Deuant que i'aille trespasser.

PSEALME XL. TH. DE BE.

Danid loue Dieu du secours qu'il luy a donné : & conclud que celui seul est heureux qui s'attend au Seigneur: predisant l'abolition de son peché par l'obeissance du Messias, comme il est exposé au 10 chap. de l'Epistre aux Hebreux. Puis il se dedie du tout à louer Dieu : l'inuoke en sa grande neccésité, s'asseyant d'estre exaucé, afin que Dieu en soit loué.

A Pres auoir constamment attendu De l'Eter-

nel la volonté, Il s'est tourné de mon costé, Et a

mon cri au besoin entédu. Hors de fange & d'ordu-

re, Et profondeur obscure, D'un gouffre m'a tiré: A



Dedans ma bouche vn nouveau chant d'honneur
 Il a mis pour son los & prix:
 Plusieurs l'oyans seront appris
 En toute crainte à s'attendre au Seigneur.

O l'homme heureux au monde,
 Qui dessus Dieu se fonde,
 Et en fait son rempar!
 Laislant tous ces hautains,
 Hommes menteurs & vains,
 S'esgarer à l'escart.

Seigneur mon Dieu, merueilleux sont tes faits:
 Tu penſes de nous tellement,
 Que nul ne ſauroit ſeulement
 Mettre de reng les biens que tu lui fais:

Si ie les mets en conte,
 Le nombre me ſurmonte.
 Beſtes pour t'adreſſer,
 Et gaſteaux t'ont deſpleu:
 Mais, Seigneur, il t'a pleu
 L'aureille me percer.

Tu n'as requis oblation de moy
 Pour le peché: lors ie t'ay dit,
 Me voici preſt: il eſt eſcrit

De moy

De moy ton serf au rolle de la Loy,

Que ta volonté sainte

P'accomplisse sans feinte.

Ie le vueil, ô mon Dieu:

Ce qu'as déterminé

Ie porte enraciné

De mon cœur au milieu.

**

**

J'ay publié ta iustice & presché,

Voire sans feindre aucunement:

Seigneur, tu le fais, & comment

Rien ie n'en ay tenu clos ne caché.

Ta loyauté constante,

Ton aide tant puissante

Ie declare à chacun:

P'annonce ta bonté

Et grand' fidelité

Au milieu du commun.

Or tes bontés tu ne m'espargneras:

De ta grande compassion,

Et verité sans fiction,

Sans fin, Seigneur, tu m'accompagneras.

Infinis maux m'affaillent,

Mes pechés me trauaillent,

La veuë m'en défaut:

Ie sen plus de meschef

Que de poil sur mon chef:

Le courage me faut.

Delivre-moy, Seigneur, par ton support

Accour à mon aide, Seigneur.

Soyent confus en grand deshonneur
 Tous les meschans qui pourchassent ma mort.
 Honte tous ceux ruine
 Qui cherchent ma ruine,
 Ceux qui rient de moy
 Soyent tous recôpensés
 Des maux qu'ils m'ont brassés,
 De vergongne & d'es moy.

Mais trouue en toy tout plaisir solennel,
 Quiconques a vers toy recours:
 Quiconques aime ton secours
 Die à tousiours, Loué soit l'Eternel.
 Poure suis miserable,
 Mais mon Dieu secourable
 A eu de moy le soin.
 Mon Dieu, tu m'as aidé,
 C'est toy qui m'as gardé:
 Sois prest à mon besoin.


PSEAVME XLII. TH. DE BEE.

David estant en extreme torment, benit ceux qui ne l'ont point condamné pour cela: se complaint des trahisons de ses amis contrefaits: & entre autres d'un de ses plus familiers, qui estoit figure de Iudas, selon ce qui est dit Iean 13. Invoque la misericorde de Dieu contr'eux, en telle asseurance qu'il le remercie desia de sa santé recouree, tournât le tout à la louange de Dieu. Pseaume propre pour ceux qui ont expérimenté le semblable.


O




Bien-heureux qui iuge sa ge ment Du




poure en son torment! Certainemēt Dieu le soulage-



ra, Quand affligé fera: Dieu le rendra sain & sauf, &



fera Qu'encor' il fleurira: Point ne voudra l'exposer



aux souhaits Que ses haineux ont faits.

Lors qu'en son liét sera plein de langueur,

Dieu lui donra vigueur:

Et changera son liét d'infirmié,

En vn liét de santé.

En mes douleurs, ô Dieu, i'ay dit ainsi,

Aye de moy merci,

Gueri mon ame, ô Dieu, car i'ay forfait,

Et contre toy meffait.

Mes ennemis m'ont souhaité des maux

En leurs courages faux,

Disans, Jamais ne pourra-il mourir,

Et son renom perir?

Me venans voir, m'ont fait de beaux discours,

Couuans leurs meschans tours

Dedans le cœur puis chacun quand il sort,

Va faire son rapport.

Eux tous alors, certains propos mordens

Grondent entre leurs dents:

Chacun voudroit me voir exterminé

Et du tout ruiné:

Difans, Cest homme est au liect attaché
 Pour quelque grand peché:
 Il est si plat qu'il ne s'en peut sauuer,
 Ni jamais releuer.

Mesme sur moy, mon ami de plus pres,
 Tesmoin de mes secrets,
 Mon ami, di-ie, en ma table esleué,
 Son talon a leué.

Mais toy, Seigneur, aye compassion
 De mon affliction:
 Redresse-moy: lors payés ils seront
 Des tormens qu'ils me font.


Mais quoy? desia par cela voir ie puis
 Combien cher ie te suis,
 Que mes haineux n'ont encore de quoy
 Pouvoir rire de moy.

C'est toy qui m'as en mon entier tenu,
 Et tousiours soustenu:
 Voire & voudras tousiours à l'aueuir
 Deuant toy me tenir.

Loué soit Dieu, le grand Dieu d'Israel,
 D'un los perpetuel,
 De siecle en siecle. Ainsi, ainsi, Seigneur,
 Soit chanté ton honneur.

PSEAVME XLII. TH. DE BE.

Le Prophete empesché par ses ennemis d'estre en l'assemblée du peuple saint, en fait vne grande complainte: & proteste qu'il y est de cœur, encores qu'il soit absent de corps: declare ses calamités: s'assure & console soy mesme en la bonté de Dieu. Iseume pour ceux que les infideles empeschent de se trouuer en l'Eglise.


A 
 Ainsi qu'on oit le cest bruire, Pour chassant le
 frais




frais des eaux, Ainsi mō cœur q' s'inspire, Seignr, apres



res ruisseaux, Va tousiours criāt, suiuant le grād, le gād



Dieu viuāt. Helas dōques quād fera-ce Que verray de



Dieu la face?

Iours & nuicts pour ma viande
De pleurs me vay s'ostenant,
Quand ie voy qu'on me demande,
Où est ton Dieu maintenant?

Ie son en me souuenant
Qu'en troupe i'alloy' menant,
Priant, chantant, grosse bande
Faire au temple son offrande.

D'où vient que t'esbahis ores,
Mon ame, & fremis d'esmoys?
Espere en Dieu, car encores
Sera-il chanté de moy,

Quand d'un regard seulement
Il guerira mon torment.
Làs! mon Dieu, ie sen mon ame
Qui de grand desir se palme.

Car l'ay de toy souuenance
 Depuis outre le Iourdain,
 Et la froide demeure
 De Hermon pays hautain,
 Et de Misar autre mont.
 Vn gouffre l'autre semond,
 Lors que tonnent sur ma teste
 Les torrens de la tempeste.

Tous les grans flots de ton onde
 Par dessus moy ont passé:
 Mais sur vn poinct ie me fonde,
 Que n'estant plus courroucé,
 De iour tes biens m'enuoy'ras,
 De nuit chanter me feras,
 Priant d'une ame rauie,
 Toy seul auteur de ma vie.





Ie diray, Dieu ma puissance,
 D'où vient qu'en oubli suis mis?
 Pourquoi vi-ie en desplaissance,
 Pressé de mes ennemis?
 Ie sen leurs meschans propos
 Me naurer iusques aux os,
 Quand ils disent à toute heure,
 Où fait ton Dieu sa demeure?

D'où vient que t'esbahis ores,
 Mon ame, & fremis d'es moy?
 Espere en Dieu, car encores
 Sera-il loué de moy:
 D'autant qu'il est le Sauueur
 Me presentant sa faueur.

Bref, pour conclure, mon ame,
C'est le Dieu que ie reclame.

PSEAVME XLIII. CL. M.A.

Il prie estre deliuré de ceux qui auoyent cōiuré avec Absalom, afin qu'il puisse à bon
escient publier les louanges de Dieu en la sainte congrégation.

R  Euenge-moy, pren la querele De moy, Sei-
 gneur, par ta merci, Contre la gent fausse & cruel le:
 De l'hôme rempli de cautele, Et en sa malice endur-
 ci, Deliure-moy aussi.

Làs, mon Dieu, tu es ma puissance:
Pourquoy t'enfuis me reboutant?
Pourquoy permets qu'en desplaisance
Ie chemine sous la nuisance
De mon aduersaire, qui tant
Me va persecutant?






A ce coup ta lumiere luisse:
Et ta foy veritable tien:
Chacune d'elles me conduise
En ton saint mont, & m'introduise
Iusques au tabernacle tien,
Avec humble maintien.

Là dedans prendray hardiesse
 D'aller de Dieu iusqu'à l'autel,
 Au Dieu de ma ioye & liesse:
 Et sur la harpe chanteresse
 Confesseray qu'il n'est Dieu tel
 Que toy, Dieu immortel.

Mon cœur, pourquoy t'esbahis ores?
 Pourquoy te debas dedans moy?
 Attens le Dieu que tu adores,
 Car graces lui rendray encores,
 Dont il m'aura mis hors d'esmoy,
 Comme mon Dieu & Roy.

P S E A V M E X L I I I I . T H . D E E E .

Priere tresardente au nom des fideles affligés en toutes sortes pour auoir soustenu
 la Parole de Dieu, suiuant l'exposition de saint Paul, Rom 8.

 **O** Ra uons-nous de nos oreilles, Seigneur, en-

 tendu tes merueilles Ra conter à nos peres vieux, Fai-

 tes iadis, & deuant eux, Ta main a les peuples chassez,

 Plantant nos peres en leur place : Tu as les peuples

 oppressez, Y faisant germer nostre race.

Ce n'est donc point par leur espee
 Qu'ils ont ceste terre occupee:
 Es dangers à eux suruenus
 Leur bras ne les a soustenus.

Ta dextre a esté leur sauueur,
 Ton bras ta face debonnaire:
 Et leur as fait ceste faueur,
 D'autant qu'il t'a pleu de ce faire.

Tu es le Roy qui me domine,
 Seigneur, de puissance Diuine:
 Fay que Iacob ton bien-aimé
 Ait ton secours accoustumé.

Par ton secours nous choquerons
 Tous les ennemis qui nous greuent:
 Et par ton Nom nous foulerons
 Tous ceux qui contre nous s'esleuent.

Car en mon arc ie n'ay fiance,
 Et say tresbien que la puissance
 De mon espee ne fera
 Celle qui me garentira:

Mais toy, qui nous as defendus
 Encontre tous nos aduersaires,
 Toy, di-ie, qui rens confondus
 Tous ceux-la qui nous sont contraires.

En Dieu gist toute nostre gloire
 Vn chacun iour, & ta memoire
 Nous deliberons deormais
 De magnifier à iamais.

Mais tu te tiens de nous bien loin,

Rougir nous fais en leur presence:
 Et nos gendarmes au besoin
 Tu n'accompagnes pour defense.

Tourner tu nous fais en arriere
 Deuant l'armee meurtriere
 Des ennemis venans saisir
 Tout nostre bien à leur plaisir.

Tu nous fais estre à ces pillars,
 Comme brebis aux boucheries:
 Semé nous as de toutes pars
 Parmi nations ennemies.

Ta gent pour neant as vendue,
 Ainsi qu'une chose perdue:
 Tellement que tout bien conté,
 Tu n'en as en rien profité.

Tu fais qu'en opprobre nous ont
 Tous ceux qui entour nous habitent:
 Ceux, di-je, qui nos voisins sont
 Par tout nous blasment & despitent.

Nous ne seruons comme nous sommes,
 Que de prouerbe aux autres hommes:
 Ceux qui nous voyent, quant & quant
 Branlent la teste en se moquant.

Honte chemine deuant moy
 Vn chacun iour, quoy que ie face:
 Si que de vergongne & d'esmoy
 Contraint suis de couvrir ma face.

Tant il nous faut ouir d'iniures,
 Et maintes reproches tresdures:

Tant d'ennemis sur nous rengés
Ne cherchent que d'estre vengés.

Nonobstant tout ce traitement,
Tu n'es point mis en oubliance,
Et n'auons point fait autrement
Que porte ta sainte alliance.

P A V S E.

Ailleurs qu'à toy nostre pensée,
Seigneur, ne s'est point adressée:
Hors le chemin qu'as ordonné,
Nostre pié n'a point cheminé,

Parmi dragons enuenimés,
Combien que ta main nous accable,
Et que nous ayes abyfmez
D'ombre de mort espouuantable.

Si nous n'auions eu souuenance
De nostre Dieu & sa puissance,
Si nous auions tendu la main
A d'autre dieu qu'au Souuerain,
Dieu ne s'en enquerroit-il point,
Lui, di-ie, qui cognoist & sonde,
Voire iusques au dernier poinct,
Les plus fins cœurs de tout le monde:

On nous meurtrit pour ta querele,
On nous tient en estime telle
Que brebis qu'on nourrit expres
Pour les massacrer puis apres.

Helas, Seigneur, pourquoy dors-tu?
Re ueille-toy en nos oppresses:
Resueille, di-ie, ta vertu,
Et pour iamais ne nous delaisses.

Pourquoy caches-tu ton visage?
 Pourquoy, alors qu'on nous outrage,
 N'as-tu quelque compassion
 De nostre grande oppression?


La grand' rigueur dont tu nous bas
 Confond nos ames & atterre:
 Nous auons les ventres tous plats,
 Comme colez contre la terre.

Leue-toy donc, & nous accorde
 L'aide de ta misericorde:
 Et pour l'amour de ta bonté
 Deliure-nous d'aduersité.


PSEAV. XLV. CL. MA.

C'est le chant nuptial de Iesus Christ & de son Eglise, sous la figure de Salomon & de sa principale femme, fille de Pharaon.

P Repos exquis faut que de mō cœur sorte: Car
 du Roy vueil dire chanson, de sorte, Qu'à ceste
 fois ma langue mieux dira Qu'un scribe prompt de
 plume n'escrira. Le mieux formé tu es d'humaine
 race: En ton parler gist merueilleuse grace. Par-
 quoy



quoy Dieu fait que toute nation Sans fin te louë en



be ne di cti on.

O le plus fort que rencontrer on puisse,
Accoustre & cein sur ta robuste cuisse
Ton glaive aigu, qui est la resplendeur
Et l'ornement de royale grandeur.

Entre en ton char, triomphe à la bonne heure
En grand honneur: puis qu'avec toy demeure
Verité, foy, iustice & cœur humain,
Voir te fera de grand's choses ta main.

Tes dards luisans & tes sagettes belles
Poignantes sont: les cœurs à toy rebelles
Seront au vif d'icelles transpercés,
Et dessous toy les peuples renuerlés.

O Dieu & Roy, ton throne venerable
Est vn haut throne à iamais perdurable:
Le sceptre aussi de ton Regne puissant,
Est d'equite le sceptre fleurissant.

Iniquité tu hais, aimant iustice:
Pour ces raisons Dieu ton Seigneur propice,
Sur tes confors t'ayant le plus à gré,
D'huile de ioye odorant t'a sacré.

De tes habits les plis ne sentent qu'ambre,
Et musc, & myrrhe, en allant de ta chambre
Hors ton palais d'iuoir haut & fier,

Là où chacun te vient gratifier.

**

**

Avec toy sont filles de rois bien nées,
De tes presens tresprecieux ornées:
Et la nouvelle espouse à ton costé,
Qui d'or d'Ophir couronne sa beauté.
Escoute, fille en beauté nompareille,
Enten à moy, & me preste l'aureille:
Il te conuient ton peuple familier,
Et la maison de ton pere oublier.

Car nostre Roy, nostre souuerain Sire
Mout ardemment ta grand' beauté desire:
D'orenauant ton Seigneur il sera,
Et de toy humble obeissance aura.

Peuples de Tyr, peuples pleins de richesses,
D'honneur & dons te feront grand's largesses:
Ce ne sera de la fille du Roy,
Sous manteau d'or, sinon tout noble arroy.

D'habits brodés richement atournee,
Elle fera deuers le Roy mencee,
Avec le train des vierges la suiuan,
Et de ses plus prochaines la seruans.
Pleines de ioye & d'ennui exemptees
Au Roy seront ensemble presentees:
Elles & toy en triomphe & bon-heur,
L'irez trouuer en son palais d'honneur.

Ne plain donc point de laisser mere & pere:
Car en lieu d'eux mariage prospere
Te produira beaux & nobles enfans,
Que tu feras par tout rois triomphans.

Quant

Quant est de moy, à ton Nom & ta gloire
 Feray escrits d'eternelle memoire,
 Et par lesquels les gens à l'auenir,
 Sans fin voudront te chanter & benir.

PSEAVME XLVI. CL. M. A.

Les bons chantent ici quelle fiance & seureté ils ont en tous perils, ayans Dieu pour leur garde.

D Es qu'aduersité nous offense, Dieu nous est
 appuy & defen se : Au be soyn l'auons esprouué
 Et grad secours en lui trouué: Dôt plus n'aurôs crain-
 te ne doute, Et deust trembler la terre toute,
 Et les montaignes a bysmer Au milieu de la
 haute mer:

Voire deussent les eaux profondes
 Bruire, escumer, enfler leurs ondes,
 Et par leur superbe pouuoir
 Rochers & montaignes mouuoir.

Au temps de tormente si fiere,
Les ruisseaux de nostre riuere
Resiouiront la grand' Cité,
Lieu tressaint de la Deité.

Il est certain qu'au milieu d'elle
Dieu fait sa demeure eternelle:
Rien esbranler ne la pourra,
Car Dieu prompt secours lui donra.
Troupes de gens sur nous coururent,
Meus contre nous royaumes furent,
Du bruit des voix tout l'air fendoit,
Et sous eux la terre fendoit.

Mais pour nous, en ces durs alarmes,
A esté le grand Dieu des armes:
Le Dieu de Iacob est vn fort
Pour nous encontre tout effort.
Venez, contemplez en vous mesmes
Du Seigneur les actes supremes,
Et ces lieux terrestres voyez
Comment il les a nettoyez.

Il a esteint cruelle guerre
Par tout iusqu'aux fins de la terre:
Brisé lances, rompu les arcs,
Et par feu les chariots ards.

Cessez, dit-il, & cognoissance
Ayez de ma haute puissance:
Dieu suis, j'ay exaltation
Sur toute terre & nation.

Conclusion, le Dieu des armes

Des nostres est en tous alarmes:
Le Dieu de Iacob est vn fort
Pour nous encontre tout effort.

P S E A V M E XLVII. T H. D E B E.

Cantique de resiouissance, chanté quand l'Arche fut posée en Ierusalé, laquelle estoit le tesmoignage de l'alliance faite avec le Seigneur, & par mesme moyen figure de la venue de Iesus Christ en son Eglise, par lequel Dieu est recôcilié aux hommes. Parquoy le Prophete passe plus outre, declarant qu'en ceste alliance seroyent compris non seulement les Iuifs, mais aussi les empires & plus puissans royaumes de la terre, qui cognoistroyent le vray Dieu pour leur souuerain Seigneur & Roy.

O R sus, to⁹ humaïs, Frappez en vos mains: Qu'o
ye sonner, Qu'on oye entôner Le Nô solénel De Dieu
eternel. C'est le Dieu tres-haut Que craindre il nous
faut, Le grâd Roy qui fait Sétir en effet Sa force au tra-
uers De tout l'vniuers.

Sous nostre pouuoir
Il nous fera voir
Les peuples batus:
Peuples abatus,
Et humiliés,
Mettra sous nos piés.
C'est lui qui à part

A mis nostre part
De Iacob l'honneur,
Auquel le Seigneur
S'est monstré sur tous
Amiable & doux.

Or donc le voici,
Qui s'en vient ici:
A grans cris de voix,
A ton de haut-bois,
Voyons arriuant
Le grand Dieu viuant.
Chantez-moy, chantez
De Dieu les bontez:
Chantez, chantez-moy
Nostre puissant Roy:
Car il est le Dieu
Regnant en tout lieu.

Sages & discrets,
Chantez ses secrets:
Car tous les Gentils
Tient assuietis,
Au throne monté
De sa sainteté.

Les Princes puissans
S'assuietissans,
Vers lui sont venus,
Pour estre tenus
Peuple du Dieu saint,
Qu'Abraham a craint.

Car Dieu en sa main,

Comme

Comme souverain
De ce monde entier,
Porte le bouclier,
Esleué sur tout
Iusqu'au dernier bout.

PSEAVME XLVIII. TH. DE BE.

Ierusalem (qui est la figure de l'Eglise) ayant esté miraculeusement deliurée d'un extreme danger, le Prophete en rend graces à Dieu, chante la forteresse & assurance de Sion, que le Seigneur a choisie.

C'Est en la tressainte Cité, Lieu choisi pour la sainte-
té, Que Dieu desploye en excellence Sa gloire &
sa magnificence La montagne de Sion, Deuers
le Septentrion, Ville au grand Roy consacrée, Est
en si belle contree, Que la terre vniuerselle Ne doit
s'esfouir qu'en elle.

Dieu aux palais d'elle est connu,
Et pour sa defense tenu.
Car vn iour les rois se banderent,

Et tous equippez s'y trouuerent,

Ils en ont veu les effets:

Dont estonnés & deffaits,

Eux avec toute leur bande,

Surpris d'une frayeur grande,

Avec extreme destresse,

Se sont sauuez de viffesse.

Douleur comme d'enfantement

Les faist avec tremblement,

Comme quand d'un terrible orage

Tu brises tout vn nauigage.

Trouué l'auons tout ainfi

Qu'on nous auoit dit auffi,

Quant au lieu où tu habites,

Seigneur Dieu des exercites,

Et ceste sainte demeure,

Où nostre grand Dieu demeure.

Dieu l'a fondée tellement,

Que perir ne peut nullement:

Là au milieu de ton saint Temple,

O Dieu, ta faueur se contemple.

Ainsi que de toutes pars,

O Dieu, ton Nom est espars,

Ta louange auffi redonde

Iusqu'au dernier bout du monde:

Et de bonté souveraine

Ta main droite est toute pleine.

De Sion tout le sacré mont

S'en refiouit, festes en font

Les filles de Iuda ioyeuses,

De tes iustices glorieuses.
 Faites de Sion le tour,
 ConteZ les tours alentour,
 Prenez garde aux forteresses,
 Considérez leurs hauteſſes,
 Pour les faire à ceux cognoiſtre
 Qui ſont encores à naiſtre.

Car lui ſeul eſt le Dieu regnant,
 Dieu à iamais nous ſouſtenant,
 Qui ci bas nous viendra conduire,
 Tant que la mort nous en retire.


PSEAVME XLIX. TH. DE BE.

Le Prophete deſcrit les vanités & beſtiſes des riches & puisſans qui ont le cœur adonné à leurs richeſſes, & cōſole les pources en leurs afflictions, les aſſeurant d'un bien, trop plus grand & plus ferme.

P Euples,oyez,& l'aureille preſtez. Hōmes mortels
 qui le monde habitez, Des plus petis iuſques aux
 plus puisſans,Riches hautains,& pources languiſſans:
 Sages propos ma bouche annoncera, Graues diſ-
 cours mon cœur entamera: A mes beaux mots l'au-



reille ie vueil tendre, Et sur mon lut grand's choses



vous apprendre.

Pourquoy seray- ie en mes maux estonné,
Quoy que ie soy' clos & enuironné
De ces peruers, me suiuan's pas à pas,
Pour me surprendre, & renuer'ser en bas?

Aucuns se sont à leurs thresors tenus,
Se faizans fiers de leurs grans reuenus:
Mais nul n'en peut faire son frere viure,
N'offrir à Dieu rançon qui le deliure.

Car le rachat de leur ame est trop cher
Pour en finer, quoy qu'on vueille tascher
De viure ici perpetuellement,
Sans iamais voir fosse ne monument:

Veu qu'on y voit les sages se mourir,
Le fol, le sot egale'ment perir,
En delaissant leur tant chere cheuance,
Mesmes à ceux dont ils n'ont cognoissance:

Et toutefois tout le discours qu'ils font,
C'est qu'à iamais leurs maisons dureront,
Que leur logis, & places de leur nom,
De fils en fils porteront leur renom.

Mais telles gens ont beau estre seigneurs,
Ils ne sauroyent maintenir leurs honneurs:
Ains periront du tout ces grosses testes,

Et s'en

Et s'en iront semblables à des bestes!

Leur train ne tend qu'à folle vanité,
Et toutefois à grand' hastiueté
Leurs fols enfans vont coustumierement
Suiuans le train de cest enseignement.

Ils seront mis en terre par troupeaux,
D'eux se paistra la mort en leurs tombeaux;
Des bons sera la compagnie heureuse
Au poinct du iour sur eux victorieuse!

Eux & leur lustre à neant tourneront,
De leurs maisons à la fosse ils iront:
Mais de la mort Dieu me rachetera,
Car comme sien il me retirera.

Ne crain donc point quand quelcun auras veu
Deuenu riche, & en honneurs accru:
Car en mourant, ses thresors il ne serre,
Et ses honneurs avec lui on n'enterre.

En ceste vie ils ont eu passe-temps,
Et louënt ceux qui se donnent bon temps.
Mais ils suiuront leurs peres aux bas lieux,
Sans voir iamais lumiere de leurs yeux.

Conclusion, quand vn homme auancé
En grans honneurs, en deuiet insensé,
Il n'est plus homme, ains aux bestes ressemble,
Desquelles meurt ame & corps tout ensemble.

PSEAVME L. CL. MAI

Il prophetise comme Dieu deuoit appeler à foy toutes nations par l'Euangile, & ne demander aux siens pour tous sacrifices, sinon confession & predication de sa bonté: detestant ceux qui se vantent d'observer sa religion, sans que leur cœur soit touché de zele ne d'amour en lui.

L E Dieu, le Fort, l'Eternel parlera, Et haut &
clair la terre appellera: De l'Orient iusques à l'Occi-
dent Deuers Sion Dieu clair & euident Apparoi-
stra, orné de beauté toute: Nostre grand Dieu vien-
dra, n'en faites doute,

Ayant vn feu deuorant deuant lui,
D'vn vehement tourbillon circui:
Lors huchera & terre & ciel luisant,
Pour iuger là tout son peuple en disant,
Assemblez-moy mes Saints qui par fiance
Sacrifiens ont prins mon alliance.

(Et vous, les cieux, direz en tout endroit
Son iugement: car Dieu est Iuge droit.)
Enten, mon peuple, & à toy parleray:
Ton Dieu ie suis rien ne te celeray:
Par moy repris ne feras des offrandes
Qu'en sacrifice ay voulu que me rendes.

Je n'ay besoin prendre en nulle saison
 Bouc de tes parcs, ne bœuf de ta maison.
 Tous animaux des bois sont de mes biens,
 Mille troupeaux en mille monts sont miens:
 Miens ie cognoy les oiseaux des montagnes,
 Et Seigneur suis du bestail des campagnes.

**

**

Si i'auoy' faim, ie ne t'en diroy' rien:
 Car à moy est le monde & tout son bien:
 Suis-ie mangeur de chair de gros taureaux?
 Ou boy-ie sang de boucs ou de cheureaux?
 A l'Eternel louange sacrifice:
 Au Souuerain ren tes vœus & t'y fie.

Inuoque-moy quand oppressé seras,
 Lors t'aideray: puis honneur m'en feras.
 Aussi dira l'Eternel au meschant,
 Pourquoi vas-tu mes edicts tant preschant,
 Et prens ma Loy en ta bouche maligne,
 Veu que tu as en haine discipline,

Et que mes dictes iettes & ne reçois?
 Si vn larron d'auenture apperçois,
 Avec lui cours: car autant que lui vaux:
 T'accompagnant de paillars & ribaux:
 Ta bouche mers à mal & mefdifances,
 Ta langue brasse & fraudes & nuisances:

Causant assis pour ton prochain blasmer,
 Et pour ton frere ou cousin diffamer.
 Tu fais ces maux, & cependant que riens
 Je ne t'en di, tu m'estimes & tiens
 Semblable à toy: mais quoy que tard le face,

T'en reprendray quelque iour à ta face.

Or entendez cela, ie vous suppli',
 Vous qui mettez l'Eternel en oubli,
 Que sans secours ne soyez tous deffaits.
 Sacrifiant louange, honneur me fais,
 Dit le Seigneur, & qui tient ceste voye,
 Doubter ne faut que mon salut ne voye.

PSEAVME LI. CL. MA.

Après la mort d'Vrie, Dauid cognoissant son peché, demâde pardon à Dieu, & qu'il lui enuoye son Esprit pour le garder de plus pecher: s'offre à instruire les autres, & prie pour Ierusalem, qui est la vraye Eglise.

Misericorde au poure vicieux, Dieu tout-puiss.
 fant, selon ta grand' clemence: Vse à ce coup de
 ta bonté immêse, Pour effacer mon faict pernicieux.
 Laue-moy, Sire, & relaue bien fort De ma cômise i-
 niquité mauuaise, Et du peché qui m'a rendu si ord,
 Me nettoyer d'eau de grace te plaise.

Car de regret mon cœur vit en esmoy,
 Cognoissant, là! ma grand' faute presente:
 Et, qui pis est, mon peché se presente
 Incessamment noir & laid deuant moy.

En ta presence à toy seul i'ay forfait,
 Si qu'en donnant arrest pour me deffaïre,
 Iugé seras auoir iustement fait,
 Et vaincras ceux qui diront du contraire.

Helas! ie say, & si l'ay tousiours feu,
 Qu'iniquité print avec moy naissance:
 l'ay d'autre part certaine cognoissance,
 Qu'avec peché ma mere m'a conceu.

Ie say aussi que tu aimes de fait
 Vraye equité dedans la conscience:
 Ce que n'ay eu, moy à qui tu as fait
 Voir les secrets de ta grand' sapience.

D'hysope donc par toy purgé seray:
 Lors me verray plus net que chose nulle:
 Tu laueras ma trop noire macule:
 Lors en blancheur la neige passeray.
 Tu me feras ioye Et liesse ouïr,
 Me reuelant ma grace interinee:
 Lors sentiray croistre & se resiouïr
 Mes os, ma force & vertu declinee.

**

**



Tu as eu l'œil assez sur mes forfaits:
 Destourne d'eux ta courroucée face:
 Et te suppli' non seulement efface
 Ce mien peché, mais tous ceux que i'ay faits.
 O Createur, te plaïse en moy créer

Vn cœur tout pur, yne vie nouuelle:
Et pour encor te pouuoir agreer,
Le vray Esprit dedans moy renouuelle.

De ton regard ie ne foy' reculé:
Et te suppli', pour finir mon martyre,
Ton saint Esprit de mon cœur ne retire,
Quand tu l'auras en moy renouuelé.

Redonne-moy la liesle que prit
En ton salut, mon cœur iadis infirme:
Et ne m'ostant ce libre & franc Esprit,
En icelui pour iamais me confirme.

Lors seulement ne suiuray tes sentiers,
Mais les feray aux iniques apprendre:
Si que pecheurs à toy se voudront rendre,
Et se viendront conuerter volontiers.

O Dieu, ô Dieu de ma saluation,
Deliure-moy de ce mien sanglant vice:
Et lors ma bouche en exultation
Chantera haut ta bonté & iustice.

Hà, Seigneur Dieu, ouure mes leures donc:
Car closes sont iusqu'à tant que les ouures:
Mais moyennant qu'à les ouurir tu ouures,
L'annonceray tes louanges adonc.

Si tu voulois sacrifice mortel,
De boucs & bœufs, & conte tu en filles,
Ie l'eusse offert: mais en temple n'autel
Ne te font point plaisans tels sacrifices.

Le sacrifice agreable & bien pris
De l'Eternel, c'est yne ame dolente,

Vn cœur submis, vne ame penitente.

Ceux-la, Seigneur, ne te sont à mespris.

Traitte Sion en ta benignité,

O Seigneur Dieu, & par tout fortifie

Ierusalem ta tref-humble Cité:

Ses murs aussi en bref temps edifie.

Adonc auras des cœurs bien disposés,

Oblations telles que tu demandes:


Adonc les bœufs, ainsi que tu commandes,

Sur ton autel seront mis & posés.

PSEALME LII. TH. DE BE.

Dauid rabat ici l'orgueil de Doeg, qui faisoit ses triomphes d'auoir trahi les Sacrificateurs: s'assurant que Dieu, qui est iuste, ne laissera pas vn tel crime impuni.

DI-moy, mal-heureux, qui te fies En ton authorité, D'où vient que tu te glorifies De ta meschaceté? Quoy que soit, de Dieu le secours A tous les iours son cours.



Ta langue à mal-faire s'adresse,

Et semble proprement

Vn rasoir affilé qui blesse,

Et coupe finement.

Malice aimēs mieux que bonté,
Le faux que verité.

De tous propos qui peuuent nuire,
A parler tu te mets:
Aussi Dieu te viendra destruire,
Fausse langue, à iamais,
Tranchee, arrachée de Dieu,
Seras hors de ton lieu.

Meschant, iusques à la racine
Tu seras arraché:
Les iustes voyans ta ruine,
Auront le cœur touché:
De tes mal-heurs ils se riront:
Et voila qu'ils diront,

C'est celui qui n'a daigné prendre
L'Eternel pour soustien:
Car il a mieux aimé s'attendre
Et fier en son bien:
C'est lui qui s'est fortifié
De sa grand' mauuaistié.

Mais moy qui n'ay, & n'auray onques
Qu'en la benignité
De l'Eternel espoir quelconques,
Seray ainsi planté
Qu'un verd oliuier, au milieu
De la maison de Dieu.

Lors, Seigneur, de ceste vengeance
Sans fin te beniray:
A ton saint Nom plein de puissance,

Du tout

Du tout m'arrestera.

Car ta bonté fait mille biens

A tous ceux qui sont tiens.

PSEAVME LIII. TH. DE BE.

Ce Pseume est de mesme le XLIII.

L E fol malin en son cœur dit & croit Que

Dieu n'est point, & corrompt & renuerse Ses mœurs, sa

vie, horribles faits exerce: Pas vn tout seul ne fait rien

bon ne droit, Ni ne voudroit.

Dieu du haut ciel a regardé ici

Sur les humains, avecques diligence,

S'il en verroit quelqu'un d'intelligence,

Qui d'inuoker la Diuine merci

Fust en fouci.

Mais, tout bien veu, a trouué que chacun

A fouruoyé, tenant chemins damnables:

Ensemble tous sont faits abominables,

Et n'est celui qui face bien aucun,

Non iusqu'à vn.


N'ont-ils nul sens, tous ces pernicieux,
 Qui font tout mal & iamaïs ne se changent
 Qui comme pain mon poure peuple mangent:
 Et d'inuoker ne sont point soucieux
 Le Dieu des cieux.

Ils trembleront sans nulle occasion:
 Car Dieu rompra les os des aduersaires.
 Et puis que Dieu mesprise tes contraires,
 Tu leur feras, ô ville de Sion,
 Confusion.


O qui & quand de Sion sortira
 Pour Israel secours en sa souffrance?
 Quand Dieu mettra son peuple à deliurance,
 De ioye adonc Israel iouira,
 Iacob rira.

P S E A V M E L I I I I. T H. D E B E.

Dauid se propose ici pour vn singulier exemple d'un hōme tout resolu des promesses de Dieu, en recitant la priere qu'il fit à Dieu quand il fut trahi par ceux de Ziph, comme il est escrit 1. Sam. 26.



O Dieu tout-puissant, sauue-moy Par ton Nom
 & force immortelle: Et pour defendre ma querelle
 Fay sortir la force de toy. Oy l'oraison que ie fe-
 ray, Plaise toy l'aureille me tendre, O Eternel, a-
 fin d'en-



fin d'entendre Tous les mots que ie te diray.


D'un cœur barbare & furieux
 M'enuahit la troupe ennemie,
 Terribles gens cherchent ma vie;
 Qui n'ont point Dieu deuant leurs yeux.
 Si est-ce que Dieu m'entretient
 Par le prompt secours qu'il me donne:
 Dieu, di-ie, se trouue en personne
 En la bande qui me soustient.

C'est lui qui retomber fera
 Tous ces maux sur mon aduersaire:
 Quand tu viendras pour les deffaire,
 Ta loyauté lors se verra.
 Alors de franche volonté
 Feray sacrifice louable,
 Louant ton saint Nom venerable,
 Qui est tout rempli de bonté.


Car à mes maux tu as pourueu,
 En m'ottroyant ma deliurance;
 Et de ceux faire la vengeance,
 Qui m'ont hay, mon œil t'a veu.

PSEAVME LV. T. H. D. E. B. E.

Ce Pseume contient priere, avec plaintes & lamentations des outrages & violences qu'on faisoit à David, en le persecutant comme mal-faïcteur, afin que Dieu estant esmeu à pitié, le deliure, & punisse la malice & cruauté de ses ennemis.



Xauce, ô mon Dieu, ma priere, Ne te recule



Poy l'ennemi qui me menace,
 Et le meschant qui me pourchasse:

Car sans fin leur meschant courage

Me brasse quelque lascheté:

Et suis par eux persecuté

D'un cœur tout enflambé de rage.

Dedans moy mon pource cœur tremble,

Frayeurs de mort toutes ensemble

Viennent sur moy pour me destruire:

Crainte m'assaut & tremblement,

Couuert suis d'espouuamment,

Qui m'a contrainct en fin de dire,

Là! qui me donnera des ailes,

Comm'aux craintives colombelles,

Afin de m'enuoler bien viste,

Et me reposer? car voila,

Iusqu'aux deserts, & par delà

Je m'en iroy' faire mon giste:

Je me sauueroy' de vistesse,

De ce mauuais vent qui me presse,

Et de la tempeste soudaine.

Perce leur la langue, & les perds;

Car de torts & debats diuers,

Seigneur, j'ay veu leur ville pleine.

Jour & nuict outrage & querelle

Sont autour des murailles d'elle:

Au milieu d'elle est falcherie,

Violence & meschanceté:

En elle ont logis arresté

Toute cautelle & tromperie.

De fait celui qui me diffame

Ne monstra onc ce cœur infame:

Autrement enduré ie l'eusse.

Nul sur moy ne va s'esleuant,

Qui me hayst aпарauant:

Car de lui caché ie me fusse.

Mais toy, iadis second moy mesme,

Dont ie faisoys mon maistre mesme,

Aueques priuauté si grande,

Qui nos secrets communiquions

A grand plaisir, & qui allions

Au temple saint tous d'une bande.

Male mort les happe & les serre,

Si que tous vifs viennent en terre.

Car entr'eux toute violence

En leur logis a prins son lieu:

Mais moy, j'inuoqueray mon Dieu,

Et mon Dieu fera ma défense.

Prier vueil soir & matinee,

Et au milieu de la iournee,
 Que ma priere il ne reiette:
 Ains me retire à sauueté,
 Du combat qui m'est appresté:
 Car sur moy grand' troupe se iette.

Dieu m'orra: Dieu, di-le, immuable,
 De qui l'empire est perdurable,
 Les punira de leurs malices.

Car de Dieu n'ont crainte ne peur,
 Et iamais ne changent de cœur,
 Mais sont obstinez en leurs vices.

Le meschant a osé estendre
 Ses mains pour ses amis surprendre,
 Violant l'amitié iuree.

Ses propos semblent en sortant.
 Plus mols que beurre, & nonobstant
 Guerre en son cœur est enserree.

Sa parole est douce & plaisante
 Comme baume, & si est percante
 Ainsi qu'une pointe affilee.

Remets tout à Dieu, qui viendra
 Te soulager, & ne voudra
 Iamais iustice estre foulee.

C'est toy, ô Dieu, qui dans la fosse
 Les viendras en ruine grosse
 Precipiter par ta puissance.

Car gens meurtriers & deceuans
 N'acheuent à demi leurs ans:
 Mais moy j'auray en toy fiance.

Ce Pseaume cōtient vne descriptiō des iniures & faux blasmes que David a soufferts pour vn temps, avec action de graces de ce qu'il en auoit esté deliuré.

M Isericorde à moy poure affligé, O Seigneur

Dieu: car me voila m'agé De ce meschāt qui me tient

assiegé, Et tous les iours m'opresse. Mes enuieux me

deuorent sans cesse. Car contre moy vn grand nom-

bre se dresse, O Dieu tref-haut: mais quand la peur me

presse, En toy mon espoir i'ay.

Al'Eternel louanges chanteray
De la promesse: en Dieu m'asseureray,
Et par ainsi rien ne redouteray
Que l'homme puisse faire.

Tous mes propos ils tournent au contraire
Iournellement, & leur plus grand affaire,

C'est de penser à me nuire & meffaire
De leur plus grand pouuoir.

De s'amasser ils font tout leur deuoir,
De s'embuscher, d'espier, pour sauoir
Quants pas ie fay: tant desirent auoir
Ma vie en leur puissance.

En tous dangers ils ont ceste assurance,
Que de leurs tours depend leur deliurance:
Mais, ô Seigneur, par ta iuste vengeance,
Les peuples tu rabas.

Tu fais combien i'ay couru haut & bas:
En tes vaisseaux mes pleurs serrez tu as:
Ma peine, di-ie, ô Dieu, n'est-elle pas
En ton registre escrite?

En t'inuoquant verray tourner en fuite
De mes haineux la bande desconfite:
I'en suis tout seur: car mon Dieu ma conduite,
Me favorisera.

Le Seigneur Dieu par moy loué fera
De sa promesse: & mon cœur chantera
Louange à Dieu, lequel me donnera
La chose à moy promise.

En l'Eternel mon esperance ay mise,
D'homme viuant ie ne crain l'entreprise:
Mais à tes vœus ma personne est soumise,
O Dieu, vers ta bonté.

Vn iour, Seigneur, i'en seray acquité,
En te louant, ainsi qu'as merité,
M'ayant tiré par ta benignité

De mortelle ruine.

Tu me soustiens de peur que ne ruine,
Ains deuant toy, ô Seigneur, ie chemine
Entre ceux-la qu'encores illumine
Du monde la clarté.

PSEAVME LVII. TH. DE B.

C'est vn bref recit des afflictions auxquelles Dauid a esté secouru de Dieu, selon qu'il
l'en auoit requis. Parquoy il s'appreste à lui en rendre graces.

A Ye pitié, aye pitié de moy: Car, ô mon Dieu,
mon ame espere en toy: Et iusqu'à tant que ces mes-
chans rebelles Soyent tous passez, esperance ne foy
Iamais n'auray qu'en l'ombre de tes ailes.

Au Dieu tref-haut mon cri s'adressera,
Au Dieu lequel tout mon cas parfera:
Bonté & foy, ce grand Dieu que j'adore,
A mon secours du ciel venir fera,
Rendant confus celui qui me deuore.

Mon ame, hélas, est parmi des lions:
Boute-feux m'ont enclos par millions:
Lances & dards sont leurs dents emolues,
Leurs langues sont en leurs detractions,

Glaiues perçans de leurs pointes aigues.

Esleue-toy, ^{***}ô Dieu, ^{***}dessus les cieux,
 Ci bas par tout ton los soit glorieux.
 Ils ont tendu les rets pour me surprendre,
 Ils m'ont foulé: ils ont, ces enuieux,
 Fait vn fossé deuant moy pour me prendre.

Euxmesmes sont tombez en leur fossé:
 Mon cœur en est, ô Dieu tout redressé:
 Mon cœur s'esgayé, estant plein d'assurance:
 Voire, Seigneur, pour ton los exaucé,
 Chanter, prescher de telle deliurance.


Sus donc, ma langue, ores resueille-toy,
 Psalterions, leuez-vous avec moy.
 Au point du iour ie laisseray ma couche,
 Et ton honneur par tout, mon Dieu, mon Roy,
 Je chanteray des doigts & de la bouche:

Car iusqu'au ciel s'esleue ta bonté,
 Iusqu'au plus haut de l'air ta Verité
 Dresse la teste. Or donc, Seigneur, demonstre
 Que sur les cieux se tienra Deité:
 Et fay par tout que ta gloire se monstre.


PSEALME LVIII. TH. DE BE.

Dauid estant iniustement accusé, proteste de son innocence, & requiert que Dieu la maintienne.

E Ntre vous conseilliers, qui estes Liguez, &
 bandez contre moy, Dites vn peu, en bonne foy,
 Est-ce



Est-ce iustice que vous faites? Enfans d'Adam, vous



meslez-vous De faire la raison à tous?

Ainçois vos ames desloyales
Ne pensent qu'à meschanceté,
Et ne pesez qu'iniquité
En vos balances inegales.
Car les meschans dès qu'ils sont nez,
Du Seigneur sont alienez.

Ils ne font depuis leur naissance
Que se fouruoyer, en mentant,
Et portent du venin autant
Qu'un serpent tout plein de nuisance,
Ou qu'un Aspid sourd, & bouchant
Son aurreille encontre le chant.

Tel n'oit la voix Magiciene
Des enchanteurs, tant soyent prudens.
Casse-leur la gueule & les dents,
O Dieu, par la puissance tiene:
Romp la maschoire aux lionceaux,
Qui ont, ô Dieu, le cœur si faux.

Ainsi que l'eau courant grand' erre,
D'eux-mêmes ils s'escouleront:
Et les traits qu'ils descocheront,
Tomberont en pieces à terre.

Ils se fondront à la façon
Qu'on voit tarir le limaçon.

Ainsi que l'enfant qui trepasse,
Sans auoir veu iour ne clarté,
Comme vn fruit hors sa meureté,
Il faut que Dieu brise & fracasse
Leurs ieunes espines, deuant
Qu'elles s'esleuent plus auant.

Adonc tout plein d'eslouissance
L'innocent qu'on a oppressé,
Voyant desrompu & cassé
Le peruers, par iuste vengeance,
Dedans le sang se baignera
De ce meschant, & puis dira,

L'innocent ne perd point sa peine:
C'est vn poinct du tout asseuré,
Quoy que le iuste ait enduré:
C'est vne chose bien certaine,
Qu'il est vn Dieu qui iuge ici
Les bons & les mauuais aussi.


PSEALME LIX. TH. DE B. E.

David estât assiégué de Saul, & reduit iusqu'à l'extremité, appelle Dieu en tesmoin que
c'est à tort, & l'inuoque à son aide, monstrant l'espoir qu'il a d'estre exaucé.


M On Dieu, l'ennemi m'environne, Ta bonté
donc secours me donne: Garde moy des gens irri-




tez, Qui dessus moy se sont iettez. Deliure-moy



de l'aduerfai re Qui ne demande qu'à mal faire,



Sauue-moy des sanglâtes mains De ces meurtriers tât



inhumains.

Car, voila, ma vie ils espient,
Les plus forts contre moy se lient,
Voire, Seigneur, sans nul forfair,
Ou qu'en rien leur aye meffait.

Ils s'apprestent en diligence,
Sans que leur aye fait offense:
Leue-toy donques, & les voy,
Te mettant au deuant de moy.

Toy, di-ie, Dieu des exercites,
O grand Dieu des Israelites,
Vien faire uisitation
De toute terre & nation.

Et à celui point ne pardonne,
Qui par malice à mal s'adonne.
Ils vont au soir qu'on ne vois riens,
Cà & là, grondans comme chiens.

Ils trottent, iasent, & melsdisent,
 Leurs propos sont dards qu'ils aiguïsent:
 Car, disent-ils, quoy que ce soit,
 Qui est-ce qui nous apperçoit?
 Mais vn iour, de leurs vanteries
 Faudra, Seigneur, que tu te ries,
 Et de tous peuples glorieux
 Te moqueras deuant leurs yeux.

Sa force depend de la tiene:
 Et pource aussi, quoy qu'il auïene,
 P'attendray tout coy ton secours:
 Car ie n'ay que Dieu pour recours.
 Dieu, dont i'ay la bonté cognue,
 Preuïendra ma desconuenue,
 Faisant que sur mes ennemis
 Mes desirs à fin seront mis.

Mais ne leur oste pas la vie,
 De peur que mon peuple l'oublie:
 Ains par ta force les espars,
 Et dissipe de toutes pars.

Dieu, nostre bouclier d'assurance,
 Renuerse-les par ta puissance.
 Leur bouche & propos plein d'exces,
 Leur font assez tout leur proces.

Qu'ils soyent pris par leur orgueil mesme,
 Car leur malice est tant extreme,
 Que maudissons & lasches tours
 Sont leurs propos de tous les iours.

Or donques ton ire s'allume,

Qui les

Qui les destruisse & les consume:
Voire consume tellement,
Qu'ils soyent perdus totalement.

Afin qu'on viene à recognoistre
Le Dieu de Iacob comme Maistre,
Qui son empire estend sur tout,
Du monde iusqu'au dernier bout.

Ils reuiendront sur la vespree,
Et de fureur desmesuree,
Ainsi comme chiens hurleront,
Et la cité circuiront.

Mais vn iour la faim aspre & forte
Les chassera de porte en porte,
Et faudra qu'ils s'aillent coucher
Sans auoir trouué que mascher.


Alors à gorge desployee
Par moy chantee & publiee.
Ta force & ta bonté sera
Dés que le iour se monstrera.

Car tu as esté ma retraite,
Et en mes maux seure cachette.
De tóy donc, ô Dieu mon support,
De chanter feray mon effort.

Car mon Dieu est ma forteresse,
Et n'eu iamais mal ne destresse,
Que ne l'aye experimenté
Dieu enuers moy plein de bonté.

PSEAVME LX. TH. DE EE.

Dauid recognoissant les victoires qu'il a eues sur ses ennemis estre venues de Dieu, se
confirme d'estre maintenu iusqu'à la fin.



O Dieu, qui nous as deboutez, Qui nous as
de toy escartez, Iadis contre nous irrité, Tourne-toy
de nostre costé. Tu as nostre pays secoux, Et cassé à for
ce de coups: Guéri sa playe qui le presse, Car tu vois
comment il s'abaisse.

Ton peuple as traité rudement,
Et d'un vin d'estourdissement
Tu l'as repeu & abbrué:
Mais depuis tu as esleué
L'enseigne de tes seruiteurs,
Qui te reuerent en leurs cœurs,
Afin que haut on la desploye,
Et que ta verité se voye.

Or donc, afin que tes amis
Eschappent à leurs ennemis,
Sauue-nous de ton bras puissant,
Et respon à moy languissant.

Mais quoy? Dieu m'a desia ouy,
Et de son saint lieu resiouy.

Sichem fera mon heritage,
Le val de Sucor mon partage.

De Galaad la region
Sera de ma possession:
Et de Manassé tout le bien,
Sans nulle doute fera mien.

Ephraim, peuple grand & fort,
Sera de mon chef le support,
Iuda du regne l'assurance,
Pour en establir l'ordonnance.

Les Moabites au surplus
Je ne vueil estimer non plus,
En despit de leurs mauuaistiés,
Qu'un vaisseau pour lauer mes piés.

Contre Edom peuple glorieux
Je ietteray mes fouliers vieux.
Sus, Palestins, faites-moy feste
De ma victoire qui s'appreste.

Mais par qui seray-ie en seurte
Conduit en la forte Cité?
Qui est-ce qui me conduira
En Edom, & m'y guidera?

Ne sera-ce pas toy, ô Dieu,
Qui nous chassois de lieu en lieu,
Et n'accompagnois nos armées
De tes faueurs accoustumées?

Donne-nous ton secours d'enhaut
Contre celui qui nous assaut:
Car qui n'a que les terriens


Pour la sauuegarde, n'a riens.

Dieu nous rendra preux & vaillans
Encontre tous nos assaillans,
Renuersant, par la vertu grande,
De nos haineux toute la bande.

PSEALME LXI.

TH. DE BE.

Dauid declarant cōment il a esté exaucé en ses prieres, en rend graces à Dieu, se fortifiant à l'auenir.



E Nten à ce que ie crie, le te prie: O mō Dieu ex-
auce-moy. Du bout du mōde mon ame, Qui se pas-
me, Ne reclame autre que toy.

Monte-moy desus la roche,
Dont l'approche
Et l'acces ne m'est permis.
Car tu es ma forteresse,
Et adrefse
Encontre mes ennemis.

Dedans ton saint tabernacle,
Habitacle
A iamais ie choisiray:
Recours trefseur & fidele
Sous ton aile
Ie say que ie trouueray.

Car de ce que ie desire,

Trefcher

Trescher Sire,
 Il t'a pleu me faire vn don,
 Et m'as donné en partage
 L'heritage
 De ceux qui craignent ton Nom.


Annee dessus annee
 Ordonnee,
 A ton Roy s'adiouftera:
 Si que tousiours assuree
 Sa duree
 De siecle en siecle fera.

Deuant Dieu, sans fin ne terme
 Sera ferme
 Son regne en toute seureté.
 Appreste, ô Dieu, qui le gardes,
 Ses deux gardes,
 Ta grace, & ta verité.

Voila comment en cantiques
 Authentiques
 Sans fin louer ie te veux:
 Afin qu'un seul iour ne passe
 Qu'en ta face
 Je ne te paye mes vœus.


PSEAVME LXII. TH. DE BE.

David se voyant deliuré de ses ennemis, raconte leur malice, & exhorte tous fideles à se reposer hardimēt en Dieu. & en sa providence, d'autant qu'il n'y a que vanité en l'homme, & en toutes ses entreprises.




M


On ame en Dieu tant seulemēt Trouue touc



son contentement: Car lui seul est ma sauuegarde,



Lui seul est mon roc esleué, Mon salut, mon fort e-



prouué, De tomber trop bas ie n'ay garde.

Iusques à quand brasserez-vous
La mort & la perte de tous?

Vousmesmes cherrez en ruine,

Ainsi qu'un vieil mur tout panchant,

Ou qu'un vieil manoir trebuschant,

Qui de soy mesme se ruine.

Ceux qu'il plaist à Dieu de hausser,

Ces gens ne font rien que penser

A les abaisser & destruire.

Ils prennent plaisir à mentir,

Leur parler est doux au sortir,

Mais leur cœur ne fait que maudire.

Mais quoy, mon ame: seulement

Atten ton Dieu patiemment,

Car en lui mon espoir ie fonde,

Lui seul est mon roc asseuré,

Mon salut, mon lieu remparé,

Garde ie n'ay qu'on me confonde:

Dieu est ma gloire & mon secours;

M
Dieu

Dieu est mon fort & mon recours.
Peuples, ayez en lui fiance,

Venez en tout temps deuant lui
Vous descharger: car c'est celui
Où faut assoir sa confiance.

Mais quant aux hommes, ce n'est rien:
Les plus grans, di-ie, & tout leur bien
N'est que vanité qu'on adore:

Et qui eux & rien peseroit
L'un contre l'autre, il trouueroit
Qu'un rien est plus pesant encore.

N'asseurez iamais vos desseins
Dessus outrages ne larcins,
Gardez-vous d'esperance follé.

Si biens vous viennent à planté,
Vostre cœur ne soit point planté
En vne chose tant friuole.


Dieu a dit, voire vne & deux fois;
Et i'en ay entendu la voix,
Qu'à lui appartient toute force.

O Dieu, tu es benin & doux:


Car vn iour tu rendras à tous
Selon que de viure on s'efforce,

PSEAVME LXIII. TH. DE BE.

Dauid recite pour l'instruction des fideles, comment il a eue recours à Dieu en toutes
ses aduersitez, pour se consoler & estre muni de force.




Dieu, ie n'ay Dieu fors que toy: Dés le ma-
k. iiii.




tin ie te reclame, Et de ta foif ie fén mon ame




Toute pafmee dedans moy: Les poures fens d'hu-



meur tous vuides De mon corps mat & alteré,



Toufiours, Seigneur, t'ont defiré En ces lieux deferts



& a rides:

Afin qu'encores vne fois

Ie voye ta force & ta gloire,

Comme dedans ton Sanctuaire

Ie l'ay contempee autresfois.

Car mieux vaut que la vie mefme

Ta grace & ta benignité:

Dont par ma bouche recité

Sans fin fera ton los fupreme.

Ainsi ton los ie chanteray:

Tant que ma vie foit eſteinte,

Ton Nom & puiſſance treſſainte

A iointes mains l'inuoqueray.

Ainsi que de moelle & de graiſſe

Ie me

Je me sen tout rassasié,
 Et d'un chant à toy dédié
 Tout ioyeux de chanter ne cesse,

Lors qu'en mon liét il me souuient
 De ta souveraine puissance,
 Et que de toy la souuenance
 Le long de la nuit m'entretient:
 Car en mes destresses mortelles,
 De ton secours m'as fait iouir,
 Qui me fait ores resiouir,
 Caché sous l'ombre de tes ailes.

Mon ame de si pres te suit,
 Que nullement ne t'abandonne,
 Et ta main soustient ma personne
 Contre tout homme qui me nuit.
 Mais ces gens qui me font la guerre,
 Taschans ma vie consumer,
 On verra fondre & abyfmer
 Iusqu'au plus profond de la terre.

En pieces vn iour sera mis
 Au fil du glaive, & par la voye
 Aux renards seruira de proye
 L'amas de tous mes ennemis.
 Adonc ioyeux de la victoire
 Le Roy en Dieu s'esiouira:
 Tout homme aussi Dieu benira,
 Qui recognoist le Dieu de gloire.

Car quelque mensonge au sortir
 Que la faulse bouche propose,

Il faut qu'un iour elle soit close,
Sans qu'on l'en puisse garentir.

PSEAVME LXIIII. TH. DE BE.

Dauid descouvre par forme de complainte, tant la cruauté, que les faulx pratiques de ses ennemis, recognoissant la bonté de Dieu en ce qu'il lui en a donné victoire.

E Nten à ce que ie vueil dire, Quand ie te prie,
sauue-moy: Que de mes ennemis l'effroy Ne viene
ma vie destruire, Souuerain Sire.

Cache-moy loin de l'entreprise
Des ennemis fins & couuers,
Et des complots de ces peruers,
Dont la vie à tout mal apprise,
Est tant reprise.

Ils ont des langues affettees,
Aussi perçantes que poignards:
En lieu de fleches & de dards,
Paroles aigrement iettees
Ont atteintes:

Afin d'en donner vne atteinte
A l'innocent couuertement:
De sorte que soudainement
Mainte personne ils ont atteinte,
Sans nulle crainte.

Ils sont obstinés à meffaire,

Parlent

Parlent de me tendre leurs rets,
 Disans comme gens assurez,
 Qui saura rien de cest affaire
 Que voulons faire?

^{**} Pour trouuer finesles subtiles,
^{**} Ils sont curieux iusqu'à tout:
 Et vont cerchans iusques au bout,
 Mesmement les plus difficiles
 Aux plus habiles.


Mais Dieu sur lequel ie m'assure,
 Son traict sur eux descochera,
 Quand pas vn d'eux n'y pensera:
 Dont suiura tantost la blesseure
 Soudaine & seure.

Par leur propre langue execrable
 Euxmesmes se ruineront.
 Adonc plusieurs s'estonneront,
 Voyans la ruine importable
 Qui les accable.

Tous alors rendront tesmoignage
 Des hauts effects du Souuerain,
 Et tous craintifs dessous sa main,
 Reconnoistront en leurs courages
 Ses grans ourages.

Mais le iuste en resiouissance
 A l'Eternel s'arrestera:
 Et qui de cœur entier sera,
 Chantera de Dieu la puissance
 En assurance.

Ce Pſeume contient vne deſcription des biens & graces que Dieu continue ſans fin
& ſans ceſſe de faire à ſon Eglife.



O Dieu, la gloire qui t'eſt deuë T'attend dedans
Sion: En ce lieu te ſera rendue De vœus obla-
ti on: Et d'autant que la voix entendre Des tiens il
te plaira, Tout droit à toy ſe venir rendre Toutes gens
on verra.

Toutes manieres de malices
Auoyent gagné ſur moy:
Mais tous nos pechés & nos vices
Sont abolis de toy.

Heureux celui que veux elire
Et pres de toy loger:
Afin que chez toy ſe retire,
Pour iamais n'en bouger.

Des biens du palais de ta gloire
A plein nous ſoulerons:
Des biens de ton ſaint Sanctuaire
Tous repeus nous ſerons.

Selon ta bonté indicible,
O Dieu, qui nous maintiens,
En haute façon & terrible
Tu respondras aux tiens.

En toy espere tout le monde,
Iusqu'aux lointains pays,
Qui sont de la grand' mer profonde
Enclos & circuis.

De tes puissances redoutables
Tout ceint & reuestu,
Tu tiens les monts fermes & stables,
Par ta grande vertu.

Les flots de la grand' mer bruyante
Tu peux faire cesser:
Des peuples l'esmeute inconstante
Soudain peux rabaisser.
Voyant tes œuures nompareilles,
Peuples de tous costés
Sont estonnés de tes merueilles,
Tant soyent-ils escartez.

^{***} Du bout qui le iour nous enuoye ^{***}
Iusques en l'Occident,
C'est ta bonté qui nous ottroye
Tout plaisir euidenr,
Si la terre est de soy tarie,
Tu la viens visiter,
Et les grans thresors de ta pluye,
Sur elle degouter.

L'eau qui de tes ruisseaux regorge,
Vient la terre nourrir,

Afin que le froment & l'orge
Puisse croistre & meurir.

Ses rayons enyures & trempes,
Ses sillons aplanis:
Tu l'amolis & la destrempes,
Et son germe benis.

La saison couronnée & ceinte.
De tes biens on peut voir:
Des hauts cieux ta demeure sainte,
La graisse fais pleuvoir:



Les deserts avec leurs logettes
De pluye fais iouir:
Dont les costaux & montagnettes
Semblent se refiouir.


Adonc voit-on par les campagnes
Mille troupeaux diuers,
Et les entre-deux des montagnes
De grans bleds tous couuers:

Et semble tout ce bien champestre
Refiouir de ses chants,
Au prix qu'on les voit apparostre,
Et montagnes & champs.


PSEAVME LXVI. TH. DE BE.

Ce Pseume est vn recit de la bonté de Dieu qu'il a fait iadis sentir à son peuple: & puis
côme l'ayant examiné par diuerses afflictions, il l'a soulagé & secouru, avec protestation
de n'estre point ingrat: & aussi le Prophete en la fin appelle Dieu tesmoin de son intégrité.



O R fus, louëz Dieu, tout le monde, Chantez le

los de son renom: Châtez si haut que tout redôde De
la louan-



la louange de son Nom. Dites, O que tu es terrible,



Seigneur, en tout ce que tu fais ! Tes haineux, tant es



inuincible, Te flattent pour auoir la paix.

Soit ta Maïesté glorieuse
Adoree en tout l'vniuers,
Soit ta louange précieuse
Chantee en chansons & en vers.

Venez, voyez en vos courages
Les faits de Dieu, voyez s'il est
Grand & terrible en ses ouurages
Vers les humains, quand il lui plaist.

Il a tari la mer tant fiere,
Et depuis encores par lui
A pié sec passa la riuere
Son peuple, & s'en est resiouy.
Sa seigneurie est eternelle,
Son œil s'estend iusqu'aux Gentils:
Quiconques à lui se rebelle
Sera tousiours des plus petis.

Peuples, chacun de vous s'employe
A donner louange au Seigneur:
Faites qu'en tout le monde on n'oye
Rien que sa gloire, & son honneur.

C'est lui qui garde nostre vie
 Tant souuent de passer le pas:
 C'est lui qui maugré toute enuie,
 Fait que nos piés ne glissent pas.

Car tu nous as mis à l'espreuue,
 Tu nous as, di-ie, examinez,
 Et comme l'argent qu'on espreuue
 Par feu, tu nous as affinez.

Tu nous as fait entrer & ioindre
 Aux filez de nos ennemis,
 Tu nous as fait les reins estreindre
 Des liens où tu nous as mis.

**

**

On a monté dessus nos testes
 Comme sur le dos d'un chameau,
 Nous auons comme potires bestes
 Passé par le feu & par l'eau.

Puis tu nous as de pleine grace
 A plein rafraichis: dont ie veux
 En ta maison deuant ta face
 Sacrifiant rendre mes vœus:

Voire mes vœus que ie confesse:
 Mes leures t'auoir adressez,
 Lesquels au temps de ma destresse
 I'ay de ma bouche prononcez.

Mainte bien belle & grasse beste
 Sur ton autel vueil consumer,
 Beliers, & bœufs, & boucs i'appreste:
 Pour deuant toy faire fumer.

Tous craignans Dieu & sa puissance,

Venez.

Venez m'escouter en ce lieu,
 Racontant en esjouissance
 Les biens qu'ay receus de mon Dieu:
 Quand ma bouche a fait sa priere,
 Il m'a ouy à chasque fois,
 Si que ma langue a eu matiere
 De le louer à pleine voix.

Si à quelque meschante chose
 Mon cœur eust alors regardé,
 Mon Dieu eust eu l'aureille close
 A ce que i'eusse demandé.


Mais pour certain puis-ie bien dire
 Que le Seigneur m'a entendu,
 Et pour mieux escouter mon dire,
 Doux & attentif s'est rendu.

Loué soit mon Dieu fauorable,
 Qui m'a volontiers escouté,
 Et de moy poure miserable
 N'a point retiré sa bonté.


PSEAVME LXVII. TH. DE BE.

C'est vne priere pour la prosperité de l'Eglise, comprenante non seulement le pays de Judée, mais toute la terre, sur laquelle la grace de Dieu se devoit espandre à la venue de nostre Seigneur Iesus Christ.


Dieu nous soit doux & fauorable, Nous benif-
 sant par sa bonté, Et de son visage amiable Nous



face luire la clarté: Afin que la voye En terre se voye,



Et que bien à point Chacun puisse entendre Où c'est



qu'il faut tendre Pour ne perir point.

Seigneur, que les peuples te chantent,
Tous peuples te chantent, Seigneur,
Peuples te chantent & rechantent,
S'esjouissans de ton honneur.

Car ta bonté grande
Aux peuples commande
Equitablement:
Et sous ta conduite
La terre est conduite
Bien & seurement.

Chacun, ô Dieu, honneur te porte,
Tous peuples chantent l'honneur tien.
La terre ses fruits nous apporte:
Dieu nostre Dieu nous face bien.

Dieu, di-ie, nous face
Cognoistre sa grace,
En nous benissant:
Et la terre toute
Autre ne redoute
Que le Tout-puissant.

Dauid voulant confesser qu'il tenoit de Dieu toutes ses victoires, magnifie en general sa vertu: puis il specifie sa bonté paternelle, en ce qu'il a racheté & conserué son peuple. De là il vient à se glorifier en Dieu, de ce qu'il a esté maintenu au droict de la couronne royale, selon qu'il en auoit eu la promesse.

Que Dieu se monstre seulement, Et on verra soudainement Abandonner la place Le camp des ennemis espars, Et ses haineux de routes pars Fuir deuant sa face: Dieu les fera tous s'enfuir, Ainsi qu'on voit s'esuanouir Vn amas de fumee. Comme la cire au pres du feu, Ainsi des meschans deuant Dieu La force est consumee.

Cependant deuant le Seigneur
Les iustes chantent son honneur
En toute esiouissance:
Et de la grand' ioye qu'ils ont

De voir les meschans qui s'en vont,
Sautent à grand' puissance.

Chantez du Seigneur le renom,
Psalmodiez, louëz son Nom,
Et sa gloire immortelle:
Car sur la nue il est porté,
Et d'un nom plein de maïesté,
L'Eternel il s'appelle.

Resiouissez-vous deuant lui,
Qui est des pources sans appui
Le Pere debonnaire:
Qui le droict des vesues soustient:
Deuant Dieu, di-ie, qui se tient
En son saint sanctuaire.

Dieu fait auoir pleine maison
A ceux qui ont longue faïson
Sans nuls enfans soufferte:
Deliure les siens enferrés.
Tient les rebelles enferrés
En leur terre deserte.

Lors que ton peuple tu menoïs,
O Dieu, & que tu cheminoïs
Par le desert horrible,
Les cieux fondirent en sueur,
La terre trembla de la peur
De ta face terrible.

Le mont de Sina esbranlé,
Dieu, Dieu d'Israel a branlé,
Regardant ton visage.
C'est toy, puissant Dieu, qui as fait

Degoutter la pluye à souhait
Dessus ton heritage.

Quand il a esté mal en point,
Tu l'as redressé de tout poinct.
Là tes troupeaux demeurent:
Tu l'emplis de biens infinis,
Dont les plus pources tu fournis,
Que sans secours ne meurent.

C'est toy, Seigneur, par ta bonté;
Qui as l'argument présenté
A l'armée pudique
De nos pucelles, qu'on ouit,
Lors que l'ennemi s'enfuit,
Prononcer ce cantique,

Or s'en sont fuis les grans Rois:
Les grans Rois, di-ie, & leurs arrois
S'en sont fuis grand' erre.
Celles qui n'auoyent onc sorti
De la maison, ont departi
Et leurs biens & leur terre.

Quoy que ternis & basanés
Des ennuis qu'on vous a donnez,
Vous ne differiez gueres
De ceux que l'on voit tous noircis,
D'auoir esté tousiours assis
A l'ombre des chaudieres,

Vous reluirez comme feroit
L'aile d'un pigeon qui feroit
De fin argent brunie,
Dont le pennage estincelant

Fait sembler l'aile en l'air volant
Du plus fin or iaunie.

Car dès lors que Dieu tout-puissant
Alloit les grans rois renuerfant
En sa terre promise,
Le pays deuint blanc & beau
Ainsi que la neige au coupeau
Du mont Sarmon assise.

P A S S E.

C'est le mont de Dieu merueilleux,
O mont de Basan orgueilleux,
Mont leué iusqu'aux nues.
Monts haut montez, d'où vient ceci,
Que nous venez heurter ainsi
De vos roches cornues?

Il plaist à Dieu de retenir
Ce mont ici pour s'y tenir:
Telle est sa bien-vueillance.
Parquoy le Seigneur deormais,
Voire, qui plus est, à iamais
Y fera demeurance.

Anges à grandes legions
Seruans à Dieu par millions,
Sont sa gendarmerie:
Entre laquelle en sont saint lieu,
Comme en Sina, nostre grand Dieu
Estend sa seigneurie.

O Dieu, tu es en haut monté,
Et de ton ennemi donté
As emmené la bande.
Tu as, en apres, mis à part

Tes dons

Tes dons, pour nous en faire part,
Par ta bonté tresgrande.

Tu as deffait tes ennemis,
Afin que parmi tes amis
Tu faces ta demeure.
Or loué soit Dieu tous les iours,
Dieu, di-ie, qui de son secours
Nous soustient & assure.

Nostre Dieu nous est Dieu sauueur,
Dieu qui monstre aux siens sa faueur
Par mainte deliurance.
C'est l'Eternel Seigneur tres-fort,
Qui les issues de la mort
Retient en sa puissance.

C'est Dieu, & non autre, qui rompt
A grans coups la teste & le front
De la troupe ennemie,
Frapant la perruque de ceux
Qui ne sont iamais paresseux
En leur meschante vie.

Je defendray mon peuple eleu,
Dit le Seigneur, car il m'a pleu,
De Basan l'orgueilleuse:
Sain & sauf tirer ie le veux,
Dehors du gouffre dangereux
De la mer perilleuse.

Si que ton pié baigné fera
Dans le sang qui regorgera
De la tuerie extreme:
Et tes chiens le sang leicheront
De tes ennemis qui cherront:

Voire de leur chef mesme.

O Dieu, cheminer on t'a veu,
Mon Dieu, mon Roy, & apperceu
Marcher avec ton Arche:
Chantres te deuançoient de pres,
Les ioueurs d'instrumens apres
Marchoyent d'une demarche.

Avec les tabours au milieu
Chantoyent les louanges de Dieu
Les filles assemblees,
Disans, O race d'Israel,
Louëz le Seigneur Eternel
Es saintes assemblees.

Illec Benjamin est venu,
Qui de petit est deuenu
Chef des autres prouinces.
Iuda le fort s'y est trouué,
Zabulon y est arriué,
Nephthali & ses princes.

P A V S E .

Ton Dieu t'enuoye & te fait voir,
Israel tout ce grand pouuoir,
Conduisant ton affaire.
O Dieu, qui nous veux tant aimer,
Vien cest œuure en nous confermer
Qu'il t'a pleu de nous faire.

De ton saint Temple ta bonté
Secoure la sainte Cité:
Rois te feront offrandes.
Dissipe donc de toutes pars,
Avec leurs lances & leurs dards,
Ces armées tant grandes.

Renuer-

Renuerse tous ces forts taureaux,
 Deffay des peuples les troupeaux,
 Et toute leur bataille.

Ren les mutins humiliés,
 Se faizans fouler à tes piés,
 En t'apportant leur raille.


Grans seigneurs d'Egypte viendront,
 Mores à grand' haste estendront
 Au seul Dieu les mains iointes.
 Chantez à Dieu, Princes, & Rois,
 Psalmodiez à pleine voix
 Ses louanges tressaintes.

Je di le Seigneur glorieux,
 Plus haut monté que tous les cieux,
 Qu'il fit iadis lui-mesme:
 Qui fait alors qu'il veut tonner,
 Haut sa grosse voix resonner,
 Par son pouuoir supreme.

Confessez qu'il est tout-puissant,
 Sur Israel resplendissant,
 En sa gloire indicible:
 Qui a dans le ciel esleué
 Certain tesmoignage engraué
 De sa force inuincible.

O Seigneur, tu es redouté
 Pour ces lieux où ta sainteté
 Est ainsi espendue.
 Dieu d'Israel, tu es celui
 Qui es de ton peuple l'appui:
 Gloire t'en soit rendue.

Dauid se complaignant d'auoir esté iniustement opprimé par les malins & peruers, voire combien qu'il cheminast en humilité & prieres, en demande iustice à Dieu, & qu'il les punisse en sa rigueur, selon leurs excès & enormités. Et se confiant d'estre exaucé, se dispose à en rendre action de graces.



H Elas, Seigneur, ie te pri' sauue-moy: Car les eaux
m'ont saisi iusques à l'ame, Et au boubrier tref-profod
& infame, Sans fond ne riue, enfondré ie me voy.
Ainsi plongé, l'eau m'emporte tant las De m'escrier,
que i'en ay gorge seche: Et de mon Dieu attendant
le foulas, De mes deux yeux la vigueur se dessèche.

I'ay contre moy, helas, & à grand tort,
Plus d'ennemis que de cheueux en teste:
Ceux qui ma mort voudroyent voir toute preste,
Et sans raison, ie voy prendre renfort.

Ainsi faudra que par moy soit rendu
Ce que n'ay pris. O Dieu, tu fais cognoistre
Si ie suis fol, comme ils ont pretendu,
Et mon forfait caché ne te peut estre.

O Sei-

O Seigneur Dieu, qui peux sous ton pouuoir
Faire trembler des armes la puissance,
Fay que ceux-la qui ont en toy fiance,
Honte par moy ne puissent receuoir.

Dieu d'Israel, ceux qui t'ont reclamé
Ne soyent rendus honteux par mon dommage:
Car c'est pour toy que suis ainsi blasmé,
Et que vergongne a couuert mon visage.

**

**

Mes freres m'ont tenu pour estranger,
Mescognu m'ont les enfans de ma mere:
Car de ton temple, ô Dieu, en qui j'espere,
Le zele ardent est venu me manger.

De ces meschans dont tu es blasonné,
J'ay dessus moy senti tomber le blâme.
Làs, j'ay pleuré, & mon ame a iusné:
Mais tout cela m'est tourné en diffame.

Vestu me suis d'un sac en ce dur temps,
Mais ie leur ay serui de farcerie:
Entre le grans ie ser de moquerie,
Aux banqueteurs de ris & passe-temps.

Mais, ô mon Dieu, j'ay vers toy mon recours,
En la saison de ta volonté bonne.
Làs, respon-moy ainsi comme le cours
De ta bonté & feur secours l'ordonne.

Deliure-moy de ces bourbiers profonds,
Et ne permets que du tout i'y enfondre:
Deliure-moy quand on me veut confondre,
Et de ces eaux qui n'ont riue ne fons.

Fay que le fil de cest' eau où ie suis

Point ne m'emporte, & qu'au gouffre ie n'entre,
 Fermant sur moy la gueule de son puits,
 Pour m'engloutir au fin fond de son ventre.

Ta bonté n'est que douceur & pitié,
 Exauce-moy, Seigneur, en mes demandes,
 Desploye en moy tes pitiés les plus grandes,
 Pour me monstrier visage d'amitié.

Ne cache point ton regard glorieux
 A ton seruant: car ie suis en destresse.
 Hastte-toy donc, ô Dieu tresgracieux,
 D'ouir la voix que ton seruant t'adresse.

P S E.

Approche-toy en mon aduersité
 De ma pource ame, & rachete ma vie:
 Voire, en despit de la troupe ennemie,
 Vien me recourre en ma captiuité.

Tu fais tresbien l'opprobre où ie suis mis,
 Quel deshonneur, quelle honte on m'a faite:
 Deuant tes yeux sont tous mes ennemis,
 Et as d'iceux cognoissance parfaite.

Opprobre m'a rompu le pource cœur,
 Là, ie languis, sans trouuer assistance
 D'homme viuant, quoy que i'eusse esperance
 Qu'aucun auroit pitié de ma langueur.

Quand i'esperoy l'aide que ie n'ay pas,
 Confort ni aide en null lieu n'ay trouuee:
 Ils m'ont donné du fiel en mon repas,
 Et de vinaigre ont ma soif abruuee.

Fay que leur table, & les bâquets qu'ils font,
 Soit vn apast qui leur vie extermine:

Fay-leur tourner en mortelle ruine
 Tout le plaisir & le repos qu'ils ont.
 Obscurci-leur la veüe, tellement
 Que de leurs yeux toute clarté s'en aille:
 Romp-leur les reins continuellement,
 Si qu'en marchant piés & force leur faille.

Respan sur eux ton indignation,
 Vien-les saisir en ta fureur despit:
 En leurs manoirs, sans qu'un seul y habite,
 Tout soit desert en desolation.

Car d'affliger celui que tu frapois,
 Ces malheureux n'ont eu aucune honte:
 Et si quelqu'un tu blesses vne fois,
 Incontinent son mal leur sert de conte.

Entasse-leur peché dessus peché,
 De ta bonté soit leur troupe bannie,
 Soyent effacés de ton liure de vie,
 Qu'avec les bons leur nom ne soit couché.

Quelque affligé & dolent, quant à moy,
 Qu'ores ie soy, tu seras ma retraite,
 Dont chanteray, ô Dieu, le Nom de toy,
 Magnifiant ta louange parfaite.

Et ces chansons au Seigneur mieux plairont,
 Que bœuf ne veau, qui ongle & corne porte.
 Tous craignans Dieu, & gens de bonne sorte
 Seront ioyeux, alors qu'ils me verront:

Et là dessus le cœur leur reuiendra:
 Car Dieu entend les plus pources du monde:
 Le Seigneur, di-je, en mespris ne tiendra

Les siens ferrez en la fosse profonde.

Terres & cieux, louëz les grand's bontés,
Mer, & poissons qui nagez en icelle:
Car Dieu viendra garder Sion la belle,
Et bastira de Iuda les cités.

Là demourront les seruans du Seigneur,
Pour s'y tenir & eux & leur lignee,
Et de tous ceux qui aiment son honneur,
La demourance est en elle assignee.

PSEAVME LXX. TH. DE BE.
Voyez pour l'argument la fin du Pseume quarantieme.

O Dieu, où mon espoir i'ay mis, Vien soudain à
ma deliurâce: Seigneur, que ton aide s'auance Encôtre
tous mes ennemis. Quicôques pourchasse mon ame,
Soit rempli de honte & d'esmoy, Quicôques, di-je, en
veut à moy, Tourne en arriere tout infame.

Ceux qui dessus moy pourchasse,
Ont dit, Hà, hà, à gorge ouuerte.
Puisse auoir pour leur desserte,

Le des-

Le deshonneur qu'ils m'ont brasé.

S'esgaye de ton assistance

Quiconques a vers toy recours:

Quiconques aime ton secours,

Chante à iamais ton excellence.

O Dieu, accour hastiement


Vers moy tant poure & miserable:

Tu es mon aide secourable,

Seigneur, secour-moy viftement.

PSEALME LXXI. TH. DE EE:


Ce Pseaume contient vne requeste vehemente de Dauid, qu'il fait à Dieu pour estre subuenü & retiré de ses miseres, selon qu'il a tousiours esperé en lui: avec vne complainte des reproches & moqueries dont les malins vsoyent. Et comme il a cognu la bonté de Dieu par effect, il demande quād il defaudra par foiblesse, qu'elle ne lui defaille iamais: avec vne exhortation à perseuerer en foy & esperance.




I 'Ay mis en toy mon esperance, Garde-moy dōc,



Seigneur, D'eternel deshonneur: Ottroye-moy ma



deliurance Par ta misericorde, Et ton secours m'ac-



cor de.

Ten-moy ton aurreille & me garde,

Soy' mon lieu de recours,

Où i'entre tous les iours.

Tu as mandé ma sauuegarde,

Car ie n'ay forte place
Ni chasteau que ta grace.

Hors de la main du meschant homme,
Hors, di-ie, de la main
Du peruers inhumain
Tire-moy, mon Dieu: car en somme
Ie m'atten & adresse
A toy dés ma ieunesse.

Dés lors que naissance i'ay prise,
Sortant du fond du corps,
Dont tu m'as mis dehors,
I'ay sur toy ma fiance assise:
Ta gloire haut dressée
I'ay sans cesse annoncée.

On m'a tenu pour monstre estrange,
Toutefois si es-tu
Ma force, & ma vertu:
Fay que tous les iours ta louange
Et ta gloire excellente
A pleine voix ie chante.

Au temps de vieillesse chenuë,
En mon infirmité,
Point ne soy' reietté.

Quand ma force à rien deuenue
Delairra ma personne,
Ta main ne m'abandonne.

Car de mes ennemis la bande
Contre moy proprement
A tenu parlement:

Et contre

Et contre moy de fureur grande
 Ceux qui mon ame espient,
 Tous ensemble se lient.

Sus, sus, disent-ils, qu'on l'empoigne,
 Il est laissé de Dieu,
 Sans secours d'aucun lieu.

O Dieu, ta face ne s'esloigne:
 Mon Dieu, vien tost estendre
 Ton bras pour me defendre.

Tous les ennemis de ma vie
 Soyent confus & perdus,
 Soyent de honte esperdus

Ceux qui de me nuire ont enuie,
 Tandis qu'en patience
 L'attendray ta defense.

P A V S E.

Outre ta louange ordinaire,
 Ma bouche annoncera
 Ta iustice & dira

Les graces que m'as daigné faire,
 Nonobstant que le conte
 D'icelles me surmonte.

Je chemineray d'assurance
 Contemplant les hauts faicts
 Que le Seigneur a faits:

Et maintiendray la souuenance
 De tes seules iustices,
 Et tresgrans benefices.

Enseigné m'as dès ma ieunesse,
 Tes merueilles aussi

P'ay dites iufques ici.

Parquoy en ma blanche vieillesse

Ne me delaisse encore,

O mon Dieu que j'adore,

Tant que ta force aye contee
Aux viuans, & à ceux

Qui viendront apres eux.

Ta iustice est en haut montee,

O Dieu, car n'ompareilles

Sont tes grandes merueilles.

O Dieu, qui est à toy semblable,

Qui m'as tant de trauaux,

Tant fait sentir de maux:

Et puis par ta main secourable,

Ma vie ia perdue

Derechef m'as rendue?

Des creux abyfmes de la terre
Me tirer il t'a pleu:

Tu as mon regne accru.

Et quand on m'a fait forte guerre,

Me tournant ton visage

Tu m'as donné courage.

Parquoy, mon Dieu, sur mes violes
Sera l'honneur chanté

De ta fidelité:

Saint d'Israel qui me confoles,

Il faut que mon lut iouë

Pseaumes que ie te vouë.

Mes leures d'une ioye extreme

Psalmodieront, Seigneur,
Ta gloire & ton honneur:
Mon ame respondra de mesme,
Estant toute esleuee
Vers toy qui l'as sauuee.

Ma langue aussi pour ta iustice
Sans cesse publier,
Le te vueil dedier:

Car de mes haineux la malice
De honte as esperdue,
Et du tout confondue.

PSEAVME LXXII. CL. MA.

Il prie que le regne de Dieu aduiene par Iesus Christ: prophetisant l'estendue, l'equité,
felicité & longue duree d'icelui regne, le tout sous la figure de celui de Salomon.

T Es Iugemens, Dieu veritable, Baille au Roy

pour regner: Vueille ta iustice equitable Au fils du

Roy donner: Il tiendra ton peuple en iustice, Chas-

sant iniquité: A tes pœurs sera propice, Leur gardant

e qui té.

Les peuples verront aux montagnes
 La paix croistre & meurir:
 Et par costaux & par campagnes
 La iustice fleurir.

Ceux du peuple estant en destresse
 L'auront pour defendeur:
 Les pources gardera d'opresse,
 Reboutant l'opresseur.

Ainsi vn chacun & chacune,
 O Roy, t'honorera
 Sans fin, tant que soleil & lune
 Au monde esclairera.

Il vient comme pluye agreable
 Tombant sur prés fauchés,
 Et comme rosee amiable
 Sur les terroirs sechés.

Lui regnant, fleuriront par voye
 Les bons & gracieux
 En longue paix, tant qu'on ne voye
 De lune plus aux cieux.

De l'vne mer large & profonde,
 Iusques à l'autre mer,
 D'Euphrates iusqu'au bout du monde
 Roy se fera nommer.

Ethiopes viendront grand' erre
 S'encliner deuant lui:
 Ses haineux baisseront la terre,
 A l'honneur d'icelui.

Rois d'Isles & de la mer creuse

Viendront à lui presens:

Et Rois d'Arabie l'heureuse,

Pour lui faire presens.

**

**

Tous autres Rois viendront sans doute

A lui s'humilier:

Et le voudra nation toute

Seruir & supplier.

Car deliurance il donra bonne

Au poure à lui plourant,

Et au chetif qui n'a personne

Qui lui soit secourant.

Aux affligés & miserables

Sera doux & piteux,

Sauuant les vies lamentables

Des pources souffreteux:

Les gardera de violence,

Et dol pernicieux,

Ayant leur sang par sa clemence

Mout cher & precieux.

Chacun viura, l'or Arabique

A tous departira:

Dont sans fin Roy tant magnifique

Par tout on benira.

De peu de grains force blé, comme,

Les espics chacun an

Sur les monts bruiront en l'air, comme

Les arbres du Liban.

Fleurira la tourbe ciuile

Des bourgeois & marchans,

Multiplians dedans la ville,
 Comme herbe par les champs.
 Sans fin bruira le nom & gloire
 De ce Roy nompareil:
 De son renom fera memoire
 Tant qu'y aura soleil.

Toutes nations asseurees
 Sous Roy tant vigoureux,
 S'en iront vantans bien-heurees,
 Et le diront heureux.

Dieu le Dieu des Israelites,
 Qui sans secours d'aucun
 Fait des merueilles non petites,
 Soit loué de chacun.


De sa gloire trefaccomplie
 Soit loué le renom,
 Soit toute la terre remplie
 Du haut los de son Nom.

PSEALME LXXIII. TH. DE BE.


Le Prophete nous montre par son exemple, que la prosperité temporelle des meschans, & l'affliction des bons, ne doivent estonner les fideles, mais qu'il faut passer plus outre iusques à Dieu: en quoy faisant on trouuera que les meschans s'en vont en fumee, & les bons entrent en vne felicité eternelle. Parquoy il delibere de se tenir à Dieu. Pseaume propre contre les tentations du monde.


S I est-ce que Dieu est trefdoux A son Israel,


 voire à tous, Qui gardent en toute droiture Leur



conscience entiere & pure. Mais i'ay esté tout prest



à voir Mes piés le bon chemin laisser, Et mes pas telle-



ment glisser, Que me suis veu tout prest de choir.

Car i'estoy' enuieux du bien
De ces fols qui ne valent rien:
Et ne pouuoy' sans grand mal-aïse,
Voir les meschans tant à leur aïse.

Car detenus ils ne sont point
Des languieurs tirans à la mort:
Ils ont le corps aligre & fort,
Ils sont dispos & en bon poinct.

Quand tout le monde est en trauaux,
Ceux-ci n'ont ne peine ni maux:
Si quelque affliction nous donte,
Ceux-ci ne se trouuent du conte.

Pourtant, orgueil comme vn carquant
Lace leur gros col arrogant:
Et sont d'outrage ces peruers
Comme d'vne robbe couuers.

La graisse leur pousse les yeux
Hors de leur chef malicieux:
Et bien souuent ont d'auantage
Que n'a desiré leur courage:

Sont dissolus en tous leurs faicts,
 Parlent des faux tours qu'ils ont faits
 Aux iustes par eux tormentés,
 Et parlent comme haut montés.

Leur bouche entreprend bien d'aller
 Iusqu'au ciel pour en parler:
 Leur langue tant fausse & vileine,
 Par tout le monde se pourmeine.

Et les enfans de Dieu pourtant
 Reuient tousiours à ceci,
 En se voyant verser ainsi
 L'eau d'angoisse à boire d'autant,

Et s'en vont disans, L'Eternel
 De son haut throne supernel,
 Est-il possible qu'il regarde
 Ici bas pour y prendre garde?

Ceux-ci ne valent rien du tout,
 Et toutefois on voit comment
 Ils vivent tant heureusement,
 Munis de biens iusques au bout.

Pour neant donc ay-ie tatché
 Que mon cœur ne fust entaché,
 Et par soigneuse diligence
 Laué mes mains en innocence.

C'est donc à tort que suis seruy,
 Et affligé iournellement:
 En vain reçoÿ-ie chastiment,
 Dés que le iour est apparu.

Mais voulant vser de ces mots,

Je pecheray en mes propos:
Car quoy que soit, voila la race
Des enfans de ta sainte grace.

Pourtant i'ay tasché grandemen
A me resoudre sur cela:
Mais tousiours ce poinct me sembla
Fascheux à mon entendement,

Iusques à tant qu'au sacré lieu
Suis venu du temple de Dieu:
Des meschans la derniere issue
Alors ay-ie bien apperceuë.

Quand tout est dit, telles gens sont
En lieux dangereux & glissans:
Parquoy tout soudain renuerfans,
Aux creux abysses ils s'en vont.

P A S S E .

Lors chacun s'esbahit comment
Ils ont peu tant soudainement
Ainsi defaillir & se fondre,
Et tant horriblement confondre.

Entre les humains effacé
Sera le lustre de leur bien,
Ainsi qu'un songe qui n'est rien
Dés que le dormir est passé.

Si est-ce qu'en mon pensément
Je me troubloy' fort aigrement,
Je sentoy', di-ie, ma pensée
Bien fort poignante & offensée.

Mais i'auoy' perdu mes esprits:
Mesmement ie n'estoy' point moy,

Mais vn vray veau, comme ie croy,
Quand à toy ainsi ie me pris.

Or quelque assaut qu'aye senti,
I'ay tousiours tenu ton parti,
D'autant qu'en mes grandes oppresses,
Tu prens ma main & me redresses.

Le conseil que m'as ordonné
Me guidera fidelement,
Tant qu'à gloire & contentement
Ie seray en fin amené.


De tout ce qu'au ciel i'apperçoy,
Qui sera mon Dieu fors que toy?
Me forgeray-ie en ce bas monde
Quelque diuinité seconde?

Ie sen ma force defaillir,
Seigneur, & mon cœur empiré:
Mais tu m'es vn roc assuré,
Et appui qui ne peut faillir.


Car celui qui t'esloignera,
Il est seur qu'il renuertera:
Et faut que tout homme perisse,
Qui n'est loyal à ton seruice.

A toy me vueil donc adresser,
Car mieux ne me peut auenir,
Qu'à mon Dieu tousiours me tenir,
Et ses merueilles annoncer.


gné d'elle, demande pardon de ses péchés; se fondant sur les vertus que Dieu avoit montrées iadis en faueur de son peuple, & sur tout sur la promesse par laquelle il avoit adopté les enfans d'Abraham.




D'Où vient, Seigneur, que tu nous as espars,



Et si long temps ta fureur enflammée Vomit sur



nous tant espesse fumée, Voire sur nous les brebis



de tes parcs?

Làs, souvien-toy de ton peuple acquesté
De si long temps de ce tien heritage
Qu'as acheté, & pris en ton partage:
De Sion, di-le, où ton siege a esté.

Debout, Seigneur, vien pour exterminer
A tout iamaïs la sacrilege bande,
Dont la fierté a bien esté si grande,
D'oser ainsi ton saint lieu ruiner.

Là où iadis tes faicts furent chantez,

Là ont ietté leurs cris espouuantables
 Là ont dresé leurs trophées damnables,
 Là, di-ie, ils ont leurs trophées plantez.

Chacun a veu trauailler ces peruers
 A demolir ta sainte forteresse,
 Comme au milieu d'une forest espesse
 Menans la hache à tors & à trauers.

Tes beaux lambrix taillés tant richement,
 Dont ta maison n'a gueres fut ornee,
 Avec grans coups de hache & de coignée
 Sont maintenant brisés entierement.

Ils ont, helàs, de leurs mains embrasé
 Le propre lieu de ton saint Tabernacle,
 Et violé de ton Nom l'habitable,
 Lequel ils ont entierement rasé.

Sus, ont-ils dit, saccageons-les du tout
 Et sur cela d'une mortelle guerre,
 Tous les saints lieux qui furent en la terre
 Ils ont par feu consumez iusqu'au bout.

Làs, nous n'auons nul signe accoustumé
 De ta faueur: Prophetes nous defaillent,
 Nous n'auons nuls qui adresse nous baillent.
 Quand cessera ton courroux allumé?

Iusques à quand, ô Dieu, souffriras-tu
 Que l'ennemi tant d'outrage te face?
 Est-ce à iamais qu'une si grand' audace
 Mesprisera de ton Nom la vertu?

D'où vient cela, que ta main tu retiens,

Et que

Et que de nous ta dextre tu retires?
 Si faut-il bien vn iour que tu la tires
 Hors de ton sein pour secourir les tiens.

C'est toy, ô Dieu, qui d'ancienneté
 M'as gougerné, & deuant tout le monde:
 Quand i'ay esté en peine plus profonde,
 Hors de danger mille fois m'as ietté.

Tu as fendu la mer par ton pouuoir,
 Et dans les eaux assommé les baleines,
 Si que les bords & riués toutes pleines
 De monstres grans accablés nous fis voir.

Tu as baillé le grand monstre des eaux
 Aux habitans du desert pour viande:
 Tu as tiré par ta puissance grande
 Hors du rocher fontaines & ruisseaux.

Tu as tari des grans fleuues le cours:
 Le iour est rien, tiene est la nuict humide:
 Car c'est ta main qui a fait & qui guide
 Du beau soleil la clarté tous les iours.

C'est toy qui as, selon ta volonté,
 Distribué de ce monde l'espace:
 L'esté bruslant, & l'hyuer plein de glace,
 Ne sont-ils pas œuures de ta bonté?

^{**} Souuienne-toy comme tes ennemis,
 O Eternel, ta gloire ont abaissée,
 Et ceste gent d'une rage insensée,
 De mespriser ton saint Nom s'est permis.

Ne liure point entre les mains, hélas!

De ces cruels ton humble tourterelle:
N'oublie point d'oubliance eternelle
Les tiens qui n'ont ne secours ne foulas.

Souuiene-toy de l'accord qu'as traité,
Veu que la terre ainsi qu'enseuclie
En nuict profonde, & de meschans remplie,
Gemit dessous tel faix d'iniquité.


Ne souffre point retourner tout honteux
Ton serf foulé:plustost, Seigneur, ottroye
Iuste argument de chanter en grand' ioye
Ton Nom tressaint aux poures souffreteux.

Esueille-toy, pour sui ton droict, Seigneur,
Souuiene-toy de cest outrage infame,
Dont ceste gent insensee te blasme
De iour en iour despirant ton honneur.


N'oublie point leurs cris tous pleins de fiel,
Ni de la gent contre toy outrageuse,
Le bruit tant plein de rage impetueuse,
De plus en plus montant iusques au ciel.

PSEALME LXXV. TH. DE BE.

Ici est celebree la prouidence de Dieu, par laquelle il gouuerne tout le monde, & or-
donne tout en droiture: & l'orgueil de tous moqueurs & gens profanes est rabatu.



O Seigneur, loué sera, Loué sera ton renom: Car
la gloire de ton Nom Pres de nous s'approchera: Et
de nous



de nous seront châtés Les hauts faicts de tes bontés.

Estant mon terme venu,

Je iugeray droitement:

Du pays le fondement

S'en va, s'il n'est soutenu.

Mais ses piliers ia desioints,

Par moy seront tost reioints.

Ne foyez plus insensez,

Diray-ie à ces estourdis:

Et vous meschans tant hardis,

Vostre corne ne dressez:

Ne dressez la corne en haut,

Parlant plus gros qu'il ne faut.

Car ce n'est point du Leuant,

Ponent, ni Septentrion,

Que vient l'exaltation,

Ni grandeur d'homme viuant.

Dieu seul regnant, à son gré

Hausse & baïsle le degré.

Dieu tient en ses fortes mains

Vn vaisseau tout rougissant

Du vin dont le Tout-puissant

Verse dessus les humains.

Tous les meschans en boiront,

Et la lie en succeront.


Ce temps pendant en mes chants

Du Dieu de Iacob les faicts

Je vueil chanter à iamais,
 Rompant la corne aux meschans.
 Mais les bons, tout au rebours,
 Seront haussés tous les iours.

PSEAVME LXXVI. TH. DE BE.

C'est vne action de graces, de ce que Dieu a defendu & sauué son Eglise: & sur tout de ce qu'il a desployé sa puissance admirable contre des ennemis si robustes & si bien equippez.



C'est en Iudee proprement Que Dieu s'est acquis vn renom, C'est en Israel voiremēt Qu'on voit la force de son Nom: En Salem est son tabernacle, En Sion son saint habitacle.

Là voit-on par lui fracassés
 Auec vn effort nompareil,
 Traits, arcs, escus, glaiues cassés,
 La guerre & tout son appareil:
 Monstrant ses faits trop plus terribles,
 Que ces brigans ne sont horribles.

On a pillé comme endormis
 Ces cœurs tant braues & hautains:
 Ces preux & vaillans ennemis
 N'ont iamais feu trouuer leurs mains:

Vn seul

Vn seul mot qu'en ire tu iettes,
Endormit cheuaux & charrettes.


Tu es terrible & plein d'effroy,
Toy, di-ie, & non autre qui soit.
Et qui durera deuant toy,
Dés que ton courroux s'apperçoit
Du ciel a tonné ta sentence,
Terre en trembla & tint silence.

Alors, ô Dieu, tu te leuas
Pour tes iugemens prononcer,
Et aux plus petis d'ici bas
Leurs deliurances annoncer:
Car les humains en leur colere
Sont la matiere de ta gloire.

Quelque iour tu viendras troussier
Le reste de ces furieux.
Sus donc, qu'on viene s'amasser
Pour vouër & payer ses vœus,
Vous qui auez à toutes heures
Autour du Seigneur vos demeures.

Offrez vos dons à lui qui est
Terrible à venger son mespris,
A lui qui peut, quand il lui plaist,
Vendanger des rois les esprits:
Plein de frayeur espouuantable
Aux rois de la terre habitable.

En ce Pseume les fideles sont enseignez de s'adresser à Dieu en toutes leurs angoisses,
& à recognoistre les biens qu'il a faits de tout temps à son Eglise, afin de s'asseurer tant
mieux que leurs prieres ne seront point vaines.



A Dieu ma voix i'ay haussée, Et ma clameur
adressée: A Dieu ma voix a monté, Et mon Dieu m'a
escouté. Au iour de ma grand' destresse, Dieu a esté
mon adresse, Et du soir au lendemain le lui ay ten-
du la main.

Mon ame en telle greuance
Refusoit toute allegance:
Mon Dieu mesme m'estonnoit,
Alors qu'il m'en souuenoit.

Quoy que d'affection grande
Je fisse à Dieu ma demande,
Mon cœur plein d'aduersité
Sans cesse estoit agité.

Toufiours ouuerte ma veüe
Estoit de Dieu retenue,
Et n'auoy', tout abatu,
De parler nulle vertu.

Adonc la saison passée
Me reuint en la pensée,

Et les ans pieça passés
Furent par moy repensés.

De ma harpe chanteresse
Il me souuenoit sans cesse,
Et mon cœur rempli d'ennuis,
Meditoit toutes les nuits.

Toute mon intelligence
Cerchoit à grand' diligence
L'issue de tout ceci:
Et me complaignoy' ainsi,

Est-ce à iamais que la grace
De l'Eternel me dechasse?
Est-il dit que deormais
Il ne m'aimera iamais?

Ceste bonté tant prisee,
Est-elle toute espuisee?
N'aura iamais plus de lieu
La promesse de mon Dieu:

*** ***
Dieu a-il plus souuenance
D'vser de sa bien-vueillance?
Me clorra-il sa bonté
Par son courroux surmonté?

C'est, ay-ie dit, à ceste heure
Que mon Dieu veut que ie meure:
Le Souuerain a changé
Le bras qui m'a soulagé.

Puis me vindrent en memoire
Ces grans exploits pleins de gloire,
Et les terribles effects

Des grans efforts qu'il a faits.

Lors par moy considerees

Furent les œuvres sacrees,

Et de ses faicts deuissant,

Voila que i'alloy' disant,

O Dieu, ce que tu fais faire

Se voit en ton Sanctuaire,

Et n'y a diuinité

Pareille à ta Deité.

O Dieu, tu fais les merueilles

Qui sont du tout nompareilles:

C'est toy qui fais ton pouuoir

Aux peuples appercevoir.

Tu as par ta force adextre

Recoux ton peuple, & fait estre

Du bon Iacob les enfans,

Et de Ioseph, triomphans.

Les eaux, les eaux, di-ie, en crainte

Ont veu ta Maïesté sainte,

Et l'abyfme plus profond

En a tremblé iusqu'au fond.

Adonc les plus grosses nuyes

Ont leurs grand's eaux espandues,

Et du son qui en sortit,

Tout ce haut ciel retentit.

Cà & là tes traits volerent,

Tes gros tonnerres roulerent,

Et d'un esclair enflammé

Fut tout le monde allumé.

Terre en trembla longue espace,

Puis sans laisser nulle trace,

Au trauers des grandes eaux

Tu fis sentiers tous nouueaux:

Tant que tu as en franchise,

Par Aaron, & par Moyse,

Comme tes brebis mené


Le peuple à toy assigné.

PSEALME LXXVIII. TH. DE BE.


Ce Pseume en premier lieu remontre cōbien la bonté de Dieu a esté singuliere, en ce qu'il a daigné choisir pour son heritage la lignee d'Abraham: puis il accuse l'ingratitude de ce peuple, lui reprochant que iamais n'a cessé de se monstrer peruers & rebelle en despitant par sa malice obstinee les benefices continuels de Dieu. Pour conclusion il magnifie sa misericorde, en ce qu'il a tout restabli la personne de Dauid, en vertu de la promesse qu'il lui a donnee.




Ois ententif, mon peuple, à ma doctrine, Soit




ton aurreille entierement encline A bien ouir tous



les mots de ma bouche. Car maintenant il faudra



que ie touche Graues propos, & que par moy soyent



aits Les grans secrets des œuures de iadis.

Oeuures par nous iadis bien escoutees,

Quand nos ayeuls nous les ont recitees,

Qu'à leurs enfans voulons faire cognoistre:
Voire à ceux-la qui sont encor' à naistre,
Le los, la force, & merueilleux pouuoir
De ce grand Dieu voulons faire sauoir.

Dieu en Iacob sa conuenance a mise,
En Israel il a sa Loy assise,
Et ordonné qu'elle fust enseignee
Par nos ayeuls de lignee en lignee,
Si qu'un tel bien à la posterité
De pere en fils tousiours soit recité.

Afin qu'en Dieu soit toute leur attente,
Et de ses faicts la memoire presente,
A bien garder ses statuts les appelle:
N'ensuiuans point le cœur traistre & rebelle
De leurs maieurs, qui n'ont eu le cœur droit,
Ni enuers Dieu l'esprit ferme & adroit.

Telle a esté d'Ephraïm la semence,
Qui bien armee, avec l'experience
De bien tirer, n'a fait chose qui vaille,
Tournant le dos au iour de la bataille,
N'ayant de Dieu le contract maintenu,
Ni de sa Loy le droit chemin tenu.

De l'Eternel les œuvres & merueilles,
Veuës par eux, grandes & nompareilles,
Ils ont tantost aisément oubliees:
Les œuvres, di-ie, & forces desployees
Dedans Egypte, en Soan, & au feu
De leurs ayeuls, qui euxmesmes l'ont veu.

Il a fendu les grand's vagues profondes,

Pasé sa gent tout au trauers des ondes:
 Il a retins la mer emmoncelee,
 Guidé les siens de iour par la nuée,
 Et puis dressé vn grand flambeau luisant,
 Qui toute nuict les alloit conduisant.

Il a brisé les rocs par sa puissance,
 Pour abbruuer son peuple en abondance
 Dans le desert, là où mesme des veines
 Des durs rochers il tira les fontaines,
 Et fit partir telle abondance d'eaux,
 Qu'il en coula fleuues à grans ruisseaux.

P A V S E.

Ce nonobstant, derechef ils pecherent
 Encontre Dieu, & ainsi l'irriterent
 Dans le desert, le tentans en euxmesmes:
 Et pour fournir à leurs desirs extremes,
 Ont demandé viande sur le lieu,
 Iusqu'à venir murmurer contre Dieu.

Dieu, dirent-ils, en terre si deserte
 Pourroit-il bien donner table couuerte?
 Du roc frappé grandes eaux sont sorties,
 Voire soudain riuieres sont parties:
 Mais pourroit-il donner du pain aussi,
 Et puis de chair paistre son peuple ici?

Dieu les ouit, duquel l'ire enflammée
 Contre Iacob fut tantost allumée:
 Dieu, di-ie, esmeu de fureur non petite,
 Print en dedain son peuple Israélite,
 Pour n'auoir creu à Dieu, & pour appui
 N'auoir choisi le salut d'icelui.

Car ia deuant ces choses auenues,
 Dieu auoit fait commandement aux nues,
 Et du haut ciel ouuert desia la porte,
 Pleuant sur eux la Manne en telle sorte,
 Qu'à ces meschans qui crioyent à la faim,
 Mesme du ciel il enuoya du pain.

**

**

L'homme mortel (merueilles bien estranges)
 S'estoit repeu du pain mesme des Anges,
 Voire soulé à suffisance pleine.
 Dieu toutefois par sa force soudaine
 Fit esmouuoir au ciel vn double vent,
 L'vn de Midi, & l'autre du Leuant,

Puis fit sur eux menu comme poussiere
 Pleuuoir la chair, voire en telle maniere
 Qu'il n'y a point plus de sable au riuage
 Qu'on vid pleuuoir d'oiseaux par cest orage,
 De tous costés parmi l'ost arrangés,
 Où ils auoyent leurs pauillons regez.

Par ce moyen ceste troupe gourmande
 Fut tout son soul repeuë de viande,
 Dieu leur donnant selon leur conuoitise.
 Leur faim cessa, non pas leur gourmandise,
 Ains tous creués encor' auoyent la chair
 Entre les dents, & la vouloyent mascher,

Quand l'Eternel esmeut contr'eux son ire,
 Et vint d'entr'eux tous les plus gros destruire:
 Puis d'Israel mit bas toute l'elite.
 Mais pour cela ceste race maudite
 Ne laissa pas de poursuiure son train,

Et ne

Et ne creut onc aux faicts du Souuerain.

P A V S E .

Voila pourquoy leurs iours & leurs anneés
Furent tantost à neant terminees.

Adonc chacun voyant sa mort presente,
Quiert le Seigneur, & à lui se presente:
Dés le matin chacun est appresté
Pour requerir du Seigneur la bonté.

Adonc chacun se souuient qu'en destresse
L'Eternel seul estoit leur forteresse,
Et que Dieu seul de force souueraine,
Estoit celui qui les tiroit de peine.
Mais quoy que soit, rien que fard ne sortoit
Hors de leur bouche, & leur langue mentoit.

Car deuant Dieu n'estoit leur ame entiere,
Ni veritable en sa Loy droituriere:
Ceneantmoins, tant il est pitoyable,
Il effaçà leur faute abominable,
Les espargnant: souuent, di-ie, il se tint,
Et la plus part de son ire il retint.

Il se souuint que leur pource nature
N'estoit que chair suiète à pourriture,
Et comme vn vent qui sans retour se passe.
Combien de fois, & combien longue espace
Dans le desert ces gens l'ont irrité?
Combien de fois au desert contristé?

A tenter Dieu ceste gent adonnee,
A son mestier est tousiours retournee,
Comme voulant enclore en ses limites

Le Tout-puissant Saint des Israélites,
N'estant records du bras qu'il fit sentir
A leurs haineux, pour les en garentir.

C'est lui qui mit ses signes tât horribles
Dedans l'Egypte, & miracles terribles
Dedans Soan, faisant que leurs riuieres
Deuindrent sang, voire toutes entieres,
Mesmes aussi leurs ruisseaux, tellement
Qu'on n'en eust peu goustertant seulement.

Puis enuoya toutes sortes de mousches
Pour les manger iusques dedans leurs couches,
Les fit destruire aux grenouilles infectes,
Donna leurs fruits, & vignes toutes faites
Aux vermisseaux, & de tous ces meschans
Tout le labour aux cigalles des champs.

Gresla d'en-haut leurs vignes desia prestes,
Sur leurs figuiers enuoya ses tempestes,
Tout leur haras meurtrit à coups de gresse,
De foudre & feu leur bestail peste mesle:
Bref, deschargea sa colere sur eux,
Sa grand' fureur, son courroux rigoureux.

Les fit punir & poursuiure à outrance
Par les esprits de sa iuste vengeance,
Fit faire place à son ire mortelle,
Sans espargner, & d'une façon telle
Que leur bestail pour leur viure ordonné,
Fut à la peste, & mort abandonné.

PAUSE.

Dedans Egypte il falut que mourussent

Tous

Tous les ainés, en quelque part qu'ils fussent:
 Es pauillons de Cham, race traistresse,
 Dieu fit faillir la fleur de la ieunesse:
 Puis fit sortir les moutons de ses parcs,
 Et les guida par les deserts espars:

Il les guida seurement & sans crainte,
 Couurit és eaux la multitude esteinte
 De leurs haineux: leur ouurit le passage
 Pour arriuer à son saint heritage,
 Iusques au mont precieux & exquis,
 Que par son bras luimesme s'est acquis.

Il dechassa les gens deuant leur face,
 Donna leur terre à son peuple en leur place,
 Et y logea d'Israel les lignees.
 Mais nonobstant ces grand's choses donnees,
 Ils ont tenté & fasché l'Eternel,
 Et n'ont gardé son contract solennel:

Ains ensuiuant la nature faulsaire
 De leurs ayeuls, sont tournez au contraire,
 Et recourbez comme vn arc deceuable.
 Par maint idole & seruice damnable,
 Ils ont tant fait, que le grand Dieu ialoux
 A dessus eux desployé son courroux.

**

**

Car l'Eternel informé de leur vice,
 Print vn despit si grand de leur malice,
 Qu'en dedaignant bien fort sa gent eleuë,
 Laisa Silo sa maison despourueuë,
 Et ce diuin Tabernacle a quitté,
 Où il auoit longuement habité.

Souffrit mener sa force prisonniere,
 Liura sa gloire entre la main meurtriere
 De l'ennemi, & sa gent tant meschante,
 A la merci de l'espee sanglante,
 Tans fut alors son courroux allumé
 Contr'Israel son heritage aimé.

Les feux ardents la force deuorerent
 Des ieunes gens: les filles demeurerent
 Sans nul festin, ni los de mariage:
 Prestres sacrés cheurent en ce carnage:
 Les vesues mesme en si grandes douleurs,
 N'ont eu loisir de respandre leurs pleurs.

Mais sur cela, cōme quand la personne,
 Apres bien boire, engloutie de somne,
 A la parfin s'escrie & se reueille,
 Dieu s'esueilla, & rendit la pareille
 Aux ennemis qu'en derriere il frappa,
 Et d'eternel diffame enueloppa.

P A V S E.

Mais il quitta de Ioseph l'habitable,
 Et d'Ephraim laissant le tabernacle,
 Dedans Iuda print sa maison choisie,
 Dedans Sion sa montagne chérie,
 Là où se voit par lui edifié
 Le haut palais à lui seul dédié:

Son palais, di-ie, & maison dediee,
 Qu'il a luimesme à iamais appuyee,
 Autant ou plus que ceste terre ronde:
 Puis a choisi seul des hommes du monde
 Son fruiteur Dauid, quoy que ce soit,

Au beau

Au beau milieu des brebis qu'il païssoit.

Là il le print pres son bestail champestre,
Et lui commit son peuple pour le paistre,
Lui commit, di-ie, Israel son partage:
Et pource aussi Dauid de franc courage
Toufours depuis a ce peuple mené,
Et sous sa main sagement gouverné.

PSEAVME LXXIX. CL. MA.

Il se complaint de la calamité auenue en Ierusalē par les Assyriēs, ou par Antiochus, contre lequel il demande aussi l'aide de Dieu.

L Es gens entrés font en tō heritage, Ils ont pollū,
Seigneur, par leur outrage, Ton temple saint, Ierusa-
lem destruite, Si qu'en mōceaux de pierres l'ont redui-
te. Ils ont baillé les corps De tes seruiteurs morts, Aux
corbeaux pour les paistre: La chair des biē-viuans. Aux
animaux suiuan Bois, & plaine champestre.

Entour la ville où fut ce dur esclandre,
 Là lon a veu le sang d'iceux espandre
 Ainsi comme eau ietee à l'auenture,
 Sans que viuant leur donnast sepulture.

Ceux qui nos voisins sont
 En opprobre nous ont,
 Nous moquent, nous despitent:
 Ores sommes blasmes,
 Et par ceux diffamés
 Qui entour nous habitent.

Helas, Seigneur, iusques à quand sera-ce?
 Nous tiendras-tu pour iamais hors de grace?
 Ton ire ainsi embrasée ardra-elle
 Comme vne grand' flamme perpetuelle?

Tes indignations
 Espan sur nations
 Qui n'ont ta cognoissance:
 Ce mal viendrait à point
 Aux royaumes qui point
 N'inuoquent ta puissance.

Car ceux-la ont toute presques esteinte
 Du bon Iacob la posterité sainte,
 Et en desert totalement tournée
 La demourance à lui par toy donnée.

Là: ne nous ramentoy
 Les vieux maux contre toy
 Perpetrés à grand's sommes:
 Hastte-toy, viene auant
 Ta bonté nous sauuant,
 Car mout affligés sommes.

Assiste-nous nostre Dieu secourable,
 Pour l'honneur haut de ton Nom venerable:
 Deliure-nous, sois piteux & paisible
 En nos pechés pour ta gloire indicible.

Qu'on ne die au milieu
 Des gens, Où est leur Dieu?
 Ains punis leurs offenses:
 Vueille de toutes pars
 Des tiens le sang espars
 Venger en nos presences.


Des prisonniers le gemissement viene
 Jusques au ciel, en la presence tiene:
 Les condamnés, & ceux qui ia se meurent,
 Fay que viuans par ton pouuoir demeurent.


A nos voisins aussi
 En leur sein endurci
 Sept fois vueille-leur rendre
 Le blasme & deshonneur
 Que contre toy, Seigneur,
 Ont osé entreprendre.

Et nous alors ton vray peuple & tes hommes,
 Et qui troupeau de ta pasture sommes,
 Te chanterons par siecles innombrables,
 De fils en fils preschans tes faits louables.

PSEAVME LXXX. TH. DE BE.

C'est vne priere pour la poure Eglise de Dien, là où les graces qu'il lui a faites sont reduites en memoire, afin qu'il soit plus enclin de lui subuenir, pour ne point laisser aller son ceuvre en decadence.


 Pasteur d'Israel, escoute, Toy qui conduis la



Seigneur, fay marcher ta puiſſance
Deuant Ephraim, & t'auance
Vers Manaſſes, & Beniamin.
Radreſſe vers nous ton chemin,
Afin que parmi ces affaux
Soyons garentis de tous maux.

O Dieu, qui vois comme on nous meine,
Fay que ta bonté nous rameine:
Fay luire ſur nous de tes yeux
Le regard doux & gracieux,
Et nous voila hors de torment,
Par vn doux regard ſeulement.

Iuſques à quand, Dieu des armées,
Seront tes fureurs allumées
Contre la priere des tiens?
Tu nous as, en lieu de tes biens,
Repeus d'angoiſſes & douleurs:
Tu nous as abreuué de pleurs:

Tu nous as contre nos plus proches

Mis en querelles & reproches:
 Nos haineux s'en moquent bien fort.
 Rallie-nous, ô Dieu tresfort,
 Fay luire sur nous ta clarté,
 Et nous ferons à sauueté.

**

**

Iadis ta vigne as transportee
 Hors de l'Egypte, & l'as plantee
 Au lieu dont maint peuple as chassé.
 Tu lui as son lieu agencé,
 Si que de ses bourgeons tous verds
 On a veu les champs tous couuerts:

On a veu des monts l'estendue
 Cachee en son ombre espandue:
 Et ses rameaux haut foriettés,
 Comme les Cedres haut montés:
 Et ses iettons loin espan dus,
 Du fleuve à la mer estendus.

D'où vient qu'ayant rompu sa haye,
 Tu l'as aux passans mise en proye?
 D'où vient que les sangliers des bois
 L'ont toute gastee à la fois?
 Pourquoi des champs les animaux
 Ont-ils deuoré ses rameaux?


O Dieu des armées, retourne,
 Et que d'enhaut ton œil se tourne
 Pour ceste vigne visiter,
 Que ta main a daigné planter:
 Ce prouin, di-ie, cultiué,
 Pour rendre ton Nom esleué.

Làs, elle est en cendre reduite,
 Elle est entierement destruite,
 Tous perissent par ton courroux.
 Esten ta main, ô Dieu trespoux,
 Sur l'homme à ton bras appuyé,
 Et que tu t'es fortifié.

Lors iamais nous n'aurons enuie
 De te laisser. Ren-nous la vie,
 Et nous chanterons ton honneur:
 Restabli-nous, di-ie, Seigneur,
 Fay luire sur nous ta claré,
 Et nous serons à sauueté.

PSEAVME LXXXI. YH. DE RE.

Ce Pseume contient vne exhortation, pour faire recognoistre de quelle misericorde Dieu a vsé de tout temps enuers son Eglise, tât en parole comme en faict. Et à l'opposite il môstre combien le peuple s'est rendu indigne de tant de biens par son ingratitude.



C Hantez gayement A Dieu nostre force: Que
 tout hautement Au Dieu d'Israel Chant perpetuel
 Chanter on s'efforce.

Qu'on oye chansons
 De douce musique:
 Qu'on oye les sons
 De harpe & tabour:
 Le lut à son tour
 Sonne son cantique.

Au pre-

Au premier du mois
 Sonnez la trompette:
 A toutes les fois
 Que pour faire honneur
 A son droit Seigneur,
 Israel fait feste.

Enuers Israel
 Telle est l'ordonnance:
 Car c'est l'Eternel
 Qui l'a decreté
 Pour signe arresté
 De sa conuenance:

Lors que trauerfa
 Sa gent voyagee
 D'Egypte, & passa,
 Sans qu'elle eüst pouuoir
 D'entendre ou sauoir
 Leur langue estrangere:

De dessus son dos.
 La charge ay ostee;
 Arriere des pots
 (Labeur inhumain)
 I'ay fait que sa main
 Se trouue escartee.

Vers moy as couru
 Quand ont'a fait guerre:
 Ie t'ay secouru,
 Ie t'ay exaucé,
 Me tenant musé

Dedans mon tonnerre.

Je t'ay esprouué
Es eaux de querelle:
Et t'ayant trouué
D'un cœur endurci,
Je parlay ainsi
A ton cœur rebelle,

Mon peuple, enten-moy,
Et mon alliance
Fera avec toy.
O si tu voulois
D'escouter ma voix
Avoir patience!

Chez toy tu n'auras
Autre dieu quelconques,
Et n'adoreras
Hors le Souuerain,
Aucun Dieu forain,
Ni seruiras onques.

Car ie suis ton Dieu
D'essence eternelle,
Qui t'ay en ce lieu
Mis & attiré,
T'ayant retiré,
D'Egypte cruelle.

PAUSE.

Ouvre seulement
Ta bouche bien grande,
Et soudainement

Esbahi feras
Que tu la verras
Pleine de viande.

Mais mon peuple elu
L'aureille me tendre
Iamais n'a voulu:
Mesme estant prié,
Ne s'est soucié
Iamais de m'entendre.

Moy donc irrité
L'ay baillé en proye
A la dreté
De son cœur peruers,
A tors & trauers,
Pour suiure sa voye.

Hélas, que ma gent
N'a ma voix ouye!
Et que diligent
Israel tout droit
N'a du chemin droit
La sente suivie!

Peusse en moins de riens
Peu vaincre & deffaire
Les ennemis siens:
Et mon bras tourné
Eust tost ruiné
Tout sien aduersaire.

Tous ses ennemis
Remplis de destresse

Sous lui i'eusse mis:
Et ce temps heureux
Eust duré pour eux
Sans fin & sans cesse.

De fleur de froment
Jamais n'eust eu faute,
Voire abondamment
Te l'eusse soulé
Du miel decoulé
De la roche haute.

PSEAVME LXXXII. TH. DE BE.

Ici les princes & gouverneurs de ce monde sont exhortez à s'acquitter de leur devoir, pour ce qu'ils auront à redrecôte: avec vne menace que leur hauteſſe ſera bien toſt abaſſee, pour ce qu'elle n'eſt que tranſitoire.

Dieu eſt aſſis en l'aſſemblee Des Princes, qu'il a
aſſemblee, Et des plus grans eſt au milieu, Pour y pre-
ſider comme Dieu. Juſques à quand, iuges iniques,
Ferez-vous iugemens obliques, Et vers ces meſchans
deceueurs Vſerez-vous de vos faueurs?

Faites aux plus chetifs iuſtice,

Iugez

Iugez pour l'orphelin sans vice:

Iustifiez l'homme foulé,

Et le poure à tort affollé.

Garentissez de fascherie

Le poure & l'affligé qui crie,

Et les tirez d'entre les mains

De ces cruels & inhumains.

Mais dequoy sert la remonstrance?

Ils n'ont esprit ni cognoissance,

Et suiuent leur aueuglement,

Tout deust-il choir entierement.

Or estes vous, ie le confesse,

Comme petis dieux en hauteſſe:

Vous estes, di-ie, triomphans,

Comme estans de Dieu les enfans:

Si vous faut-il mourir en somme

Comme on voit mourir vn autre homme:

Vous Princes, si passerez-vous,

Et cherrez comme l'un de nous.

O Dieu, leue-toy à grand'erre,


Et t'en vien gouverner la terre.

Car à toy de droict appartient

Tout peuple que terre soustient.


PSEAVME LXXXIII. TH. DE BE.

C'est vne priere pour l'Eglise estât assaillie de tous costés par les incredulés qui auoyé conſpiré à la ruiner: avec vn recit de quelques exemples comment Dieu auoit ſecouru les ſiens, acc que les fideles priſſent courage de bien eſperer.



O Dieu, ne ſoy' plus à recoy, O Dieu, ne demeu-

o. iiii.



Contre ton peuple proprement
Ils ont arresté finement
Ce que leur malice imagine:
Et contre ceux qui pour retraire
Sont retirés en ta cachere,
Toute leur cautele machine.

Sus, ont-ils dit, qu'ils soyent deffaits,
Que de ce peuple & de ses faicts
Soit abolie la memoire:
Et que du peuple Israelite
Mention grande ne petite
Ne soit plus au monde notoire.

Tous contre toy ont coniuré,
Contre toy ont accord iuré
Idumeens, Ismaelites,

De Moab & d'Agar la race:
Et contre toy leuent la face
Les Gebalins & Ammonites.

Les Philisthins & Amalec,
Les habitans de Tyr avec,

Toutes leurs forces y desployent,
 Assyriens en veulent estre,
 Et pour seruir de leur bras dextre
 Aux enfans de Loth, ils s'employent.

Fay-leur comme en droite faison
 Tu fis sur les eaux de Cison
 A Madian, en forte guerre,
 Quand Sisaré & Iabin perirent
 Dedans En-dor, & ne seruirent
 Que d'autant de fiens sur a terre.

Fay-leur ^{**}comme ^{**}à leur chef Oreb,
 Et à leur autre chef Zeeb,
 A Zeba, Salmuna, leurs princes,
 Qui auoyent dit que par puissance
 Ils adioindroyent la demourance
 De l'Eternel, à leurs prouinces.

Comme vne bille va roulant,
 Et le tourbillon saboulant
 A son gré le festu pourmeine:
 Côme vn feu qui met toute en flambe
 Vne forest, & qui enflambe
 Des grans monts la cime hautaine,

Ainsi ton orage, ô mon Dieu,
 Les poursuiue, & de lieu en lieu
 Les espouuante ta tempeste.
 Leur face de honte soit teinte,
 Afin, Seigneur, que par contrainte
 De ton Nom ils facent enqueste.

Soyent de plus en plus esperdus,

Troublés, honteux, voire perdus:
Afin qu'ils ayent cognoissance
Par effect du Nom que tu portes
D'Eternel, & qu'en toutes sortes
Terre te doit obeissance.

PSEALME LXXXIIII. TH. DE BE.

Le Prophete reconnoist que la plus grande felicité qu'on puisse souhaiter en ce monde, est d'habiter en l'Eglise de Dieu, pour l'adorer & le servir: parquoy il deplore sa condition, de ce qu'il en est exclus, priant d'estre restitué.

O Dieu des armées, combien Le sacré tabernacle tien Est sur toutes choses aimable, Mō cœur languit, mes sens ravis Defaillent apres tes paruis, O Seigneur Dieu tresdesirable: Bref, cœur & corps vont s'esleuant Iusques à toy, grand Dieu viuant.

Les passereaux trouuent logis,
Et les arondelles leurs nids,
Helas, grand Dieu des exercites.

Mon Dieu, mon Roy me soustenant,
Où est-ce que sont maintenant
Les autels esquels tu habites?

Bien-heureux qui en ta maison
Te louëra en toute saison!

O que bien-heureux est celui
Dont tu es la force & l'appui,
Et ceux qui ont au cœur ta sente!
Passant le val sec & hideux
Des meuriers chacun courageux
Aueques peine diligente
Fontaines & puits cauera,
Que mesme la pluye emplira.

De force en force ils marcheront
Iusques à l'heure qu'ils pourront,
En Sion deuant Dieu se rendre.

O Dieu des armes, Eternel,
De ton haut throne supernel
Vueille mes prieres entendre:

Dieu de Iacob, en cest esmoy,
Iete suppli' exauce-moy.

O Dieu, qui es nostre pauois,
Regarde ton Oinēt ceste fois:
Car trop mieux vaut en toutes sortes
Vn iour chez toy, que mille ailleurs:
Et sont les estats trop meilleurs
Des simples gardes de tes portes,
Qu'auoir vn logis de beauté
Entre les meschans arresté.

Car nostre Seigneur Dieu tresdoux
Est soleil & bouchier pour nous,
Qui nous donnera gloire & grace:

Et à tous ceux-la qui vont droit,
Nostre bon Dieu en tout endroit
De bien faire point ne se lasse.

Bref, Dieu tresfort, heureux ie croy
L'homme qui s'appuye sur toy.

PSEAVME LXXXV. TH. DE BE.

Ici les fideles en remerciant Dieu des bons commencemens qu'il auoit monstrez en les rachetant de la captiuité, le prient qu'il paracheue: & s'exhortent à bien esperer, iusqu'à ce que Dieu ait du tout restabli son Eglise.

A Vec les tiens, Seigneur, tu as fait paix, Et de la-
cob les prisonniers laschez, Tu as quitté à ta gét ses mes-
faits, Voire tu as couuert tous ses pechés: Tu as loin
d'eux ton despit retiré, Et ton courroux violent mo-
deré. O Dieu, en qui gist le salut de nous, Restabli-
nous appaisant ton courroux.

Est-ce à tousiours que ton ire estendras,
Et ta fureur de fils en fils ira?

Ainçois plustost la vie nous rendras,
Dequoy ton peuple en toy s'esjouira.

O Eternel, quoy que nous ayons fait
Dedemonstre-nous ta grace par effet:
Et nonobstant tous nos faicts vicieux,
Ottroye-nous ton salut glorieux.

Mais quoy? ie vueil escouter que dira
Le Seigneur Dieu: car à ceux-la qui sont
Doux & benins, de paix il parlera,
Et eux aussi plus sages deuiendront.

Certes à ceux qui en crainte ont recours
A sa bonté prochain est son secours:
A celle fin qu'en lieu de tout meschef,
Sa gloire habite entre nous derechef.


Misericorde & Foy lors se ioindront,
Iustice & paix s'accoller on verra:
Foy sortira de terre contre mont,
Iustice en bas du ciel regardera:

Dieu mesmement nous donnera ses fruits,
Qui nous seront par la terre produits.
Brief, deuant lui iuste gouvernement
Ira son train sans nul empeschement.


PSEAVME LXXXVI. CL. MA.

Dauid requiert à Dieu premieremēt, qu'il le face viure sans peché: secondement, qu'il
l'assure de ses ennemis, lui donnant vicheureuse. Puis raconte la puissāce & bonté de
Dieu ia manifestee, & qu'il doit encores manifester à lui & aux autres.

M On Dieu, preste-moy l'aureille, Par ta bonté




nôpareille: Respon-moy, car plus n'en puis, Tant po-



ure & affligé suis. Garde ie te pri', ma vie: Car de biē-fai-



re ay enuie: Mon Dieu, garde tō seruāt En l'esperoir de



toy vivant.

Là: de faire te recorde

Faueur & misericorde

A moy qui tant humblement

T'inuoke iournellement:

Et donne liesse à l'ame

Du serf qui Seigneur te clame:

Car mon cœur, ô Dieu des dieux,

L'effleue à toy iusqu'aux cieux.

A toy mon cœur se transporte,

O Dieu bon en toute sorte,

Et à ceux plein de secours,

Qui à toy vont à recours.

Donques la priere miene

A tes oreilles paruiene:

Enten, car il est saison,

La voix de mon oraison.

Dés qu'angoisse me tormente,
 A toy ie crie & lamente:
 Pource qu'à ma triste voix
 Tu respons souuentesfois.
 Il n'est Dieu à toy semblable,
 Ni à toy comparable,
 Ne qui se feust vſiter
 A tes œuures imiter.

 Toute humaine creature,
 Qui de toy a prins facture,
 Viendra te glorifier,
 Et ton Nom magnifier.

Car tu es grand à merueilles,
 Et fais choses nompareilles:
 Aussi as-tu l'honneur tel,
 D'estre seul Dieu immortel.

Mon Dieu, monstre-moy tes voyes,
 Afin qu'aller droit me voyes,
 Et sur tout, mon cœur non feint
 Puisſe craindre ton Nom saint.

Mon Seigneur Dieu, ta hauteſſe
 Ie vueil celebrer ſans ceſſe,
 Et ton ſaint Nom ie pretens
 Glorifier en tout temps.

Car tu as à moy indigne
 Monſtré grand' bonté benigne,
 Tirant ma vie du bort
 Du bas tombeau de la mort.
 Mon Dieu, les peruers m'affaillent,
 A grand's troupes ſur moy ſaillent,

Et cherchent à mort me voir,
Sans à toy regard auoir.

Mais tu es Dieu pitoyable,
Prompt à merci, & ployable,
Tardif à estre irrité,
Et de grand' fidelité.

En pitié donc me regarde,
Baille ta force & ta garde
Au foible seruiteur tien,
Et ton esclauue soustien.

Quelque bon signe me donne
Qui mes ennemis estonne,
Quand verront que toy, Sauueur,
Me presteras ta faueur.

PSEAUME LXXXVII. TH. DE. 88.

Ici les fideles sont exhortez à nese point descourager pource que Dieu ne restau-
pas si tost son Eglise: avec promesse qu'il y besoignera si puissamment, que tout le mon-
de aura occasion de s'en esmeruiller.

Dieu pour fonder son tressueur habitacle, Es
monts sacrés a prins affectiō, Et mieux aimé les portes
de Sion, Que de Iacob onques nul tabernacle.

O que de toy grandes choses sont dites,
Cité de Dieu! car Egypte & Babel,
Dit le Seigneur, auront vn honneur tel,
Qu'entre mes gens elles seront esrites.

Du Tyrien, du Philisthin, du More
 Il sera dit, Vn tel est né de là:
 Voire on dira, Cestui-ci, cestui-la
 Est de Sion, où le vray Dieu s'adore.

Dieu la viendra munir de sa puissance,
 L'Eternel, di-ie, vn iour enroulera
 Vn chacun peuple, & d'un chacun dira,
 Tel peuple a prins en Sion sa naissance.


Chantres adonc à gorge desployee,
 Haut-bois aussi chanteront son honneur:
 Bref, dedans toy fera, dit le Seigneur,
 De tous mes biens l'abondance employee.

PSEAVME LXXXVIII. TH. DE BE.


Ici il y a vne priere ardente coniointe avec lamentations del'homme fidele, lequel se
 sentant comme desesperé en vn profond gouffre d'afflictions, n'a son recours qu'à la seu-
 le misericorde de Dieu.




O Dieu Eternel, mon Sauueur, Iour & nuict



deuât toy ie crie, Paruiene ce dont ie te prie Iusques à



toy, par ta faueur: Vueilles, helas, l'aureille rendre A



mes clameurs pour les entendre.

Car j'ay mon soul d'aduersité,

Desia ma vie est mise en terre,
 Et parmi ceux-la qu'on enterre
 Mon nom est desia recité.
 Je suis ainsi qu'un personnage
 Qui n'a plus force ne courage:

Je suis entre les morts transi,
 Franc & quitte de ceste vie,
 Comme vne personne meurtrie,
 Dont tu n'as cure ne souci,
 Qui est au sepulchre couchee,
 Et que ta main a retranchée.

Tu m'as iusques au fond plongé
 Des fosses noires & terribles:
 Et tes fureurs les plus horribles,
 De dessus mon chefn'ont bougé:
 Bref, tu m'as accablé la teste
 Des plus grans flots de ta tempeste.

Estrangé m'as de mes amis,
 Et rendu vers eux execrable:
 Me voila pource miserable,
 Enclos au lieu où tu m'as mis,
 Sans qu'il y ait nulle puissance
 De plus recouurer deliurance.

**

**

Mes yeux sont ternis de langueur:
 Seigneur, à toy ie me vien rendre
 Tous les iours, & mes mains te rendre:
 Car monstreras-tu la vigueur
 De tes puissances les plus fortes,
 Sur les personnes desia mortes?

Les morts viendront-ils à sortir,
 Afin de prescher tes merueilles?
 Pourront tes bontés nompareilles
 Dans les sepulchres retentir,
 Et ta fidelité reluire
 En ceux que mort a peu destruire?


Se pourront és tenebres voir
 Les grans effets de ta puissance,
 Et en la terre d'oubliance
 Ta iustice s'appercevoir?
 Si est-ce, ô Dieu, qu'à toy ie crie,
 Et dès le matin ie te prie.

Làs, pourquoy suis-ie reietté?
 Pourquoy caches-tu ton visage?
 Làs, ie languis dès mon ieune aage,
 En mille sortes tormenté,
 Soustenant tes frayeurs mortelles,
 Aueques peur assiduelles.

Tes fureurs ont sut moy passé:
 Tes espouuantemens horribles
 M'accablent: deluges terribles
 Me tiennent tous les iours pressé:
 Tout cela, di-ie, dont ie tremble,
 Tout alentour de moy s'assemble.

Tu as escarté loin de moy
 Ma compagnie plus priuee,
 Si que ma personne est priuee
 De tous amis en cest esmoy:
 Car au milieu de mon angoisse
 Je ne voy nul qui me cognoisse.

D'autant que ce Pseaume est vne priere pour la poure Eglise affligee, les fideles se mettent deuant les yeux la promesse faite à Dauid : puis racontent les merueilles que Dieu a faites pour secourir ses enfans. Et derechef prenaient leur fondement sur la venue qu'ils esperent du Redempteur, se plaignent & lamentent de la piteuse desolation qui auoit desia long temps duré, afin que Dieu en la fin leur face merci.



D V Seigneur les bontés sans fin ie chanteray, Et
 sa fide li té à iamais prescheray: Car c'est vn poinct co-
 clu, que sa grace est bastie Pour durer à iamais, com-
 me on voit establie Dans le pourpris des cieux leur
 course inuari a ble, Signe leur & certain de son di-
 re immuable.

Pay fait, dit le Seigneur, vn accord asseuré
 Aueques mon eleu, & par serment iuré
 A Dauid mon seruant, de faire que sa race
 A iamais dureroit: voire auroit ceste grace,
 Que du throne royal on verroit l'heritage
 Sans fin continuer en son heureux lignage.

Les cieux preschent, Seigneur, tes actes merueilleux,
 Et ta

Et ta Verité lait en tes saints bien-heureux,
 Car y a-il aucun és nues plus hautaines,
 Lequel puisse egaler tes forces souueraines?
 Y a-il mesme aucune Angelique puissance,
 Qui soit à comparer à ta Diuine essence?

Dieu au milieu des saints est plein de maiesté,
 Des siens enuironné, & d'iceux redouté.
 O Seigneur, sous lequel toute force est ployable,
 O puissant Eternel, qui est à toy semblable?
 Ta maiesté, Seigneur, de toutes pars est ceinte
 De ferme loyauté, & constance sans feinte.

**

**

C'est toy qui as pouuoir sur les flots de la mer,
 Et qui peux l'abaisser s'elle veut escumer.
 Tu as vaincu l'Egypte ainsi qu'à coups d'espee,
 Et de tes ennemis la force dissipée.
 Les hauts lieux sont à toy, tiene est toute la terre,
 Tu as fondé le monde, & tout ce qu'il enferme.

Tu as fait le Midi, & le Septentrion:
 Hermô avec Tabor s'esgayent en ton Nom.
 Ton bras est tout-puissant, ta main forte & robuste,
 Ta dextre est esleuee: & de ton throne iuste,
 Iustice & equité gardent ferme la place,
 Clemence & verité marchent deuant ta face.

O peuple bien-heureux qui te fait honorer!
 Car tel ne peut faillir à tousiours prosperer,
 En suiuant la clarté de ton œil debonnaire:
 Et s'esgaye en ton Nom d'une ioye ordinaire,
 Se voyant de nouveau par ta ferme iustice,
 Tous les iours honoré de quelque benefice.

Car si nous sommes forts, l'honneur t'en appartient:
 Si nous auons pouuoir, tout cela ne nous vient
 Que de ta grand' bonté, veu que nostre defense
 Ne gist qu'au seul Seigneur: & si on nous offense,
 Le Roy qui nous defend, n'a force ni adresse
 Que du Saint d'Israel, qui ce bien nous adresse.

P A V S E .

C'est toy, qui as iadis parlé, par ta merci,
 A tes bons seruiteurs, & leur as dit ainsi
 En sainte vision, l'ay mon aide assignee
 Sur le puissant, auquel i'ay ma grace donnee,
 L'elisant d'entre ceux que mon peuple i'appelle,
 C'est assauoir Dauid, mon seruiteur fidele.

De mon saint oignement i'ay mon Oint dedié,
 Et pource aussi mon bras est sur lui appuyé,
 Afin qu'en tous assauts tousiours ie le renforce,
 Si que son ennemi ne pourra par sa force
 Iamais le ruiner, & sous la main inique
 Il ne succombera par effort tyrannique:

Ains plustost ses haineux deuant lui froisseray,
 Et tous ses ennemis à plein defferay:
 Ma foy & ma douceur aura pour compagnie,
 Et sa corne en mon Nom sera haut anoblie.
 De l'une de ses mains la mer lui feray prendre,
 Et de l'autre il viendra iusqu'aux fleuues s'estendre.

Tu es, me dira-il, voire tout hautement,
 Et mon Pere, & mon Dieu, & mon seur fondement:
 Moy aussi d'autre part lui feray ceste grace
 D'estre mon, fils ainé, & des rois l'outrepasse.
 Ma faueur lui sera à tousiours assuree,

Et tref

Et tresferme à tousiours ma promesse iuree.

l'establi ray sa race à perpetuité:
Et ne sera non plus son regne limité,
Que des cieux la duree. Et si parauenture
Ses fils laissent ma Loy, & de marcher n'ont cure
Ensuuiuant mes edicts, ains par outrecuidance
Transgressent mes statuts, & ma sainte ordonnance,

Enqueste i'en feray pour punir leurs meffaits,
Enuoyant mes fleaux vengeurs de leurs forfaits:
Mais ma grace pourtant ne sera point cassée,
Ni ma foy enuers lui aucunement faussée.
Car mon accord promis iamais ie ne viole,
Ni ne vueil rien changer en ma ferme parole.

Pay sur ma sainteté vne fois fait serment,
Dont ie ne mentiray à Dauid nullement,
Qu'à tout iamais sera sa race perdurable,
Et son throne royal non moins ferme & durable
Qu'est en haut le soleil, & la lune luisante,
Pour tesmoigner és cieux ma verité constante.

Et toute fois tu l'as dedaigné & chassé,
Tu t'es, di-ie, Seigneur, à ton Oint courroucé,
Tu as enuers ton seif rompu ta foy loyale,
Soullé & renuersé sa couronne royale,
Abatu tous les murs de ses places fournies,
Et du tout ruiné ses fortresses munies.

P A V S E.

Il est à l'abandon des passans exposé,
Il est de ses voisins moqué & mesprié.
Tu as haussé la main aux cruels aduersaires,

Et de ioye rempli le cœur de ses contraires.
 Tu lui as rebousché de son glaive la taille,
 Et ne l'as affermi au fort de la bataille.

Làs, tu as effacé le lustre de son nom,
 Et par terre abatu son throne de renom.
 Tu lui as abregé la fleur de sa ieunesse,
 Tu l'as couuert de honte. Helas donques sans cesse
 Voudrois-tu te cacher? & de ton ire ardente
 La flamme sera-elle à jamais permanente?


Souuiene-toy quel temps m'est pour viure ordonné,
 Car as-tu pour neant l'homme ainsi façonné?
 Où est l'homme viuant qui de la mort eschappe,
 Et que la forte main du sepulchre n'attrappe?
 Helas, Seigneur, où est ta clemence ancienne,
 Iuree à ton Dauid par la verité tiene?

Souuiens-toy de l'opprobre à tes seruiteurs fait,
 Et que ie porte au sein l'outrage & le forfait
 Dce plusieurs gens, Seigneur, qui t'assailent d'iniures,
 Et qui vont diffamans de ton Christ les allures.
 Or soit de l'Eternel la louange eternelle,
 Ainsi, ainsi soit-il en la troupe fidele.


PSEALME XC. TH. DE BE.

Moyse décrit la miserable condition à laquelle nous assuiettissent nos pechés: & prie Dieu qu'il la face entendre à chacun. Puis lui demande secours, afin que Dieu soit glorifié en ses seruiteurs.

Oraison de Moyse seruiteur de Dieu.




Vas esté, Seigneur, nostre retraite, Et leur re-
 cours




cours de lignee en lignee: Mesme deuant nulle mon-



tagne ne e, Et que le monde & la terre fust faite, Tu



estois Dieu desia comme tu es, Et comme aussi tu



feras à iamais.

Quand il te plaist tu fais l'homme dissoudre,
 Disant ainsi, Creatures mortelles,
 Le vous enioin que retourniez en poudre.
 Car deuant toy mille annees sont telles
 Comme nous est le iour passé d'hier,
 Ou d'une nuict seulement vn quartier.

Tu viens verser dessus eux ton orage:
 Lors ils s'en vont comme vn songe qui passe:
 Et ne leur faut que d'un matin l'espace
 Pour les fener ainsi comme l'herbage,
 Verd au matin avec sa belle fleur,
 Fauché le soir sans force ne couleur.

Car ton courroux nous destruit & ruine:
 Et grandement espouuantes nous sommes
 Par ta fureur, quand ta face Diuine
 Met deuant soy tous les pechés des hommes,

Apperceuant de ses clairs yeux ouuers,
Iusques au fond des secrets plus couuers.

**

**

En fin voila que nos beaux iours deuient
Par ton courroux, & la vie s'en-vole
Aussi soudain qu'en l'air fait la parole.
Ainsi nos iours volontiers ne reuiennent
Qu'à septante ans, ou quatre vingts pour ceux
Qui ont le corps plus fort & vigoureux.

Encor la fleur de ceste vie est telle,
Qu'on est tousiours en peine & en martyre:
Elle s'enfuit, & nous aueques elle.
Et qui cognoist la force de ton ire?
Car mesm'au prix qu'on cognoist ton pouuoir,
Ton ire aussi se fait appercevoir.

Or donc, Seigneur, appren-nous à comprendre
Combien est court le cours de nostre vie:
A celle fin que nous n'ayons enuie
De l'employer qu'à ta sagesse apprendre.
Retourne, hélas! combien languirons-nous?
Et sur tes serfs appaise ton courroux.

Dés le matin ta bonté nous remplisse,
A celle fin qu'en liesse & en ioye
Le cours entier de nos iours s'accomplisse:
Et tout plaisir maintenant nous ottroye,
En lieu des ans & iours tant douloureux,
Qu'auons senti ton courroux rigoureux.

En tes seruans soit ton œuvre apparente,
Et ta grandeur en leurs enfans reluisse:

Entour

Entour de nous soit la gloire excellente
De nostre Dieu, & nos œuures conduise:
Voire, Seigneur, de nous pources humains,
Condui tousiours & l'ouurage & les mains.

PSEAVME XCI. CL. MA.

Le Prophete chante en quelle seureté vit, & de combien de maux est exempté celui que
d'une ferme fiance se foumet du tout à Dieu.

Q Vi en la garde du haut Dieu Pour iamais se re-
ti re, En ombre bonne & en fort lieu Retiré se peut
di re. Conclu donc en l'entendement, Dieu est ma
garde seure, Ma haute tour & fondement, Sur lequel
ie m'asleure.

Car du subtil laqs des chasseurs
Et de toute l'outrance
Des pestiferes oppresseurs,
Te donra deliurance:
De ses plumes te couurira,
Seur seras sous son aile:
Sa defense te seruira
De targe & de rondelle.

Si que de nuict ne craindras point
 Chose qui espouuante,
 Ne dard, ne sagette qui poingt,
 De iour en l'air volante:

N'aucune peste cheminant
 Lors qu'en tenebres sommes,
 Ne mal soudain exterminant
 En plein Midi les hommes,

Quand à ta dextre il en cherroit
 Mille, & mille à fenestre,
 Leur mal de toy n'approcheroit,
 Quelque mal que puisse estre:

Ains sans effroy deuant tes yeux
 Tu les verras deffaïre,
 Regardant les pernicleux
 Receuoir leur falaire.

Et tout pour auoir dit à Dieu,
 Tu es la garde mienne:
 Et d'auoir mis en si haut lieu
 La confiance tiene.

Mal-heur ne te viendra cercher,
 Tien-le pour chose vraye:
 Et de ta maison approcher
 Ne pourra nulle playe.

Car il fera commandement
 A ses Anges trefdignes,
 De te garder soigneusement,
 Quelque part que chemines:
 Par leur main seras soufleué,

Afin que d'aventure
Ton pié ne choppe & soit greué
Contre la pierre dure.

Sur lionceaux & sur aspids,
Sur lions pleins de rage,
Et sur dragons, qui valent pis,
Marcheras sans dommage:

Car voici que Dieu dit de toy,
D'ardent amour m'honore,
Garder & secourir le doy,
Car mon Nom il adore.

S'il m'inuoue l'exauceray:
Aussi pour le defendre,
En dur temps avec lui feray:
A son bien vueil entendre,


Et faire de ses ans le cours
Tout à son desir croistre:
En effet quel est mon secours
Le lui feray cognoistre.

P S E A V M E X C I I L


Ici les fideles sont exhortés à louer Dieu: & sur tout à cause de sa justice dont il gou-
uerne le monde: par laquelle il rend confus les contempteurs de sa Maiesté, & resioit
ceux qui s'attendent à lui, & le suivent en droiture.

Que c'est chose belle De te louer, Seigneur,

Et du Treshaut l'honneur Chanter d'un cœur fidele:



Preschant à la venu e Du matin ta bonté, Et ta fideli-



té Quand la nuit est venu e,

Sur la douce musique
Du Manicordion,
Lut & Psalterion,
Et Harpe magnifique.

Ioye au cœur m'ont liuree
Tes ouvrages tressaints,
Dont és faicts de tes mains
Il faut que me recree.

O Dieu, quelle hautesse
Des œuvres que tu fais,
Et quelle est en tes faicts,
Ta profonde sagesse!

A ceci rien cognoistre
Ne peut l'homme abruti,
Et le sot abesti
Ne fait que ce peut estre:

Que les peruers verdissent
Comme l'herbe des champs,
Et des actes meschans
Les prompts ouuriers fleurissent,
Pour en ruine extreme
Trebuscher à iamais.
Mais, ô Seigneur, tu es

A iamais

A iamais Dieu supreme.

Voici tes haineux, Sire,
Tes haineux defaudent,
Et les meschans viendront
A se fondre & destruire:

Mais cependant ma corne
En haut tu leueras,
Et marcher me feras
Haut comme vne licorne.

L'auray teste graissee
D'huile fraische, & mes yeux
Verront sur mes haineux
L'effet de ma pensee.

De ces peruers damnables
Qui mille maux me font,
Mes oreilles orront
Nouvelles agreables.

Ainsi croistra le iuste,
Verdoyant chacun an,
Comme vn Cedre au Liban,
Et la Palme robuste.

Bref, les heureuses plantes
De la maison de Dieu,
Seront au beau milieu
Des paruis, fleurissantes.

Mesmes en leur vieillesse
Produiront fruits diuers,
Car vigoureux & verds
On les verra sans cesser:

Pour prescher la droiture
Du Seigneur mon appui,
Sans qu'il y ait en lui
De peché nulle ordure.

PSEALME XCIII. TH. DE BE.

Les fideles magnifient Dieu de ce qu'il a monstré sa vertu pour reprimer les troubles
esmeus contre son Eglise.

Dieu est regnant de grandeur tout vestu, Ceint &
paré de force & de vertu, Ayant le monde appuyé
tellement, Qu'il ne peut estre esbranlé nullement.

Ferme dès lors ton saint throne a esté,
O Dieu qui es de toute eternité.
Le son est grand d'un fleuve impetueux,
Grand est le son des flots tempestueux;


Mais quoy que soit l'Ocean courroucé,
Et le bruit grand de son flot entassé,
Le Souuerain estant assis és cieux,
Est trop plus grand & redoutable qu'eux.

O Eternel, fideles & certains
Sont tes edicts & tesmoignages saints,
Suiuant lesquels en tout temps & saison
Ta sainteté ornera ta maison.


PSEALME XCIII. TH. DE BE.

Ce Pseaume contient vne priere contre les hypocrites: lesquels se courans du titre
del' Eglise, sont les pires ennemis d'icelle, & la persecutér plus iniquemēt que les autres.


O Eternel,




Eternel, Dieu des vengeance, O Dieu pu-



nisseur des offenses, Fay-toy cognoistre clairement:



Toy gouverneur de l'vniuers, Hausse-toy pour ren-



dre aux peruers De leur orgueil le payement.

Iusqu'à quand des meschans la bande,
 Iusqu'à quand en fierté si grande,
 Seigneur, les malins se riront,
 Ceux qui à mal prennent plaisir,
 De gaudir auront le loisir,
 Et brauement se vanteront?

O Seigneur, ton peuple ils outragent,
 Ton saint heritage ils fourragent,
 Et pillent sans nulle merci:

Meurtrissent vesue & estranger,
 Tuent l'orphelin sans danger,
 Et, qui plus est, disent ainsi,

Dieu n'en fait rien, & somme toute,
 Le Dieu de Iacob ne voit goutte
 En nos faicts tant bien agencés.

O les plus fols & idiots

D'entre le peuple! O poures fots,
Serez-vous tousiours insensez?

Celui qui a planté l'aureille,
Et formé des yeux la merueille,
N'orra-il point, ni ne verra?

Lui qui sur les gens a pouuoir,
Et de qui depend tout sauoir,
Iamais ne vous corrigera?

^{**} Làs! le Seigneur fait qui nous sommes,
^{**} Et que les pensees des hommes
Ne sont rien sinon vanité.

Heureux qui est appris de toy,
Et qui bien instruit en ta Loy,
Seigneur, y a bien profité:

Afin qu'en seurté il repose,
Quand le plus dur temps lui propose
Toute angosse & aduersité:

Cependant que le tombeau creux
Se caue au meschant mal-heureux
Pour fin de sa felicité.

Car iamais Dieu n'aura courage
D'abandonner son heritage,
Quittant de son peuple l'appui:

Ains quand son temps propre il verra,
Iustice à son poinct amerra,
Et les bons courront apres lui.

Où est celui qui me secoure
Contre les malins, & qui coure
S'opposer aux meschans pour moy?

Si Dieu ne m'eust son bras tendu,
 l'eusse esté tantost estendu
 Dedans le sepulchre tout coy.

Lors que i'ay pensé que la plante
 De mon pié s'en alloit glissante,
 Soustenu m'as par ta bonté,
 Et as recreé mes esprits,
 Seigneur, lors que i'estoye espris
 D'angoisse & de perplexité.


Quelle est, ô Dieu, ta conuenance
 Avec le siege de greuance,
 N'autorisant rien que le tort?
 Ils en veulent aux gens de bien:
 Et combien qu'ils ne valent rien,
 Condamnent l'innocent à mort.

Mais mon Dieu est ma soustenance,
 Et l'appui de mon esperance:
 Payez seront de leurs forfaits,
 L'Eternel les ruinera,
 Nostre Dieu les abymera
 Par les propres maux qu'ils ont faits.


PSEAVME XCV. TH. DE BE.

Ici tous fideles sont exhortez de protester le zeile qu'ils ont de faire hommage à Dieu,
 le seruant & adorant purement & sans fiction: puis de s'affluer à sa Parole, ne lui estans
 point rebelles comme leurs peres.

S Vs, esgayons-nous au Seigneur, Et chantons
 hautement l'honneur De nostre salut & de fense:



Haltons-nous de nous presenter Deuant sa face, &



de chanter Le los de sa magnificence.

Car c'est le grand Dieu glorieux,
Grand Roy par deslus tous les dieux,
Qui dedans sa main tient la terre,

Voire iusqu'au lieu plus profond:

Et de la cime iusqu'au fond

Tient des monts la hauteur en ferre.

A lui seul la mer appartient,

Car il l'a faite, & la soustient,

Et la terre est sa creature.

Sus donc, tombons, enclinons-nous

Deuant l'Eternel à genoux,

Nous poures humains sa facture.

Il est nostre Dieu tout-puissant,

Nous, son peuple qu'il va paissant,

Comme troupeaux de sa conduite.

Oyant donc auiourd'hui sa voix,

Gardez vostre cœur qu'une fois

S'endurcissant, ne se despite:

Comme en Meriba és deserts,

Et Massa, vos peres peruers,

Dit le Seigneur, iadis me firent:

Où longuement ils m'ont tenté,

Et souuent experimenté

Par mes


Par mes ouurages qu'ils y virent.

Durant quarante ans en effect,
Ceste race de gens m'a fait
Dix mille ennuis: dont ie disoye,
Voici bien vn peuple insensé,
Et qui n'a nullement pensé
A sauoir de son Dieu la voye:


Et pource estant en mes esprits
De iuste fureur tout espris,
Ie iuray pour chose asseuree,
Si iamais ces meschans ici,
Puis qu'ils se deffient ainsi,
Dedans mon repos ont entree.

PSEAVME XCVI. TH. DE BE.

D'autant que ce Pseame appelle tous peuples pour chanter les louanges de Dieu, il
cōtient vne Prophetie du regne de Iesus Christ, sous lequel tout le monde deuoit estre re-
duit en vnion & obeissance de Foy.



C Hantez à Dieu chançon nouuelle, Chantez, ô



terre vniuerselle, Chantez, & son Nom benissez, Et



de iour en iour annoncez Sa deliurance solennelle:

Preschez à tous peuples sa gloire,
Et de ses grans faicts la memoire:
Car il est grand, & sans douter,
Plus à louer & redouter

Que tous les dieux qu'on sauroit croire.

Car ces dieux qui les gens estonnent,
Ne sont qu'un rien, où ils s'adonnent:
Mais l'Eternel a fait les cieux,
Force, & empire glorieux
Vont deuant lui, & l'environnent.

Puissance & Maïesté sans feinte
Se tiennent en sa maison sainte.
Sus donques, tous peuples, venez,
Toute force & gloire donnez
A l'Eternel en toute crainte.

**

**

Louëz l'Eternel d'une sorte
Qui à sa grandeur se rapporte:
Venez humblement, nations,
Et prenans vos oblations,
Passez de ses paruis la porte.

Qu'un chacun, di-ie, se rassemble,
Afin d'adorer tous ensemble
Deuant l'Eternel, au pourpris
De son Sanctuaire de prix,
Et que toute la terre en tremble.

Toute gent, où qu'elle puisse estre,
Die que l'Eternel est Maïstre:
Car le monde il establira
Pour iamaïs, alors qu'il sera
Iustement conduit par sa dextre.

Qu'on oye donc sous cest empire
Cieux s'esjouir, la terre rire,

Tonner

Tonner l'Ocean spacieux,
Champs s'esgayer, & avec eux
Les forests sa louange bruire:

Car il est, car il est en voye,
Afin qu'à la terre il pouruoye,
Iugeant le monde iustement,
Et tous peuples entierement,
Sans qu'en rien iamais il fouruoye.

PSEAVME XC VII. TH. DE BE.

C'est vne description de la haute Maïesté de Dieu & de sa iustice, afin que tout le monde s'humilie sous lui, & que toutes idolatries soyent abatues. En la fin tous ceux qui le craignent sont exhortés à se fier & resiouir en lui.

L 'Eternel est regnant, La terre maintenant En
soit ioyeuse & gaye, Toute Isle s'en esgaye. Espeffe ob-
scurité Cache la Maïesté: Iustice & iugement Sont
le seur fondement De son throne arresté.

Grans feux estincelans
Deuant lui sont bruslans
Pour ses haineux esprendre,
Et rediger en cendre.

Son esclair foudroyant
Du monde flamboyant

Reluit tout alentour:
La terre tout autour
S'estonne en le voyant.

Comme la cire au feu,
Il n'y a devant Dieu,
Grand Dieu de tout le monde,
Montagne qui ne fonde:
Voire mesme des cieux
Le grand tour spacieux
A sa iustice veu,
Et la terre apperceu,
L'Eternel glorieux.

Soyent confus & deffaits
Tous ces dieux contrefaits,
Et toutes ces gens foles
Qui seruent leurs idoles.

O dieux, venez y tous
L'adorer à genoux:
Zion qui l'a ouy,
D'un cœur tout resiouy
S'esgaye avec vous.

Tes iugemens, Seigneur,
Ont fait que ton honneur
Et gloire ont collaudée
Les filles de Iudee.

Car en ta Maïesté
Tu es plus haut monté
Que ces terrestres lieux:
Mesme sur tous les dieux
Tu es haut exalté.

Vous de Dieu les amis,
 Monstrez cœurs ennemis,
 Voire du tout contraires
 A tous meschans affaires.

Car il tient de ses Saints
 La vie entre ses mains,
 Et s'on les veut fascher,
 Il peut les arracher
 Aux tyrans inhumains.


Le clair iour est semé
 Au iuste bien-aimé:
 Tout plaisir, quoy qu'il tarde,
 Aux droits de cœur se garde.

Vous donc iustes, venez,
 Et ioye demenez
 En l'honneur de son Nom,
 Et à son saint renom
 Toute gloire donnez.

PSEAUME XCIII. TH. DE BE.

C'est encore vne exhortation à louer Dieu, à cause de sa bonté & fidelité qu'il a mon-
 strées enuers son Eglise, lesquelles meritent d'estre cognues des creatures insensibles.

C Hantez à Dieu nouveau cantique, Car il a
 puissamment ouuré, Et par sa force magnifique,
 Par soy-mesme il s'est deliuré. Dieu a fait le salut co-



gnoistre, Par lequel sommes garçeis, Et sa iustice fait pa-



roistre En la presence des Gentils.

De sa bonté plus cordiale
Il lui a pleu se souuenir,
Et de sa verité loyale,
Pour son Israel maintenir.

Le salut que Dieu nous enuoye
Iusqu'au bout du monde s'est veu.
Sus donc, qu'en plaisir & en ioye
Tout cest vniuers soit esmeu:

Qu'on crie, qu'on chante, & resonne
Et de la harpe, & de la voix:
Que deuant Dieu, di-ie, on entonne
Nouueaux cantiques ceste fois.

Deuant sa face glorieuse
Cors & clairons soyent esclattans,
Tonne la grand' mer spacieuse,
Et le monde & ses habitans.


Que deuant Dieu les fleues mesme
Frapent des mains tous esiouis:
Voire crier de ioye extreme,
Les plus durs rochers soyent ouys.

Car il vient regir & conduire
Tout cest vniuers, & sera
Iuste & droiturier son empire,
Quand tout peuple il gouuernerá.


Ce Pseume presche la grace speciale que Dieu auoit faite à la race d'Abraham, l'adoptant par priuilege pour lui estre dediee.



O R est maintenant L'Eternel regnant, Peuples



obstinés En soyent estônés. Cherubins sous lui, Lui ser-



uent d'appui, Que la terre toute Tréblant le redoute.

Grand est le Seigneur,
Assis en honneur
Au mont de Sion:
Toute nation
Le voit haut monté:
Dont sera chanté
Son grand Nom terrible,
Et saint au possible.

Ce grand Roy tant fort,
N'aime rien si fort
Que droit iugement.
Droit gouuernement
Il a ordonné,
Et Iacob mené,
Par son soin & cure,
En toute droiture.

Sus donc, en ce lieu
Louëz nostre Dieu,
Tous humiliés

Et son Dieu prier
Qui a tout le monde
Donné la réponse
Des vices des cieux
Il parloit à eux
Monstrant haut & clair
Son plaisir en l'air
Eux aussi gardoyent
Ses loix & renoyent
Cher l'ordonnance
De la conuenance
O grand Dieu de tous
Tu leur fus si doux
Que de les ouir
Et faire iouir
De grace & pardon
Toujours selon
Leurs grans malices
Punissant leurs vices

Tombez à ses piés,
 Car saint est son Nom.
 Moyse & Aaron
 Ont bien fait l'office
 De son sacrifice.

*** **

C'est celui auquel
 Iadis Samuel
 Adressoit sa voix,
 Quand tout à la fois
 Le peuple crioit,
 Et son Dieu prioit,
 Qui à leur semonce
 Donnoit sa responce.

Des nues des cieux
 Il parloit à eux,
 Monstrant haut & clair
 Son pilier en l'air.
 Eux aussi gardoyent
 Ses loix, & tenoyent
 Chere l'ordonnance
 De sa conuenance.


O grand Dieu de tous,
 Tu leur fus si doux,
 Que de les ouir,
 Et faire iouir
 De grace & pardon:
 Toutefois selon
 Leurs grans malefices,
 Punissant leurs vices.

Soit loué tout haut
 Nostre Dieu d'en-haut,
 Soit à deux genoux
 Adoré de vous,
 Au mont qui lui plaist:
 Car c'est lui qui est
 Dieu rempli, sans feinte,
 De gloire tressainte.

PSEAUME C. TH. DE BE.

Iceil'Eglise est exhortée de s'assembler au temple pour adorer Dieu, & le benir pour
 sa misericorde & verité.

Vous tous qui la terre habitez, Chantez tout
 haut à Dieu, chantez, Seruez à Dieu ioyeusement, Ve-
 nez deuant lui gayement.



Sachez qu'il est le Souuerain,
 Qui sans nous, nous fit de sa main,
 Nous, di-ie, son vray peuple acquis,
 Et le troupeau de son paquis.

Entrez és portes d'icelui,
 Louëz-le, & celebrez chez lui,
 Par tout son honneur auancez,
 Et son tressaint Nom benissez.

Car il est Dieu plein de bonté,
 Et dure sa benignité

A iamais:voire du Treshaut
La verité iamais ne faut.

PSEAVME CL. CL. M. A.

David n'estât encore Roy paisible, promet à Dieu dès qu'il le sera, faire l'office d'un bon Prince: c'est assaïoir, viure sans faire tort, estre rigoureux aux mauuais, & esleuer les gens de bien.

Vouloir m'est pris de mettre en escriture Pseau-
me parlât de bôté & droiture, Et si le vueil à toy, mon
Dieu, chanter, Et presenter.

Tenir ie vueil la voye non nuisible:
Quand viendras-tu me rendre Roy paisible?
D'un cœur tout peur conduiray ma maison,
Auec raison:

Rien de mauuais y voir n'auray enuie,
Car ie hay trop les meschans & leur vie:
Un seul d'entr'eux autour de moy aïoint
Ne sera point.

Tout cœur ayant pensée desloyale,
Deslogera hors de ma cour royale:
Et le nuisant n'y sera bien venu,
Non pas cognu.

Qui par mesdire à part son prochain greue,
Qui a cœur gros, & les sourcils esleue,
L'un mettray bas, l'autre souffrir, pour vray,
Ie ne pourray.

Mes yeux seront fort diligens à querre
 Les habitans fideles de la terre,
 Pour estre à moy. Qui droite voye ira,
 Me seruira.

Qui s'estudie à vser de fallace,
 En ma maison point ne trouuera place:
 De moy n'aura men songer ne baueur,
 Bien ne faueur:

Ains du pays chasseray de bonne heure
 Tous les meschans, tant qu'un seul n'y demeure,
 Pour du Seigneur nettoyer la cité,
 D'iniquité.

PSEAVME CII. TH. DE BE.

Ce Pseume a esté fait pour l'usage des fideles, du temps qu'ils estoient comme re-
 dus en Babylone: & contient vne priere lamentable, ace quel'Eglise soit remise en son
 entier: & non seulement qu'elle retourne en son premier estar, mais que le royaume de
 Dieu fleurisse plus que iamais. Et pour conclusion, apres que le peuple a recognu tant les
 foiblesses que ses afflictions, il se forme en l'eternité & puissance infinie de Dieu.

Seigneur, enté ma requeste, Rien n'epesche, ni n'ar-
 reste Mon cri d'aller iusqu'à toy, Ne te cache point de
 moy: En ma douleur nompareille Tourne vers moy
 ton oreille, Et pour m'ouyr quand ie crie, Auance-toy
 ie te prie.

Car ma vie est consumee
 Comme vapeur de fumee,
 Mes os sont secs tout ainsi
 Qu'un tison: mon cœur transi,
 Ainsi qu'une herbe fauchee,
 Perd sa vigueur retranchee:
 Si que ie n'ay soin ne cure
 De prendre ma nourriture.

Mes os & ma peau se tiennent,
 Pour les ennuis qu'ils soustienent:
 Dont (helas) ma triste voix
 Pleure & gemit tant de fois.
 Je suis au butor semblable,
 Du desert inhabitable:
 Je suis comme la chouëtte
 Qui fait au bois sa retraite.

Comme durant son vefuage
 Le passereau, sous l'ombrage
 D'un tect, couue ses ennuis,
 Ainsi ie passe les nuëts.
 Mes haineux m'ont dit outrages,
 Et de furieux courages
 Font de moy un formulaire
 De maudisson ordinaire.

 Au lieu de pain la pouffiere
 Est ma vie coustumiere:
 Mon bruage en mes douleurs
 Je meste avecques mes pleurs,
 Pour la fureur de ton ire:

Car m'ayant esleué(Sire)
Tu m'as fait si dure guerre,
Que i'en suis allé par terre.

Mes iours passent comme vne ombre
Qui s'en va obscure & sombre:
Je suis fené & seché

Comme foin qu'on a fauché:
Mais,ô Seigneur,ta demeure
Eternellement demeure,
Et de ton Nom venerable
La memoire est perdurable.

Tu te releueras donques,
Et auras,si tu l'eus onques,
Pitié & compassion
De ta cité de Sion:

Car il est temps que tu ayes
Compassion de ses playes,
Puis que voyons terminee
La saison qu'as assignee.

Car iusqu'aux pierres d'icelle
S'estend de tes serfs le zele,
Ayans pitié de la voir
Toute en poudre se dechoir.
Toute en poudre se dechoir.
Peuples trembleront en crainte
Deuant ta Maiesté sainte,
Et de tous Rois l'excellence
Craindra ta magnificence.

Car Sion toute deffaite
S'en va du Seigneur refaite.

Lui qui nous a recouru,
 En sa gloire est apparu:
 De ses pources solitaires
 Les complaints ordinaires
 N'a point mises en arriere,
 Ni mesprisé leur priere.

P A S S E.

En registre sera mise
 Vne si grande entreprise,
 Pour en faire souuenir
 A ceux qui sont à venir:
 Et la gent à Dieu sacree,
 Comme de nouveau créée,
 Lui chantera la louange
 De ce bien-faict tant estrange.

Car le Seigneur debonnaire
 Du haut de son Sanctuaire,
 Voire du plus haut des cieux,
 Vers terre a baissé les yeux,
 Pour ouir la voix plaintiue
 De sa pource gent captiue,
 Et la tirer de la peine
 De mort qui lui est prochaine.

Afin que de Dieu la gloire
 Dedans Sion soit notoire,
 Et le los de sa bonté
 En Ierusalem chanté,
 Quand des gens les assemblees
 Seront toutes assemblees,
 Et les Rois de leur puissance
 Lui rendront obeissance.

**

**

Voyant ma force amortie
 En chemin, & de ma vie
 Par lui racourci le cours,
 Pay dit, O Dieu mon secours,
 Ne m'abas point sans ressource
 Au beau milieu de ma course.
 Car tes ans qui point ne muent,
 D'aage en aage continuent.

La terre as faite & assise,
 C'est toy qui la main as mise
 Aux cieux pour les compasser,
 Et tout cela doit passer:
 Mais quant à toy, tu demeures,
 Pendant qu'arriuent les heures
 Qu'ils vieilliront ainsi comme
 Les habillemens d'un homme:


Comme vne robe qu'on porte,
 Tu les changeras de sorte,
 Qu'eux & le lustre qu'ils ont
 Pour certain se changeront.
 Mais quant à toy, Dieu supreme,
 Tu te tiens tousiours de mesme,
 Et ta constante duree
 Est pour iamais assuree.

Et pourtant, selon ta grace,
 De tes seruiteurs la race
 Aura logis arresté,
 Voire à perpetuité:
 Et de tes Saints la semence
 Sera deuant ta presence

En assurance establie,
Sans jamais estre affoiblie.

PSEAVME CIII. CL. MA.

Il chante les grâces & diuerses bontés de Dieu enuers les hommes: puis iointe & eux,
& toutes choses créées, à lui donner louange & gloire.



S Vs, louëz Dieu, mon ame, en toute chose, Et
tout cela qui dedans moy repose, Louëz son Nom
treffaint & accompli: Presente à Dieu louanges & ser-
uices, O toy mon ame, & tant de benefices Qu'en as
receu, ne les mets en oubli:

Ains le beni, lui qui de pleine grace
Toutes tes grand's iniquités efface,
Et te guerit de toute infirmité:
Lui qui rachete & retire ta vie
De dure mort qui t'auoit asseruie,
T'environnant de sa benignité:

Lui qui de biens à souhait & largesse
Emplit ta bouche, en faisant ta ieunesse
Renouueler comme à l'aigle royal.

C'est le Seigneur, qui tousiours se recorde
Rendre le droict, par sa misericorde,

Aux opprésés, tant est Iuge loyal.

Au bon Moÿse, afin qu'on ne fouruoÿe,
 Manifester voulut sa droite voye,

Et aux enfans d'Israel ses hauts faicts:

C'est le Seigneur enclin à pitié douce,

Prompt à merci, & qui tard se courrouce:

C'est en bonté le parfait des parfaits.

Il est bien vray, quand par nostre inconstance

Nous l'offensons, qu'il nous menace & rance:

Mais point ne tient son cœur incessamment.

Selon nos maux point ne nous fait: mais certes

Il est si doux, que selon nos desertes

Ne nous veut pas rendre le chastiment.

Car à chacun qui craint lui faire faute,

La bonté siene il demonstre aussi haute

Comme sont hauts sur la terre les cieux.

Aussi loin qu'est la part Orientale

De l'Occident, à la distance egale

Loin de nous met tous nos faicts vicieux.

Comme aux enfans est piteux vn bon pere,

Ainsi pour vray, à qui lui obtempere,

Le Seigneur est de douce affection.

Car il cognoist de quoy sont faicts les hommes:

Il fait tresbien, hélas, que nous ne sommes

Rien, sinon poudre & putrefaction.

A herbe & foin semblent les iours de l'homme:

Pour quelque temps il fleurit ainsi comme

La fleur des champs qui nutriment reçoit.

Puis en sentant d'un froid vent la venue,
Tourne à neant, tant que plus n'est cognue
Du lieu auquel n'a gueres fleuri soit:

Mais la merci de Dieu est eternelle
A qui le craint: & trouueront en elle
Les fils des fils iustice & grand' bonté.

Pent en ceux-la qui son contract obseruent,
Et qui sa Loy en memoire reseruent,
Pour accomplir sa sainte volonté.

Dieu a basti, sans qu'il branle n'empire,
Son throne és cieux & desous son empire
Tous autres sont & soumis & ployés.


Or louëz Dieu, Anges de vertu grande,
Anges de lui, qui tout ce qu'il commande
Faites si tost que parler vous l'oyez.

Benissez Dieu, tout son bel exercite,
Ministres siens, qui de son vœu il licite
Executer ne fustes onc oïseux.

Tous ses hauts faicts en chacun sien royaume,
Benissez Dieu, & pour clorre mon Pseume,
Louëz-le aussi, mon ame, aueques eux.


PSEAVME CIIII. CL. MA.

C'est vn Cantique beau par excellence, auquel Dauid celebre & glorifie Dieu de la creation, & gracieux gouvernement de toutes choses.




nel: ô mō vray Dieu, cōbien Ta grandeur est excellen-


te & no-




te & notoire: Tu es vestu de splendeur & de gloire: Tu



es vestu de splendeur proprement, Ne plus ne moins:



que d'un accoustrement. Pour pavillon qui d'un tel



Roy soit digne, Tu tens le ciel ainsi qu'une courti ne.

Lambrisé d'eaux est ton palais voulté:

En lieu de char sur la nue es porté:

Et les forts vents qui parmi l'air souspirent,

Ton chariot avec leurs ailes tirent.

Des vents aussi, diligens & légers,

Fais tes heraux, postes & messagers:

Et foudre & feu, fort prompts à ton service,

Sont les fergens de ta haute iustice.

Tu as assis la terre rondement

Par contre-poids, sur son vray fondement:

Si qu'à iamais fera ferme en son estre,

Sans se mouvoir n'à dextre n'à fenestre.

Au parauant de profonde & grand' eau,

Couuerte estoit ainsi que d'un manteau:

Et les grand's eaux faisoient toutes à l'heure

Deus les monts leur arrest & demeure:

Mais aussi tost que les voulus tancer,
 Bien tost les fis partir & s'auancer:
 Et à ta voix qu'on oit tonner en terre,
 Toutes de peur s'enfuirent grand' erre.

Montagnes lors vindrent à se dresser,
 Pareillement les vaux à s'abaïsser,
 En se rendans droit à la propre place
 Que tu leur as establi de ta grace.

**

**

Ainsi la mer bornas par tel compas,
 Que son limite elle ne pourra pas
 Outrepasser: & fis ce beau chef-d'œuvre,
 Afin que plus la terre elle ne cœuure.

Tu fis descendre aux valles les eaux:
 Sortir y fis fontaines & ruisseaux,
 Qui vont coulans, & passent & murmurent
 Entre les monts qui les plaines emmurent.

Et c'est afin que les bestes des champs
 Puissent leur soif estre là estanchans,
 Beuuant à gré toutes de ces bruuvages,
 Toutes, ie di, iusqu'aux asnes sauuages.

Dessus & pres de ces ruisseaux courans,
 Les oiselets du ciel sont demourans,
 Qui du milieu des fueilles & des branches
 Font resonner leurs voix nettes & franches.

De tes hauts lieux, par art autre qu'humain,
 Les monts pierreux arrouses de ta main:
 Si que la terre est toute soule & pleine
 Du fruit venant de ton labeur sans peine.
 Car ce faisant, tu fais par monts & vaux

Germer le foin pour iumens & cheuaux:
L'herbe à seruir l'humaine creature,
Lui produisant de la terre pasture.

Le vin pour estre au cœur ioye & confort:
Le pain aussi, pour l'homme rendre fort:
Semblablement l'huile, afin qu'il en face
Plus reluisante & ioyeuse sa face.

Tes arbres verts prennent accroissement,
O Seigneur Dieu, les cedres mesmement
Du mont Liban, que ta bonté supreme,
Sans artifice, a plantés elle-mesme.

Là font leurs nids, car il te plaist ainsi,
Les passereaux & les passes aussi:
De l'autre part, sur hauts sapins besongne
Et y bastit sa maison la cicongne.

Par ta bonté les monts droits & hautains
Sont le refuge aux cheures & aux dains:
Et aux conils & lieures qui vont viste,
Les rochers creux sont ordonnez pour giste.

P A P S E.

Que diray plus? la claire lune fis,
Pour nous marquer les mois & iours prefix,
Et le soleil dès qu'il leue & esclaire,
De son coucher a cognoissance claire.

Après, en l'air les enebres espars:
Et lors se fait la nuit de toutes pars:
Durant laquelle aux champs sort toute beste
Hors des forests, pour se ietter en queste.

Les lionceaux mesmes lors sont issans
Hors de leurs creux, bruyans & rugilsans

Après la proye, afin d'auoir pasture
De toy, Seigneur, qui fais leur nourriture.

Puis aussi tost que le soleil fait iour,
A grans troupeaux reuont en leur seiour,
Là où tous cois se veautrent & reposent,
Et en partir tout le long du iour n'osent.

Adonques sort l'homme sans nul danger,
S'en va tout droit à son ceuvre renger,
Et au labour, soit de champ, soit de pree,
Soit de iardins, iusques à la vespree.

O Seigneur Dieu, que tes ceuvres diuers
Sont merueilleux par le monde vniuers!
O que tu as tout fait par grand' sagesse!
Bref, la terre est pleine de ta largesse.

Quant à la grande & spacieuse mer,
On ne sauroit ne nombrer ne nommer
Les animaux qui vont nageans illeques,
Moyens, petis, & de bien grans aueques.

En ceste mer nauires vont errant:
Puis la baleine, horrible monstre & grand,
Y as formé, qui bien à l'aise y nouë,
Et à son gré par les ondes se iouë.

**

**

Tous animaux à toy vont à recours,
Les yeux au ciel: afin que le secours
De ta bonté à repaistre leur donne,
Quand le besoin & le temps s'y adonne.

Incontinent que tu leur fais ce bien
De le donner, ils se paissent du tien:
Et n'est plustost ta large main ouuerte,

Que

Que de tous biens planté leur est offerte.

Dés que ta face & tes yeux sont tournés

Arriere d'eux, ils sont tous estonnés:

Si leur esprit tu retires, ils meurent,

Et en leur poudre ils reuont & demeurent.

Si ton Esprit derechef tu transmets,

En telle vie adonques les remets

Que parauant: & de bestes nouuelles,

En vn moment la terre renouuelles.

Or soit tousiours regnant & fleurissant

La Maïesté du Seigneur tout-puissant:

Plaise au Seigneur prendre resiouissance

Aux cœures faits par sa haute puissance.

Le Seigneur di, qui fait horriblement

Terre trembler d'un regard seulement:

Voire qui fait (tant peu les sache attaindre)

Les plus hauts monts d'ahan suer & craindre.

Quant est à moy, tant que viuant seray,

Au Seigneur Dieu chanter ne cesseray:

A mon vray Dieu plein de magnificence,

Pseaume feray tant que j'auray essence.

Si le suppli' qu'en propos & en son,

Lui soit plaisante & douce ma chanson:

S'ainsi auient, retirez-vous, tristesse:

Car en Dieu seul m'eslouiray sans cesser.

De terre soyent infideles exclus,

Et les peruers, si bien qu'il n'en soit plus.

Sus, sus, mon cœur, Dieu où tout bien abonde,

Te faut louer: louéz-le tout le monde.

C'est ci vn Cantique pour magnifier la bonté & misericorde de Dieu, en ce qu'il a gratifié eleu la lignee d'Abraham, & n'a celsé d'y continuer ses graces : avec vne reconnaissance & declaration que le tout a esté fait, afin que ceux qui lui estoient tant obligés le seruissent, & gardassent la doctrine de sa Loy.

S Vs, qu'un chacun de nous sans cesse Louë du
Seigneur la hauteſſe, Que ſon ſaint Nom ſoit recla-
mé, Soit entre les peuples ſemé Le renom grand &
precieux De tous les geſtes glorieux.

Qu'on chante, & qu'on lui psalmodie,
Et que ses merueilles on die:
S'esgaye, di-ie, en son Nom saint,
Quiconque l'honore & le craint:
Tout cœur cherchant le Tout-puissant,
S'esjouisse en le benissant.

Cerchez Dieu & son excellence,
Querez sans cesse sa presence,
Ses hauts faicts ne soyent oubliez,
Soyent ses miracles publiez,
Et les iugemens annoncez
Qu'il a lui mesme prononcez.

Vous d'Abraham son serf fidele

La semen.

La semence perpetuelle,
 Enfans du bon Iacob venus,
 Que Dieu pour siens a retenus:
 C'est nous desquels Dieu est le Dieu,
 Quoy qu'il seigneurie en tout lieu.

Car il a tousiours souuenance
 De ceste eternelle alliance
 Qu'il a promise de son gré
 Iusques au millieme degré,
 Dont l'accord tel qu'il l'arresta,
 Auec Abraham il traitta.

Je di l'alliance iuree
 Auec Isaac, & assuree
 A Iacob, tellement qu'elle est
 Vn tresseur & certain arrest,
 Et de Dieu auec Israel
 Vn vray accord perpetuel.

Je feray, dit-il, estre tiene
 La region Chananeenne,
 Ton partage determine
 Te sera en elle assigné.
 Quoy qu'ils fussent en tels dangers,
 Peu de gens, & tous estrangers,

De lieu en lieu ils cheminerent,
 Et d'un peuple à l'autre arriuerent:
 Mais Dieu ne souffrit nullement
 Qu'on les greuast aucunement:
 Ains pour l'amour d'eux quelque fois
 Il a puni iusques aux Rois.

A mes Oints, dit-il, ne meffaires,
 Et ne touchez à mes Prophetes.
 Puis apres fit venir la faim,
 Et rompit la force du pain:
 Mais aux siens à temps il pourueut
 D'auant-coureur qu'il leur eleut:

C'est Ioseph, par ingratitude
 Vendu en dure seruitude,
 Et depuis aux ceps enfermé,
 Et bien durement enfermé,
 Iusqu'au temps & poinct assigné
 Que Dieu en auoit ordonné.

Puis quand Dieu l'eut à suffisance
 Esprouué par son ordonnance,
 Le Roy mesme de sa maison
 Enuoya iusqu'à la prison,
 Quoy qu'il fust grand dominateur,
 Querir de Dieu le seruiteur.

Puis de seruiteur le fit maistre,
 Pour tout son domaine cognoistre,
 Et grans aussi bien que petis
 Tenir sous soy assuietis,
 Et donner bonne instruction
 Aux sages de la nation.

Lors fit Israel son entrée
 En l'Egypte, & dans la contrée
 De Cham le bon Iacob logea,
 Où Dieu l'accrut & l'hebergea,

Tellement que ses ennemis
A son gré lui furent soumis.

Mais Dieu tout-puissant & tout sage,
Tourna au rebours leur courage,
Afin que d'un cœur animé
Contre son peuple bien-aimé,
Ils machinassent mille maux
A ses seruiteurs plus loyaux.

Sur cela Moyse il enuoya,
Aaron aussi est mis en voye,
Ses seruiteurs choisis tous deux,
Qui accomplirent sur iceux
La charge qu'il leur fit auoir,
Des signes terribles à voir.

Il leur enuoya des tenebres,
Des plus obscures & funebres:
Et en rien nul de ces deux-la
A sa charge ne rebella.
En sang tourna tous leurs ruisseaux,
Tua les poissons en leurs eaux.

P A S S E.
Il fit des grenouilles produire,
Pour empuantir & destruire,
Iusques aux chambres de leurs Rois.
Fit en parlant tout à la fois
Mousches & mouscherons diuers
Voler du pays au trauers.

Donna pour la pluye la gresle,
Auec la foudre, peste melle,
Frappa leurs vignes & figuiers,

Brisa maint arbre en leurs quartiers:
 Parla, & vindrent à monceaux
 Les hanetons & fautereaux.

Ainsi fut toute herbe mangée,
 Leurs fruits, & leur terre rongée:
 Il a leurs ainés abatus,
 La fleur de toutes leurs vertus:
 Et fut à tirer diligent
 Les siens, garnis d'or & d'argent.

Il n'y eut en toute leur bande
 Foiblesse petite ni grande:
 Ceux d'Egypte estoient mesmement
 Ioyeux de leur departement.
 Car la frayeur qu'ils eurent d'eux,
 Les auoit rendus tous poureux.

**

**

Pour leur couuerture vne nue
 Fut parmi le ciel estendue,
 Vn brandon luisoit toute nuit,
 Afin qu'Israel fust conduit.
 Quoy plus? quand Israel voulut
 Auoir des cailles, il en plut.

Il les repeut de pain celeste,
 Et quand la soif leur fut moleste,
 D'un roc fit riuieres couler,
 Et par les deserts se rouler.
 Car de son dire il lui souuint,
 Et d'Abraham son serf non feint.

Ainsi tira son peuple en ioye:

Et ses eleus parmi la voye
 Alloyent chantans de ses hauts faits,
 Tant que de maints peuples deffaits
 Leur donna les possessions,
 Et le labour des nations:

Afin qu'ils eussent souuenance
 De bien garder son ordonnance,
 Et fussent tousiours curieux
 D'auoir ses statuts precieux.
 Soit donques d'un chant solennel
 A iamais loué l'Eternel.

PSEAVME CVI. TH. DE BE.

Au Pseume present les graces de Dieu sont tellement racontées, que les Iuifs se condamnent avec leurs peres, d'ingratitude & de rebellion, d'auoir mescongn les benefices de Dieu, pour obtenir pardon de telle faute.

L Ouez Dieu, car il est benin, Et sa bonté n'a
 point de fin. Où est celui qui la prouesse De l'Eter-
 nel recitera? Et tous les faicts de sa hauteffe Entiere-
 ment nous chantera?

Bien-heureux qui va droitement,
 Et ne fait rien que iustement.
 O Seigneur, de moy te souuienne,

En l'amour que portes aux tiens:
Ce salut iusqu'à moy s'en viene,
Duquel ton peuple tu soustiens,

Si que les biens ie puisse voir
Qu'à tes eleus tu fais auoir,
Et du plaisir i'aye l'vsage,
Duquel ta gent tu fais iouir,
Et qu'avec ton saint heritage
Ie puisse à plein me resiouir.

**

**

Helas! & nos peres, & nous
T'auons offensé entre tous:
Nos forfaits sont par trop iniques,
Commis auons grand' lacheté:
De tes faiçts d'Egypte authentiques
Nos peres soigneux n'ont esté.

Consideré n'ont en leur cœur
De tes grans bien-faiçts la grandeur:
Ains Israel fier à outrance,
Pres de la mer se rebella:
Mais Dieu demonstrent sa puissance,
Pour son Nom les tira de là.

Il tança la mer des rouseaux,
Dont soudain tarirent les eaux:
Au trauers des gouffres horribles,
Comme en pays secs les guida,
Et maugré les forces terribles,
De leurs ennemis les garda.

Il les sauua contre l'effort
De l'ennemi puissant & fort:

Sur leurs haineux les flots tournerent,
 Si qu'un seul n'en fust exempté:
 Les siens creurent lors, & louèrent
 Son secours expérimenté.

P A V S E.

Mais ils oublierent soudain
 Tous les ouvrages de sa main,
 Et son conseil ils n'entendirent:
 Ains de concupiscence espris,
 Mesm'au desert ils entreprirent
 De tenter Dieu par grand mespris.

Adonc il leur donna plaisir
 De manger selon leur desir:
 Mais leurs corps gourmands en decheurent:
 Puis sur Moyse de plain gré
 Au camp par enuie ils s'esmeurent,
 Et contre Aaron Prestre sacré.

Sous Abiram terre s'ouurit,
 Et sous Dathan qu'elle couurit.
 Flambes dedans leur camp s'espirent,
 Le feu les meschans deuora,
 Vn veau dans Oreb ils fondirent,
 Dont chacun l'image adora.

Ainsi changerent le Seigneur
 (Qui fut leur gloire & leur honneur)
 En l'image d'un bœuf qui broute:
 Dieu & ses hauts faicts publiés
 Au trauers de l'Egypte toute,
 Furent tost par eux oubliés.
 Ils oublierent les hauts faicts

Qu'au pays de Cham il a faits,
 Et mainte merueille terrible
 Qu'en la mer rouge il declara:
 Dont esmeu de courroux horrible,
 De les perdre il delibera.

Moyse lors son serf eleu,
 Soudain que ce mal il eut veu,
 Vient entre-deux deuant sa face
 Ceste aspre fureur destourner,
 Afin qu'un tel mal ne leur face,
 Qui les vienne tous ruiner.

Ils ont eu aussi en mespris
 La region de si grand prix,
 En son dire n'ont eu fiance:
 Ils ont murmuré mainte fois,
 Et n'ont rendu obeissance,
 En oyant du Seigneur la voix.

Et pource aussi le Souuerain
 Encontr'eux esleuant sa main,
 Fit vn grand serment de destruire
 Eux & leurs enfans és deserts,
 Et de les espartre en son ire
 Es pays lointains & diuers.

P A V S E.

A Baal-peor neantmoins
 Tost apres leurs cœurs furent ioints,
 Pour manger des morts les offrandes:
 Dont en ses indignations
 Dieu les frapa de playes grandes,
 Piqué par leurs deuotions.

Lors

Lors Phinees homme de faict,
 Vint, & vengeance vn tel forfait,
 Fit cesser l'ire espouuanteable:
 Et lui fut ce faict alloué
 Pour chose si iuste & notable,
 Qu'à iamais en sera loué.

Mais Dieu par eux fut irrité
 En Meriba, & despité,
 Iusques à n'espargner Moyse,
 Qu'ils tormenterent iusques là,
 Que doutant de son entreprise,
 Trop legerement il parla.

**

**

Ils n'ont les peuples ruinez,
 Que Dieu leur auoit ordonnez:
 Ains parmi eux ils se meslerent,
 Apprenans leurs faicts mal-heureux,
 Et leurs images adorerent,
 Qui furent vn piege pour eux.

Car les cruels inhumains
 Sacrifierent de leurs mains
 Aux diables leurs fils & leurs filles,
 Et firent du sang innocent
 De leurs miserables familles,
 A leurs idoles vn present.

Ces meurtriers rendirent pollu
 Le pays iadis bien voulu,
 En leurs damnables entreprises
 Ils se sont tous contaminez,
 Suiuans leurs fausses paillardises,

Où du tout se font adonnez.

L'ire du Seigneur en fuma,
Et contre sa gent s'alluma,
Pour hayr son propre heritage:
Et pourtant és mains des Gentils,
Et à leurs haineux pleins de rage
Les rendit tous affuietis.

Leurs haineux les ont affligez,
Ployez sous leur main & rengez:
Souuent ils ont eu deliurance,
Mais ils ont tousiours resisté:
Et n'ont eu ne mal ne nuisance
Que par leur propre iniquité.

Si a-il en affliction
Ietté l'œil sur sa nation,
Quand il a leur clameur ouye:
De son accord s'est souuenu,
Et sa bonté s'est repentie
Du mal-heur à eux auenu.

Il leur a rendu gracieux
Leurs detenteurs plus furieux.
O nostre Dieu, ta bonté vueille
Nous sauuer, & pour ton saint Nom
D'entre les peuples nous recueille,
Pour magnifier ton renom.

Soit le Seigneur Dieu d'Israel
Benit d'un los perpetuel,
Qui dure à iamais & sans cesse:
Soit par le peuple respondu,

Ainsi soit. Brief, de sa hauteſſe
Le los ſoit par tout eſpandu.

PSEAVME CVII. CL. MA.

Le Pſalmiſte dit que toutes afflictions viennent, & s'en vont par la volonté Divine: & allegue ſur ce les perils & calamités des errans aux deſerts, des prifonniers, des malades, & des agités ſur la mer: la requeſte qu'ils font à Dieu, comment ils l'obtiennent, comment ils en rendent graces, & commēt Dieu tient toutes choſes en ſa main, & les change comme il lui plaift.

Donnez au Seigneur gloire, Il eſt doux & clement; Et ſa bonté notoire Dure eternellement. Ceux qu'il a rachetez, Qu'ils chantent ſa hauteſſe: Et ceux qu'il a iettez Hors de la main d'oppreſſe:

Les ramaffant enſemble
D'Orient, d'Occident,
De l'Aquilon qui tremble,
Et du Midi ardent.

Si d'auenture errans
Par les deſerts ſe treuuent,
Demeurance querans,
Et que trouuer n'en peuuent:

Et ſi l'aſpre famine,
Et la ſoiſ ſans liqueur
Les trauaille & leur mine

Et le corps & le cœur:
 Pourueu qu'à tel besoin
 Crians à Dieu lamentent,
 Subit il les met loin
 Des maux qui les tormentent:

Et droit chemin passable
 Leur monstre & fait tenir,
 Pour en ville habitable
 Les faire paruenir.
 Lors de Dieu vont chantans
 Les bontés n'ompareilles,
 Cà & là racontans
 Aux hommes les merueilles.

 Il rend l'ame absouuie
 Qui de soif languissoit,
 Soulant de biens la vie,
 Qui de faim perissoit.
 Ceux qui sont resserrés
 En tenebres mortelles,
 Enchainés, enferrés,
 Et souffrans peines telles,

Pour auoir la Parole
 De Dieu mise à mespris,
 Et tenu pour friuole
 Son conseil de haut prix:
 Quand par tormens leurs cœurs
 Humiliés demeurent,
 Abatus de langueurs,
 Sans que nuls les sequeurent:

Pourueu qu'à Dieu s'adressent,
L'appelans au besoin,
Tous les maux qui les pressent,
Tost il renuoye au loin.

Des prisons les met hors,
Mortelles & obscures,
Rompant leurs liens forts,
Cordes & chaines dures.

Les bontés nompareilles
De Dieu lors vont chantans,
Cà & là ses merueilles
Aux hommes racontans.

D'auoir iusqu'aux courreaux
Brisé d'airain les portes,
Et de fer les barreaux
Rompu de ses mains fortes.

Les fols qui les supplices
Sentent de leurs pechés,
Et qui sont par leurs vices
Malades aslechés,

Dont le cœur tout repas
Et viande abomine,
Et qui sont pres du pas
De la mort qui les mine:

Pourueu qu'à Dieu s'adressent,
L'appelans au besoin,
Tous les maux qui les pressent,
Tost il renuoye au loin.
D'un seul mot qu'il transmet,

Leur donne santé telle,
Que du tout hors les met
De ruine mortelle.

Les bontés nompareilles
De Dieu lors vont chantans
Cà & là les merueilles
Aux hommes racontans.
A Dieu d'ardent desir
Louange sacrifient,
Et avec grand plaisir
Ses œuvres magnifient.

P A S S E.

Ceux qui dedans galees
Dessus la mer s'en vont,
Et en grand's eaux salees
Mainte traffique font,
Ceux-la voyent de Dieu
Les œuvres merueilleuses,
Sur le profond milieu
Des vagues perilleuses.

Le vent, s'il lui commande,
Souffle tempestueux,
Et s'enfle en la mer grande
Le flot impetueux.

Lors montent au ciel haut,
Puis aux gouffres descendent,
Et d'effroy (peu s'en faut)
Que les ames ne rendent.

Chancellent en yurongne,
Troublés du branlement,

Tout

Tout leur sens les esloigne,
Perdent l'entendement.

Mais si à tel besoin
Crians à Dieu, lamentent,
Subit il les met loin
Des maux qui les tormentent.

Fait au vent de tempeste
Sa fureur rabaisser:
Fait que la mer s'arreste,
Fait ses ondes cesser.

L'orage retiré,
Chacun ioye demene,
Et au port desiré
Le Seigneur Dieu les mene.

Les bontés nompareilles
De Dieu lors vont chantans,
Cà & là ses merueilles
Aux hommes racontans.

Parmi le peuple bas
Le surhaussent en gloire,
Et ne le taissent pas
Des grans au consistoire.

Lui qui les eaux profondes
En desert conuertit,
Et les sources des ondes
Assèche & diuertit:

Lui qui steriles fait
Terres grasses & belles,
Et tout pour le forfait

Des habitans d'icelles.

Qui deserts d'humeur vuides
 Conuertit en grand's eaux,
 Et lieux secs & arides
 En sources & ruisseaux:
 Et qui là fait venir
 Ceux qui de faim languissent,
 Lesquels pour s'y tenir,
 Des villes y bastissent.

Y semer champs se peinent,
 Et vignes y planter,
 Qui tous les ans amenant
 Fruits pour les sustenter.
 Là les remplit de biens,
 Les croist, les continue,
 Et leur bestail en riens
 Il ne leur diminue.

Puis décroissans de nombre,
 Vient à rareté,
 Par maux & par encombre,
 Et par sterilité.
 Riches, nobles & grans,
 Mesprisés il renuoye,
 Par deserts lieux errans,
 Où n'a chemin ne voye.

Et esleue & deliure
 Le poure hors d'ennui:
 Et force gens fait viure,
 Comme vn troupeau sous lui.

Ce voyans

Ce voyans ont aux cœurs
 Les iustes ioye enclose,
 Et de Dieu les moqueurs
 S'en vont la bouche close.

Qui a sens & prudence,
 Garde à ceci prendra:
 Lors la grande clemence
 Du Seigneur entendra.

PSEAVME CVIII.

TH. DE EE.

Que l'argument se prene, partie du Pseaume 57. partie du 60.

M On cœur est dispos, ô mō Dieu, Mō cœur est
 tout prest en ce lieu De te chanter tout à la fois,
 Cantiques de main & de voix. Psalterion refuseille-
 toy, Harpe ne demeure à requoy: Car ie vueil de-
 bout comparoistre Dés que le iour vient apparoistre.
 Seigneur, ie te celebreray
 Entre les gens, & te diray
 De toutes mes affections
 Pseaumes entre les nations.

Car ta grande benignité
 Plus haut que les cieux a monté,
 Et ta verité sans rien feindre
 Jusques aux nues vient atteindre.

O Dieu, leue-toy sur les cieux,
 Monstre-toy par tout glorieux,
 Pour tirer les tiens hors d'esmoy:
 Ten-moy la main, exauce-moy.

Mais quoy? Dieu m'a desia ouy,
 Et de son saint lieu resiouy.
 Sichem fera mon heritage,
 Le val de Sucot mon partage.

De Galaad la region
 Sera de ma possession:
 Et de Manassé tout le bien
 Sans nulle doute fera mien.

Ephraim, peuple grand & fort,
 Sera de mon chef le support,
 Et du royaume l'assurance,
 Dont Iuda fera l'ordonnance.

Les Moabites au surplus
 Je ne vueil estimer non plus,
 En despit de leurs mauuaisties,
 Qu'un vaisseau pour lauer mes piés.

Contre Edom peuple glorieux
 Je ietteray mes souliers vieux:
 Sus, Palestins, faites-moy feste
 De ma victoire qui s'appreste.




Mais par qui seray-ie en seurte


Conduit en la forte cité?
 Qui est-ce qui me conduira
 Iusqu'en Edom, & guidera?
 Ne sera-ce pas toy, ô Dieu,
 Qui nous chassois de lieu en lieu,
 Et n'accompagnois nos armées
 De tes faueurs accoustumées?

Donne-nous ton secours d'enhaut
 Contre celui qui nous assaut:
 Car qui n'a que les terriens
 Pour sa sauuegarde, n'a riens.

Dieu nous rendra preux & vaillans
 Encontre tous nos assaillans,
 Renuersant par sa vertu grande,
 De nos haineux toute la bande.

En premier lieu, David protestant devant Dieu de son innocence, & mesme qu'estant iniustement affligé, il n'au son recours qu'à le prier, voyant ses ennemis desesperés & incorrigibles, demande qu'il en face vengeance: & fait vn long recit des iugemens & punitions qui ont accoustumé d'auenir aux reprouvés. Comme de fait en representant la personne de Iesus Christ, il parle des ennemis de l'Eglise: & en parle d'un zeile spirituel, non point de passion charnelle, comme il le monstre bien sur la fin.


 Dieu, mon honneur, & ma gloire, Ne vueille

 maintenant te taire. Car c'est contre moy que s'adres-

 se La bouche meschante & traistresse, Et la faus-



se langue qui ment, A parler de moy faususement.

Sans cause ils m'ont prins en querelle,
Et m'ont liuré guerre mortelle:
Pour l'amour que leur ay monstree,
Ils ont sur moy haine iuree.
Mais la priere m'a esté
Pour refuge en aduersité.

Pour bien ils ne m'ont fait que peine,
Pour amour m'ont rendu la haine,
Mets-le, Seigneur, en la puissance
D'un meschant rempli de nuisance:
L'ennemi plein de cruauté,
Soit tousiours pres de son costé.

Quand il viendra deuant le Iuge,
Tousiours pour meschant on le iuge:
Toute sa priere & requeste
Tourne en peché dessus sa teste:
Meure tost, & lui despourueu,
Soit à son office pourueu.

Sa semence soit orpheline,
Sa femme vesue, & par famine
Aillent ses fils de porte en porte
Cerchans leur vie en toute sorte,
Ayans delaisé leur maison,
Poure & vuide en bonne saison.

L'usurier tous ses biens attrappe,
A l'estranger rien n'en eschappe:

Homme

Homme vers lui ne se recorde
 D'estendre sa misericorde:
 Nul n'y ait qui par amitié
 De ses orphelins ait pitié.

** **

Soit la race ostee du monde,
 Et dés la lignee seconde
 Soit leur maison toute abolie:
 Le Seigneur iamais ne s'oublie
 De ses ayeuls, pour les pechés
 Dont ils ont esté entachés.

Iamais ne soit la faute esteinte
 Du mal dont sa mere est atteinte,
 Leurs forfaits & fautes mortelles
 Soyent deuant toy perpetuelles:
 Soit de dessus la terre osté
 Leur nom à perpetuité:

D'autant qu'il n'a eu souuenance
 D'aider le poure en sa souffrance,
 Ainçois la personne oppresse,
 Cheueue, lasse, & angossée
 Il a tormentee à grand tort,
 Iusqu'à lui pourchasser la mort.

Il a aimé la malencontre,
 Fay donc, Seigneur, qu'il la rencontre:
 La bonne rencontre il a haye,
 De lui bonne rencontre s'ensuye:
 Soit de tout mal entortillé,
 Comme s'il en fust habillé.

Ainsi comme eau dedans son ventre

Tout mal heur decoule, & y entre,
 Et comme huile penetratiue,
 Jusques dedans les os arriue,
 Et soit continuellement
 Sa ceinture & son vestement.

Tel soit de par Dieu le salaire
 Des œuures de mon aduersaire,
 Et de toute langue maligne
 Qui va parlant de ma ruine.
 Mais toy, mon Dieu, en cest esmoy
 Pour ton Nom fauorise-moy.

P A V S E.

Sauue-moy, mon Dieu fauorable,
 Par ta bonté tant secourable:
 Car ie suis pource & plein d'opresse,
 Et mon cœur transi de destresse:
 Ie decline & m'en vay dechoir
 Ainsi qu'un ombre sur le soir.

De place en place ie sautelle
 Ainsi comme vne sauterelle:
 Ie sen de mes genoux les iointes,
 De iufner lasches & desiointes:
 Mon pource corps attenué
 Est de graisse tout desnüé.

Mesmes en ces peines tant dures
 Encor' me font-ils mille iniures,
 Et regardans ma peine amere,
 Branlent la teste en vitupere.
 Mais aide-moy, mon Dieu, mon Roy,
 Et par ta bonté sauue-moy:


Afin que leur faces cognoistre
 Que c'est-ci l'œuvre de ta dextre,
 Et qu'une telle deliurance
 Ne vient sinon de ta puissance.
 Ils me maudiront nonobstant,
 Mais tu me beniras pourtant.

Leuent hardiment leur hautesse,
 Il faut que honte les abaisse,
 Et qu'à m'esjouir ie m'adonne.
 Vergongne donc les environne,
 Et couure tous entierement,
 Ainsi comme vn habillement.


Ma bouche lors en ses cantiques,
 Voire és assemblees publiques,
 Chantera de Dieu l'excellence,
 Qui au poure a fait assistance,
 Et secours contre ceux donné
 Qui l'auoyent à mort condamné.

PSEALME CX. CL. M. A.


Il chante le regne de Christ, lequel commença en Sion, & de là paruint iusques aux
 fins de la terre, & continuera iusques à ce que Christ soit adoré vniuersellement, & que
 de ses ennemis il ait fait son marche-pié.



L 'Omnipotent à mon Seigneur & Maistre A



dit ce mot, A ma dextre te sieds, Tât q' i'auray réuersé



& fait estre, Tes ennemis le scabeau de tes piés.

Le sceptre fort de ton puissant empire
 En fin fera loin de Sion transmis
 Par l'Eternel, lequel te viendra dire,
 Regne au milieu de tous tes ennemis.

De son bon gré ta gent bien disposée,
 Au iour tressaint de ton sacre courra,
 Et aussi dru qu'au mainchet rosee
 Naistre en tes fils ta ieunesse on verra.

Car l'Eternel, sans muer de courage,
 A de toy seul dit & iuré avec,
 Grand Prestre & Roy tu seras en tout aage,
 Ensuivant l'ordre au bon Melchisedec.


A ton bras droit Dieu ton Seigneur & Pere
 T'assistera aux belliqueux arrois,
 Là où pour toy au iour de sa colere
 Rompra la teste à Princes & à Rois.


Sur les Gentils exercera iustice,
 Remplira tout de corps morts enuahis:
 Et frappera, pour le dernier supplice,
 Le chef regnant sur beaucoup de pays.

Mesme en passant au milieu de la plaine,
 De l'eau courante à grand haste il boira:
 Par ce moyen ayant victoire pleine,
 La teste haut tout ioyeux leuera.

PSEALME CXI. TH. DE B. E.

Le Prophete par son exemple incite tous fideles à louer Dieu, proposant enbref plusieurs de ses œuvres & vertus, lesquelles doiuent donner matiere de le glorifier.


DV Seigneur Dieu en to^r endroits, En l'assemblee
 des



Du Seigneur sont grans les effets:
 Et qui bien contemple ses faicts,
 Vray contentement y rencontre.
 Ce n'est que gloire & maiesté
 De ce qu'il fait, & sa bonté
 Par tout eternelle se monstre.

Le Seigneur par ses faicts exquis
 A iamais vn bruit s'est acquis
 De douceur & de bien-vueillance.
 Il a soustenu, & soustient
 Ceux qui l'ont craint: & se souuient
 A iamais de son alliance.

A son peuple il a fait sauoir
 Quel est l'effet de son pouuoir,
 Leur donnant des Gens l'heritage:
 Ce n'est que seure loyauté,
 Ce n'est que tresiuste equité,
 Quand il met la main à l'ouurage.

Tous les mandemens qu'il afaits,
 Sont seurs & fermes à iamais,

Faits en verité & droiture.


Il a son peuple deliuré,
Accord avec lui a iuré,
Voire vn accord qui tousiours dure.

Son Nom est redoutable & saint:
Reuerer Dieu de cœur non feint,
C'est le chef de vraye sagesse.


Sage est celui qui fait ceci,
Et se peut assurer aussi
Qu'il en sera loué sans cesse.

PSEAVME CXII. TH. DE BE.


Ce Pseume enseigne vne doctrine toute contraire à l'opinion commune des hommes : c'est que la vraye felicité, mesme selon le monde, & ceste vie transitoire, ne se doit chercher par autre moyen qu'en craignant Dieu, & cheminant en droiture.



O Biē-heureuse la personne Qui craint l'Eternel,



& s'adonne Du tout à sa Loy tres-entiere: Sa race en



terre sera forte. Car Dieu benit en tou te forte Des



bons la race droituriere.

D'un tel la maison tres-heureuse
En tous biens sera plantureuse,
Et la iustice perdurable:
Dieu de sa clarté belle & pure

Esclaire

Esclaire leur nuit plus obscure,
Comme doux, bon, & pitoyable.


Le debonnaire donne & preste,
Par raison ses affaires traite,
De iamais branler il n'a garde.
De l'homme qui fuyant le vice,
S'adonne à tout bien & iustice,
La memoire à iamais se garde.

Il ne craint mauuaife nouuelle:
Car son cœur iamais ne chancelle,
Ayant au Seigneur sa fiance:
Sa conscience bonne & sainte
Attend fermement & sans crainte
Sur ses ennemis la vengeance.

De ses biens il donne & dispense
Aux pources en leur indigence:
Sa iustice dure sans cesse:
Sa corne, plus elle est greuee,
D'autant plus haut est esleuee
En honneur & toute hautesse.

Les meschans voyans ceste chose,
De despit auront bouche close:
En grinçant les dents de colere,
Ils en deuiendront tous etiques.
Mais eux & leurs desirs iniques
Periront, quoy qu'ils sachent faire.

Il inuite à louer Dieu, de ce qu'il garde, gouuerne & mene toutes choses selon sa prouidence: tousiours esleuant les humbles, & reſtaillant les miserables.



EN fans qui le Seigneur ser uiez , Louëz-le &
 son Nom esleuez: Louëz son Nom & sa hauteſſe: Soit
 preſché, ſoit fait ſolennel Le Nom du Seigneur Eter-
 nel, Par tout en ce temps & ſans ceſſe.

D'Orient iuſqu'en Occident
 Doit eſtre le loſ euidant
 Du Seigneur, & ſa renommee.
 Sur toutes gens, le Dieu des dieux
 Eſt exalté, & ſur les cieux
 S'eſleue ſa gloire eſtimee.

Qui eſt pareil à noſtre Dieu,
 Lequel fait ſa demeure au lieu
 Le plus haut que lon ſauroit querre:
 Et puis en bas veut deualer,
 Pour toutes choſes ſpeculer
 Qui ſe font au ciel & en terre:

Le poure ſur terre giſant
 Il eſleue en l'autoriſant,
 Et le tire hors de la bouë,
 Pour le colloquer aux honneurs


Des seigneurs, voire des seigneurs
Du peuple que sien il auouë.

C'est lui qui remplit à foison
De tres-beaux enfans la maison
De la femme qui est sterile:

Et lui fait ioye recevoir,
Quand d'impuissante à concevoir,
Se voit d'enfans mere fertile.

De la deliurance d'Israel hors d'Egypte, & succinctement des principaux miracles
que Dieu fit pour cela.

Q V and Il ra el hors d'Egypte sortit, Et la mai-
son de Iacob se partit D'entre le peuple estrange, Ju-
da fut fait la grand' gloire de Dieu, Et Dieu se fit Prin-
ce du peuple Hebrieu, Prince de grand' lowange.



La mer le vid, qui s'enfuit soudain,
Et contre-mont l'eau du fleuve Iordain
Retourner fut contrainte:
Comme moutons montagnes ont failli:
Et si en ont les costaux tressailli
Comme agnelets en crainte.

Qu'auois-tu, mer, à t'enfuir soudain?
 Pourquoi a-mont, eau du fleuve Iordain,
 Retourner fus contrainte?
 Pourquoi auez, monts, en moutons failli?
 Pourquoi, costaux, en auez tressailli
 Comme agnelets en crainte?

Deuant la face au Seigneur qui tout peut,
 Deuant le Dieu de Iacob, quand il veut,
 Terre tremble craintive:
 Ie di le Dieu, le Dieu conuertissant
 La pierre en lac, & le rocher puissant
 En fontaine d'eau viue.

PSEALME CXV. CL. M.A.

Il prie Dieu vouloir, pour sa gloire, si bien traiter son peuple, qu'il cognoisse qu'il
 est le seul Dieu: & que les idoles des Gentils ne sont rien qu'ouurage d'hommes.

N On point à nous, non point à nous, Seigneur,

Mais à ton Nom dōne gloire & hōneur, Pour ta gra-

ce & foy seure. Pourquoi diroyent les gens en se mo-

quant, Où est ce Dieu qu'ils vont tant inuoquant? Où

est-il à ceste heure?

Certainement nostre Dieu tout parfait
Reside aux cieux, & de là haut il fait

 Tout ce qu'il veut, en somme:

Mais ce qu'adore & sert toute autre gent,

Idoles sont, faites d'or & d'argent,

 Ouvrage de main d'homme.

Bouche elles ont, sans parler ne mouuoir:

Elles ont yeux, & ne sauroyent rien voir,

 C'est vne chose morte.

Aureilles ont, & ne sauroyent ouir,

Elles ont nez, & ne sauroyent iouir

 D'odeur douce ne forte.

Elles ont mains, ne pouuans rien toucher:

Elles ont piés, & ne sauent marcher:

 Gosier, & point ne crient.

Tels & pareils sont tous ceux qui les font,

Et ceux lesquels à leur recours s'en vont,

 Et tous ceux qui s'y fient.

**

**

Toy Israel, arreste ton espoir

Sur le Seigneur: c'est ta force & pouuoir,

 Bouclier & sauuegarde.

Maison d'Aaron, arreste ton espoir

Sur le Seigneur: c'est ta force & pouuoir,

 Lequel te sauue & garde.

Vous craignans Dieu, arrestez vostre espoir

Sur tel Seigneur: car c'est vostre pouuoir,

 Sous qui l'ennemi tremble.

Le Seigneur Dieu de nous souuenir a:

Plus que iamais Israel bepira,

Les fils d'Aaron ensemble.

A tous qui sont de l'offenser crainctifs,
Grans biens a faits depuis les plus petis
Iusqu'à ceux de grand aage.

Les biens & dons que pour vous faits il a,
Il fera croistre à vous & à ceux-la

De vostre parentage:

Puis que benits estes & bien-aimés
Du grand Seigneur qui les cieux a formez,
Et terre confinee.


Le Seigneur s'est reserué seulement
Les cieux pour soy: la terre entierement
Aux hommes a donnee.

O Seigneur Dieu, l'homme par mort transi
Ne dit ton los, ne quiconques aussi
En la fosse deuale:


Mais nous viuans par tout où nous irons,
De bouche & cœur le Seigneur benirons,
Sans fin, sans interualle.

PSAUME CXVI. TH. DE BE.

David recite les perils & extremitez où il s'est trouué, pour tant plus magnifier la bonté de Dieu, qui l'en a deliuré: & apres s'estre exhorté à resjouissance, & auoir confessé qu'il s'est trouué comme vn homme esperdu, il adioute que pour toute recompense il preschera tous les benefices de Dieu, lui offrât sacrifice solennel en action de graces.



a ma clameur entendue: Et puis qu'il m'a son aureil-
le ten-



le tendu e En mon dur temps, par moy sera prié.

La mort m'auoit en ses pieges surpris,
Trouuë m'auoyent les mortelles angoisses,
Pestoy' saisi de douleur & tristesses,
Quand à prier par ces mots ie me pris:

Làs, sauue-moy, qui suis des plus chetifs.
Et ie trouuay le Seigneur secourable.
Nostre Dieu, di-ie, est doux & pitoyable,
Et volontiers garde les plus petis.

Car quand l'estoy' de langueur tout recreu,
Deliuré m'a mon Dieu que ie reclame.
Retourne donc en ton repos, mon ame,
Puis que de Dieu ce bien faict as receu.

Puis qu'as gardé ma vie de la mort,
Mes yeux de pleur, & mes piés de ruine,
C'est deuant toy qu'il faut que ie chemine
Durant ma vie, ô mon Dieu mon support.

^{**} Pay creu, & pource ay-ie à parlé aussi:
Làs, ma poure ame estoit fort tormentee,
Tant que i'ay dit d'ardeur precipitee,
Tout homme est faux, & ie le trouue ainsi.

Mais que rendray-ie à Dieu pour ses bien-faits?
C'est qu'en prenant de louange la tasse
Pour tesmoigner qu'il m'a sauué de grace,
L'inuoqueray pour les biens qu'il m'a faits.

A Dieu rendray dès maintenant mes vœus,

Mesme deuant l'assemblee ordinaire.
 Dieu pour certain de tout sien debonnaire
 Tient le trespas trescher & precieux.

Or donc, Seigneur, car ton seruant ie suis,
 Ie di ton serf, & fils de ta chambriere,
 C'est toy qui as mes liens mis arriere,
 Dont ie te vueil offrir ce que ie puis:

C'est assauoir, louange d'un franc cœur,
 En reclamant ton Nom plein d'excellence,
 Et te rendant mes vœus en la presence
 Du peuple tien, comme ton seruiteur.

Dans ta maison chanteray ton honneur,
 En ta cité Ierusalem la sainte.
 Sus donc, venez chacun en toute crainte
 Aueques moy celebrer le Seigneur.

PSEALME CXVII. TH. DE RE.

Exhortation à tous peuples de louer Dieu pour la bonté qu'il leur monstre, & la verité qu'il leur garde à tousiours.

Toutes gens, louez le Seigneur, Tous peuples,
 chantez son honneur. Car son vouloir benin & doux
 Est multiplié dessus nous, Et sa tresferme verité De-
 meure à perpe tui té.

C'est vn hymne par lequel Dauid deliuré de tous maux, & esleué Roy sur tout Israel, rendit publiquement graces à Dieu au tabernacle de l'alliance, là où d'un grand cœur il celebra la bonté dont il auoit vſé enuers lui: & là se môſtre claiement figure de Ieſus Chriſt.

Rendez à Dieu louage & gloire, Car il eſt benin

& clement: Qui plus eſt, ſa bonté notoire Dure per-

petu el le ment. Qu'Israel ores ſe recorde De chanter

ſolennellement Que ſa grande miſericorde Dure per-

petu el le ment.

La maiſon d'Aaron ancienne
Viene tout haut preſentement
Confefſer que la bonté ſienne
Dure perpetuellement.

Tous ceux qui du Seigneur ont crainte,
Vientent auſſi chanter comment
Sa bonté pitoyable & ſainte
Dure perpetuellement.

Ainſi que i'eſtoy' en deſtreſſe,
En inuoquant ſa Maieſté,
Il m'ouit, & de ceſte preſſe
Me mit au large à ſauueté.

Le Tout-puissant, qui m'ouit plaindre,
 Mon parti tousiours tenir veut:
 Qu'ay-ie donc que faire de craindre
 Tout ce que l'homme faire peut?

De mon costé il se retire
 Avec ceux qui me sont amis:
 Ainsi cela que ie desire
 Je verray en mes ennemis.

Mieux vaut auoir en Dieu fiance
 Qu'en l'homme qui est moins que riens:
 Mieux vaut auoir en Dieu fiance
 Qu'aux Princes & grans terriens.

Beaucoup de gens, c'est chose seure,
 M'assiègerent de tous costés:
 Au Nom de Dieu, ce di-ie à l'heure,
 Ils seront par moy reboutés.

Ils m'auoyent enclos par grand' ire,
 Enclos m'auoyent tous mutinés:
 Au Nom de Dieu, ce vin-ie à dire,
 Ils seront par moy ruinés.

Ils m'auoyent enclos comme abeilles,
 Et furent les fols & hautains,
 Au Nom du grand Dieu des merueilles,
 Comme feu d'espines esteints.

Tu as, importun aduerfaire,
 Rudement contre moy couru;
 Pour du tout trebuscher me faire:
 Mais l'Eternel m'a secouru.

Le Tout-puissant est ma puissance,

C'est l'argument, c'est le discours
De mes vers pleins d'esjouissance;
C'est de lui que j'ay eu secours.

Aux maisons de mon peuple iuste
On n'oït rien que ioye & confort:
On chante, on dit, Le bras robuste
Du Seigneur a fait grand effort.

De l'Eternel la main adextre
S'est esleuee à ceste fois:

Dieu a fait vertu par sa dextre.
Telle est du bon peuple la voix.

Arriere, ennemis & enuie,
Car la mort point ne sentiray:
Ainçois demeureray en vie,
Et les faits du Seigneur diray.

Chastié m'a, ie le confesse,
Chastié m'a, puni, batu:

Mais point n'a voulu sa hauteſſe
Que par mort ie fuſſe abatu.

Ouuez-moy les grand's portes belles
Du ſaint Temple aux iuſtes voué,

Afin que i'entre par icelles,
Et que Dieu ſoit par moy loué.

Ces grandes portes ſomptueuſes,
Sont les portes du Seigneur Dieu:

Les iuſtes gens & vertueuſes
Peuent paſſer tout au milieu.

Là diray ta gloire ſupreme,
Là par moy ſeras celebrée

Car en aduerſité extreme
Car en aduerſité extreme

Exaucé m'as & deliuré.

 La Pierre par ceux reiettee
 Qui du bastiment ont le soin,
 A esté assise & plantee
 Au principal endroit du coin.

Cela est vne œuvre celeste,
 Faite pour vray du Dieu des dieux,
 Et vn miracle manifeste,
 Lequel se presente à nos yeux.

La voici l'heureuse iournée,
 Que Dieu a faite à plein desir:
 Par nous soit ioye demenee,
 Et prenons en elle plaisir.

O Dieu Eternel, ie te prie,
 Ie te prie ton Roy maintien:
 O Dieu, ie te prie & reprie,
 Sauue ton Roy & l'entretien.

Benit soit qui au Nom tresdigne
 Du Seigneur est venu ici:
 O vous de la maison Diuine,
 Nous vous benissons tous aussi.

Dieu est puissant, doux & propice,
 Et nous donra lumiere à gré:
 Liez le beuf du sacrifice
 Aux cornes de l'autel sacré.

Tu es le seul Dieu que j'honore,
 Aussi sans fin te chanteray:
 Tu es le seul Dieu que j'adore,
 Aussi sans fin t'exalteray:

Rendez

Rendez à Dieu louange & gloire,
Car il est benin & clement:
Qui plus est sa bonté notoire
Dure perpetuellement.

PSEAVME CXIX. TH. DE BE.

Pseaume d'un artifice inimitable, & de merueilleuse vehemence, auquel David ne se peut souler de raconter les louanges de la Loy de Dieu, & l'affection qu'il y a, entre-meslant plusieurs excellentes complaints & consolations. Pseaume que le fidele doit tousiours auoir au cœur & en la bouche.

ALEPH.

Bien-heureuse est la personne qui vit Avec en-
tiere & saine conscience, Et qui de Dieu les saintes
loix ensuit. Heureux qui met tout soin & diligence
A bien garder ses statuts, precieux, Et qui de lui
pourchasse la science!

Certainement ceux ne sont vicieux,
Qui vont suiuan le chemin qu'il ordonne,
Et d'aller droit sont iousiours curieux.
Ton vouloir est que chaene personne
Par dessus tout bien & estroitement
A maintenir tes mandemens s'adonne.

A mon vouloir qu'il te pleust tellement
 Dresser mes pas où ta Loy me conuie,
 Que fouruoyer n'en puisse aucunement
 Car loin sera de deshonneur ma vie
 Tant qu'auray œil sur tes loix arresté,
 Et que j'auray de les sauoir enuie.

Alors par moy tu feras exalté
 D'un cœur tout droit, quand j'auray peu comprendre
 Tes iugemens tous remplis d'équité.

Or à garder tes statuts vueil entendre:
 Mais ie te pri' qu'en mon infirmité
 Trop longuement ne te faces attendre.

B F T H.

Comme pourront ieunes gens s'amender
 Pour viure mieux? en prenant pour adresse
 Ce qu'il t'a pleu nous dire & commander.

De tout mon cœur ie t'ay cherché sans cesse:
 Or donc, Seigneur, hors ton commandement
 Ie te suppli' fouruoyer ne me laisse.

Dedans mon cœur & en l'entendement
 Tes dits ie porte, afin que ne t'offense,
 Mais que plustost chemine droitement.

O Eternel, ton Nom plein d'excellence
 Est à bon droit sur tous magnifié,
 De tes edits monstre-moy la science.

Mes leures ont presché & publié
 Les iugemens de ta bouche equitable,
 Sans que j'en aye vn seul poinct oublié.

Ton tesmoignage & chemin véritable
 M'est vn plaisir que ne vueil moins priser

Que

Que tous les biens de la terre habitable.

De tes edicts on m'orra deuïser,
Et tascheray d'auoir la cognoissance
De tes sentiers, où ie vueil droit viser.

En tes statuts prendray resiouissance,
Et vueil si bien à ton dire auïser,
Qu'à tout-iamais i'en auray souuenance.

G I M E L.

Espan tes biens dessus moy ton seruant,
A celle fin qu'aye le don de vie,
Pour bien garder ta Parole en viuant.

La maille en l'œil a ma veuë ternie:
Esclaire-moy, afin que de mes yeux
Voye en ta Loy ta grandeur infinie.

Est ranger suis en ces terrestres lieux:
Or donc, Seigneur, cognoissance me baille
De tes edicts, pour tousiours aller mieux.

Et iour & nuict mon cœur tant se trauaille
A bien sauoir chacun tien iugement,
Que peu s'en faut que force ne me faille.

Tous orgueilleux tu traittes rudement,
Et sont maudits tous ces meschans courages,
Qui vont ainsi contre ton mandement.

Chasse de moy tous blasmes & outrages,
Et le facheux mespris où ie me voy,
Pource que j'ay gardé tes tesmoignages.

Tous les plus gros en leur siege apperçoy
Causans de moy, voire tout à leur aise:
Mais lors ton serf ne pense qu'à ta Loy.

Ta Loy, Seigneur, c'est tout ce qui m'appaise,
C'est le conseil que j'ay autour de moy,
Pour en auoir confort en mon mal-aïse.

DALETH.

Je suis, hélas, comme si i'estoy' mis
Desia en terre, & attaché tout contre:
Ren-moy la vie, ainsi que m'as promis.

En maint affaire & fascheuse rencontre
Je t'ay requis, & tu m'as respondu:
Respon encor', & tes statuts me monstre.

Ton mandement par moy soit entendu:
Et lors j'auray sur ta Loy merueilleuse
L'esprit du tout arreisté & rendu.

Mon ame, hélas, est si fort angoustieuse,
Qu'elle se fond: vüeille me rasséurer,
Je te suppli', par ta promesse heureuse.

Du chemin tors, Seigneur, vien me tirer,
Et par pitié ta sainte Loy m'enuoye,
Qui du danger me viene retirer.

Car j'ay choisi la feure & droite voye,
Et tien mon œil tousiours comme attaché
Sur tes edits, de peur que ne fouruoye.

Puis donc, Seigneur, que j'ay si pres tasché
A ne passer ta diuine ordonnance,
Fay que ne soy' d'infamie entaché:

Lors ie courray de toute ma puissance
En tes chemins, quand auras destaché
Et mis mon cœur en pleine deliurance.

HE.

Je te suppli', Seigneur, vouloir sur tout

De tes statuts les droits sentiers m'apprendre,
Pour me les voir tenir iusques au bout.

Ottroye-moy esprit pour les comprendre:
Lors ne faudray à ta Loy maintenir
De tout mon cœur, taschant à ne mesprendre.

Mais condui-moy pour me faire tenir,
Sans fouruoyer, de tes edits la sente:
Car plaisir n'ay qu'à les entretenir.

Ploye mon cœur & toute mon entente
A bien fauoir tout ce qu'as ordonné,
Et ne permets qu'auarice le tente.

Tourne mon œil qu'il ne soit adonné
A faux regards, & mon cœur fortifie
En tes sentiers, où l'as acheminé.

A moy ton serf conferme & verifie
Ce qu'as promis, voire à moy qui te veux
Craindre sur tout, & qui sur toy me fie.

Repousse au loin cest opprobre honteux
Que ie crain tant: car tu es pitoyable
En nous iugeant, plustost que despitieux.

Voila, Seigneur, de ta Loy desirable
Sur toute chose est mon cœur conuoiteux:
Deliure-moy par ta grace amiable.

Fay-moy sentir l'effet de ta merci,
Me preseruant des dangers de ce monde,
D'autant, Seigneur, que l'as promis ainsi:

A celle fin qu'au peruers ie responde,
Duquel ie suis blasmé & detesté,
Pource que sur ton dire ie me fonde.

Fay que tousiours ta pure verité
 Soit en ma bouche, & pour iamais s'y tienne:
 Car à tes droits ie me suis arresté:

Et ne fera iamais que ne maintienne
 Ta sainte Loy, & que de mon pouuoir,
 Tant que viuray ne la garde & soustienne.

Lors me pourra chacun appercevoir
 Au large mis, pourautant que ie sonde
 Tes saints edits, & tasche à les sauoir.

Deuant les Rois & grans seigneurs du monde
 Ton tesmoignage alors i'annonceray,
 Sans que iamais vergongne me confonde.

Lors de bon cœur ie me delecteray
 En ceste Loy que nous as adresee,
 Car tousiours l'ay aimee & l'aimeray:

A tes statuts tiendray l'ame dresse:
 Et mes deux mains à tes œuvres mettray,
 Pour te seruir de faict & de pensée.

z A I N.

Souuiene-toy de tout ce qu'as promis
 A moy ton serf: car depuis ta promesse
 Tout mon espoir en toy, Seigneur, i'ay mis.

C'est le confort qui mes esprits redresse,
 Qui me preserue & remet en vigueur,
 Incontinent que i'ay quelque destresse.

Les orgueilleux souuent en ma langueur
 Se sont moquez: mais pour leur arrogance,
 Onc de ta Loy n'ay destourné mon cœur.

I'ay eu plustost, Seigneur, en souuenance
 Quel iugement tousiours tu en as fait:

Chose qui m'a donné grand' allegeance.

Si qu'en pensant au damnable forfait
De ces peruers, qui ta Loy ont laissée,
Le tremble tout de l'horreur de leur fait.

Mainte chanson i'ay bastie & dressée
Sur tes statuts, quand trouué ie me suis
Hors mon pays plein de triste pensée.

Ie n'ay failli mesme toutes les nuicts
A'inuoker: afin que ie gardasse
Ta sainte Loy en mes plus grans ennuis.

Bref, i'ay de toy tousiours eu ceste grace,
Que i'ay voulu, & vueil, tant que ie puis,
Tes mandemens garder, quoy que ie face.

H E T.

O Dieu, tu es ma part, & tout mon bien:

I'ay proposé de ta sainte Parole

Tousiours garder fidelement & bien.

Or donc, Seigneur, ta pitié me console,

Ie t'en requier affectueusement:

Et ne soit point ta promesse friuole.

I'ay esplusché mes faits soigneusement:

Voila pourquoy mes piés ie vien remettre

Au droit chemin de ton enseignement,

Et si n'ay point voulu longuement mettre:

Ains tout soudain à toy me suis rengé,

Et de tes loix suis venu m'entremettre.

Les malins m'ont pillé & saccagé:

Mais nonobstant leur fureur tant cruelle,

Iamais ta Loy de mon cœur n'a bougé.

Ie voy tes droits d'une iustice telle,

Que releuer ie me vueil pour chanter
En plein minuit ta louange immortelle.

Ceux qui tes loix veulent executer,
Ceux qui de Dieu en leurs cœurs ont la crainte,
Voila les gens que ie vueil frequenter.

La terre est pleine, & toute son enceinte,
Des biens, Seigneur, que lui viens presenter
Rempli-moy donc de ta doctrine sainte.

THE TH.

Seigneur, tu as de tes biens espendu
Sur moy ton serf, ensuiuant tes promesses:
Car ie m'y suis de tout temps attendu.

Ie te suppli' qu'en bon sens tu me dresles,
Et bon sauoir: car pour certain ie croy
Que vrayes sont & seures tes adresses.

Auant que d'estre ainsi batu de toy,
De bien aller n'auoy' ne soin ne cure:
Mais maintenant ie chemine en ta Loy.

O Dieu, tu es tout bon de ta nature,
Et liberal à tes biens dispenser:
Monstre-moy donc tes droits pleins de droiture.

Les orgueilleux me sont venus brasser
Maints faux rapports: mais pourtant ie ne cesse
De tout mon cœur tes edits embrasser.

Leurs cœurs sont pris & tous figez de graisse:
Mais moy, Seigneur, quand plaisir vueil auoir,
Droit à ta Loy, non ailleurs, ie m'adresse.

Vn plus grand bien n'eusse peu receuoir,
Que de sentir ma personne oppresse,
Pour acquerir de tes loix le sauoir.

D'or ou d'argent grosse somme amassée,
N'est rien au prix de ta Loy bien sauoir,
Que tu nous as toymesme prononcee.

100.

Tes propres mains m'ont fait & façonné:
Donne-moy donc l'esprit de sauoir faire
Le mandement que tu nous as donné.

Alors ceux-la qui craignent te desplaire,
En me voyant sur ton dire appuyé,
S'esfouiront beaucoup de cest affaire.

Quand par ta main le monde est chastié,
Làsie voy bien que la cause est tresbonne,
Et qu'à bon droit tu m'as humilié.

Ie te suppli' que ta bonté me donne
Quelque confort en mon affliction,
Comme ton dire & promesse l'ordonne.

Viene sur moy ta grand' compassion,
Et ie viuray: car en ta Loy & crainte
Gist mon plaisir & consolation.

Soyent tous confus ceux qui sous couleur feinte
Me font du mal, & mon cœur cependant
Ne pense à rien qu'à ta doctrine sainte.

Retourne à moy tout homme pretendant
Aueques moy te reuerer & craindre,
Tout homme aussi ta doctrine entendant.

Mon cœur entier, sans rien flechir ne feindre,
Tes loix ensuiue, afin qu'en t'attendant,
D'estre confus ie ne me puisse plaindre.

C A P H.

De ton salut ie suis tant desireux,

En attendant de ton dire l'issue,
Que mon esprit en est tout langoureux.

Je suis lasé d'auoir en haut la veüe,
Disant, O Dieu, en qui me suis fié,
Quand m'aideras en ma desconuenue?

Je suis retrait (tant ie suis ennuyé)
Comme vne peau mise à la cheminee:
Et si n'ay rien de tes loix oublié.

Làs! quelle espace est encor' ordonnee
A moy ton serf auant que puisse voir
Sur mes haineux ta sentence donnee?

Ces faux peruers me cuidans faire choir,
M'ont appresté des fosses deceuables,
Contre ta Loy, pour ton serf deceuoir.

Tes mandemens sont tousiours veritables:
Tu fais qu'à tort ils m'ont persecuté:
Làs! monstre-moy tes faueurs secourables.

Bien peu s'en faut que du tout n'aye esté
Versé par terre en extreme ruine:
Si n'ay-ie point ton vouloir reietté.

Restaure-moy par ta bonté benigne:
Et lors sera par moy executé
Le mandement de ta bouche Diuine.

LA M E D.

En ce haut ciel que tu creas iadis,
Est & sera pour iamais engrauee
L'eternité de tout ce que tu dis.

De siecle à autre est ta foy approuuee:
Tefmoin la terre assise si adroit,
Que ferme & stable elle est tousiours trouuee.

Mesme aujourd'hui tout l'vniuers on voit
 Perseuerer sous ta sainte conduite:
 Car c'est à toy qu'obeissance il doit.
 Et n'eust esté que mon ame est instruite
 A ne chercher qu'en ta Loy mon confort,
 Certes pieça ma vie fust destruite.

De tes statuts & de leur reconfort,
 Pour tout iamais la memoire ie garde,
 Puis que par eux tiré m'as de la mort.
 Je suis à toy, sois donc ma sauuegarde:
 Car à sauoir ta sainte volonté
 Et mandement, dessus tout ie regarde.

Des faux peruers tousiours suis aguetté:
 Mais cependant à ta pure doctrine
 Et tesmoignage est mon cœur arresté.
 Je ne voy rien si grand qui ne decline,
 Fors tes edits, desquels l'autorité
 Et grand' vertu iamais ne se termine.

M E M.

O que ta Loy j'ay suiuié tousiours
 D'un cœur ardent & tout rempli de zele!
 Parler ne puis d'autre cas tous les iours.
 Ta Loy m'apprend vne prudence telle,
 Que suis plus fin que tous mes ennemis:
 Car en tout temps ie demeure avec elle.

Tu as en moy tant de sagesse mis,
 Que mes docteurs en doctrine ie passe:
 Car à tes droits tout mon cœur i'ay soumis.
 En bon conseil les plus vieux ie surpasse:
 Et tout cela, d'autant qu'ay regardé
 Tousiours sur tout que tes loix ie gardasse.

Tant que j'ay peu j'ay mon pié engardé
Du chemin tors, afin que peusse ensuiure
Ce que nous a ta bouche commandé.

Tes iugemens, Seigneur, j'ay voulu suiure
Sans decliner: car tu m'apprens par eux
Comment il faut bien & iustement viure.

O que tes dits m'ont esté sauoureux,
En les goustant! ô que d'iceux l'usage
Plus que du miel m'est doux & amoureux!

Tes mandemens me font deuenir sage:
Parquoy aussi le chemin malheureux
J'ay detesté tousiours en mon courage.

N V N.

Ta Parole est ainsi comme vn flambeau,
Guidant mes pas, & comme vne lumiere,
Pour me monstrier le chemin le plus beau.

J'ay fait serment, & d'une foy entiere
Le garderay, de bien garder sur tout
Les iugemens de ta Loy droituriere.

Seigneur, ie suis affligé iusqu'au bout,
Tien-moy promesse, & par ta bonté grande
Vien me tirer & remettre sus bout.

Vucille, Seigneur, recevoir ceste offrande
Que ie te fay de cœur & franche voix,
Et me monstrier ce que ta Loy commande.

Mon ame, hélas! comme si ie l'auois
Dedans la main, à mort est exposée,
Et si n'ay rien oublié de tes loix.

Les malins m'ont mainte embusche dressée:
Mais leur embusche onques ne m'esbranla,
Et de ta Loy la sente n'ay laissée.

Ta Loy est miene, & mon cœur prise l'a
Comme vn droit fons & son propre heritage:
Car tout mon cœur & mon plaisir est là.

A tout-iamais pratiqueray l'vsage
De tes statuts, pourautant qu'à cela
Pay de tout temps appliqué mon courage.

S A M E C H.

Pay tousiours eu en detestation
Celui qui rien qu'à malfaire ne pense:
Mais en ta Loy gist mon affection.

Seigneur, tu es ma tresseure defense,
Ie n'ay recours ne cachette qu'en toy,
En t'attendant en route patience.

Sus donc, peruers, retirez-vous de moy,
Ie ne vueil plus que mon esprit s'amuse
Qu'à bien garder de mon Seigneur la Loy.

De m'alleurer ie te pri' ne refuse,
Comme as promis me tirer de la mort:
Et ne permets que mon espoir m'abuse.

Sois mon appui, ie seray sain & fort.
Quelque torment ou mal qui me menace,
Tousiours ta Loy sera mon reconfort.

Ceux qui n'ont soin de bien suiure à la trace
Tes saints statuts, à beaux piez fouleras:
Car en leurs cœurs ne songent que fallace.

Ainsi qu'escume au loin tu ietteras
Tous les peruers: c'est pourquoy ie m'adonne
A tant aimer ce qu'enioint tu nous as.

Penser ne puis que ie ne m'en estonne,
Au iugement rigoureux qu'en feras:
Et de grand' peur tout le corps me frissonne.

Droit & bon iuge à tous me suis porté:
Ne permets point que soy' baillé en proye
A ceux desquels à tort suis tormenté.

Pleige plustost en tout bien & en ioye
Ton seruiteur, de peur que finement
Des orgueilleux oppressé ie ne soyé.

Mes yeux sont las d'attendre longuement
Ton vray salut, dont promesse m'as faite,
Toy qui ne peux faillir aucunement.

Ie te suppli' pren ton serf, & le traite
Par ta douceur, lui faisant recevoir
De tes statuts cognoissance parfaite.

Ton serf ie suis, fay-moy donques auoir
Si bon esprit, & si vis, que ie puisse
De tes edits les secrets concevoir.

Or il est temps que tu faces iustice,
Il n'y a plus entre nous loy ne foy,
Qui des humains retiene la malice.

Aussi, Seigneur, c'est la raison pourquoy
Trop plus que l'or & pierrerie exquise
Tes mandemens sont estimez de moy:

Pour quoy par tout iustes ie trouue & prise
Tous tes edits: & pour suiure ta Loy
Toute malice en telle haine ay prise.

P H E.

En tes edits pour vray sont contenus
Les grans secrets de science profonde:
Voila pourquoy de moy sont maintenus.

Dedans ta Loy telle lumiere abonde,
Que dès l'entree on en est esclairé,

Et

Et rend sauans les plus petis du monde.

I'ay maintesfois baillé & soupiré
De grand desir que i'ay de fauoir faire
Ce que nous as par ta Loy déclaré.

Regarde-moy & me fois debonnaire,
Côme enuers ceux qui t'aiment de bon cœur
Tu vas monstrant ta faueur ordinaire.

Condui mes pas au chemin bon & seur
Par ta Parole: & tant ne m'abandonne,
Que dessus moy mon peché soit vainqueur.

Quelques ennuis que l'ennemi me donne,
Preferue-moy en toute aduersité,
Et ie viuray comme ta Loy l'ordonne.

Sur moy ton serf s'espande la clarté
De ton vilage, & m'appren à comprendre
Ce que nous as par tes loix arresté.

De mes deux yeux larmes ie fay descendre
A grans ruisseaux, tant ie suis contristé
Qu'à ta Loy sainte on ne veut point entendre.

Z A D E.

Seigneur, tu es tout iuste en tout endroit,
Et ne t'aient iamais, quoy que tu faces,
De faire rien qui ne soit bon & droit.

Rendre le droit, Fuir toutes fallaces:
Voila deux cas commandez en ta Loy
Expressement & sur grandes menaces.

Ie meur quasi voyant, comme ie voy,
Par mes haineux ta Parole oubliée,
De grand despit que j'en ay dedans moy,
Pource qu'elle est nette & purifiée

Iusques au bout, & que l'affection
De moy ton serf à elle est dediee.

Quoy que ie soy' bas de condition,
Et mesprisé, i'ay tousiours souuenance
De tes edits en mon affliction.

Tes droicts sont droicts, dont iamais la puissance
Ne defaudra, & rien que verité
N'est contenu en ta sainte ordonnance.

Affligé suis, pressé, persecuté:
Mais nonobstant mainte peine endurée,
Tes mandemens mon plaisir ont esté.

Ta iustice est d'éternelle duree:
Appren-la moy par ta grande bonté,
Lors ie viuray d'une vie asseuree.

^{C O P H.}
Ie t'ay prié, Seigneur, tout hautement
De tout mon cœur: respon à ma demande,
Et ie feray ton saint commandement.

C'est toy, mon Dieu, que i'inuoque & demander:
Là! sauue-moy, & par moy maintenu
Tousiours sera ce que ta Loy commande.

A toy ie crie auant que soit venu
Le poinct du iour: car du tout ie m'arreste
A ta Parole, & là me suis tenu.

Sans que le guet de veiller m'admoneste,
Mes yeux ouuers de veiller ont souci,
Et tien tousiours ta Parole en ma teste:

Enten ma voix, Seigneur, par ta merci,
En restaurant mes forces qui declinent,
Comme il t'a pleu de faire iusqu'ici.

Mes ennemis qui contre moy machinent,
M'ont approché, fuyans d'autre costé
Tes saintes loix, qui leur fraude abominent.

Mais pres de moy en ma necessité
Toufiours te tien pour m'estre secourable:
Car tes statuts ne sont que verité.

Ton tesmoignage est seur & immuable,
Et sera tel à perpetuité:
Le tien cela pieça pour veritable.

RESC.

Voy la misere où ie suis detenu,
Et m'en retire, à cause qu'en icelle
Toufiours me suis de ta Loy souuenu.

Làs! soustien-moy en ma bonne querelle,
Rachete-moy, me gardant de mourir,
Pour me tenir ta promesse eternelle.

Tous ces meschans, faute de s'enquerir
De tes statuts, sont loin de l'esperance
De leur salut, & tous prests à perir.

Mais tresgrande est, ô Dieu, ta bien-vueillance:
Monstre-toy donc tel qu'as accoustumé,
En remettant ma vie en assurance.

Iamais le train n'ay desaccoustumé
De tes edits, quoy qu'affailli ie soye
Par tant de peuple, & si fort animé.

Làs! quand il faut que ces traistres ie voye,
Le meur d'ennui de quoy si laschement
De ta Parole ils ont laissé la voye.

Voy comme i'ay ton saint commandement
Toufiours aimé, & ta bonté propice

En ma langueur me donne amendement.

Auant toute cœuure il faut que s'accomplisse
Ce que tu dis iamais n'est autrement
De tous arrests donnez en ta iustice.

S C H I N.

Les Princes m'ont à tort persecuté:
Mais ie n'ay craint leur effort & puissance:
Plustost, Seigneur, ton dire ay redouté.

Ie ne reçois moins de resiouissance
Par tes propos, que si i'auoy' trouué
Quelque butin, ou bien grande cheuance.

Ie hay sur tout vn rapport controuué,
N'estimant chose au monde plus meschante:
Mais ta Loy est mon plaisir approuué.

Sept fois le iour, ô Dieu, ton los ie chante,
Considerant les actes merueilleux
De ta Loy iuste en l'vniuers regnante.

Paix trespaisible est ordonnee à ceux
Qui ta Loy sainte aiment & tiennent chere:
Et n'y a rien qui leur soit perilleux.

De toy, mon Dieu, mon vray salut i'esperes
Taschant sur tout de pensèe & de fait,
De faire tant qu'à tes loix i'obtempere.

Mon cœur a mis tes edits en effet
Soigneusement, me gardant de m'effaire:
Car ie leur porte amour vray & parfait.

Tes mandemens i'ensui en tout affaire:
Car quoy que i'aye onques pensé ne fait,
Tes yeux en ont cognoissance tresclaire.

T H A P.

A toy, mon Dieu, mon cri puisse venir,

Puis

Puis donne-moy le don d'intelligence,
Pour ta Parole enuers moy maintenir.

Viene ma voix iusques en ta presence,
Et me deliure, ainsi comme iadis
Tu m'as promis, par ta grande clemence.

Alors par moy tes beaux faits seront dits
A pleine bouche, ayant receu la grace
D'entendre bien chacun de tes edits.

Alors i'iray parlant de bonne audace
De ta promesse, & diray rondement
Que tes edits sont droits & sans fallace.

Je te suppli' vouloir tout promptement,
Pour me sauuer, sur moy ta main estendre:
Car i'ay choisi ton saint commandement.


C'est toy duquel ie vueil salut pretendre:
Car ie ne puis, Seigneur, aucun plaisir
Hors de ta Loy ne pourchasser ne prendre.

Pour te louer de viure i'ay desir:
Car de ta grace à moy tousiours monstree,
Tu ne voudras, Seigneur, me deffaisir.


Helas! ie suis la brebis esgaree,
De me chercher, Seigneur, pren le loisir,
Car en mon cœur ta Loy est demeuree.

PSEALME CXX. TH. DE BE.


Priere du Prophete, banni par le faux rapport de ses ennieux, afin d'estre deliuré d'en-
tre les infideles, avec lesquels il se desplaist de conuerser.




A Lors qu'affliction me presse, Ma clameur




au Seigneur i'adresse. Car quand ie vien à le semôdre



Iamais ne faut à me respondre: Contre ces leures



tant mêteuses, Côtre ces langues tant flateuses, Vueil-



le, Seigneur, par ta bonté Mettre ma vie à sauueté.

Vien-ça, menteur, quel auantage
Te viendra de ce faux langage?
En quoy te sera profitable
Ceste langue ainsi deceuable?
Tes mots sont fleches acerees,
D'une puissante main tirees:
Et tes propos enuenimez,
Charbons de geneure allumez.

Helas, combien m'est ennuyeuse
Ceste demeure malheureuse
Au dessous des tentes maudites
Des Kedarins & Melechites!
Parmi ces nations cruelles,
Qui n'aiment rien que les querelles,
I'ay trop seiourné la moitié,
Moy qui ne cherche qu'amitié.

Pay beau leur parler de concorde,


Leur

PSEAVME CXXI.

Leur cœur iamais ne s'y accorde:
Quand ie les yueil garder de battre,
Alors sont-ils prests à combattre.

PSEAVME CXXI. TH. DE BE.

Il chante que les fideles doivent, à son exemple, attendre tout leur secours du seul Dieu, qui conduira toutes leurs saintes entreprises.



ie me fonde.

Marcher te fera seurement,
Et te viendra veiller,
Sans iamais sommeiller.

Voici, d'Israel voirement
La garde tousiours veille,
Mesme point ne sommeille.

Dieu te gard' & couure d'en haut:
Tu as prest & en main
Le grand Dieu souverain.
De iour ne sens le soleil chaut,


La lune morfondante
De nuit ne t'est nuisante:

Contre tous dangers de formais
Ton ame il gardera:
A tes faits baillera.

Dés maintenant & à iamais,
Et l'issue & l'entree
Tresbonne & asseuree.

PSEAVME CXXII. TH. DE EE.

Il se resioit que Ierusalem, lieu choisi pour le service de Dieu, & figure de l'Eglise
se bastit, & prie Dieu pour son auancement.



I Ncontinent que i'eu ouy, Sus, allons le lieu visiter
Où le Seigneur veut habiter, O que mon cœur s'est
resiouy! Or en tes porches entreront Nos piez, &
sejour y feront, Ierusalem la bien dresse, Ierusa-
lem qui t'entretiens Vnie aueques tous les tiens,
Comme cité bien policee.

Là doiuent les peuples aller,
 Les peuples, di-ie, du Seigneur,
 Et pour celebrer son honneur,
 Par son mandement s'assembler:

C'est le lieu du siege assigné,
 Du siege à Dauid ordonné,
 Et aux siens, pour faire droiture.

Prions qu'en toute seureté
 Demeure la sainte Cité,
 Et tous ceux-la qui d'elle ont cure.

Puissent de paix estre munis
 Tes fortresses & chasteaux,
 Tes maisons & palais tant beaux
 De tous biens se treuuent garnis.


Pource que rengez dedans toy
 Mes freres & prochains ie voy,
 Faut que pour toy priere face:

A cause aussi du sacré lieu
 De la sainte maison de Dieu,
 Il n'est bien que ne te pourchasse.

Priere des fideles affligez par les meschans & contempteurs de Dieu.

A Toy, ô Dieu qui es là haut aux cieux, Nous

esleuons nos yeux: Comme vn seruant qui presé



se voit estre, N'a recours qu'à son maistre, Et la seruan
 te a l'œil sur sa maistresse, Aussi tost qu'o la blesse: Vers
 nostre Dieu nous regardons ainsi, Attédans sa merci.

Helas, Seigneur, aye pitié de nous,
 Aye pitié de nous:


Car tellement nous dedaignent les hommes,
 Que tous sours nous en sommes.

Tant de brocars les gros sur nous desgorgent,
 Que nos cœurs en regorgent:


Et sommes pleins du mespris odieux
 De tous ces glorieux.

PSEAUME CXXIII. TH. DE BE.

Le peuple de Dieu sortant d'un grand peril, recognoist n'auoir pas esté sauué par sa force, ains par la faueur de Dieu: & raconte le danger duquel il est eschappé.



OR peut biē dire Israel maintenāt, Si le Seigneur
 pour no^r n'eust point esté, Si le Seigneur nostre droit
 n'eust porté, Quand tout le monde à grand' fureur ve-
 nant




nant Pour nous meurtrir dessus nous s'est ietté,
 Pieça fussions vifs deuorez par eux,
 Veu la fureur ardente des peruers:
 Pieça fussions sous les eaux à l'enuers,
 Et tout ainsi qu'un flot impetueux
 Nous eussent tous abyfmez & couuers.

Par dessus nous leurs gros & forts torrens
 Eussent pieça palse & repalse.
 Loué soit Dieu, lequel n'a point laisse
 Le peuple sien tomber entre leurs dents,
 Pour le manger comme ils auoyent pense.


Comme l'oiseau du filé se defait
 De l'oiseleur, nous sommes eschappez,
 Rompant le laqs qui nous eust attrappez.
 Voila comment le grand Dieu qui a fait
 Et terre & ciel, nous a desueloppez.

PSEALME CXXV. TH. DE BE.


Le Prophete montre qu'il n'y a rien tant assure que le croyant, duquel l'affliction
 n'est qu'à temps: puis inuoque Dieu pour les bons, & contre les meschans.



Tout homme qui son esperance En Dieu assu-



ra, jamais ne versera: Ains aura si grâde assurance,



Que Sion môtagne tresferme, N'est point plus ferme.

Comme Ierusalem est ceinte
De monts de toutes pars,
Ainsi que de rempars,
Dieu autour de sa troupe sainte
Est, & sera, qu'on ne l'offense,
Seure defense.


Car ce n'est à tousiours qu'il laisse
Les siens entre les mains
Des tyrans inhumains:
De peur qu'une trop lōgue oppresse
En fin ne les force de faire
Mauuais affaire.

Aide toute bonne personne,
Trainee, ô Dieu, ces peruers
Cheminans de trauers,
Auec ceux dont le cœur s'adonne
A tout mal: & aux tiens accorde
Toute concorde.


PSEAUME CXXVI. TH. DE BE.

Le peuple retournant de captiuité, remercie Dieu, & le prie d'acheuer la deliurance
monstrant qu'apres l'affliction, vient tant plus grande consolation.

A Lors que de captiuité Dieu mit Si on en
liberté, Auis nous estoit proprement Que nous son-
gions tant seulement. Bouches & langues à luffi-
re A-



re Auoyent dequoy chanter & rire : Chacun di-



soit, voyant ceci, Dieu fait merueilles à ceux-ci.

A dire vray, Dieu pour ce coup,
Des biens nous ottroye beaucoup,
Et d'icelui nous receuons
Tout le plaisir que nous auons.
Ramene donques toute entiere
Ta gent n'a guere prisonniere,
Comme arrolant tout au trauers,
Les pays plus secs & deserts.


Ceux qui aueques larmes d'œil
Auront semé, perdront le dueil,
Se trouuans ioyeux & contens,
Quand de moissonner sera temps.
Vray est qu'en douleur bien amere
Semeront leur semence chere:
Mais tous ioyeux ils porteront
Les gerbes qu'ils en cueilliront.

PSEAVME CXXVII. TH. DE BE.


Ce n'est point le bon sens, ne la force, ne le travail des hommes, mais la bonté de Dieu
qui baille les biens, garde les pays, donne la nourriture & les enfans.




N a beau sa maison bastir, Si le Seigneur n'y



met la main, Cela n'est que bastir en vain. Quand



on veut villes garentir, On a beau veiller & guetter,



Sans Dieu rien ne peut profiter.

Quoy qu'auant iour seyez leuez,
Et bien tard vous couchiez en pleurs,
Repeus maigrement en douleurs,
Vousmesmes en vain vous greuez:
Mais à tout cœur Dieu bien-aimant,
Dieu donne tout comme en dormant.

Voila, quand l'homme peut auoir
Pour heritier quelque enfant sien,
C'est de Dieu que lui vient ce bien:
C'est Dieu qui lui fait receuoir
Par sa grand' liberalité,
Le guerdon de posterité.


Puis les enfans venus en fleur,
Deuiennent gens rudes & forts,
Et si bien dispos de leurs corps,
Qu'un trait descoché de roideur
D'un bras robuste & bien adroit,
Ne frappe plus fort ne plus droit.

Heureux qui leurs carquois auront
De telles fleches bien fournis:
Car en estant si bien munis,
Iamais confondus ne seront:

Ains confondront ouuertement
Leurs haineux en plein iugement.

Il dit que ceux qui vrayement craignent & aiment Dieu, sont heureux, soit en public, soit en priué.

Bienheureux est quiconques Sert à Dieu volontiers, Et ne se lassa onques De suiure ses sentiers. Du labeur que fais faire Viuras commodement, Et ira ton affaire Bien & heureusement.



Quant à l'heur de ta ligne,
Ta femme en ta maison
Sera comme vne vigne
Portant fruit à foison:
Et autour de ta table
Seront tes enfans beaux,
Comme vn reng delectable
D'oliuiers tous nouueaux.

Ce sont les benefices,
Dont fera iouissant
Celui qui fuyant vices
Craindra le Tout-puissant.

De Sion Dieu sublime
Te fera tant de bien
De voir Ierofolyme
En tes iours aller bien:

Et verras de ta race
Double posterité,
Et sur Israel grace,
Paix & felicité.

PSEAVME CXXIX. TH. DE BE.

Il admoneste l'Eglise de se resiouir, de ce qu'apres auoir esté dès le commencement affligée par les aduersaires, Dieu l'a deliurée. Enapres il predit la destruction des melchans, nonobstant leur vaine apparence.

Dés ma ieunesse il's m'ont fait mille affaux: Is-
rael peut à ceste heure bien dire, Dés ma ieunesse ils
m'ont fait mille maux: Mais ils n'ont peu me vaincre
ne destruire.

l'en porte encor les marques iusqu'aux os,
Tant qu'à me voir, semble qu'une charrue
M'ait labouré tout au trauers du dos,
Fichant le soc en ma pource chair nue.

Or le Seigneur qui tout fait iustement,
De ces melchans a coupé le cordage.

Puisse perir ainsi honteusement
Quiconques veut à Sion faire outrage.

Tel homme puisse à l'herbe ressembler
Qu'on voit croissant dessus quelque muraille,
Et y flectir, sans que pour l'assembler,
Ni en cueillir quelque fruit on trauaille.

Iamais d'icelle on ne vid moissonneur
S'en retourner aueques sa brassee,
Encores moins en porter le glaneur
Dessous son bras quelque reste amassée.

Iamais aussi ceux qui passent par là
Ne vont disans, Le Seigneur vous benie:
Au Nom de Dieu puissiez vous en cela
Belle moisson trouuer & bien fournie.

PSEALME CXXX. CL. MA.

Affectueuse priere de celui qui par son peché a beaucoup d'aduersités, & toutefois
par esperance ferme se promet obtenir de Dieu remission de ses pechés, & deliurance de
ses maux.

D V fons de ma penlee, Au fons de tous ennuis,
A toy s'est adressée Ma clameur iours & nuiets: En-
ten ma voix plaintiue, Seigneur, il est saison, Ton
aureille ententiuë Soit à mon oraison.


Si ta rigueur expresse
 En nos pechez tu tiens,
 Seigneur, Seigneur, qui est-ce
 Qui demourra des tiens?
 Or n'es-tu point seuer,
 Mais propice à merci:
 C'est pourquoy on reuere
 Toy & ta Loy aussi.


En Dieu ie me console,
 Mon ame s'y attend,
 En sa ferme Parole
 Tout mon espoir s'estend.
 Mon ame à Dieu regarde
 Matin & sans seiour,
 Plus matin que la garde
 Assise au poinct du iour.

Qu'Israel en Dieu fonde
 Hardiment son appui:
 Car en Dieu grace abonde,
 Et secours est en lui.
 C'est celui qui sans doute
 Israel iettera
 Hors d'iniquité toute,
 Et le rachetera.


PSEALME CXXXI. TH. DE BE.

Il proteste de son humilité & mortification, & s'assure du secours du Seigneur.


S Seigneur, ie n'ay point le cœur fier, le n'ay point
 le re-



le regard trop haut, Et rien plus grād qu'il ne me faut



Ne voulu onques manier.

Si ie n'ay fait taire, & donté
De si pres tout mon appetit,
Que ie semble à l'enfant petit,
Qui de sa mere est deslaitté:

Si ie ne suis, di-ie, rendu
Pareil à l'enfant tout foiblet,
Auquel on a osté le lait,
Content suis de n'estre entendu.


Atten du Seigneur le foulas
Iusques à perpetuité:
Et d'esperer en sa bonté
Israel iamais ne soit las.

PSEAVME CXXXII. TH. DE BE.

Dauid paisible de son royaume, se resjouit de la venue de l'arche de l'alliance en Ierusalem, selon le vœu qu'il en auoit fait: & s'assure de la promesse receue de Dieu touchant l'eternité du regne de celui qui sortiroit de sa race, c'est à dire du Messias, comme il est exposé au 2. chap. des Actes.




Veille, Seigneur, estre recors De Dauid & de



son torment, Lui qui à Dieu a fait serment, Dieu



de Iacob, le fort des forts, Et fait vœu solennel.



le ment:

Voila que ie promets, dit-il,
Iamais en ma maison n'iray,
Ni sur mon liēt ne monteray,
Ie ne clorray iamais sourcil,
Iamais les yeux ne fermeray,

Que ie ne trouue vn certain lieu,
Qu'au Seigneur ie puisse assigner,
Et qu'vn lieu ne voye ordonner,
Oū de Iacob le puissant Dieu
Deformais vucille seiourner.

Or voila donques, nous auons
Maintenant entendu où c'est:
Sur tous lieux Ephrata te plaist,
Et ta demeure nous trouuons
Dedans le champ de la forest.

Là nous irons te visiter:
Deuant le siege ou te veux seoir,
De t'adorer ferons deuoir.
Sus donc, vien pour y habiter,
Toy & l'arche de ton pouuoir.

Soyent de iustice en bien viuant,
Vestus les Prestres de la Loy.

Tes saints soyent loin de tout esmoy,
 soustien pour Dauid ton seruant,
 Le Roy oingt, & regnant par toy.

**

**

Dieu a iuré en verité
 A Dauid, voire & le fera:
 Disant, En ton throne serra
 Quelqu'un de ta posterité,
 Que ma main y establira:

Et si mon contract & mes dits,
 Ainsi que monstres leur seront,
 Tes enfans gardent, ils auront
 Encore ce bien, que leurs fils
 Sans fin en ton throne ferreront.

Car Dieu a choisi & voulu
 Sion, afin de s'y loger.
 Je ne vucil plus, dit-il, changer:
 Ce lieu me plaist, ie l'ay élu,
 Afin de iamais n'en bouger.

Ses pources fouleray de pains,
 De tous biens ie les fourniray,
 Ses Prestres i'environneray
 De mon salut, & tous ses saints
 A plein resiouir ie feray.

Dauid y fleurira par moy,
 Et ses cornes y leuera:
 Là dedans posée sera
 La lampe apprestée à mon Roy,
 Et la clarté y donnera.

Je vueil de honte & deshonneur
 Enuelopper les enuieux,
 Faisant fleurir deuant leurs yeux
 Deffus son chef rempli d'honneur,
 Son diademe precieux.

PSEALME CXXXIII. TP. DE BE.

Il n'y a rien si precieux que paix & concorde, quand elle est faite au Nom de Dieu.

O Combien est plaisant & souhaitable, De
 voir ensemble en concorde a mi a ble Freres v-
 niss'entretenir! Cela me fait de l'onguent souue-
 nir, Tant precieux, dont parfumer ie voy Aaron le
 Prestre de la Loy:

Et qui depuis la teste vient descendre
 Jusqu'à la barbe, & en fin se vient rendre
 Aux bords du sacré vestement.

Côme l'humour se void iournellement
 Du mont Hermon & Sion decourir,
 Et le pays d'embas nourrir:

Ainsi pour vray ceste assemblée heureuse

Sent du Seigneur la faueur plantureuse:
Voire pour iamais ne mourir.

PSEAVME CXXXIIII. TH. DE EE.

Il admoneste les Leuites de faire leur deuoir, les assurant de la faueur de Dieu.

O R sus, seruiteurs du Seigneur, Vous qui de
nuict en son honneur Dedans sa maison le seruez,
Louez le, & son Nom esleuez.


Leuez les mains au plus saint lieu
De ce tressaint temple de Dieu,
Et le los qu'il a merité
Soit par vos bouches recité.

Dieu qui a fait & entretient
Et terre & ciel par son pouuoir,
Du mont Sion où il se tient,
Ses biens te face appercevoir.


PSEAVME CXXXV. TH. DE EE.

Exhortation au peuple ancien de louer Dieu pour les bien-faits qu'il auoit recens de lui: & sur tout de ce qu'il auoit desployé sa vertu infinie pour le sauuer d'Egypte: avec vne moquerie des idoles, & des superstitions des Payens.

C Hantez de Dieu le renom, Vous seruiteurs du
Seigneur: Venez pour lui faire honneur, Vous qui auez
y. iiii.



eu ce don, D'estre habitans au milieu Des paruis de



nostre Dieu.

Louëz Dieu, car il est bon:

Psalmodiez en son Nom:

Car il est plaisant & doux.

Il a choisi entre tous

Iacob, & Israel pris

Pour son thresor de grand prix.

Car l'Eternel, say-ie bien,

Est si grand, que tous les dieux

Aupres de lui ne sont rien:

Qui fait en terre & és cieux,

Voire és gouffres de la mer,

Ce qui lui plaist consommer.

Du bout de la terre en haut

Il fait les nues monter:

Les esclairs, quand il le faut,

Il fait en pluyë esclârer,

Et sortir de ses thresors

Les vents tant rudes & forts.

D'Egypte les premiers nés

Il atuez de ses mains,

Soit qu'ils fussent les ainez

Du bestail, ou des humains.

Egypte, il t'a fait sauoir

Choses terribles à voir.

Il a deffait Pharaon,
Et toutes ses legions:
Occis Rois, & nations,
Telmoin le fort roy Schon,
Og le grand roy de Basan,
Et tous ceux de Chanaan.

A son peuple d'Israel
Il a leur pays cedé,
Duquel il fut possédé
En titre perpetuel.
Ton Nom, Dieu plein de bonté,
Dure à perpetuité.

** **

De Dieu le Nom fleurissant
D'aage en aage durera:
Car l'Eternel tout-puissant
Son peuple gouuenera,
Estant appaisé de cœur
Vers son poure seruiteur.

Les images des Gentils
Ne sont rien qu'or & argent,
Oeuures d'hommes abrutis,
Pour abuser mainte gent:
Bouche elles ont sans mouuoir,
Et des yeux pour rien ne voir.

Sans ouir aureilles ont,
Et ne peuvent respirer.
Tels seront ceux qui les font,



Et qui les vont adorer,
Et qui est fol iusques là,
De se fier en cela.

Vous du Seigneur les enfans,
Chantez le los du Seigneur:
Enfans d'Aaron triomphans,
Rendez à Dieu tout honneur:
Vous de Leui la maison,
Louëz-le en toute saison.

Vous tous qui le reuerez,
Rendez son los solennel.
Soit haut loué l'Eternel,
Qu'en Sion vous adorez,
Et qui veut pour n'en bouger,
En Ierusalem loger.

PSEAUME CXXXVI. TH. DE BE.

Ici le Prophete voulant inciter les fideles à louer Dieu, leur propose pour matiere plusieurs exemples de sa vertu & bonté, tant en l'ordre de nature, qu'aux secours qu'il a donnez à son Eglise.

L  Ouëz Dieu tout hautemët, Car il est doux &

clement, Et sa grand' benignité Dure à perpetu i té.

Chantez le Dieu glorieux
Esleué sur tous les dieux.
Car sa grand' benignité
Dure à perpetuité.

Donnez gloire & tous honneurs

Au grand

Au grand Seigneur des seigneurs.
Car sa grand' benignité
Dure à perpetuité.

Donnez louange à celui
Qui fait grans faits sans autrui.
Car sa grand' benignité
Dure à perpetuité.

Il a les hauts cieux formez,
Et par grand art consommez.
Car sa grand' benignité
Dure à perpetuité.

Il tient estendu sur l'eau
De la terre le fardeau.
Car sa grand' benignité
Dure à perpetuité.

Es cieux tant bien composés,
Les grans flambeaux a posez.
Car sa grand' benignité
Dure à perpetuité.

Astres & lune il conduit
Pour dominer sur la nuit.
Car sa grand' benignité
Dure à perpetuité.

Du soleil a fait l'entour
Pour dominer sur le iour.
Car sa grand' benignité
Dure à perpetuité.

Ceux d'Egypte il a batus,

Et leurs ainez abatus.
Car sa grand' benignité
Dure à perpetuité.

Il a retiré d'entr'eux
Son Israel langoureux.
Car sa grand' benignité
Dure à perpetuité.

Par sa main & par l'effort
De son bras puissant & fort.
Car sa grand' benignité
Dure à perpetuité.

^{**} De la mer les flots hideux ^{**}
Il a departis en deux.
Car sa grand' benignité
Dure à perpetuité.

Et par ses flots entassés.
Ses enfans il a passez.
Car sa grand' benignité
Dure à perpetuité.

En mer a versé le Roy
Pharaon, & son arroy.
Car sa grand' benignité
Dure à perpetuité.

Son peuple ainsi gouverné
Par le desert a mené.
Car sa grand' benignité
Dure à perpetuité.

Il a les Rois attrapez,

Et pour

Et pour son peuple frappez.
 Car sa grand' benignité
 Dure à perpetuité.

Il a par ses grans efforts
 Lui-mesme occi les plus forts.
 Car sa grand' benignité
 Dure à perpetuité.

Sa main a reduit à rien
 Selon roy Amorrhien.
 Car sa grand' benignité
 Dure à perpetuité.

Il a par vn mesme effet
 Le Roy de Basan deffait.
 Car sa grand' benignité
 Dure à perpetuité.

Et le pays tant exquis
 Il a pour son peuple acquis.
 Car sa grand' benignité
 Dure à perpetuité.

Acquis, di-ie, à Israel,
 En titre perpetuel.
 Car sa grand' benignité
 Dure à perpetuité.

Tant plus grand mal nous auient,
 Tant plus de nous lui souuient.
 Car sa grand' benignité
 Dure à perpetuité.

Et nous deliure des mains

Des ennemis inhumains.
Car sa grand' benignité
Dure à perpetuité.

C'est lui tout seul qui de saict
Nourrit tout ce qu'il a fait.
Car sa grand' benignité
Dure à perpetuité.

Bref, du grand Dieu des hauts cieux
Louëz le Nom precieux.
Car sa grand' benignité
Dure à perpetuite.

P S E A V M E C X X X V I I. CL. M. A.

C'est le Cantique des Prestres, Leuites, & Chantres sacrez de Ierusalem, captifs en
Babylone.

E Stans assis aux riues aquatiques De Baby-
lon, plorions melancoliques, Nous souuenas du pays
de Sion: Et au milieu de l'habitatio, Oū de regrets tar
de pleurs es pandismes, Aux saules verts nos harpes
nous pendismes.

Lors ceux qui là captifs nous emmenerent,
De les sonner fort nous importunerent,
Et de Sion les chansons reciter.

Làs, dismes-nous, qui pourroit inciter
Nos tristes cœurs à chanter la louange
De nostre Dieu en vne terre estrange?

Or toutefois puisse oublier ma dextre
L'art de harper, auant qu'on te voye estre,
Ierusalem, hors de mon souuenir.

Ma langue puisse à mon palais tenir
Si ie t'oublie, & si iamais j'ay ioye,
Tant que premier ta deliurance j'oye.

Mais donc, Seigneur, en ta memoire imprime
Les fils d'Edom, qui sur Ierosolyme
Crioient au iour que l'on la destruisoit:

Souuiene-toy que chacun d'eux disoit,
A sac, à sac, qu'elle soit embrasée,
Et iusqu'au pié des fondemens rasée.


Aussi seras, Babylon mise en cendre:
Et tres-heureux qui te saura bien rendre
Le mal dont trop de pres nous viens toucher:

Heureux celui qui viendra arracher
Les tiens enfans de ta mamelle impure,
Pour les froisser contre la pierre dure.


PSEAVME CXXXVIII. CL. MA.

Il celebre labonté de Dieu, qui l'auoit retiré de tous perils, & heureusement esléué
en dignité royale: puis chante qu'il en rendra graces à Dieu, & que mesme tous autres
Rois lui en donneront louange: se promet aussi qu'à l'auenir le secours de Dieu ne lui
faudra point.


I L faut que de tous mes esprits Ton los & prix




P'exalte & prie : Deuant les grans me presenter,



Pour te chanter l'ay fait emprise. En ton saint tēple a-



doreray, Celebreray Ta renommee, Pour l'amour



de ta grand' bonté, Et feauté Tant estime e.

Car tu as fait ton Nom mout grand

En te monstrant

Vray en paroles.

Dés que ie crie tu m'entens,

Quand il est temps

Mon cœur consoles.

Dont les Rois de chacun pays

Mout esbahis,

T'ont loué, Siro,

Après qu'ils ont cognu que c'est

Vn vray arrest

Que de ton dire.

Et de Dieu, ainsi que ie fais,

Chantent les faits

A la memoire,

Confessans que du Tout-puissant


Resplen-

Resplendissant,
 Grande est la gloire:
 De voir ci bas tout ce qu'il faut,
 De son plus haut
 Throne celeste:
 Et de ce qu'estant si lointain,
 Grand & hautain,
 Se manifeste.

Si au milieu d'aduersité
 Suis agité,
 Vif me preserues:
 Sur mes ennemis inhumains
 Iettes les mains,
 Et me conserues.
 Et passeras mon cas tout seur:
 Car ta douceur
 Iamais n'abaisles:
 Ce qu'une fois as commencé,
 Et auancé,
 Tu ne delaisles.


PSEAVME CXXXIX. TH. DE BE.

David par l'artifice admirable de la sagesse de Dieu, qui apparoist en la creation & forme du corps humain, conclud que rien ne peut estre caché à vn tel ouurier: & par ainsi s'exhorte à cheminer comme en la presence de Dieu sans hypocrisie. Finalement, il magnifie sa prouidence, tant en la grace qu'il fait à ses fideles, qu'en ses iugemens, qu'il exerce sur les contempteurs de sa Maiesté.

 Dieu, qui cognois qui ie suis, Tu fais tout ce-
 la que ie puis: Soit que soy' assis ou debout, Tu me co-
 z. i.



gnois de bout en bout: Et n'ay nulle chose conceüe,



Que n'ayes de loin apperceuë.

Soit que ie marche ou soy' couché,
 Le te voy soudain approché:
 De ma vie tout le sentier
 T'est de pieça tout coustumier:
 Je n'ay pas le mot sur la langue,
 Que desia tu fais ma harangue.

Derriere & deuant tu me tiens
 Enuironné de tes liens,
 Tu as posé sur moy ta main.
 Ton sens est pour moy trop hautain:
 Et ne pourroy' de ta sagesse
 Iamais atteindre la hauteesse.

Si ton Esprit veut m'attrapper,
 Où iray ie pour eschapper?
 Où m'enfuiray ie deuant roy?
 M'enfuyant aux cieux, ie t'y voy:
 Et si dans les abysses i'entre,
 Le t'y trouueray iusqu'au centre.

Posé que i'attache à mon corps,
 Afin d'aller iusques aux bords
 De l'Ocean faire seiour,
 Les ailes de l'aube du iour,

Ta main,

Ta main, s'il te plaist de l'estendre,
Viendra m'y pourluiure & m'y prendre.

Si ie di, La nuit pour le moins

Me couurira à tous tesmoins:

Au lieu de iour me seruira.

La nuit point ne me couurira:

Car la nuit t'est splendeur entiere,

Et tenebres te sont lumiere.

Car mes reins iusqu'au plus profond

Sont à toy, qui m'as dans le fond

Du ventre dont ie suis sorti,

Couuert toy-mesmes & basti.

Et certes d'un cas tant estrange,

A iamais te rendray louange.

Pour vray merueilleux sont tes faits,

Et pource aussi de tes effets

Mon cœur pourchasse le sauoir.

La vigueur que ie puis auoir

Ne t'est cachee ne secrete,

Car en lieu secret tu l'as faite.

Tu m'as tissé & façonné

Es cauernes dont ie suis né:

Tes yeux m'ont veu tout imparfait:

Vn seul membre n'en estoit fait,

Qu'en ton liure estoit toute escrete

L'œuvre que le temps a produite.

O combien me sont precieux

Tes conseils! ô combien d'iceux

La somme est forte à proietter!
 Car si ie les vueil tous conter,
 Il s'en trouuera d'auantage
 Que de sablon sur le riuage.


Encor' suis-ie apres ton conseil
 Vn chacun iour à mon refueil.
 O Eternel, quand tu voudras
 Tuer le meschant par ton bras,
 Alors, ô toy bande meurtriere,
 Tire-toy hardiment arriere.

Je di tes ennemis, Seigneur,
 Qui ont blasonné ton honneur,
 Et qui s'esleuent faussement.
 O Seigneur, ie hay voirement
 Tes haineux: & qui t'est contraire,
 Ne l'ay-ie pas pour aduersaire?

Je les hay tous totalement,
 Et les estime entierement
 Pour mes ennemis à iamais.
 O Dieu, pren mon cœur, & le mets
 A l'espreuue, afin de cognoistre
 Entierement quel il peut estre.

Fay l'experience de moy,
 Sonde bien mon cœur, & le voy:
 Voy si ie me suis arresté
 Au chemin de meschanceté.
 Mais ta bonté, où ie me fonde,
 Me guide és sentiers de ce monde.

David ayant fait sa complainte de la malice & cruauté de ses ennemis, demande d'estre subuenu par la main de Dieu: & puis s'assure de n'estre point frustré.



O Dieu, donne-moy deliurance De cest hom-
me perni ci eux, Preserue-moy de la nuissance De
cest homme ma li ci eux.

Lui & les siens qui le ressemblent,
Brassent en leur cœur mille maux,
Et me preparent & assemblent
Tous les iours combats tous nouueaux.

Leurs fausses langues outrageuses
Ils affilent comme vn serpent,
Et sous leurs leures venimeuses
Venin de viperes s'espand.

Garde-moy de la main cruelle
Du meschant, preserue mes pas
De l'outrageux, qui par cautelle
Me veut precipiter en bas.

Les orgueilleux m'ont par finesse
Leurs pieges & rets estendus,
Et par la voye où ie m'adresse,
Leurs trebuschets ils ont tendus.

Lors j'ay dit en ferme fiance,

Tu es mon Dieu, ô Eternel:
 Vueilles ottroyer audience
 A ma clameur, Dieu supernel.

Dieu mon Maistre, & mes fortes armes,
 Pour me garder en tout meschef,
 C'est toy qui au iour des alarmes
 As couuert & muni mon chef.

N'ottroye aux meschans qui me grêtent,
 Seigneur, l'effet de leurs desirs,
 Et ne souffre point qu'ils s'esleuent,
 Amenant à fin leurs plaisirs.

Le chef de ceste compagnie
 Qui m'encloist puisse receuoir
 Sur soy l'ennui & fascherie,
 Que sa langue m'a fait auoir.

Charbons leur tombent sur la teste,
 Dieu les abyfme tellement
 Par sa foudroyante tempeste,
 Qu'ils n'en releuent nullement.

L'homme peruers en son langage,
 Sur terre establi ne fera:
 L'homme adonné à faire outrage,
 Le mal qu'il fait le chassera.

Ie say que Dieu fera iustice
 A celui qui est affligé,
 Et qui fait au pource iniustice,
 Vn iour par lui sera iugé.


Pour vray ton Nom plein d'excellence,

Seigneur,

Seigneur, les iustes chanteront,
Et pour iamais en ta presence
Les droituriers habiteront.

PSEAUME CXLI. TH DE BE.


David estant fort & iniustement affligé, demande à Dieu d'estre fortifié & consolé en patience: & apres auoir cōceu vn tel espoir, le requiert de faire vengeance de ses ennemis.



Seigneur, à toy ie m'esorte, Plaise-toy don-



ques te haster, Et vueille ma voix escouter: Car c'est toy



qu'en criant ie prie.

Mon oraison à toy se rende
Comme le parfum de l'encens:
Reçoy mes mains que ie te tens,
Ainsi que du vespre l'offrande.

Serre, Seigneur, en telle sorte
De mes deux leures tout l'enclos,
Et retien leur guichet tout clos
Si fermement que mal n'en sorte.

N'encline-point mon cœur aux vices,
Pour commettre meschanceté
Avec ces gens d'iniquité,
Ou pour goustier de leurs delices.

Que sur moy le iuste tempeste,
Si me fera-il tousiours doux,
Et non plus que baume les coups

Iamais ne blesseront ma teste.

Mais quoy? encores quelque espace,
Et ie veray ces mal-heureux
Si miserables, que pour eux
Il faudra que priere face.

Quand leurs gouuerneurs execrables
Du haut en bas seront iettés,
Lors seront mes dicts escoutés,
Comme benins & amiables.

Comme en fendant ou bois ou pierre,
Tout vole en pieces & morceaux:
Ainsi tout ioignant nos tombeaux
Nos os espars gisent par terre.

Mon Dieu, quelqu'assaut qu'on me baille,
Le tien mes yeux fichés sur toy,
Tu es mon espoir & ma foy,
Ne permets que le cœur me faille.

Garde-moy d'estre pris au piege.
Que ces mal-heureux m'ont rendu,
Et du rets que m'a estendu
La fausse bande qui m'assiege.

Mais le Seigneur d'un coup attrappe
En ces filez tous ces peruers,
Et cependant tout au trauers,
Voire sain & sauf, l'en eschappe.

David estant surpris par Saul en la caverne où il setenoit caché, a son refuge à Dieu, cōme vn homme esperdu, sinon qu'il fust gardé de lui miraculeusemēt, comme s'il estoit retiré du sepulchre.

'Ay de ma voix à Dieu crié, l'ay de ma voix
mon Dieu prié, l'espan tout mon cœur deuant lui, Et
lui declare mon ennui.

Quoy qu'en moy de douleur espris
S'enveloppent tous mes esprits,
Tu fais l'endroit par où ie doy
Sortir des lieux où ie me voy.

Par les chemins où i'ay passé,
Leur trebuschet ils m'ont dressé:
Et quand çà & là i'ay tout veu,
Nul ami ne m'a recognu.

Bref, tout moyen me semble osté
D'eschapper de quelque costé,
Et ne se peut vn seul trouuer
Qui ait souci de me sauuer.

Seigneur, ie t'adresse mon cri,
Tu es mon espoir, ie le di:
En tout le monde n'y a rien,
Fors que toy, où gise mon bien.

Enten ma clameur: car ie suis
Tant accablé que plus n'en puis:
Garde-moy des malicieux

Qui sont sur moy victorieux.

Tire-moy de ceste prison,
Afin que ie chante ton Nom:
Et les bons m'enironneront
Quand en moy tes biens ils verront.

PSAUME CXLIIL. CL. MA.

C'est la priere qu'il fit, quand par crainte de Saul il se cacha en vne fosse, où il se
tendoit d'estre pris, dont il estoit en grande angaille.

S Eigneur Dieu, oy l'oraison miene, Iusqu'à tes
aureilles paruiene Mon humble supplication: Selon la
vraye merci tiene, Respon-moy en affliction.

Avec ton seruiteur n'estriue,
Et en plein iugement n'arriue,
Pour ses offenses lui prouuer:
Car devant toy homme qui viue,
Iuste ne se pourra trouuer.

Là! mon ennemi m'a fait guerre;
A prosterné ma vie en terre:
Encor ne lui est pas assez:
En obscure fosse m'enferme
Comme ceux qui sont trespassez.

Dont mon ame ainsi empresse,
De douleur se trouue oppresse,

Cuidant

Cuidant que m'as abandonné:
 Pen sen dedans moy ma penſee
 Troublee, & mon cœur eſtonné.

En ceſte foſſe obſcure & noire,
 Des iours paflez i'ay eu memoire:
 Là i'ay tes œuvres meditez:
 Et pour confort conſolatoire,
 Les ſaiſts de tes mains recitez.

Là dedans à toy ie ſouſpire,
 A toy ie ten mes mains, ô Siré,
 Et mon ame en ſa grand' clameur
 A ſoiſ de toy, & te deſire
 Comme ſeche terre l'humeur.

**

**

Haſte-toy, ſoy'-moy ſecourable:
 L'eſprit me faut, de moy damnable
 Ne cache ton viſage beau:
 Autrement ie m'en vay ſemblable
 A ceux qu'on deuale au tombeau.

Fay-moy donc ouir de bonne heure
 Ta grace, car en toy m'aſſeure,
 Et du chemin que tenir doy,
 Donne-moy cognoiſſance ſeure:
 Car i'ay leué mon cœur à toy.

O Seigneur Dieu mon eſperance,
 Donne-moy pleine deliurance
 De mes pourſuiuans ennemis:
 Puis que chez toy pour aſſurance,
 Je me ſuis à reſuge mis.

Enseigne-moy comme il faut faire
 Pour bien ta volonté parfaire,
 Car tu es mon vray Dieu entier:
 Fay que ton Esprit debonnaire
 Me guide & mene au droit sentier.


O Seigneur, en qui ie me fie,
 Restaure-moy, & viuifie,
 Pour ton Nom craint & redouté:
 Retire de langueur ma vie,
 Pour monstrier ta iuste bonté.

Tous les ennemis qui m'assaillent,
 Fay par ta merci qu'ils defaillent:
 Et ren confondus & destruits
 Tous ceux qui ma vie trauaillent:
 Car ton humble seruiteur suis.

PSEAVME CXLIIII. TH. DE BE.

Dauid en magnifiant la bonté de Dieu enuers soy & tous fideles, demande d'estre preserue de ses ennemis: puis il promet de lui en rendre action de graces, s'asseyant que Dieu fera tousiours croistre son peuple en prosperité.

L Oué soit Dieu, ma force en tous alarmes, Qui
 duit nos mains à manier les armes, Et red mes doigts
 habiles aux cōbats: Sa grād' bonté est sur moy haut &
 bas. C'est mon chasteau, mon roc, ma deliurance. C'est
 mon



Qu'est-ce de l'homme, ô Dieu, & de son estre,
Que ta bonté le daigne recognoistre?
Qu'est-ce de l'homme & de sa race aussi,
Pour l'estimer digne de ton souci?

Tout bien conté, l'homme est si perissable,
Qu'il n'est à rien qu'à vn rien comparable,
Et les beaux iours, tous apparens qu'ils sont,
Soudain, & tost comme vn' ombre s'en vont.

Baïsse, Seigneur, tes hauts cieux pour descendre,
Frappe les monts, fay les fumer & fendre,
Lance l'esclair, dissipe ces peruers,
Lasche tes traits, romp-les tout au trauers.

Ten-moy d'enhaut ta main, qui me deliure
De ces grand's eaux: ren-moy sain & deliure,
D'entre les mains & terribles dangers
De ces enfans bastards & estrangers.

Car de leur bouche ils ont dit menterie,
Et leur main est la main de tromperie.
Chanson nouuelle, ô Dieu, ie te diray,
Sur harpe & lut ton los i'entonneray.

C'est toy, ô Dieu, qui sauues & qui gardes
Les Rois puissans: c'est toy qui contregardes
Dauid ton serf de ces glaïues trenchans

Qu'auoyent sur lui desgainé les meschans.

Delivre-moy, & de ces mains me garde
De ceste race estrangere & bastarde:
Car de sa bouche elle a dit fausseté,
Et sa main est la main de lascheté.

Nos fils, Seigneur, soyent ainsi que les plantes
Dés leur tendreur robustes & puissantes:
Nos filles soyent des piliers hauts & droits,
Tels qu'on peut voir aux maisons des grans rois.

De tous anglets toutes especes sortent:
Quant aux brebis, par milliers elles portent,
Et du bestail puissent les legions
Par les cités aller par millions.


Nos bœufs puissans tirent tout à leur aise:
En nos cités n'y ait aucun mesaise,
Ne soit besoin de sa maison sortir,
Nul cri d'effroy n'y puisse retentir.

O bien-heureux le peuple à qui Dieu donne
Tranquillité si heureuse & si bonne!
Heureux pour vray se peut bien renommer,
Qui pour son Dieu l'Eternel peut nommer.


PSEAVME CXLV. TH. DE BE.

Le Prophete presche ici la gloire de Dieu, tant en toute la creation du monde, qu'en
soin paternel qu'il a du genre humain, & sur tout de ceux qui se fient & reposent en lui,
& y ont leur recours.


M On Dieu mon Roy, haut ie t'esleueray, Et
to saint Nom sans fin ie beniray: Je vueil ton los cha-
cun




cū iour publier, Et pour iamais tō Nom glo ri fi er. Le



Seigneur est tresgrand & admirable, Et sa grādeur n'est



à nous cōprenable: De pere en fils ses faits on magni-



fi e, Et sa puissance entr'iceux se publie.

Penser ne vueil qu'à la gloire & splendeur
De ta hauteſſe, & à ceſte grandeur
Dont va parlant, ô Dieu tres-glorieux,
Tout ton ouurage exquis & merueilleux.

Tes ſaiçts, Seigneur, portent ſeur teſmoignage
De ta puissance en maint terrible ouurage:
Moy donc auſſi ſeray deuoir ſans ceſſe,
De celebrer avec eux ta hauteſſe.

Du ſouuenir de ta bonté, Seigneur,
Chacun d'iceux eſt tres-prompt enſeigneur,
Et tout le cours par eux nous eſt conté
De ta conſtance & ferme loyauté.

Dieu eſt benin, & de douceur immense,
Tardiſ à ire & tout plein de clemence,
Doux enuers tous, & ſur toute ſon œuure
Ses grand's pitiés à toute heure il deſcœuure.

Or donc, Seigneur, tout ce que tu as fait
Te donne los d'un ouurier tout parfait:
Mais entre tout l'ouvrage de tes mains,
Tu es benit, & loué de tes saints.

De ton royaume ils annoncent la gloire,
Et publians ta puissance notoire,
A tous humains ta force ils font cognoistre,
Et la grandeur de ton regne apparoitre.

Ton regne, ô Dieu, est un regne à tousiours,
Et ton empire à iamais a son cours:
Ta main soustient ceux qui s'en vont tomber,
Releue ceux qu'on voit ia succomber.

A toy, Seigneur, s'attend ta creature,
Et en son temps tu lui donnes pasture:
Ouvrant ta main, par ta faueur tresgrande,
Tous animaux tu fournis de viande.

Le Seigneur est tresiuste en tous ses faits,
Et tres-benin és œuures qu'il a faits.
Il est prochain de celui qui le quiert,
Et d'un vray cœur l'inuoque & le requiert.

A ceux qui l'ont en crainte & reuerence,
De leurs desirs donra l'experience:
A leurs clameurs l'aureille il viendra tendre,
Et de tous maux les garder & defendre.

Dieu pour certain garde tous ses amis,
Et destruira ses peruers ennemis.
Ma bouche donc sa louange dira,
Et toute chair sans fin le benira.

Le Prophete recognoissant la fragilité des homes, enseigne qu'il n'est que de se fier en Dieu & s'y arrester: adioutant qu'il ne défaut iamais à ceux qui l'inuoquent, afin de prouoir à leurs necessités.

S Vs, mon ame, qu'on benie Le Souuerain: car il
 faut Tāt que durera ma vie, Que ie louë le Treshaut:
 Et tant que ie dureray, Pseaumes ie lui chanteray.

Ne mettez vostre assurance
 En nul Prince terrien,
 N'ayez en l'homme esperance,
 Qui au besoin ne peut rien.
 Quand son souffle s'en ira,
 En terre il retournera.

Avec lui mainte entreprise
 S'esuanouira soudain.
 Heureux auquel fauorise
 Du Dieu de Iacob la main,
 Et qui a pour tout secours
 A l'Eternel son recours.

C'est lui qui par sa puissance
 A fait la terre & les cieux,
 Et la mer, & l'abondance
 De ce qui est en iceux:
 Et maintient sa verité
 Iusqu'à perpetuité.

^{**}Ceux ausquels on fait iniure
 Il vient defendre d'en-haut:
 Il donne à ceux nourriture
 Ausquels le viure defaut,
 Et par lui sont desliés
 Ceux qu'on tenoit bien liés.

A ceux-la qui rien ne voyent
 L'Eternel donne des yeux,
 De redresser ceux qui ployent
 L'Eternel est curieux:
 L'Eternel aime & soustient
 Qui iustement se maintient.


L'Eternel dessous sa garde
 Defend le poure estranger:
 Garentit & contregarde
 L'orphelin en tout danger:
 Et donne aux vefues confort,
 Gardant qu'on leur face tort.


Les meschans il fait destruire,
 Et renuerfer tous leurs tours:
 L'Eternel en son empire
 Est permanent à tousiours.
 Sion, ton Dieu voirement
 Demeure eternellement.

PSEAVME CXLVIII.


TH. DE RE.

Au commencement il declare puis que Dieu a basti son Eglise, qu'il rassemblera son peuple dissipé: puis il met en auant les graces qu'il fait tant aux bestes qu'aux hommes: mesme que son naturel est. d'auoir pitié des pources affligés qui defaillent: & le tout pour confermer les fideles en bonne esperance.


L 
 Ôuez Dieu, car c'est chose bonne Qu'à nostre
 Dieu




Dieu louage on done: C'est, di- ie, vne chose plaisante



De le louer, & bien seante. Puis que c'est lui qui de sa



grace Sa Ierusalem a bastie, Il conuient aussi qu'il ra-



masse Sa gent ça & là departie.

Il guerira ceux qui defaillent
Pour les grans maux qui les trauaillent,

Et mettra dessus leurs blessures,

Bonnes medecines & seures.

Car il fait mesmes des estoilles.

Entierement toute la somme,

Et n'y a pas vne d'icelles

Que selon leurs noms il ne nomme.

Pour vray nostre Seigneur & Maistre

Est le plus grand qui pourroit estre,

Et d'une force tres-immense,

Et d'une infinie prudence.

L'Eternel conforte & soulage

Ceux qu'affliction tient en serre,

Et des meschans toute la rage

Rabaisse, & renuerse par terre.

Sus donc, que la louange on die,
 Qu'à nostre Dieu on Psalmodie,
 Qui remplit le ciel de brouees,
 Et le couure tout de nuees:

Et puis la pluye goutte à goutte
 Dessus les terres en degoute,
 Pour faire croistre les herbages,
 Jusques és monts les plus sauages.

**

**

Au bestail il donne pasture,
 Aux corbillats leur nourriture,
 Craquetans en leur nid sans cesse,
 De nécessité qui les presse.

Dieu ne prend plaisir à la taille
 D'un fort cheual pour la bataille:
 La jambe viste & diligente
 D'un coureur, point ne le contente:

Mais il prend son esiouissance
 En ceux qui craignent sa puissance,
 Et qui totalement dependent
 De sa clemence qu'ils attendent.

Toy Ierusalem cité sainte,
 Celebre l'Eternel en crainte,
 Et de ton Dieu, Sion la belle,
 Chante la louange immortelle.

Car c'est lui qui munit tes portes
 De verroux & barres tres fortes:
 Et mesme au milieu de tes places
 Fournit tes enfans de ses graces.

C'est lui qui par les exercites

Nourrit la paix en tes limites:
C'est lui qui t'emplit & engraisse
De tout le plus beau blé qui naisse.

C'est lui qui sa Parole enuoye
Par la terre, & soudain en voye
On voit courir deuant sa face
Son dire tout plein d'efficace.

C'est lui qui couure mont & plaine
De neige aussi blanche que laine,
Et qui vient la bruine espandre
Tout aussi menu comme cendre.

C'est lui par lequel sont lances
A gros billots les eaux glacees:
Et qui fera de peau si dure
Qu'il puisse attendre sa froidure:
Mais la glace est soudain fondue
Qu'elle a sa Parole entendue,
Et dès la premiere soufflée
De son vent, l'eau est escoulee.


Quoy plus? c'est lui qui manifeste
A Iacob son vouloir celeste,
Et de toute siene ordonnance
Donne à Israel cognoissance.

Tous peuples du monde habitable
N'ont pas vn traitement semblable,
Car ses ordonnances sacrees
Il ne leur a point declarees.

PSEAVME CXLVIII. TH. DE BE.

Exhortans les creatures à louer Dieu, il commence aux Anges, puis il vient au soleil,
aux bestes, pluyes & vents, montagnes, arbres: finalement il descend aux hommes, en y
comprehendant les Rois & Princes. La conclusion est de sa bonté speciale envers l'Eglise.

A. iiii.



Nom, Estoilles, chantez son renom:

Louëz-le, vous cieux les plus hauts,
 Louëz-le, nues pleines d'eaux:
 Bref, tout l'ouurage supernel
 Louë le Nom de l'Eternel.

Car apres sa parole dite,
 Ceste œeuure fut faite & construite,
 Et le tout il a mesuré
 D'un cours à tousiours assure.

Il en a fait vn mandement
 Qui se garde infalliblement.
 Baleines aussi avec eux,
 Louëz-le au profond de vos creux.

Feux, gresse, neige, & glaces froides,
 Vents de tempeste forts & roides,

Executans sa volonté,
Preschez le los de sa bonté.


Louëz son Nom, monts & costaux,
Arbres fructiers, Cedres tref-hauts,
Bestes sauuages sans raison,
Et tout bestial de maison,
Bestes sur la terre rempantes,
Bestes parmi le ciel volantes,
Rois & peuples de toutes parts,
Princes & gouuerneurs espars:

Filles, enfans, ieunes, & vieux,
Chantez son los à qui mieux mieux:
Car son seul Nom est haut leué,
Et sur terre & cieux esleué.


De ses saints la corne a haussée,
Dont leur louange est auancee:
D'Israel, di-ie, par expres,
Peuple qui lui touche de pres.

PSEAVME CXLIX. TH. DE BE.


Exhortation à louer Dieu pour les victoires qu'il a donnees à son peuple, selon sa promesse.



Chantez à Dieu chanson nouuelle, Et sa louan-




ge solennelle Des bons parmi la compagnie Main-



tenâr soit ouye. Israel s'esgayc en son cœur De l'Eternel son



createur: Et d'un tel Roy soyent triomphans De Sion



les enfans.

Son Nom sur la fleuste s'entonne,
Qu'au tabour chansons on lui sonne,
Et dessus la harpe accordante
Sa louange se chante.

Car Dieu en sa gent prend plaisir,
Laquelle il a voulu choisir,
Et les petis honorera
Des biens qu'il leur fera.

Vn iour auront ses debonnaire
Plaisirs & ioyes ordinaires,
Voire en leurs lits chanter de ioye
Il faudra qu'on les oye.

De Dieu en leur gosier auront
Les Louanges, & porteront
Dedans leur main, chantant leurs chants,
Vn glaue à deux trenchants:


Afin de destruire & deffaïre
Toute nation aduerfaire,
Et punir leur outrecuidance
D'une iuste vengeance:

Voire pour mener prisonniers
Leurs Rois & Princes les plus fiers,
Et dedans leurs ceps bien serrés,


Les tenir enferrés:

En les punissant de la sorte
Que leur sentence escrete porte.
Telle est de ses saints l'excellence,
Et la magnificence.


Exhortation à prescher la gloire de Dieu en general avec tous instrumens de Musique.




R soit loué l'Eternel De son saint lieu super-



nel, Soit, di-ie, tout hautement Loué de ce firmament



Plein de sa magnificence. Louéz-le tous ses grâs faits,



Soit loué de tant d'effets, Tesmoins de son excelléce.

Soit ioint aueques la voix

Le plaissant son de haut-bois,

Psalterions à leur tour,

Et la harpe, & le tabour

Haut sa louange resonnent.

Phifres esclattent leur ton,

Orgues, musette, & bourdon

D'un accord son los entonnent.

Soit le los de sa bonté

Sur les cymbales chanté,

LES COMMANDEMENTS

Qui de leur son argentin
Son Nom sans cesse & sans fin
Facent retentir & bruire.
Bref, tout ce qui a pouuoir
De souffler & se mouuoir,
Chante à iamais son empire.

RIN DES PSEAVMES.



LES COMMANDEMENTS

DE DIEV. CL. MA.

EXODE XX.

L Eue le cœur, ouure l'aureille, Peuple endure-
ci, pour escouter De ton Dieu la voix nompareil le,
Et ses Commandemens gouster.

Je suis, dit-il, ton Dieu celeste,
Qui t'ay retiré hors d'esloy,
Et de seruitude moleste,
Tu n'auras autre Dieu que moy.

Tailler ne te feras image
De quelque chose que ce soit:

Sihon-

Si honneur lui fais & hommage,
Ton Dieu ialousie en reçoit.

En vain son Nom tant venerable
Ne iureras, car c'est mespris:
Et Dieu ne tiendra inculpable
Qui en vain son Nom aura pris.

Six iours trauaille, & au septieme
Sois du repos obseruateur,
Toy & les tiens: car ce iour mesme,
Se reposa le Createur.




Honneur à pere & mere porte,
Afin de tes iours allonger
Sur la terre qui tout apporte,
Là où Dieu t'a voulu loger.

D'estre meurtrier ne te hazarde.
Mets toute paillardise au loin.
Ne sois larron donne-t'en garde.
Ne sois menteur, ne faux tesmoin.

De conuoiter point ne t'aiuene
La maison, ne femme d'autrui,
Son seruant ne la beste siene,
N'aucune chose estant à lui.

O Dieu, ton parler d'efficace
Sonne plus clair que fin alloy:
En nos cœurs imprime la grace
De t'obeir selon ta Loy.

LE CANTIQUE DE SI-
MEON. CL. MA.


O R laiffes, Createur, En paix ton feruiteur, En

fuiuant ta promesse: Puis que mes yeux ont eu Ce

credit d'auoir veu De ton salut l'adrefse.

Salut mis au deuant
De tout peuple viuant,
Pour l'ouir & le croire:
Reffource des petis,
Lumiere des Gentils,
Et d'Israel la gloire.

LOVE SOIT DIEU.



L A
T A B L E D E S
P S E A V M E S, S E-
L O N L' O R D R E D E
l' A l p h a b e t h.

A



Dieu ma Pseau. lxxvii
Ainsi qu'on oit le xlii
Alors qu'affliction cxx
Alors que de ca. cxxvi
Après auoir const. xl

A toy mon Dieu, mon cœur xxv
A toy, ô Dieu, qui es là haut cxxiii
Avec les tiens, Seigneur, tu as lxxv
Aux paroles que ie vueil dire v
Aye pitié, aye pitié de moy lvii

B

Bien-heureuse est la personne cxix
Bien-heureux est quicon. cxxviii

C

C'est en sa tressainte cité xlviii
C'est en Iudee proprement lxxvi
Chantez à Dieu chançon nou. xcvi
Chantez à Dieu chançon cxlix
Chantez à Dieu nouveau xcvi
Chantez à Dieu le renom cxxxv
Chantez gayement lxxxi

D

Deba contre mes debateurs xxxv
Dès ma ieunesse ils m'ont cxxix
Dès qu'aduersité nous offense xlv
De tout mon cœur t'exalteray ix
Dieu nous soit doux & lxxvii
Dieu est assis en l'assemblée lxxxii
Dieu, pour fonder son tref. lxxxvii
Di-moy, mal-heureux, qui te fies lii
Donne secours, Seigneur, il en xii
Donnez au Seigneur gloire: cvii
D'où vient cela, Seigneur, ie te x
D'où vient, Seigneur, que tu lxxiiii
Du fons de ma pensée, cxxx
Du malin le méchant vou. xxxvi
Du Seigneur les bontés sans lxxxix
Du Seigneur Dieu en tous cxi

E

Enfans qui le Seigneur ser. cxiii
Enten à ce que ie crie lxi
Enten à ce que ie vueil dire lxiii
Entre-vous conseillers, qui lviii
Estans assis aux riuies aqua. cxxxvii
Exauce, ô mon Dieu, ma priere lv

H

Helas, Seigneur, ie te prie sauue lxix

I

I'aime mon Dieu: car lors que cxvi
Jamais ne cesseray xxxviii
I'ay de ma voix à Dieu crié cxlii
I'ay dit en moy, De pres ie xxxix
I'ay mis en toy mon esperance xxxi
I'ay mis en toy mon esperance lxxi
Ie t'aimeray en toute obeiss. xviii
Il faut que de tous mes cxxxviii
Incontinent que i'eu ouy, cxxii
Iusques à quand as establi xiii

L

Là s'en ta fureur aigue xxxviii
La terre au Seigneur appar. xliiii
Le Dieu, le Fort, l'Eternel parlera l
Le fol malin en son cœur dit xliiii
Le fol malin en son cœur dit liii
L'Eternel est regnant xcvi
Les cieus en chacun lieu xix
Les Gens entrez sont en ton lxxix
Le Seigneur ta priere entende xx
Le Seigneur est la clarté qui xxvii
L'Omnipotent à mon Seig. cx
Loué soit Dieu ma forteresse cxliiii
Louez Dieu, car il est bonin cvi
Louez Dieu tout hautement cxxxvi
Louez Dieu: car c'est chose cxlvii

M

Misericorde au pource vieieux li
Misericorde à moy pource affligé lvi

Mon ame en Dieu tant seule.	lxii	P	
Mon cœur est dispos, ô mon	eviii	Peuples oyez, & l'aureille	xliv
Mon Dieu, i'ay en toy esperan.	vii	Pourquoy font bruit, & s'assem.	ii
Mon Dieu, mon Dieu, pour.	xxii	Propos exquis faut que de mon	xlvi
Mon Dieu me paist sous sa	xxiii	Q	
Mon Dieu, l'ennemi m'enuir.	lix	Quand ie t'inuoque, helas,	iiii
Mon Dieu, preste-moy l'au.	lxxxvi	Quand Israel hors d'Egypte	cxliii
Mon Dieu, mon Roy, haut ie	cxlv	Que Dieu se monstre seule.	lxviii
N		Qui au conseil des malins n'a	i
Ne sois fasché si durant ceste	xxxvii	Qui en la garde du haut	xc
Ne vueille pas, ô Sire,	vi	Qui est-ce qui conuertera	xv
Non point à nous, non point	cxv	R	
O		Rendez à Dieu louange &	cxviii
O bien-heureuse la personne.	cxii	Refueillez-vous chacun si.	xxxiii
O bien-heureux celui dont	xxxii	Reuenge-moy, pren la quere.	xlvi
O bien-heureux, qui iuge	xli	S	
O combien est plaisant &	cxxxiii	Seigneur Dieu, oy l'oraison	cxlii
O Dieu des armées, combien	lxxxiiii	Seigneur, enten à mon bon	xvii
O Dieu, donne-moy deliurance	cxl	Seigneur, enten ma requeste.	cii
O Dieu Eternel, mon Sau.	lxxxviii	Seigneur, garde mon droict	xxvi
O Dieu, ie n'ay Dieu fors que	lxiii	Seigneur, ie n'ay point le	cxxxi
O Dieu, la gloire qui t'est deue.	lxv	Seigneur, le Roy s'eslicuira.	xxi
O Dieu, mon honneur & ma	cix	Seigneur, puis que m'as retiré	xxx
O Dieu, ne sois plus à recoy.	lxxxiii	Si est-ce que Dieu est tref.	lxxiii
O Dieu, où mon espoir i'ay mis	lxx	Sois-moy, Seigneur, ma garde	xvi
O Dieu, qui es ma forteresse	xxviii	Sois ententif, mon peuple,	lxxviii
O Dieu, qui nous as deboutez.	lx	Sus, esgayons-nous au Seig.	xcv
O Dieu tout-puissant, sauue	liiii	Sus, louez Dieu, mon ame, en	cii
O Dieu, qui cognois qui ie	cxxxix	Sus, mon ame, qu'on benie.	cxli
O Eternel, Dieu des vengean.	xciii	Sus, qu'un chacun de nous sans	cv
On a beau sa maison bastir	cxxvii	Sus, sus, mon ame, il te faut dire	ciii
O nostre Dieu, & Seigneur	viii	T	
O Pasteur d'Israel, escoute.	lxxx	Tes iugemens, Dieu verita.	lxxii
O que c'est chose belle.	xcii	Tout homme qui son espe.	cxv
Or auons-nous de nos au.	xlvi	Toutes gens louez le Seig.	cxvii
Or est maintenant	xcix	Tu as esté, Seigneur, nostre ret.	xc
Or peut bien dire Israel	cxxiiii	V	
Or soit loué l'Eternel.	cl	Vers les monts i'ay leué mes	cxvi
Or sus, louez Dieu tout le	lxvi	Veu que du tout en Dieu mon	xi
Or sus, seruiteurs du Seig.	cxxliii	Vouloir m'est pris de mettre	ci
Or sus tous humains.	xlvi	Vous tous Princes & Seig.	xxix
O Seigneur, à toy ie m'escrie.	cxli	Voustous qui la terre habitez.	c
O Seigneur, loué fera.	lxxv	Vous tous les habitans des	cxlviii
O Seigneur, que de gens.	iii	Vueille, Seigneur, estre.	cxxxi



L A

FORME DES PRIE- RES ECCLESIASTIQUES.

Les iours ouriers le Ministre fait telle exhortation à prier que bon lui semble, l'accommodant au temps, & à la matiere qu'il traite en sa predication.

Pour les Dimanches au matin, on use communement de la forme qui s'ensuit.

PRIERE.

Notre aide soit au Nom de Dieu, qui a fait le ciel
& la terre, Amen.

EXHORTATION.

Mes freres, qu'un chacun de vous se presente de-
uant la face du Seigneur, avec confession de ses
fautes & pechez, suivant de son cœur mes paroles.

CONFESSION.

Seigneur Dieu, Pere eternal & tout-puissant,
nous confessons & recognoissons sans feintise
deuant ta sainte Maesté, que nous sommes po-
ures pecheurs, conceus & nais en iniquité & corruptiō,
enclins à mal-faire, inutiles à tout bien: & que de nostre
vice nous trāsgressons sans fin & sans cesse tes saints Cō-
mandemens: enquoy faisant nous acquerons par ton iu-
ste iugement ruine & perdition sur nous. Toutefois, Sei-
gneur, nous auons desplaisir en nousmesmes de t'auoir
offensé, & condamnons nous & nos vices, avec vraye re-
pentance, desirans que ta grace subuiene à nostre ca-
lamité.

Vueille donques auoir pitié de nous, Dieu & Pere
tres-benin & plein de misericorde, au nom de ton Fils
Iesus Christ nostre Seigneur. Et en effaçant nos vices &

macules, eſlargi-nous & augmente de iour en iour les graces de ton ſaint Eſprit, afin que recognoiſſans de tout noſtre cœur noſtre iniuſtice, nous ſoyons touchez de deſplaiſir qui engendre droite penitence: laquelle nous mortifiant à tous pechez, produiſe fruits de iuſtice & innocenté, qui te ſoyēt agreables, par icelui Ieſus Chriſt, &c.

Cela fait, on chante en l'aſſemblee quelque Pſeume: puis le Miniſtre commence de rechef à prier, pour demander à Dieu la grace de ſon ſaint Eſprit, afin que ſa Parole ſoit fidelement expoſée à l'honneur de ſon Nom & à l'edification de l'Egliſe, & qu'elle ſoit receue en telle humilité & obeiſſance qu'il appartient.

La forme eſt à la diſcretion du Miniſtre.

En la fin du ſermon, le Miniſtre, apres auoir fait les exhortations à prier, commence en ceſte maniere,

Dieu tout-puiſſant, Pere celeſte, tu nous as promis de nous exaucer en nos requestes que nous te ferions au nom de ton Fils Ieſus Chriſt bien-aimé noſtre Seigneur: & auſſi nous ſommes inſtruits par la doctrine de lui & de ſes Apoſtres, de nous aſſembler en ſon Nom avec promeſſes qu'il ſera au milieu de nous, & qu'il ſera noſtre Interceſſeur enuers toy, pour impetrer toutes choſes dont nous conſentirons ſur la terre.

Premierement, nous auons ton commandement de prier pour ceux que tu as conſtituez ſur nous ſuperieurs & gouuerneurs: en apres pour toutes les neceſſitez de tō peuple, & meſme de tous hommes. Parquoy, en confiânce de ta ſainte doctrine, & de tes promeſſes, d'autant que deuant ta face, & au Nom de ton Fils noſtre Seigneur Ieſus, nous ſommes ici congregez, nous te ſupplions affectueuſement, noſtre bon Dieu & Pere, au Nom de noſtre Sauueur vnique, & Mediateur, vueille-nous par ta clemence infinie gratuitement pardonner nos offenſes, & tellement attirer & eſleuer à toy nos penſées & nos deſirs, que de tout noſtre cœur nous te puiſſions requie-

rir, voire selon ton bon plaisir & volonté, laquelle seule est raisonnable.

Nous te prions donc, Pere celeste, pour tous Princes & Seigneurs tes seruiteurs, auxquels tu as commis le regime de ta iustice: & singulierement pour les Seigneurs de ceste Cité, qu'il te plaise leur communiquer ton Esprit seul bon & vrayement principal, iournellement leur augmenter: tellement que recognoissans en vraye Foy Iesus Christ tō Fils nostre Seigneur, estre le Roy des rois, & Seigneur sur tous seigneurs, cōme tu lui as donē toute puisſāce au ciel & en terre, ils cerchēt de le seruir, & exalter son regne en leur dominatiō, gouuernās leurs ſuiets, q̄ sont les creatures de tes mains, & brebis de ta pasture, selō ton bō plaisir: afin que tāt ici q̄ par toute la terre, estās maintenus en bōne paix, nous te seruiōs en toute sainteté & hōnesteté: & estās deliurez de la crainte de nos ēnemis, te puisſiōs rēdre louāge en toute nostre vie.

1. Tim. 6.
Apo. 17

Mat. 28.

Aussi nous te prions, Pere veritable & Sauueur, pour tous ceux que tu as ordonnez Pasteurs à tes fideles, & auxquels tu as commis la charge des ames & la dispensation de ton sacré Euangile: que tu les conduises par ton S. Esprit, afin qu'ils soyent trouuez fideles & loyaux Ministres de ta gloire: ayans tousiours ce but, que toutes les pources ouailles esgarées soyent recueillies & reduites au Seigneur Iesus Christ, principal Pasteur & Prince des Euesques: afin q̄ de iour en iour elles profitēt & accroissent en lui à toute iustice & sainteté. D'autre part, vueille deliurer toutes tes Eglises de la gueule des loups rauissants & de tous mercenaires, qui cherchent leur ambition ou profit, & non point l'exaltation de ton saint Nom tant seulement, & le salut de ton troupeau.

1. Pier. 5.

Après nous te prions, Dieu tresbenin & Pere misericordieux, pour tous hommes generalemēt, que cōme tu veux estre recognu Sauueur de tout le monde, en la redemption faite par ton Fils Iesus Christ, que ceux qui sont encores estranges de sa cognoissance, estans en tenebres & captiuité d'erreur & ignorance, par l'illumination de ton saint Esprit, & la predication de ton Euan-gile, soyent reduits à la droite voye de salut, qui est de te recognoistre seul vray Dieu, & celui que tu as enuoyé Iesus Christ: que ceux que tu as desia visitez par ta grace, & illuminez par la cognoissance de ta Parole, croissent iournellement en bien, estans enrichis de tes benedictions spirituelles: afin que tous ensemble t'adorions d'un cœur & d'une bouche, & donnions honneur & hommage à ton Christ, nostre Maistre, Roy, & Legislatteur.

Pareillement, ô Dieu de toute consolation, nous te recommandons tous ceux que tu visites & chasties par croix & tribulation: les peuples que tu affliges par peste, ou guerre, ou famine: les personnes batues de pourteté, ou prison, ou maladie, ou bannissement, ou autre calamité de corps, ou affliction d'esprit, que tu leur vueilles faire entendre ton affection paternelle, qui est de les chastier pour leur amendement: afin que de tout leur cœur ils se convertissent à toy: & estans conuertis, reçoivent entiere consolation, & soyent deliurez de tous maux.

Singulierement nous te recommandons tous nos pources freres qui sont dispersez sous la tyrannie de l'Antechrist, estans destituez de la pasture de vie, & priuez de la liberté de pouuoir inuoker publiquemēt ton Nom:
mesme

mesme qui sont detenus prisonniers, ou persecutez par les ennemis de ton Euangile, qu'il te plaise, ô Pere de grace, les fortifier par la vertu de ton Esprit, tellement qu'ils ne defaillent iamais, mais qu'ils persistent constamment en ta sainte vocation: les secourir, & leur assister comme tu cognois qu'il en est besoin, les consoler en leurs afflictions, les maintenir en ta garde cõtre la rage des loups, les augmenter en tous les dons de ton Esprit, afin qu'ils te glorifient tant en la vie qu'en la mort.

Finalemẽt, ô Dieu & Pere, outroye-nous aussi à nous qui sommes ici assemblez au Nom de ton Fils Iesus, à cause de sa Parole (& de sa sainte Cene,) que nous recognoissons droitement, & sans hypocrisie, en quelle perdition nous sommes naturellement, & quelle con-
Ce q est
éclos ne
se dit q
le iour de
la Cene.
 damnation nous meritons & amassons de iour en iour sur nous, par nostre mal-heureuse vie & desordonnee: afin que voyans qu'il n'y a rien de bien en nous, & que nostre chair & nostre sang ne sont point capables de posseder en heritage ton Royaume, de toute nostre affection, & en ferme fiance, nous-nous rendions entiere-
 ment à ton cher Fils Iesus nostre Seigneur, seul Sauueur & Redempteur: afin que lui habitant en nous, mortifie nostre vieil Adam, nous renouellant en vne meilleure vie, par laquelle ton Nom, selon qu'il est saint & digne,
Matt. 6.
Ton Nom
soit sanc-
tifié.
Ton Re-
gne auis-
ne.
 soit exalté & glorifié par tout & en toutes places. Pareil-
 lement, que tu ayes la seigneurie & le gouuernemẽt sur nous tous: & que iournellement de plus en plus nous apprenions de nous soumettre & assuiettir à ta Ma-
 jesté. Tellement que tu sois Roy & Dominateur par tout, conduisant ton peuple par le sceptre de ta Pa-
 role, & par la vertu de ton Esprit, confondant tes enne-

mis par la force de ta verité & iustice.

Tavol-
té soit
faite.

Donne-
nous au-
jourd'hui
nostre
pain quo-
tidien.

Pardon-
ne nous
nos offen-
ses.

Matth 6

Et ainsi que toute puissance & hauteſſe contreue-
nante à ta gloire, ſoit de iour en iour deſtruite & abo-
lie, iuſques à ce que l'accompliſſement de ton Royau-
me viene, & la perfection en ſoit du tout eſtablie,
quand tu apparoiſtras en iugement en la perſonne de
ton Fils. Que nous avecques toutes creatures te ren-
dions vraye & parfaite obeiſſance, ainſi que tes An-
ges celeſtes ne demandent ſinon d'exécuter tes com-
mandemens: & par ce moyen que ta volonté ſoit ac-
complie, ſans quelque contradiction, & que tous ſe ren-
gent à te ſervir & complaire, renonçans à leur propre
vouloir, & à tous deſirs de leur chair. Que nous chemi-
nans en l'amour & en la crainte de ton Nom, ſoyons
nourris par ta bonté, & que tu nous donnes toutes
choſes qui nous ſont neceſſaires & expedientes, pour
manger noſtre pain paiſiblement: afin que voyans que
tu as ſoin de nous, te recognoiſſions mieux noſtre Pere,
& attendions tous biens de ta main: oſtant & retirât no-
ſtre fiance de toutes creatures, pour la mettre entiere-
ment en toy & en ta benignité.

Et pource que durant ceſte vie mortelle, nous ſom-
mes pources pecheurs, ſi pleins de fragilité, que nous
defaillons aſſiduellement, & nous fouruoyons de la
droite voye, qu'il te plaiſe nous pardonner nos fau-
tes, par leſquelles nous ſommes redeuables à ton iu-
gement: & que par ceſte remiſſion, tu nous deliures
de l'obligation de mort éternelle, en laquelle nous
ſommes. Qu'il te plaiſe donc ne nous imputer point
le mal qui eſt en nous: tout ainſi que par ton comman-
dement nous oublions les iniures qu'on nous fait:

& au

& au lieu de chercher vengeance, procurons le bien de nos ennemis.

Finalemēt, qu'il te plaise, pour l'auenir, nous soustenir par ta vertu, afin que par l'infirmité de nostre chair nous ne trebuschions. Et d'autant que de nousmesmes nous sommes si debiles, que nous ne pourrions demeurer fermes vne minute de temps: d'autrepart, que nous sommes circuis & assaillis continuellement de tant d'ennemis, que le diable, le monde, le peché, & nostre propre chair, ne cessent de nous faire la guerre, vueille-nous fortifier par ton saint Esprit, & nous armer de tes graces, afin que puissions constamment resister à toutes tentations, & perseverer en ceste bataille spirituelle, iusques à ce qu'obtenions pleine victoire, pour triompher vne fois en ton royaume, avec nostre Capitaine & protecteur, nostre Seigneur Iesus Christ, Amen.

Ne nous
indui en
tentatiō.

Le iour qu'on doit celebrer la Cene, on adionste au precedent ce qui s'ensuit.

ET comme nostre Seigneur Iesus non seulement t'a vne fois offert en la croix son corps & son sang, pour la remissiō de nos pechez, mais aussi les nous veut communiquer pour nourriture en vie eternelle, fay-nō ceste grace, que de vraye syncerité de cœur, & d'un zele ardent nous receuons de lui vn si grand benefice: c'est qu'en certaine Foy nous iouissions de son corps & de son sang, voire de lui tout entierement: comme lui estāt vray Dieu & vray homme, est veritablemēt le saint Pain celeste, pour nous viuifier: afin que nous ne viuions plus à nousmesmes, & selon nostre nature, laquelle est toute corrompue & vicieuse: mais que lui viue en nous pour nous conduire à la vie sainte, bien-heureuse, & permanente à iamais. Par ainsi, que nous soyons faits vrayemēt.

participans du nouveau & eternal Testament: assa-
 uoir, l'alliance de grace: estans certains & assurez que
 ton bon plaisir est de nous estre eternellement Pere pro-
 pice, ne nous imputant point nos fautes: & comme à tes
 enfans & heritiers bien-aimez, de nous pouruoir de tou-
 tes choses necessaires, tant au corps comme à l'ame: afin
 qu'incessammēt nous te rendions gloire & actiō de gra-
 ces, & magnifions ton Nom par ceuures & par paroles.
 Donne-nous donques en ceste maniere, Pere celeste, de
 celebrer aujourdhui la memoire bien-heureuse de ton
 cher Fils, nous exercer en icelle, & annoncer le bene-
 fice de sa mort, afin que receuant nouuel accroissement
 & fortification en Foy & en tout bien, de tant plus gran-
 de fiance nous te renommons nostre Pere, & nous glo-
 rifions en toy, Amen.

Après auoir acheué la Cène, on vſe de ceste action de graces, ou semblable.

Pere celeste, nous te rendons louanges & graces eter-
 nelles que tu nous as eslargi vn tel bien, à nous pou-
 ures pecheurs, de nous auoir attirez en la communion
 de ton Fils Iesus Christ nostre Seigneur, l'ayant liuré
 pour nous à la mort, & le nous donnant en viande &
 nourriture de vie eternelle. Maintenant aussi ottroye-
 nous ce bien, de ne permettre que iamais nous met-
 tions en oubli ces choses, mais plustost les ayans imprimees
 en nos cœurs, nous croissons & augmentions as-
 siduellement en la Foy, laquelle belongne en toutes bō-
 nes ceuures, & en ce faisant, ordonnons & poursuivons
 toute nostre vie à l'auancement de ta gloire, & edifica-
 tion de nos prochains, par icelui Iesus Christ ton Fils, qui
 en l'ynité du saint Esprit, vit & regne avec toy Dieu e-
 ternellement, Amen.

La benediction qu'on fait au depart du peuple, selon que nostre Seigneur auoit ordonné en la Loy, Nomb 6.

LE Seigneur vous benisse, & vous conserue. Le Seigneur face luire sa face sur vous, & vous soit propice. Le Seigneur retourne son viaire enuers vous, & vous maintienne en bonne prosperité, Amen.

D'autant que l'Eseriture nous enseigne que pestes, guerres, & autres telles aduersitez, sont visitations de Dieu, parlesquelles il punit nos pechez : quand nous les voyons venir, il nous faut recognoistre que Dieu est courroucé contre nous : & lors si nous sommes vrais fideles, nous auons à recognoistre nos fautes, pour nous desplaire en nous-mesmes, retournans au Seigneur en penitence & amendement de vie, & en vraye humilité le prier, afin d'obtenir pardon.

A ceste cause, si nous voyons quelque fois que Dieu nous menace, afin de ne tenter sa patience, mais plustost preuenir son iugement, lequel autrement nous voyons estre lors appareillé, il est bon d'auoir vn iour ordonné toutes les semaines, auquel speciallement ces choses soyent remonstrees, & auquel on face prieres & supplications, selon l'exigence du temps.

Dont s'ensuit vne forme propre à cela.

Pour le commencement du sermon, il y a la confesse generale des Dimanches, ci dessus mise.

En la fin du sermon, ayant fait les remonstrances, comme Dieu afflige maintenant les hommes à cause des crimes qui se commettent sur toute la terre, & que le monde est abandonné à toute iniquité: apres aussi auoir exhorté le peuple à se reduire & amender sa vie, pareillement à prier Dieu pour impetrer merci, on vie de la forme d'oraison qui s'ensuit.

Dieu tout-puissant, Pere celeste, nous recognoissons Den nous-mesmes, & cōfessons, comme la verité est, que nous ne sommes pas dignes de leuer les yeux au ciel pour nous presenter deuant ta face : que nous ne deuons pas tant presumer que nos oraisons soyent exaucées de toy, si tu regardes ce qui est en nous. Car nos cōsciences nous accusent, & nos pechez rendēt tesmoignaige contre nous: & nous sauons que tu es iuste Iuge, qui ne iustifies par les pecheurs & iniques, mais punis les fautes de ceux qui ont transgressé tes Commandemens. Ainsi, Seigneur, en considerant toute nostre vie, nous sommes confus en nos cœurs, & ne pouuons autre chose, sinon nous abbatre & desesperer, comme si nous estions desués abyssmes de mort. Toutefois, Seigneur, puis qu'il t'a plu par ta misericorde infinie de

nous commander que nous t'inuochiõs, meisme du profond des enfers, & d'autant plus que nous defaillons en nousmesmes, que nous ayõs nostre refuge à ta souveraine bõté: puis aussi que tu nous as promis de recevoir nos requestes & supplicatiõs, non point en cõsiderant quelle est nostre propre dignité, mais au Nom & par le merite de nostre Seigneur Iesus Chriſt, lequel tu nous as constitué Intercesseur & Aduocat, renonçans à toute fiance humaine, nous prenons hardieſſe en ta ſeule bonté, pour nous adreſſer deuant toy, & inuocher ton ſaint Nom, pour obtenir miſericorde.

Premierement, Seigneur, outre les benefices infinis que tu distribues communement à tous hommes de la terre, tu nous as fait tant de graces ſpeciales, qu'il nous eſt impoſſible de les reciter, ne meisme ſuffiſamment cõprendre.

Singulierement, il t'a plu nous appeler à la cognoiſſance de ton ſaint Euangile, nous retirant de la miſerable ſeruitude du diable, où nous eſtions, nous deliurãs de la maudite idolatrie & des ſuperſtitions où nous eſtions plongez, pour nous conduire en la lumiere de ta Verité. Et neantmoins, par ingratitude & meſcognoiſſance, ayans oublié les biens que nous auons receus de ta main, nous auons decliné, nous deſtournans de toy après nos concupiſcences: n'auons pas rendu l'honneur ne l'obeiſſance à ta ſainte Parole, telle que nous deuions: ne t'auons point exalté & magnifié comme il appartenoit: & combien que tu nous ayes touſiours fidelement admoneste par ta Parole, nous n'auõs point eſcouté tes remonſtrances. Nous auons donc peché, Seigneur; nous t'auons offenſé, pourtant nous receuons confulion
ſur

sur nous & ignominie, recognoiffans que nous sommes grieuement coupables deuant ton iugement: & que si tu nous voulois traiter selon que nous en sommes dignes, que nous ne pouuons attendre que mort & damnation. Car quand nous voudrions nous excuser, nostre conscience nous accuse, & nostre iniquité est deuant toy pour nous condamner. Et de fait, Seigneur, nous voyons comment par les chastimens qui nous sont aduenus, tu as esté à bon droit courroucé cōtre nous. Car puis que tu es iuste & equitable, ce n'est pas sans cause que tu affliges les tiens. Ayans donc esté battus de tes verges, nous recognoiffons que t'auons irrité à l'encontre de nous. Et maintenant nous voyōs encores ta main leuee pour nous punir: car les glaues dont tu as accoustumé d'exécuter ta vengeance sont maintenant desployez, & les menaces que tu fais contre les pecheurs & iniques, sont toutes appareillees.

Or quand tu nous punirois beaucoup plus rigoureusement que tu n'as fait iusques à ceste heure, & que pour vne playe nous aurions à en receuoir cent: mesme que les maledictions desquelles tu as autrefois corrigé les fautes de ton peuple d'Israel, tomberoyent sur nous, nous confessons que ce seroit à bon droit, & ne contredisons pas que nous ne l'ayoris bien mérité.

Toutefois, Seigneur, tu es nostre Pere, & nous ne sommes que terre & fange: tu es nostre Createur, & nous sommes les ceuures de tes mains: tu es nostre Pasteur, nous sommes tō troupeau: tu es nostre Redempteur, nous sommes le peuple que tu as racheté: tu es nostre Dieu, nous sommes ton heritage. Parquoy ne te courrouce point contre nous, pour nous corriger en ta fureur. Que

tu n'ayes point memoire de nostre iniquité pour la punir: mais chastie-nous doucement en ta benignité. Pour nos demerites ton ire est enflammée: mais qu'il te souuiene que ton Nom est inuocqué sur nous, & que nous portons ta marque & ton enseigne. Entretien plustost l'oeuvre que tu as commencé en nous par ta grace, afin que toute la terre cognoisse que tu es nostre Dieu & Sauueur. Tu fais que les morts qui sont es enfers, & ceux q tu auras defaits & confondus ne te loueront point, mais les ames tristes & desolees, les cœurs abatus, les consciences oppressees du sentiment de leur mal, & affamees du desir de ta grace, te donneront gloire & louage. Ton peuple d'Israël t'a prouoqué à ire plusieurs fois par son iniquité: tu l'as affligé par ton iuste iugement: mais quand il s'est reduit à toy, tu l'as tousiours receu à pitié. Et quelques grieues que fussent les offenses, pour l'amour de tō alliance, que tu auois faite avec tes seruiteurs Abraham, Haac, & Iacob, tu as destourné tes verges & maledictiōs, lesquelles leur estoient preparees, tellement que leurs oraisons n'ont iamais esté repoussees de toy. Nous auōs par ta grace vne alliance beaucoup meilleure, que nous te pouuons alleguer: c'est celle que tu nous as faite & establee en la main de Iesus Christ nostre Sauueur, laquelle tu as voulu estre escrite de son sang & ratifiee par sa mort & passio. Pourtant, Seigneur, renoncās à nous mesmes & à toute esperāce humaine, nous recourōs à ceste alliance bienheureuse, par laquelle nostre Seigneur Iesus t'offrāt son corps en sacrifice, nous a recōciliez à toy. Regarde donc, Seigneur, en la face de ton Christ, & non pas en nous: afin que par son intercessio tō ire soit appeisee: & que ton visage reluise sur nous en ioye & en salut: &

d'ores-

d'oresnauant vueille-nous receuoir en ta sainte, condui-
te, & nous gouverner par ton Esprit qui nous regenere
en vne meilleure vie, par laquelle Tō Nom soit sanctifié.
Ton regne auieue. Ta volōté soit faite en la terre cōme
au ciel. Dōne-nous aujourd'hui nostre pain quoudiē. Et
nous quitte nos dettes, comme nous quitōs à ceux qui
nous doiuent. Et ne nous indui point en tentation: mais
deliure-nous du mal. Car à toy est le regne, la puissance
& la gloire és siecles des siecles, Amen.

Et combien que nous ne soyons pas dignes d'ouurir
la bouche pour nousmesmes, & te requerrir en nostre ne-
cessité: neātmoins puis qu'il t'a pleu nous cōmander de
prier les vns pour les autres, nous te priōs pour tous nos
poures freres & mēbres, lesquels tu visites de tes verges
& chastimēs, te suppliās de destourner ton ire d'eux: nō-
mément pour N. & N. Qu'il te fouuie ne, Seigneur, que
ils sont tes enfans comme nous: & s'ils t'ont offensé, que
tu ne laisses point de poursuiure sur eux ta bonté & mi-
sericorde, laquelle tu as promise de uoir estre perpetuelle
enuers tous tes fideles. Vueille donc regarder en pitié
toutes tes Eglises, & tous les peuples que tu as mainte-
nant affligez ou par peste, ou par guerre, ou par tes au-
tres verges: les personnes batues de tes verges, soit de ma-
ladie, prison ou poureté, les consolant tous selon que tu
cognois qu'ils en ont besoin: & en leur faisant profiter
tes chastimens à leur correction, les confermer en bōne
patience, & moderer ta rigueur: & en la fin, en les deliurāt
leur donner pleine matiere de se resiouir en ta bonté,
& benir ton saint Nom. Singulierement qu'il te plaise
d'auoir l'œil sur ceux qui trauaillent pour la querelle
de ta Verité, tant en general qu'en particulier, pour les

confermer en constance inuincible, les defendre, leur assister en tout & par tout, renuersant toutes les pratiques & complots de leurs ennemis & les tiens, tenant leur rage bridee, les rendans confus en l'audace qu'ils entreprennent contre toy & les membres de ton Fils. Et ne permets que la Chrestienté soit du tout desolee: ne permets que la memoire de ton Nom soit abolie en terre: ne permets que ceux sur lesquels tu as voulu ton Nom estre inuoqué perissent, & que les Turcs, Payens, Papistes & autres infideles se glorifient en te blasphemant.

Nous te prions aussi, Pere celeste, pour tous Princes & seigneurs tes seruiteurs, auxquels tu as commis le regime de ta iustice: & singulierement pour les seigneurs de ceste Cité: qu'il te plaise leur communiquer ton Esprit seul bon & vrayement principal, iournellement leur augmenter: tellemēt que recognoissās en vraye Foy Iesus Christ tō Fils nostre Seigneur, estre le Roy des rois, & Seigneur sur tous seigneurs, comme tu lui as donné toute puissance au ciel & en terre, ils cherchent de le seruir, & exalter son regne en leur domination: gouuernans leurs suiets, qui sont les creatures de tes mains, & brebis de ta pasture, selon ton bon plaisir: afin que tant ici que par toute la terre estans maintenus en bonne paix, nous te seruions en toute sainteté & honnesteté, & estans deliurez de la crainte de nos ennemis, te puissions rendre louange en toute nostre vie.

Aussi nous te prions, Pere veritable & Sauueur, pour tous ceux que tu as ordonnez Pasteurs à tes fideles, & auxquels tu as commis la charge des ames, & la dispensation de ton sacré Euangile, que tu les conduises par tō saint Esprit, afin qu'ils soyent trouuez fideles & loyaux Ministres.

Ministres de ta gloire, ayans tousiours ce but, que toutes les pources ouailles esgarées soyent recueillies & reduites au Seigneur Iesus Christ, principal Pasteur, & Prince des Eueques: afin que de iour en iour elles profitent & accroissent en lui à toute iustice & sainteté. D'autre part, vueille deliurer toutes tes Eglises de la gueule des loups rauissans, & de tous mercenaires qui cherchent leur ambition ou profit, & non point l'exaltatiō de ton saint Nom tant seulement, & le salut de ton troupeau.

Après nous te prions, Dieu tres-benin, & Pere misericordieux, pour tous hommes generalement, que comme tu veux estre reconnu Sauueur de tout le monde en la redemption faite par ton Fils Iesus Christ, que ceux qui sont encores estranges de sa cognoissance, estans en tenebres & captiuité d'erreur & ignorance, par l'illumination de ton saint Esprit, & la predication de ton Euan-gile, soyent reduits à la droite voye de salut, qui est de te cognoistre seul vray Dieu, & celui que tu as enuoyé Iesus Christ. Que ceux que tu as desia visitez par ta grace, & illuminez par la cognoissance de ta Parole, croissent iournallemēt en bien, estans enrichis de tes benedictiōs spirituelles, afin que tous ensemble t'adoriōs d'un cœur & d'une bouche, & donnions honneur & hommage à ton Christ, nostre Maistre, Roy & Legislatteur.

L A F O R M E D' A D- M I N I S T R E R L E B a p t e s m e.

Il est à noter qu'on doit apporter les enfans pour baptizer, ou le Dimanche à l'heure du Catechisme, ou les autres iours au sermon: afin que comme le Baptisme est vne reception solennelle en l'Eglise, qu'il se face en la presence de l'assemblée.

Le sermon paracheué, on presente l'enfant Et lors le Ministre commence à dire,

Nostre aide soit au Nom de Dieu, qui a fait le ciel & la terre, Amen.

Presentez vous cest enfant pour estre baptizé?

Responce.

Ouy.

Le Ministre.



Ostre Seigneur nous monstre en quelle po-
ureté & misere nous naissions tous, en nous di-
sant qu'il nous faut renaistre. Car s'il faut que
nostre nature soit renouuelee, pour auoir entree au
Royaume de Dieu, c'est signe qu'elle est du tout peruer
uerse & maudite. En cela dōc il nous admoneste de no⁹
humilier, & nous desplaire en nousmesmes: & en ceste
maniere il nous prepare à desirer & requerir sa grace, par
laquelle toute la peruersité & malediction de nostre pre
miere nature soit abolie. Car nous ne sommes point ca
pables de la receuoir, que premierement nous ne soyōs
vuides de toute fiance de nostre vertu, sagesse & iustice,
iusques à condamner tout ce qui est en nous.

Or quand il nous a remonstré nostre malheureté, il
nous console semblablement par sa misericorde, nous
promettant de nous regenerer par son saint Esprit en v-
ne nouuelle vie, laquelle no⁹ soit comme vne entree en
son Royaume. Ceste regeneration consiste en deux par-
ties: c'est, que nous renoncions à nousmesmes, ne suiua^s
point nostre propre raison, nostre plaisir & propre volō
té: mais captiuans nostre entendement & nostre cœur à
la sagesse & iustice de Dieu, mortifiōs tout ce qui est de
nous & de nostre chair: puis apres que nous suiuiōs la
lumiere de Dieu, pour cōplaire & obtēperer à son bon
plaisir, comme il nous le mōstre par sa Parole, & nous y
conduit par son Esprit. L'accomplissement de l'vn & de
l'autre

l'autre est en nostre Seigneur Iesus, duquel la mort & passion a telle vertu, qu'en participant à icelle, nous sommes cōme enseuelis à peché, afin que nos concupiscences charnelles soyent mortifiées. Pareillement, par la vertu de sa resurrection nous resuscitons en nouvelle vie, qui est de Dieu, entant que son Esprit nous conduit & gouuerne, pour faire en nous les ceuures lesquelles lui sont agreables. Toutefois le premier & principal poinct de nostre salut, c'est q par sa misencorde il nous remette toutes nos fautes, ne nous les imputât point: mais en effaçant la memoire, afin qu'elles ne nous viennent point en conte en son iugement. Toutes ces graces nous sont conferees quād il lui plaist nous incorporer en son Eglise par le Baptisme: car en ce Sacremēt il no^r testifie la remission de nos pechez. Et pour ceste cause il a ordonné le signe de l'eau, pour nous figurer que comme par cest element les ordures corporelles sont nettoyees, ainsi il veut lauer & purifier nos ames, afin qu'il n'y apparaisse plus aucune macule. Puis apres il nous y represente nostre renouuellement: le quel gist (comme dit a esté) en la mortification de nostre chair, & la vie spirituelle, laquelle il produit en nous.

Ainsi, nous receuons double grace & benefice de nostre Dieu au Baptisme, moyennant que nous n'aneantissons point la vertu de ce Sacrement par nostre ingratitude. C'est que nous y auōs certain tesmoignage q Dieu nous veut estre Pere propice, ne nous imputant point toutes nos fautes & offenses. Secondemēt, qu'il nous assistera par son saint Esprit, afin que nous puissions batailler contre le diable, le peché, & les concupiscences de nostre chair, iusques à en auoir victoire, pour viure en

la liberté de son regne, qui est le regne de iustice.

Puis donc qu'ainsi est, que ces deux choses sont accōplies en nous par la grace de Iesus Christ, il s'ensuit que la vertu & substance du Baptisme est en lui comprinse. Et de fait, nous n'auons point d'autre lauement que son sang: & n'auons point d'autre renouvellement qu'en sa mort & resurrection. Mais comme il nous communique ses richesses & benedições par sa Parole, ainsi il les nous distribue par ses Sacremens.

Or nostre bon Dieu ne se contentant point de nous auoir adoptez pour ses enfans, & receus en la cōmunion de son Eglise, a voulu encore estendre plus amplement sa bonté sur nous. C'est en nous promettant qu'il sera nostre Dieu, & de nostre lignee, iusques en mille generations. Pourtant, combien que les enfans des fideles soyent de la race corrompue d'Adam, si ne laisse-il point toutefois de les accepter par la vertu de ceste alliâce, pour les auouer au nombre des siens. A ceste cause il a voulu dès le commencement, qu'en son Eglise les enfans receussent le signe de la Circōcision, par lequel il representoit lors tout ce qui nous est aujourdhui monsté par le Baptisme. Et comme il commandoit qu'ils fussent circon-cis, aussi il les auouoit pour ses enfans, & se disoit estre leur Dieu, comme de leurs peres.

Maintenant donc, puis que le Seigneur Iesus est descendu en terre, nō point pour amoindrir la grace de Dieu son Pere, mais pour espandre l'alliance de salut par tout le mōde, laquelle estoit pour lors enclose entre le peuple des Iuifs, il n'y a doute que nos enfans ne soyēt heritiers de la vie qu'il nous a promise. Et pourtant, saint Paul dit, que Dieu les sanctifie dès le ventre de la mere, pour les

discer-

discerner d'entre les enfans des Payens & infideles. Pour ceste raison, nostre Seigneur Iesus Christ a receu les enfans qu'on lui presentoit, comme il est escrit au dixneu-
 ieme chapitre de saint Matthieu, Lors lui furent presen-
 tez des petis enfans, afin qu'il mist les mains sur eux, &
 qu'il priaist. Mais les disciples les reprenoyēt. Et Iesus leur
 dit, Laissez les petis enfans venir à moy, & ne les empef-
 chez point: car à tels est le Royaume des cieux.

Puis qu'il denonce que le Royaume des cieux leur appartient, qu'il leur impose les mains, & les recomman-
 de à Dieu son Pere, il nous instruit suffisamment, que
 nous ne les deuons point exclurre de son Eglise. En sui-
 uant donc ceste reigle, nous receurōs cest enfant en son
 Eglise, afin qu'il soit fait participant des biens que Dieu
 a promis à ses fideles. Et premierement le lui presenterōs
 par nostre oraison, disans tous de cœur humblement,

Seigneur Dieu, Pere eternal & tout-puissant, puis
 qu'il t'a pleu par ta clemence infinie, nous promettre
 que tu seras Dieu de nous & de nos enfans, nous te
 prions qu'il te plaise de confermer ceste grace en l'en-
 fant present, engendré de pere & de mere, lesquels tu as
 appelez en ton Eglise: & comme il t'est offert & consa-
 cré de par nous, que tu le vueilles receuoir en ta sainte
 protection, te declarant estre son Dieu & Sauueur en
 lui remettant le peché originel, duquel est coupable
 toute la lignee d'Adam: puis apres le sanctifiant par ton
 Esprit, afin que quand il viendra en aage de cognoissan-
 ce, il te recognoisse & adore comme son seul Dieu, te
 glorifiant en toute sa vie, pour obtenir tousiours de toy
 remission de ses pechez. Et afin qu'il puisse obtenir
 telles graces, qu'il te plaise l'incorporer en la cōmunion

de nostre Seigneur Iesus, pour estre participant de tous ses biens, comme l'un des membres de son corps. Exauce-nous, Pere de misericorde, afin que le Baptesme que nous lui communiquons, selon ton ordonnance, produise son fruit & sa vertu, telle qu'elle nous est declaree par ton Euangile.

Nostre Pere, qui es es cieus, Ton Nom soit santifie. Ton Regne aduene. Ta volonte soit faite en la terre come au ciel. Donne-nous aujourdui nostre pain quotidien. Et nous pardonne nos offenses, comme nous pardonnons a ceux qui nous ont offensez. Et ne nous indui point en tentation: mais nous deliure du mal. Car a toy est le Regne, la puissance & la gloire es siecles des siecles, Amen.

Puis qu'il est question de receuoir cest enfant en la compagnie de l'Eglise Chrestienne, vous promettez, quand il viendra en aage de discretion; de l'instruire en la doctrine laquelle est receuë au peuple de Dieu, comme elle est sommairement comprise en la confession de Foy que nous auons tous:

Assauoir,

IE croy en Dieu le Pere tout-puissant, Createur du ciel & de la terre. Et en Iesus Christ son seul Fils, nostre Seigneur. Qui a esté conceu du saint Esprit, nay de la vierge Marie. A souffert sous Ponce Pilate, a esté crucifié, mort & enseveli: est descendu aux enfers. Le tiers iour est resuscité des morts: est monté aux cieus, est assis à la dextre de Dieu le Pere tout-puissant. Et de là viendra iuger les vifs & les morts.

Je croy au saint Esprit. Je croy la sainte Eglise vniuerselle: la communion des Saints: la remission des pechez. La resurrection de la chair: la vie eternelle.

Vous promettez d'ôques de mettre peine de l'instruire en toute ceste doctrine, & generalemēt en tout ce qui est cōtenu en la sainte Escriture du vieil & nouveau Testament: ace qu'il le reçoie comme certaine parole de Dieu, venante du ciel. Item vous l'exhorterez à viure selon la regle que nostre Seigneur nous a baillee en sa Loy: laquelle sommairement cōsiste en ces deux poincts, Que nous

nous aimions Dieu de tout nostre sens, nostre cœur & puissance: & nostre prochain comme nousmesmes. Paraillement selon les admonitions qu'il a faites par ses Prophetes & Apostres, ace que renonçant à soy mesme & à ses propres cōcupiscences, il se dedie & consacre à glorifier le Nom de Dieu & de Iesus Christ, & à edifier ses prochains.

Après la promesse faite, on impose le nom à l'enfant: & lors le Ministre le baptise disant,

N. Je te baptise au Nom du Pere, & du Fils, & du saint Esprit.

Le tout se dit à hante voix, en langage vulgaire, d'autant que le peuple qui assiste là doit estre tesmoin de ce qui s'y fait, à quoy est requise l'intelligence: & aussi afin que tous soyent edifiez, en recognoissant & reduisant en memoire quel est le fruit & l'usage de leur Baptisme.

Nous savons qu'on fait ailleurs beaucoup d'autres ceremonies, lesquelles nous ne nions pas avoir esté fort anciennes: mais pource qu'elles ont esté inuentees à plaisir, ou pour le moins par quelque consideration legere: quoy qu'il soit, puis qu'elles ont esté forcees sans la parole de Dieu: d'autre part, veu que tant de superstitions en sont sorties, nous n'avons point fait difficulté de les abolir, afin qu'il n'y eust plus nul empeschement qui destournast le peuple d'aller droitement à Iesus Christ. Premièrement, ce qui ne nous est point commandé de Dieu, est en nostre liberté. Davantage, tout ce qui ne sert de rien à edification, ne doit estre receu en l'Eglise: & s'il avoit esté introduit, il doit estre osté, par plus forte raison ce qui ne sert qu'à scandaliser, & est comme instrumēt d'idolatrie & de fausses opinions, ne doit estre nullement toleré. Or il est certain que le chresme, lu minaire, & telles autres pompes, ne sont point de l'ordonnāce de Dieu, mais ont esté aioutees par les hommes, & en la fin sont venues iusques là, qu'on s'y est plus arresté, & les a on eues en plus grande estime, que la propre institution de Iesus Christ. Pour le moins nous avons telle forme de Baptisme, que Iesus Christ a ordonnee, que les Apostres ont gardée & finie, quel'Eglise primitive a eue en usage: & ne nous peut on reprédred'autre chose, sinon que nous ne voulons pas estre plus sages que Dieu mesme.

LA MANIE

RE DE CELEBRER

la Cene.

Il faut noter que le Dimanche devant que la Cene soit celebrée, on le denonce au peuple premierement, afin que chacun se prepare & dispose à la recevoir dignement, & en telle reverence qu'il appartient. Secondement, qu'on n'y presente point les enfans, si n'est qu'ils soyent bien instruits, & ayent fait profession de leur foy en l'Eglise. Tiercement, afin que s'il y a des estrangers qui soyent encore rudes & ignorans, qu'ils viennent se presenter pour estre instruits en particulier. Le iour qu'on la fait, le Ministre en touche à la fin du sermon: ou bien, si mestier est, en fait le sermon entierement pour exposer au peuple ce que nostre Seigneur veut dire & signifier par ce mystere, & en quelle sorte il le nous faut recevoir.

Puis apres auoir fait les prieres & la Confession de Foy, pour testifier au nom du peuple, que tous veulent viure & mourir en la doctrine & religion Chrestienne, il dit à haute voix,

E Scoutons comme Iesus Christ nous a institué la sainte Cene, selon que saint Paul le recite au chap. ii. de la premiere Epistre aux Corinthiens:

J'ay receu, dit-il, du Seigneur, ce que ie vous ay baillé. C'est que le Seigneur Iesus en la nuit qu'il fut liuré, print du pain: & apres auoir rendu graces, le rompit, & dit, Prenez, mangez: ceci est mon corps, qui est rompu pour vous: faites ceci en memoire de moy. Semblablement, apres auoir soupé, print le calice, disant, Ce calice est le nouveau Testament en mon sang: faites ceci toutes fois & quantes que vous en beurez, en memoire de moy: c'est, que quand vous mangerez de ce pain, & beurez de ce calice, vous annoncerez la mort du Seigneur, iusques à ce qu'il viene. Pourtant, quiconque mangera de ce pain, ou beura de ce calice indignement, il sera coupable du corps & du sang du Seigneur. Mais que l'homme s'espreuue soy mesme, & ainsi qu'il mange de ce pain & boiue de ce calice. Car quiconque en mange & boit indignement, il prend sa condamnation, ne discernant point le corps du Seigneur.

Nous auons ouy, mes freres, comment nostre Seigneur fait la Cene entre ses disciples: & par cela no^r demontre que les estrangers, c'est à dire ceux qui ne sont pas de la compagnie de ses fideles, n'y doiuent point estre admis. Parquoy, suiuant ceste reigle, au Nom & en l'autorité de nostre Seigneur Iesus Christ, i'excómunie tous idolatres, blasphemateurs, contempteurs de Dieu, heretiques, & toutes gens qui font sectes à part pour rompre l'vnité de l'Eglise, tous periures, tous ceux qui

qui sont rebelles à peres & à meres, & à leurs superieurs, tous sedicieux, mutins, bateurs, noïseux, adulteres, pail-lars, larrons, auaricieux, rauisseurs, yurongnes, gour-mans, & tous ceux qui menent vie scandaleuse: leur de-nonçant qu'ils ayent à s'abstenir de ceste sainte Table, de peur de polluer & cõtaminer les viandes sacrees, que nostre Seigneur Iesus Christ ne donne sinon à ses dome-stiques & fideles.

Pourtant, selon l'exhortation de saint Paul, qu'un cha-cun espreuue & examine sa conscience, pour sauoir s'il a vraye repentance de ses fautes, & s'y desplayst, desirant de viure d'oresnauant saintement & selon Dieu. Sur-tout, s'il a sa fiance en la misericorde de Dieu, & cherche entierement son salut en Iesus Christ: & renonçant à tou-te inimitié & rancune, a bonne intentiõ & courage de vi-ure en cõcorde & charité fraternelle avec ses prochains.

Si nous auons ce tesmoignage en nos cœurs deuant Dieu, ne doutons nullement qu'il ne nous auouë pour ses enfans, & que le Seigneur Iesus n'adresse sa Parole à nous, pour nous introduire à sa Table, & nous presen-ter ce saint Sacrement lequel il a communiqué à ses disciples.

Et combien que nous sentions en nous beaucoup de fragilité & misere: cõme de n'auoir point la Foy par-faite: mais estre enclins à incredulité & desfiâce: comme de n'estre point entierement si adonnez à seruir à Dieu, & d'un tel zele que nous deurions, mais auoir à batail-ler iournellement contre les concupiscences de nostre chair: neantmoins puis que nostre Seigneur nous a fait ceste grace d'auoir son Euãgile imprimé en nostre cœur, pour resister à toute incredulité: & nous a donné ce de-

fir & affection de renoncer à nos propres desirs, pour
 suivre la iustice & les saints Commandemens: soyons
 tous certains que les vices & imperfections qui sont en
 nous, n'empêcheront point qu'il ne nous reçoive, &
 nous face dignes d'avoir part en ceste Table spirituelle.
 Car nous n'y venons point pour protester que nous
 soyons parfaits ne iustes en nous-mêmes: mais au cōtrai-
 re en cherchant nostre vie en Iesus Christ, nous confes-
 sons que nous sommes en la mort. Entendōs donc que
 ce Sacrement est vne medecine pour les pures mala-
 des spirituels, & que toute la dignité q̄ nostre Seigneur
 requiert de nous, c'est de nous bien recognoistre, pour
 nous desplaire en nos vices, & avoir tout nostre plaisir,
 ioye & contentement en lui seul.

Premierement donc, croyons à ces promesses, que Je-
 sus Christ, qui est la Verité infallible, a prononcées de sa
 bouche: assavoir, qu'il nous veut vraiment faire partici-
 pans de son corps & de son sang, afin que nous le posse-
 dions entierement: en telle sorte qu'il viue en nous, &
 nous en lui. Et combien que nous ne voyons que du
 pain & du vin, toutefois ne doutons point qu'il accom-
 plit spirituellement en nos ames, tout ce qu'il nous de-
 montre exterieurement par ces signes visibles: c'est à di-
 re, qu'il est le pain celestiel, pour nous repaistre & nour-
 rir à vie eternelle. Ainsi, que nous ne soyons point in-
 grats à la bōté infinie de nostre Sauveur, lequel desploye
 toutes ses richesses & les biens en ceste Table, pour no-
 les distribuer. Car en se donnāt à nous, il nous rend tes-
 moignage que tout ce qu'il a est nostre. Pourtāt, receuōs
 ce Sacrement comme vn gage, que la vertu de sa mort
 & passion nous est imputee à iustice, tout ainsi que si
 nous

nous l'auions soufferte en nos propres personnes. Que nous ne soyons point si peruers de nous reculer, où Iesus Christ nous conuie si doucement par sa Parole. Mais en reputât la dignité de ce don precieux qu'il nous fait, presentons-nous à lui d'un zeile ardent, afin qu'il nous face capables de le receuoir.

Pour ce faire, esleuons nos esprits & nos cœurs en haut, où est Iesus Christ en la gloire de son Pere, & dont nous l'attendons en nostre redemption. Et ne nous amusons point à ces elemēs terriēs & corruptibles, que nous voyons à l'œil & touchons à la main, pour le chercher là, comme s'il estoit enclos au pain ou au vin. Car lors nos ames serōt disposees à estre nourries & viuifiées de sa substance, quand elles seront ainsi esleuees par dessus toutes choses terrestres, pour atteindre iusques au ciel, & entrer au royaume de Dieu, où il habite. Contētons-nous doncques d'auoir le pain & le vin pour signes & tesmoignages, cerchās spirituellemēt la verité où la Parole de Dieu promet que nous la trouuerons.

Ce fait, les Ministres distribuent le pain & le calice au peuple, ayans aduertī qu'on y viene avec reuerence & par ordre. Cependant on chante quelques Pseaumes, ou on lit quelque chose de l'écriture, conuenable à ce qui est signifié par le Sacrement.

En la fin on vse d'action de grāces, comme il a este dit.

Nous sauons bien quelle occasion de scandale plusieurs ont prins du changement que nous auons fait en cest endroit. Car pource que la Messe a esté long temps en telle estime, qu'il sembloit auis au poure monde que ce fust le principal poinct de la Chrestienté: ç'a esté vne chose bien estrange que nous l'ayons abolie.

Et pour ceste cause ceux qui ne sont pas deuement aduertis estiment que nous ayons destruit le Sacrement: mais quand on aura bien consideré ce que nous tenons, on trouuera que nous l'auons restitué en son entier. Qu'ainsi soit, qu'on regarde quelle conformité il y a entre la Messe & l'institution de Iesus Christ. C'est chose claire qu'il y a autant à dire comme du iour à la nuit. Combien que ce ne soit nostre intentiō de traiter iciaū long cest argument: toutefois pour satisfaire à ceux qui par simplicité se scandaliseroyent de nous, il nous a semble aduis bon d'en toucher en passant. Comme voyans le Sacrement de nostre Seigneur corrompu de tant de vices & horribles abus, qu'on auoit introduits, nous auons esté contrains, pour y remedier, de changer beaucoup de choses, lesquelles auoyent esté mal introiuees, ou pour le moins destournees en mauuais vsage. Or pour ce faire, nous n'auons trouué meilleur moyen, ne plus propre, que de reuenir à la pure institution de Iesus Christ, laquelle nous ensuuiuons simplement, comme il appert. Car c'est la reformation que saint Paul nous montre.

LA MANIERE DE CELEBRER LE

Mariage.

Il faut noter qu'auant que celebrer le Mariage, on le publie en l'Eglise par trois Dimanches: aîn que si quelqu'un y fauoit empeschement, il le vinst denoncer de bonne heure: ou si aucun y auoit interest, qu'il s'y peust opposer.

Cela fait, les parties se viennent presenter au commencement du sermon. Lors le Ministre dit,

Notre aide soit au Nom de Dieu, qui a fait le ciel & la terre, Amen.

Dieu nostre Pere, apres auoir créé le ciel & la terre,
Matt. 19. & tout ce qui est en iceux, crea & forma l'homme à son image & semblance, qui eust la domination & seigneurie sur les bestes de la terre, les poissons de la mer, & les oiseaux du ciel: disant, apres auoir créé l'homme, Ephes. 5. Il n'est pas bon que l'homme soit seul, faisons lui vne aide Colos. 3. semblable à lui. Et nostre Seigneur fit tomber vn gros 1. Tim. 2. sommeil sur Adam, & ainsi qu'Adā dormoit, Dieu print 1. Pier. 3. vne des costes d'icelui, & en forma Eue: donnât à entendre que l'homme & la femme ne sont qu'un corps, vne Matt. 19. chair, & vn sang. Parquoy, l'homme laisse pere & mere, Ephes. 5. & est adherant à sa femme, laquelle il doit aimer, ainsi Colos. 3. que Iesus aime son Eglise: c'est à dire, les vrais fideles & 1. Tim. 2. Chrestiens, pour lesquels il est mort. Et aussi la femme doit seruir & obeir à son mari, en toute sainteté & 1. Pier. 3. honnesteté. Car elle est suiète, & en la puissance du mari Gen. 1. 2, tant qu'elle vit avec lui. Et ce saint Mariage institué de & 3. Dieu, est de telle vertu, que par icelui le mari n'a point 1. Cor. 7. la puissance de son corps, mais la femme: aussi la femme Heb. 13. n'a point la puissance de son corps, mais le mari. Parquoy, conioints de Dieu, ne peuuent estre separez, fors Matt. 19. que par aucun temps, du consentement de l'un & de l'autre, 1. Cor. 7.

tre, pour vaquer à iusne & oraison: gardans bien qu'ils ne soyent tentez de Satan par incontinence. Et pourtant doiuent retourner ensemble. Car pour euitier fornication, vn chacun doit auoir sa femme; & vne chacune femme son mari: tellement que tous ceux qui n'ont le don de continence, sont obligez par le commandement de Dieu, de se marier: afin que le saint Temple de Dieu, c'est à dire nos corps, ne soyent violez & corrompus. 1. Cor. 5. 6.

Car puis que nos corps sont membres de Iesus Christ, ce seroit vn trop grand outrage d'en faire membres d'une paillarde. Parquoy on les doit garder en toute sainteté. Car si aucun viole le Temple de Dieu, Dieu le destraira. 1. Cor. 6.

Vous donques (nommant l'espoux & l'espouse) N.N. ayans la cognoissance que Dieu l'a ainsi ordonné, voulez vous viure en ce saint estat de Mariage, que Dieu a si grandement honoré: auez vous vn tel propos comme vous tesmoignez ici deuant sa sainte assemblee, demandans qu'il soit approuué?

Respondent,

Ouy.

Le Ministre.

Je vous pren tous qui estes ici presens, en tesmoins vous prians en auoir souuenance: toutefois s'il y a aucun qui y sache quelque empeschement, ou qu'aucun d'eux soit lié par mariage avec autre, qu'il le die.

Si personnen'y contredit, le Ministre dit ainsi,

Puis qu'il n'y a personne qui contredise, & qu'il n'y a point d'empeschement, nostre Seigneur Dieu confirme vostre saint propos, qu'il vous a donné, & vostre commencement soit au Nom de Dieu, qui a fait le ciel & la terre, Amen.

Le Ministre parlant à l'espoux, dit ainsi,

Vous N. confessez ici deuant Dieu & la sainte congregatiō, que vous auez prins & prenez pour vostre femme & espouse, N. ici presente, laquelle promettez garder, en l'aimant & entretenant fidelement, ainsi que le deuoir d'un vray & fidele mari est à sa femme: viuāt saintement avec elle, lui gardāt foy & loyauté en toutes choses, selon la sainte Parole de Dieu, & son saint Euangile.

Respond,

Ouy.

Puis parlant à l'espouse, dit,

Vous N. confessez ici deuāt Dieu & la sainte assemblée, que vous auez prins, & prenez N. pour vostre legitime mari, auquel promettez obeir, lui seruant & estant suiette, viuant saintement, lui gardant foy & loyauté en toutes choses, ainsi qu'une fidele & loyale espouse doit à son mari, selon la Parole de Dieu, & le saint Euangile.

Respond,

Ouy.

Puis le Ministre dit,

Le Pere de toute misericorde, qui de sa grace vous a appelez à ce saint estat, pour l'amour de Iesus Christ son Fils, qui par sa sainte presence a sanctifié le Mariage, faisant là le premier miracle deuant ses Apostres, vous doint son saint Esprit, pour le seruir & honorer ensemble d'un commun accord, Amen.

Escoutez l'Euangile, comme nostre Seigneur veut que le saint mariage soit gardé, & comme il est ferme & indissoluble, selon qu'il est escrit en saint Matthieu au dixneuſieme chapitre:

Les Pharisiens s'approcherent de lui, le tentans, & disans, Est-il loisible à l'homme de laisser sa femme pour quelque occasion? Lui respondant, leur dit, N'avez-vous point

point leur, que celui qui fit l'homme dès le commencement, il fit le mâle & la femelle: & dit, Pourcel'homme delaissera pere & mere, & s'adioindra à sa femme, & seront deux en vne chair: & par ainsi ils ne sont plus deux, mais vne chair: donc ce que Dieu a conioint, l'homme ne le separe point.

Croyez à ces saintes paroles, que nostre Seigneur Iesus a proferees, comme l'Euangeliste les recite: & soyez certains que nostre Seigneur Dieu vous a conioints au saint Mariage. Parquoy vivez saintement ensemble, en bonne dilection, paix, & vnion, gardans vraye charité, foy & loyauté l'un à l'autre, selon la Parole de Dieu.

Prions d'un cœur nostre Pere.

Dieu tout puissant, tout bon & tout sage, qui dès le commencement as preueu qu'il n'estoit point bon que l'homme fust seul: à cause de quoy tu lui as créé vne aide semblable à lui, & as ordonné que deux fussent vn: nous te priôs & humblement requerons, puis qu'il t'a pleu appeler ceux-ci au saint estat de Mariage, que de ta grace & bonté leur vueilles dōner & enuoyer ton saint Esprit: afin qu'en vraye & ferme Foy, selon ta bonne volonté, ils vivent saintement: surmontans toutes mauuaises affections, edifiens les autres en toute honnesteté & chasteté: leur donnant ta benediction, ainsi qu'à tes fideles seruiteurs Abraham, Isaac, & Iacob: qu'ayans sainte lignee, ils te louent & seruent, apprenans icelle, & la nourrissans à ta louange & gloire, & à l'vtilité du prochain, à l'auancement & exaltation de ton saint Euangile. Exauce-nous, Pere de misericorde, par nostre Seigneur Iesus Christ ton trescher Fils, Amen.

Nostre Seigneur vous remplisse de toutes graces, &

en tout bien vous doit viure ensemble longuement & saintement

DE LA VISITATION DES MALADES.

L'Office d'un vray & fidele Ministre est non seulement d'enseigner publiquemēt le peuple, auquel il est ordōné pour Pasteur, mais entant que faire se peut d'admonester, exhorter, reprēdre & consoler vn chacun en particulier. Or le plus grand besoin qu'a iamais l'homme de la doctrine spirituelle de nostre Seigneur, c'est quand il est visité de la main d'icelui par affliction, soit de maladies, ou autres maux, principalement à l'heure de la mort : car lors il se sent plus fort qu'en toute sa vie, pressé en la conscience, tant du iugement de Dieu, auquel il se voit presentement estre appelé, que des assauts du diable, lequel fait adonc tous ses efforts, pour abbatre la pource personne, & la ietter & abyssmer en confusion. Et pourtant, le deuoir d'un Ministre est de visiter les malades, & les consoler par la Parole du Seigneur : leur remonstrant que tout ce qu'ils souffrent & enduiēt, vient de la main de Dieu, & de sa bonne prouidence, lequel n'enuoye rien à ses fideles sinon pour leur bien & salut. Et prendra les tesmoignages de l'Escripture à ce conuenables. D'auantage, s'il les voit en maladie dangereuse, de leur donner consolation qui passe encores outre : & ce selon qu'il les verra touchez en leur affection : c'est assauoir, s'il les cognoist estre espouuantez de l'horreur de la mort, de leur remonstrer qu'en icelle il n'y a nulle matiere de desolation aux fideles, lesquels ont Iesus Christ

leur

leur guide & protecteur: qui par icelle les conduira à la vie, en laquelle il est entré. Et par semblables remontrances leur oster ceste crainte & terreur qu'ils ont du iugement de Dieu. S'il ne les voit point assez abbatus & angoissez du sentimēt de leurs pechez, leur declarer quelle est la iustice de Dieu, deuant laquelle ils ne peuuent consister, sinō par sa misericorde, embrassans Iesus Christ pour leur salut. Au contraire, les voyant affligez en leurs consciences, & troublez de leurs offenses, qu'il leur mōstre & represente Iesus Christ au vis, & comment en lui tous pources pecheurs, qui se deffians d'eux-mesmes, se reposent en sa bonté, trouuent soulagement & refuge. Donques vn bon & fidele Ministre aura à considerer le moyen qui sera bon de prendre pour consoler les patiens & affligez, selon l'affection qu'il verra en eux: & le tout par la Parole de nostre Seigneur. Et mesme, si le Ministre a quelque chose, dequoy il puisse aussi consoler & aider corporellement les pources affligez, qu'il ne s'y espargne, monstrant à tous vray exemple de charité.

Oraison du fidele detenu en captiuité.

SEigneur Dieu, qui es iuste Iuge pour punir tous ceux qui continuent à t'offenser, comme tu es Pere pitoyable, pour receuoir à merci tous ceux qui se reduisent à toy: fay-moy la grace que ie soye vrayement touché de la cognoissance de mes pechez, & qu'au lieu de me flatter ou endormir, ie soye confus de cœur en ma pourceté, & qu'aussi ie la confesse de bouche, pour te donner gloire en m'humiliāt. Et comme tu nous instruis à cela par ta Parole, fay qu'elle m'esclaire tellement en ma cōscience, qu'en examinant toute ma vie, j'apprene à me desplaire. Aussi que tous les chastimens que tu m'enuoyes, me

seruent à vne mesme fin, & que par tous moyens ie soye induit à penser de plus pres à moy, afin de te requerrir tant que tu me pardonnes mes fautes passees. Qu'il te plaise pour l'auenir m'adresser au bon chemin, & me reformer à vne droite obeissance de ta iustice. Sur tout, que ie recognoisse que la mal-heureuse captiuité où ie suis detenu, sous la tyrannie de l'Antechrist, est vne iuste punition de ce que ie ne t'ay point serui & adoré comme ie deuoye: & qu'encores de present ie suis grandement defaillant enuers ta Maiesté. Et de fait, si tu n'as pas iadis permis sans cause que ton peuple fust transporté en Babylone, pour estre assuietti, quant au corps, au ioug des infideles: par plus forte raison, ceste tant dure & cruelle seruitude que nous portons sur nos ames, procede de nos iniquitez, entant que nous auons prouoqué ton ire, & sommes indignes que tu regnes pleinement sur nous. Toutefois, Seigneur, qu'il te plaise auoir pitié de tant de pources ames que tu as si cherement rachetees: & ne permets que Satan les meine à perdition. Entre les autres, puis que desia tu m'as fait ce bien de me monstrier comment ie te doy glorifier, donne-moy aussi vne affection entiere de m'employer à ce faire: tellement que ie dedie & corps & ame à exalter ton saint Nom. Et pource que ie m'en acquitte mal, craignant plustost les menaces des hommes que ta voix, & me laissant cōduire par l'infirmité de ma chair, plustost que par la vertu de ton Esprit, ne permets point que ie m'entretienne en vn si grand vice, nourrissant ton ire & ta vengeance contre moy par mon hypocrisie; mais plustost touche-moy au vif, afin qu'en aspirant à vne vraye repentance, ie souspire continuellement à toy. Et enco-

O R A I S O N.

res, Seigneur, combien que ie ne soye du tout si bien disposé à te requérir comme ie doy, que tu ne laisses point de me retirer de ceste fange, & ordure, & me deliurer de ceste abyfme. Et pource que selon ma rudesse & sensualité, ie ne voy nuls moyens, qu'il te plaise de les trouuer par ton conseil admirable: comme il t'est facile de faire ce qui semble impossible aux hommes. Et quand il te plaira me faire quelque ouuerture, ne permets que ie soye lasche & paresseux à sortir de ceste prison maudite, pour chercher la liberté de seruir à ta gloire. Fay-moy la grace que i'oublie toutes mes commoditez charnelles: voire que ie m'oublie moy-mesme, à ce que rien ne m'empesche de suiure ta volonté. Deliure-moy de toute deffiance & trop grâde sollicitude, afin qu'en pleine hardiesse ie me laisse guider par ta Parole. Et afin que ie puisse obtenir vne telle misericorde de toy, qu'il te plaise n'auoir esgard à ma fragilité que tu cognois, & laquelle se monstre par trop, sinon pour la corriger: & ainsi que l'imperfection qui est en moy, n'empesche point que tu ne parfaces ce que tu y as commencé. Et à cause que nous ne sommes pas dignes de nous presenter deuant ta Maiesté, exauce-moy au Nom de nostre Seigneur Iesus ton Fils, comme tu nous l'as ordonné Aduocat: & que le merite de son intercessiō supplée au defaut qui est en nous, Amen.

F I N.



M L E
C A T E C H I S M E

C'EST A DIRE,

L E F O R M U L A I R E D'IN-
struire les enfans en la Chrestienté, fait en maniere
de Dialogue, où le Ministre interrogue, & l'Enfant
respond.

A V X L E C T E V R S.

C'A esté vne chose que tousiours l'Eglise a eue en singuliere
recommandation, d'instruire les petis enfans en la doctrine
Chrestienne: & pour ce faire, non seulement on auoit ancienne-
ment les escoles, & commandoit-on à vn chacun de bien endo-
ctriner sa famille: mais aussi l'ordre publicque estoit par les tēples
d'examiner les petis enfans sur les poincts qui doiuent estre com-
muns entre tous Chrestiens. Et afin de proceder par ordre on v-
soit d'un formulaire qu'on nommoit Catechisme. Depuis le dia-
ble en dissipant l'Eglise & faisant l'horrible ruine dont on void
encore les enseignes en la pluspart du monde, a destruit ceste
sainte police: & n'a laissé que ie ne say quelles reliques, qui ne
peuuent sinon engendrer superstition, sans aucunement edifier.
C'est la Confirmation, qu'on appelle, ou il n'y a que singerie, sans
aucun fondement. Ainsi, ce que nous mettons en auant n'est sinon
l'vsage qui de toute ancienneté a esté obserué entre les Chrestiens:
& n'a iamais esté delaisé que quand l'Eglise a esté du tout
corrompue.

D E S

DES ARTICLES DE LA FOY.

Le Ministre.



Velle est la principale fin de la vie humaine?

L'Enfant.

C'est de cognoistre Dieu.

M. Pourquoi dis-tu cela?

E. Pource qu'il nous a creez & mis au monde, pour estre glorifié en nous. Et c'est bien raison que nous rapportions nostre vie à sa gloire, puis qu'il en est le commencement.

M. Et quel est le souverain bien des hommes?

E. Cela mesme.

M. Pourquoi l'appelles-tu le souverain bien?

E. Pource que sans cela nostre condition est plus mal-heureuse que celle des bestes brutes.

M. Par cela donc nous voyons qu'il n'y a nul si grand mal-heur que de ne viure pas selon Dieu.

E. Voire

M. Mais quelle est la vraye & droite cognoissance de Dieu?

E. Quand on le cognoist afin de l'honorer.

M. Quelle est la maniere de le bien honorer?

E. C'est que nous ayons toute nostre fiance en lui: que nous le seruions en obeissant à sa volonté: que nous le requerions en toutes nos necessitez, cerchans en lui salut & tous biens: & que nous recognoissions tant de cœur que de bouche, que tout bien procede de lui seul.

Le Ministre.

QR afin que ces choses soyent deduites par ordre, & exposées plus au long Quel est le premier point?

E. C'est d'auoir nostre fiance en Dieu.

M. Comment cela se peut il faire?

Dimanche 1.

La fin de
nostre
vie.

Le sou-
uerain
bien des
hommes.

Dimanche 1.

Le pre-
mier
point.

D.i.

E. C'est premierement de le cognoistre tout puissant & tout bon.

M. Suffit-il de cela? E. Non.

M. La raison?

E. Pource que nous ne sommes pas dignes qu'il de-
monstre sa puissance pour nous aider, ne qu'il vse de sa
bonté enuers nous.

M. Que faut-il donc plus?

E. Que nous soyons certains qu'il nous aime, &
nous veut estre Pere & Sauueur.

M. Comment cognoissons-nous cela?

E. Par sa Parole, où il nous declare sa misericorde en
Iesus Christ, & nous assure de sa dilection enuers nous.

M. Le fondement donc d'auoir vraye fiance en Dieu,
c'est de le cognoistre en Iesus Christ.

E. Voire.

Le fon-
dement
pour a-
uoir con-
fiance.
leā 17, 3.

M. Mais quelle est en somme la substance de ceste
cognoissance?

M. Elle est comprise en la confession de Foy que
font tous Chrestiens: laquelle on appelle communemēt
Le Symbole des Apostres, pource que c'est vn somma-
ire de la vraye Creance qu'on a tousiours tenue en la
Chrestienté, & aussi qui est tiree de la pure doctrine A-
postolique.

M. Recite ce qui y est dit.

L'Enfant

Le Sym-
bole des
apostres

IE croy en Dieu le Pere tout puissant, Createur du ciel
& de la terre. Et en Iesus Christ son Fils vnique,
nostre Seigneur: Qui a esté conceu du saint Esprit: Nay
de la vierge Marie: A souffert sous Ponce Pilate: A esté
crucifié, mort & enseveli: Est descendu aux enfers. Le

tiers

tiers iour est resuscité des morts: Il est monté aux cieux:
Est assis à la dextre de Dieu le Pere tout-puissant: De la
viendra iuger les vifs & les morts.

Je croy au saint Esprit. Je croy la sainte Eglise catholi-
que: La cōmunion des Saints: La remission des pechez:
La resurrection de la chair: La vie eternelle.

Le Ministre.

Pour bien expliquer ceste confession par le menu, en Diman.
III.
combien de parties la diuiserons-nous?

L'Enfant.

En quatre principales.

M. Quelles?

E. La premiere sera de Dieu le Pere. La seconde, de
son Fils Iesus Christ, en laquelle est recitee toute l'histoi-
re de nostre redemption. La troisieme, du S. Esprit. La
quatrieme, de l'Eglise, & des graces de Dieu eüers icelle.

M. Veu qu'il n'y a qu'un Dieu, qui se meut de reci-
ter le Pere, le Fils, & le saint Esprit, qui sont trois?

E. Pource qu'en vne seule Essence diuine nous auōs De la
Trinité.
à considerer le Pere comme le commencement & ori-
gine, ou la cause premiere de toutes choses: puis apres son
Fils, qui est sa Sagesse eternelle: le saint Esprit, qui est sa
vertu & puissance, laquelle est espendue sur toutes cratu-
res, & neantmoins reside tousiours en lui.

M. Par cela tu veux dire qu'il n'y a nul inconueniēt
qu'en vne mesme Diuinité nous comprenions distincte-
ment ces trois personnes, & que Dieu n'est pas pourtant
diuisé. E. Il est ainsi.

M. Recite maintenant la premiere partie.

E. Je croy en Dieu le Pere tout-puissant, Createur du La 1. par-
tie.
ciel & de la terre?

M. Pourquoi le nommes-tu Pere?

E. C'est au regard de Iesus Christ, qui est la Parole
eternelle engendree de lui deuant les siecles: puis estant
manifesté au monde, a esté approuué & déclaré estre son
Fils. Mais entant que Dieu est Pere de Iesus Christ, de là
s'ensuit qu'il est aussi le nostre.

M. Comment entens-tu qu'il est tout-puissant?

Qu'em-
porte la
puissance
de Dieu.

E. Ce n'est pas seulement à dire qu'il ait le pouuoir ne
l'exercât pas: mais qu'il a toutes creatures en sa main &
suiettion: qu'il dispose toutes choses par sa prouidence,
gouuerne le monde par sa volonté, & conduit tout ce
qui se fait, selon que bon lui semble.

M. Ainsi, selon ton dire, la puissance de Dieu n'est pas
oisieue, mais emporte dauantage: assauoir, qu'il a tousiours
la main à la besoigne: & que rien ne se fait sinon par lui,
ou avec son congé & son ordonnance.

E. Il est ainsi.

Le Ministre.

Diman.
IIII.

Pourquoy aioustes-tu, Qu'il est Createur du ciel &
de la terre?

L'Enfant.

Pseau. 19.
Rom. 1.

E. Pource qu'il s'est manifesté à nous par ses œu-
res, il faut qu'en icelles nous le cerchions. Car nostre
entendement n'est pas capable de comprendre son es-
sence. Mais le mode nous est comme vn miroir, auquel
nous le pouuons contempler, selon qu'il nous est expé-
dient de le cognoistre.

M. Par le Ciel & la Terre, n'entens-tu pas le residu
des creatures?

E. Si fay: mais elles sont comprises sous ces deux
mots, à cause qu'elles sont toutes celestes ou terriennes.

M. Et pourquoy appelles-tu Dieu seulement Crea-
teur, veu qu'entretenir & conseruer tousiours les creatu-
res

res en leur estat, est beaucoup plus que les auoir vne fois créées?

E. Aussi par cela n'est-il pas seulement signifié qu'il ait pour vn coup mis ses œuures en nature, afin de les de
laisser puis après, sans s'en soucier plus: mais faut enten-
dre que comme le monde a esté fait par lui au commen-
cement, aussi que maintenant il l'entretient en son estat:
tellement que le ciel, la terre & toutes creatures ne con-
sistent en leur estre, sinon par sa vertu. Dauantage, puis
qu'il tient ainsi toutes choses en sa main, il s'ensuit qu'il
en a le gouuernement & maistrise. Parquoy, entant qu'il
est Createur du ciel & de la terre, c'est lui qui cōduit par
sa bonté, vertu & sagesse, tout l'ordre de nature: enuoye la
pluye & la secherelle, les gresles, les tempestes, & le beau
temps, fertilité & sterilité, santé & maladie. En somme, il a
toutes choses à commandement, pour s'en seruir selon
qu'il lui semble bon.

M. Touchant des diables, & des meschās, lui sont-ils
aussi bien suiets?

E. Combien qu'il ne les conduise pas par son saint
Esprit, toutefois il leur tient la bride en telle sorte, qu'ils
ne se pourroyent bouger, sinon autāt qu'il leur permet.
Et mesme il les contraint d'excuter sa volonté, com-
bien que ce soit contre leur intention & propos.

M. Dequoy te sert-il de sauoir cela?

E. Beaucoup. Car ce seroit pource chose si les dia-
bles & les iniques auoyent le pouuoir de rien faire mau-
gré la volonté de Dieu: & mesme nous ne pourrions ia-
mais auoir repos en nos consciences, d'autant que nous
serions en leur dāger: mais quand nous sauōs que Dieu
leur tient la bride serree, tellement qu'ils ne peuuent rien.

que par son congé, en cela nous auôs occasion de nous reposer & resiouir: veu que Dieu promet d'estre nostre protecteur, & de nous defendre.

Le Ministre.

Diman.
V.

V Enons maintenant à la seconde partie.

E. Et en Iesus Christ, son Fils vnique, &c.

M. Que contient-elle en somme?

L'Enfant.

C'est, que nous recognoissons le Fils de Dieu pour nostre Sauueur, & le moyen cōme il nous a deliurez de la mort, & acquis salut.

M. Que signifie ce mot Iesus, par lequel tu le nōmes?

IESVS
Matt. i.

E. C'est à dire, Sauueur: & lui a esté imposé de l'Ange, par le commandement de Dieu.

M. Cela vaut-il plus que s'il eust receu ce nom des hommes?

E. Ouy bien: car puis que Dieu veut qu'il soit ainsi appelé il faut qu'il soit tel à la verité.

M. Que veut dire puis apres le mot de Christ?

Qu'em-
porte le
titre de
Christ

E. Par ce titre est encore mieux declaré son office: c'est, qu'il a esté oint du Pere celeste, pour estre ordonné Roy, Prestre, ou Sacrificateur, & Prophete.

M. Comment fais-tu cela?

E. Pource que selon l'Escripture, l'onction doit seruir à ces trois choses. Et aussi elles lui sont attribuees plusieurs fois.

M. Mais de quel genre d'huile a-il esté oint?

E. Ce n'a pas esté d'une huile visible, comme les anciens Rois, Prestres, & Prophetes: mais ç'a esté des graces du saint Esprit, qui est la verité de ceste onction exterieure qui se faisoit le temps pāsē.

M. Quel est ce Royaume dont tu parles?

E. Il

E. Il est spirituel: & consiste en la Parole & en l'E-
sprit de Dieu, qui contiennent iustice & vie.

Royau-
me de
Christ.

M. Et la Prestriſe?

E. C'est l'office & authorié de se représenter deuant
Dieu, pour obtenir grace & faueur, appaiser son ire, en
offrant sacrifice qui lui soit agreable.

Sa Pre-
ſtriſe.

M. Cōment est-ce que tu dis Iesus Christ Prophete?

Christ
Profete,
Esa. 7,
14.
Heb. 1, 1.

E. Pource qu'en descendant au monde, il a esté mes-
ſager & ambassadeur ſouuerain de Dieu son Pere, pour
exposer plainemēt la volonté d'icelui au monde, & ainſi
mettre fin à toutes propheties & reuelations.

Le Ministre.

TE reuient-il quelque profit de cela?

Diman-
che VI.

L'Enfant.

Le tout est à nostre vtilité. Car Iesus Christ a re-
ceu tous ces dons, pour nous en faire participans, afin
que nous receuions tous de sa plenitude.

Iea 1, 16

M. Declare-moy cela plus au long.

E. Il a receu le S. Esprit avec toutes les graces en per-
fection, pour nous en eslargir & distribuer à chacun se-
lon la mesure & portion que Dieu cognoist estre expe-
diente. Et ainſi nous puisons de lui comme d'une fontaine
ne tout ce que nous auons de biens spirituels.

Eph. 4, 7.
Christ
ſaine de
tout biē.

M. Son Royaume dequoy nous ſert-il?

E. C'est, qu'estans par lui mis en l'liberté de cōſcien-
ce, & remplis de ſes richesses spirituelles, pour viure en
iustice & ſaincteté, nous auons auſſi la puissance pour
vaincre le diable, le peché, la chair, & le monde, qui ſont
les ennemis de nos ames.

Dequoy
nous ſert
le Roy-
aume de
Christ.

M. Et ſa Preſtriſe?

Preſtriſe
de Christ
Hebr. 7,
8, 9, 10, 11.

E. Premièrement, entant qu'il est nostre Mediateur
pour nous reconcilier à Dieu son Pere: Puis apres,

D.iiii.

que par son moyen nous auons acces pour nous presenter aussi à Dieu, & nous offrir en sacrifice, avec tout ce qui procede de nous. Et en cela nous sommes compagnons de sa Prestre.

Prophe-
tie de
Christ.

M. Il reste la Prophetie.

E. Puis que cest office a esté donné au Seigneur Iesus, pour estre Maistre & Docteur des siens, la fin est de nous introduire à la vraye cognoissance du Pere, & de sa Verité, tellement que nous soyons escoliers domestiques de Dieu.

M. Tu veux donc conclurre que ce titre de Christ, cōprend trois offices que Dieu a dōnez à son Fils, pour en communiquer le fruit & la vertu à ses fideles.

E. Voire.

Diman.
VII.

Le Ministre.

Pourquoy l'appelles-tu Fils vnique de Dieu, veu que Dieu nous appelle tous ses enfans?

L'Enfant.

Christ.
Fils vni-
que de
Dieu.
Ephes. I.
Iean I.
Hebr. I.

Ce que nous sommes enfans de Dieu ce n'est pas de nature, mais seulement par adoption & par grace, entant que Dieu nous veut reputer tels. Mais le Seigneur Iesus, qui est engendré de la substāce de son Pere, & est d'une mesme essence, à bon droit est dit Fils vnique: car il n'y a que lui seul qui soit naturel.

M. Tu veux donc dire que cest honneur est propre à lui seul, & lui appartient naturellement: mais il nous est communiqué de don gratuit, entant que nous sommes ses membres.

E. C'est cela. Et pourtant au regard de ceste cōmunication, il est dit ailleurs, Le premier nay entre plusieurs freres.

Rom 8.
Coloss 1

M. Que veut dire ce qui s'ensuit apres?

E. II.

E. Il declare comme le Fils de Dieu a esté oint du Pere pour nous estre Sauueur : c'est assauoir, en prenant nostre chair humaine, & accomplissant les choses requises à nostre redemption, comme elles sont ici recitees.

M. Qu'entens-tu par cesdeux mots, Conceu du saint Esprit, Nay de la vierge Marie?

E. Qu'il a esté formé au ventre de la vierge Marie, de la propre substâce d'icelle, pour estre semée de Dauid, comme il auoit esté predit & neantmoins que cela s'est fait par operation miraculeuse du S. Esprit, sans compagnie d'homme.

M. Estoit-il donc requis qu'il vestist nostre propre chair?

E. Ouy: d'autant qu'il falloit que la desobeissance cōmise contre Dieu par l'homme, fust reparee en la nature humaine. Et aussi il ne pouuoit estre autrement nostre mediateur, pour nous conioindre à Dieu son Pere.

M. Tu dis donc qu'il falloit que Iesus Christ fust homme, pour accomplir l'office de Sauueur, comme en nostre propre personne.

E. Voire: car il nous faut recouurer en lui tout ce qui nous defaut en nousmesmes. Ce qui ne se peut autrement faire.

M. Mais pourquoy cela s'est-il fait par le S. Esprit, & non point par œuvre d'homme, selon l'ordre de nature?

E. Pource que la semence humaine est d'elle-mesme corrompue, il falloit que la vertu du S. Esprit entreuint en ceste conception pour preseruer nostre Seigneur de toute corruption, & le remplir de sainteté.

M. Ainsi il nous est demonsté que celui qui doit sanctifier les autres, est exempt de toute macule, & du ventre

Christ
vray hō
me.
Pse. 132
Matt. I.
Luc. I.

Rom. 5.

1. Tim. 2
Heb. 4.

Recou-
urer en
Christ
ce qui
nous de-
faut.

Christ
conceu
du saint
Esprit.

de sa mere est consacré à Dieu en pureté originelle,
pour n'estre point suiet à la corruption vniuerselle du
genre humain.

E. Ie l'enten ainssi.

Le Ministre.

Diman.
VIII.

Christ
nostre
Sei-
gneur.
Ephes.
Colo. 1.

COMMENT est-ce qu'il est nostre Seigneur?
E. Comme il a esté constitué du Pere, afin qu'il
nous ait en son gouuernement, pour exercer le Royau-
me & la Seigneurie de Dieu au ciel & en la terre: & pour
estre Chef des Anges & des fideles.

M. Pourquoi de la natiuité viens-tu incontinent à
la mort, laissant toute l'histoire de sa vie?

E. Pource qu'il n'est ici parlé que de ce qui est pro-
prement de la substance de nostre redemption.

M. Pourquoi n'est-il dit simplement en vn mot,
qu'il est mort, mais est parlé de Ponce Pilate, sous lequel
il a souffert?

E. Cela n'est pas seulement pour nous asseurer de
la certitude de l'histoire, mais aussi pour signifier que sa
mort emporte condamnation.

M. Comment cela?

Christ
damné
pour no-
us absoudre

E. Il est mort pour souffrir la peine qui nous estoit
deuë, & par ce moyen nous en deliurer. Or pource que
nous estions coupables deuant le iugement de Dieu,
comme malfaiçteurs, pour représenter nostre personne,
il a voulu comparoistre deuant le siege d'vn iuge terri-
en, & estre condamné par la bouche d'icelui, pour nous
absoudre au throne du Iuge celeste.

Mat. 27
Luc 23.

M. Neantmoins Pilate le pronōce innocent: & ainssi
il ne le condamne pas comme s'il en estoit digne.

E. Il y a l'vn & l'autre. C'est, qu'il est iustificié par le
ref-

tesmoignage du Iuge, pour monstrer qu'il ne souffre point pour ses demerites, mais pour les nostres: & cependant est condamné solennellement par la sentence d'iceluy mesme, pour denoter qu'il est vraiment nostre pleige, receuant la condamnation pour nous, afin de nous en acquitter.

Christ
nostre
pleige.

M. C'est bien dit. Car s'il estoit pecheur, il ne seroit pas capable de souffrir la mort pour les autres: & neantmoins, afin que sa condamnation nous soit deliurance, il faut qu'il soit reputé entre les iniques.

Esa 53.

E. Je l'enten ainsi.

Le Ministre.

C E qu'il a esté crucifié emporte-il quelque chose plustost que si on l'eust autrement fait mourir?

Dimas
IX.

L'Enfant.

Ouy, comme l'Apostre le remonstre, disant qu'il a esté pendu au bois pour transporter nostre malediction sur soymesme, pour nous en descharger. Car ce genre de mort estoit maudit de Dieu.

Gala 3.
Christ
fait soiet
à maledi
ction,
pour no
en deli
urer.
Deut. 21

M. Comment? n'est-ce pas deshonorer le Seigneur Iesus, de dire qu'il a esté suiet à malediction, mesme deuant Dieu?

E. Nenni: car en la receuant, il l'a aneatie par sa vertu: tellement qu'il n'a pas laissé d'estre tousiours benit, pour nous remplir de sa benediction.

M. Expose ce qui s'ensuit.

E. D'autant que la mort estoit vne malediction sur l'homme, à cause du peché, Iesus Christ l'a enduree, & en l'endurant l'a vaincue. Et pour demonstrier que ce estoit vne vraye mort que la sienne, il a voulu estre mis au sepulchre, comme les autres hommes.

Christ en
durât la
mort l'a
vaincue.

M. Mais il ne semble pas qu'il nous reuienne quel-

que bien de ceste victoire, veu que nous ne laissons point de mourir.

Mort
des fide-
les est vn
passage
à la vie.

E. Cela n'empesche de rien : car la mort des fideles n'est maintenant autre chose qu'un passage pour les introduire à vne vie meilleure.

M. De cela il s'ensuit qu'il ne nous faut plus craindre la mort, comme vne chose horrible: mais suiure volontairement nostre Chef & Capitaine Iesus Christ, qui nous y precede: nō pas pour nous faire perir, mais pour nous sauuer.

E. Il est ainsi.

Le Ministre.

Diman.
X.

Que signifie ce qui est adiousté de la descente es enfers?

L'Enfant.

Descente
de Christ
aux en-
fers.
Act. 2.

C'est que non seulement il a souffert la mort naturelle, qui est separatiō du corps & de l'ame: mais aussi que son ame a esté enserree en angoisse merueilleuse, que saint Pierre appelle les douleurs de mort.

M. Pour quelle raison cela s'est-il fait, & comment?

Mat. 27

E. Pource qu'il se presentoit à Dieu pour satisfaire au nom des pecheurs, il falloit qu'il sentist ceste horrible destresse en sa conscience, cōme s'il estoit delaisé de Dieu, & mesme comme si Dieu estoit courroucé contre lui. Estant en cest abyssme, il a crié, Mon Dieu, mon Dieu, pourquoy m'as-tu laissé?

M. Dieu estoit-il donc courroucé contre lui?

Esa. 53.
1. Pier. 2.

E. Non: mais il falloit toutefois qu'il l'affligeast ainsi, pour verifiser ce qui a esté predict par Isaie, Qu'il a esté frappé de la main du Pere pour nos pechez, & qu'il a porté nos iniquitez.

M. Mais comment pouuoit-il estre en telle frayeur, com-

comme s'il estoit abandonné de Dieu, lui qui est Dieu mesme?

E. Il faut entendre que selon sa nature humaine il a esté en ceste extremité: & pour ce faire, que sa Diuinité se tenoit pour vn peu de temps comme cachée, c'est à dire qu'elle ne demonstroit point sa vertu.

M. Mais comment se peut-il faire, que Iesus Christ, qui est le salut du monde ait esté en telle condamnation?

E. Il n'y a pas esté pour y demeurer: car il a tellement senti ceste horreur, que nous auôs dite, qu'il n'en a poit esté oppressé, mais a bataillé contre la puissance des enfers, pour la rompre & destruire.

M. Par cela nous voyons la difference entre le torment qu'il a souffert, & celui que sentent les pecheurs que Dieu punit en son ire. Car ce qui a esté temporel en lui, est perpetuel aux autres: & ce qui a esté seulement vn aiguillon pour le poindre, leur est vn glaue pour les naurer à mort.

Tormēt
de Christ
& des pe-
cheurs, il
en quoy
differe.

E. C'est cela: car Iesus Christ n'a pas laissé d'esperer tous iours en Dieu au milieu de telles destresses: mais les pecheurs que Dieu damne, se desesperent & despitēt contre lui iusques à le blasphemer.

Le Ministre.

Pouuons-nous pas bien deduire de cela quel fruit nous receuons de la mort de Iesus Christ?

Diman.
X I.

L'Enfant.

Ouy bien. Et premierement, nous voyons que c'est vn sacrifice, par lequel il a satisfait pour nous au iugement de Dieu: & ainsi a apaisé l'ire de Dieu enuers nous, & nous a reconcliez à lui. Pour le second, que son sang est le lauement par lequel nos ames ont esté purgées de toutes macules. Finalement, que par ceste mort nos pechés

Le fruit
de la
mort de
Christ
en trois
points.

sont effacez, pour ne point venir en memoire deuant Dieu: & ainsi, que l'obligation qui estoit contre nous est abolie.

M. N'en auons-nous pas quelque autre vtilité?

E. Si auons: c'est, que si nous sommes vrais membres de Christ, nostre vieil homme est crucifié, nostre chair est mortifiée: afin que les mauuaises concupiscences ne regnent plus en nous.

M. Declare l'article suiuant.

1. Pier. 2. 18. E. C'est que le troisieme iour il est resuscité. En quoy il s'est demonstté vainqueur de la mort & de peché. Car par sa resurrection il a englouti la mort, & a rompu les liens du diable, & destruit toute sa puissance.

M. En cōbien de sorte nous profite ceste resurrection?

Le profit de la resurrection en 3. points.
E. La premiere est, que la iustice nous a esté pleinement acquise en icelle. La seconde, que ce nous est vn certain gage, que nous resusciterons vne fois en immortalité glorieuse. La troisieme, que si nous communiquons vraiment à icelle, nous resuscitōs dès à present en nouveauté de vie, pour seruir à Dieu, & viure saintement selon son plaisir.

Le Ministre.

*Diman-
XII.*

P Ourfuiuons outre.

E. Il est monté au ciel.

M. Est-il monté en telle sorte, qu'il ne soit plus en terre?

E. Ouy. Car puis qu'il a fait tout ce qui lui estoit enioit du Pere, & qui estoit requis à nostre salut, il n'estoit plus mestier qu'il conuersast au monde.

M. Que nous profite ceste ascension?

Le profit de l'Ascension en 2. points.

E. Le profit en est double. Car d'autant, que Iesus Christ est entré au ciel en nostre nom, aissi qu'il en estoit descen-

descendu pour nous, il nous y donne entree : & nous a
asseurez que la porte nous est maintenant ouuerte, la-
quelle nous estoit close pour nos pechez. Secondement,
il apparoit là deuant la face du Pere, pour estre nostre
Intercesseur & Auocat.

Rom.6.

Heb.7,

25.

M. Mais Iesus Christ montât au ciel, s'est-il tellemēt
retiré du monde, qu'il ne soit plus avec nous?

E. Non: car il a dit le contraire. C'est, qu'il sera pres
de nous iusques à la fin.

Matt.28,

20.

Luc 24,

51.

M. Est-ce de presence corporelle qu'il demeure a-
uec nous?

A& 1,6.

E. Non: car c'est autre chose de son corps qui a esté
esleué en haut, & de sa vertu laq̃lle est par tout espādue.

M. Comment entens-tu qu'il est assis à la dextre
de Dieu son Pere?

E. C'est qu'il a receu la seigneurie du ciel & de la ter
re, afin de regir & gouverner tout.

Mat.28.

M. Mais que signifie la dextre, & ceste assiete dont
il est parlé?

E. C'est vne similtude tiree des princes terriens, qui
font seoir à leur costé dextre ceux qu'ils ordonnent lieu-
tenans pour gouverner en leur nom.

Estre as-

sis à la

dextre,

M. Tu n'entēs donc sinon ce q̃ dit S. Paul: c'est, qu'il
a esté constitué Chef de l'Eglise, & exalté deslus toute
principauté, & qu'il a receu vn nō par dessus tout nom.

Ephes.

Philip.2

E. Voire.

Le Ministre.

P our sui outre.

E. De là viendra iuger les vifs & les morts. Qui
est à dire, qu'il apparoitra vne fois du ciel en iugement,
ainsi qu'on l'y a veu monter.

Diman.

XII

Actes

M. Puis que le Iugement sera en la fin du siecle, comment dis-tu que les vns viuront lors, & les autres seront
Hebr. 9. morts, veu qu'il est ordonné à tous hommes de mourir
vne fois?

1. Cor. 15. E. Saint Paul respond à ceste question, disant que ceux qui seront lors suruiuans seront subitement changez: afin que leur corruption soit abolie, & que leur corps soit renouuelé pour estre incorruptible.

M. Tu entens d'oc que ceste mutatiō leur sera cōme vne mort, pource qu'elle abolira leur premiere nature, pour les faire resusciter en autre estat.

E. C'est cela.

M. Nous reuiet-il quelque consolation de ce que Iesus Christ doit vne fois venir iuger le monde?

E. Ouy, singuliere. Car nous sommes certains qu'il n'apparoistra sinon en nostre salut.

M. Nous ne deuons pas donc craindre le dernier Iugement, pour l'auoir en horreur.

Christ
nostre
Iuge &
Auocat.

E. Non pas, puis qu'il ne nous faudra venir deuant autre Iuge, que celuimesme qui est nostre Auocat, & a pris nostre cause en main pour la defendre.

Le Ministre.

Diman.
XIIII.

La 3. par-
tie, du S.
Esprit &
de ses gra-
ces.

VEnons à la troisieme partie.

E. C'est la Foy au saint Esprit.

M. A quoy nous profite-elle?

E. A ce que nous recognoissiõs que comme Dieu nous a rachetez & sauuez par Iesus Christ, aussi il nous fait par son saint Esprit participans de ceste redemption & du salut,

M. Comment cela?

1. Pier. 1.
1. Iean 5.

E. Comme le sang de Iesus Christ est nostre laue-
ment,

ment, aussi faut-il que le saint Esprit en arrose nos consciences, ace qu'elles soyent lauees.

M. Il faut à ceci declaration plus certaine.

E. C'est à dire, que le saint Esprit habitant en nos cœurs, nous fait sentir la vertu de nostre Seigneur Iesus. Car il nous illumine pour nous faire cognoître ses graces: il les seelle & imprime en nos ames, & leur donne lieu en nous: il nous regenere & fait nouuelles creatures, tellement que par son moyen nous receuons tous les biens & dons qui nous sont offerts en Iesus Christ.

Rom. 5.
Ephe. I.

Le Ministre.

Ve s'ensuit-il?

Diman.
X V.

La quatrieme partie, où il est dit que nous croyons l'Eglise catholique.

La 4. partie, qui est de l'Eglise.

M. Qu'est-ce que l'Eglise catholique?

E. C'est la compagnie des fideles que Dieu a ordonnez & eleus à la vie eternelle.

M. Est-il necessaire de croire cest article?

E. Ouy bien, si nous ne voulons faire la mort de Iesus Christ oisue, & tout ce qui a desia esté recité: car le fruit qui en procede est l'Eglise.

Fruit de la mort de christ

M. Tu dis donc que iusques à ceste heure il a esté parlé de la cause & du fondement de salut, entant que Dieu nous a receus en dilection par le moyen de Iesus Christ, & confirmé en nous ceste grace par son saint Esprit: mais que maintenant est demonstté l'effet & l'accomplissement de tout cela, pour en donner meilleure certitude.

E. Il est ainsi.

M. En quel sens nommes-tu l'Eglise Sainte?

E. Pource que ceux que Dieu a eleus, il les iustifie

Rom. 8.

E.i.

& purifiée à sainteté & innocēce, pour faire en eux reluire sa gloire. Et ainsi, Iesus Christ ayent racheté son Eglise, l'a sanctifiée, afin qu'elle fust glorieuse & sans macule.

Que signifie le mot Catholique
Ephes. 4
1. Cor. 12.

M. Que veut dire ce mot Catholique ou Vniuerselle?
E. C'est pour signifier, que comme il n'y a qu'un Chef des fideles, aussi tous doiuent estre vnis en vn corps. Tellement qu'il n'y a pas plusieurs Eglises, mais vne seule, laquelle est espondue par tout le monde.

M. Et ce qui s'ensuit de la Communion des Saints, qu'emporte-il?

La communion des fideles.

E. Cela est aiousté pour mieux exprimer l'vnité qui est entre les membres de l'Eglise. Et aussi par cela nous est donné à entendre que tout ce que nostre Seigneur fait de bien à son Eglise, est pour le profit & salut de chacun fidele, pource que tous ont communion ensemble.

Le Ministre.

Diman.
X V I.

Mais ceste sainteté que tu attribues à l'Eglise, est-elle maintenant parfaite?

L'Enfant.

L'Eglise
encore
imparfaite.

E. Non pas cependant qu'elle bataille en ce monde. Car il y a tousiours des reliques d'imperfection, lesquelles ne seront iamais ostées, iusques à ce qu'elle soit pleinement coniointe à son Chef Iesus Christ, duquel elle est sanuifiée.

M. Et ceste Eglise ne se peut-elle autrement cognoistre qu'en la croyant?

E. Il y a bien Eglise de Dieu visible, selō qu'il nous a donné les enseignes pour la cognoistre: mais il est ici parlé proprement de la compagnie de ceux que Dieu a eleus pour les sauuer: laquelle ne se peut pas pleinement voir à l'œil.

M. Que s'ensuit-il?

E. Je

E. Je croy la remission des pechés.

M. Qu'entens-tu par ce mot de Remission?

E. Que Dieu par sa bonté gratuite remet & quitte à ses fideles leurs fautes: tellement qu'elles ne vienēt point en conte deuant son iugement pour les en punir.

De la remission des pechez.

M. De cela il s'ensuit que nous ne meritions pas par satisfaction, que Dieu nous pardonne.

E. Voire: car le Seigneur Iesus a fait le payement, & en a porté la peine. De nostre part, nous ne pouuons apporter aucune recompense: mais faut que receuions par la pure liberalité de Dieu pardon de tous nos meffaits.

M. Pourquoy mets-tu cest article apres l'Eglise?

E. Pource q nul n'obtient pardon de ses pechez, que premierement il ne soit incorporé au peuple de Dieu, & perseuere en vnté & cōmunion avec le corps de Christ: & ainsi, qu'il soit vray membre de l'Eglise.

Remission des pechez n'est que en l'Eglise.

M. Ainsi, hors de l'Eglise il n'y a q dānation & mort.

E. Il est certain: car tous ceux qui se separent de la communauté des fideles, pour faire secte à part, ne doiuent esperer salut, cependant qu'ils sont en diuision.

Le Ministre.

Ve s'ensuit-il?

L'Enfant.

La Resurrectiō de la chair, & la Vie eternelle.

M. Pourquoy cest article est-il mis?

E. Pour nous mōstrer que nostre felicité ne gist pas en la terre: ce qui sert à double fin. Premierement, afin que nous apprenions de passer par ce monde comme par vn pays estrange, contemnans toutes choses terriennes, & n'y mettans point nostre cœur: puis aussi, que combien que nous n'apperceuions pas encore le fruit de la grace que le Seigneur nous a faite en Iesus Christ,

Diman. XVII.

La resurrection.

que nous ne perdions pas courage pourtant : mais l'attendions en patience, iusques au temps de la reuelation.

M. Comment se fera ceste resurrection?

E. Ceux qui seront morts au parauant reprendront leurs corps, neantmoins d'autre qualité: assauoir, qui ne
1. Cor. 15. seront plus suiets à mortalité & corruption, combië que ce sera la mesme substance. Et ceux qui suruiuront encore, Dieu les resuscitera miraculeusement par ce changement subit dont il a esté parlé.

M. Et ceste resurrection ne sera-elle pas commune tant aux mauuais comme aux bons?

Jean 5.

Mat. 25.

E. Ouy bien: mais ce sera bien en diuerse condition. Car les vns resusciteront à salut & ioye : & les autres, à condamnation & mort.

M. Pourquoi donc est-il seulement parlé de la vie éternelle, & non point aussi bien d'enfer?

E. Pource qu'il n'y a rien couché en ce sommaire, qui n'appartiene proprement à la cōsolatiō des consciences fideles, il nous recite seulement les biës que Dieu fait à ses seruiteurs. Et ainsi, il n'y est fait nulle mention des iniques, qui sont exclus de son Royaume?

Le Ministre.

Diman.

XVIII.

PVis que nous auons le fondement sur lequel la Foy est appuyee, nous pourrons bien de là conclure que c'est que la vraye Foy.

L'Enfant.

Que

c'est que

vraye

Foy.

Voire: assauoir, certaine & ferme cognoissance de la dilection de Dieu enuers nous, selon que par son Euan-gile il se declare estre nostre Pere & Sauueur, par le moyen de Iesus Christ.

M. La pouuons-nous auoir de nous-mesmes, ou si elle vient de Dieu?

E. L'E-

E. L'Eſcriture nous enſeigne que c'eſt vn don ſingulier du ſaint Eſprit: & l'experience auſſi le monſtre.

M. Comment?

E. Pource que noſtre entendement eſt trop debile pour comprendre la ſageſſe ſpirituelle de Dieu, qui nous eſt reuelee par la Foy: & nos cœurs ſont enclins à deſfiance, ou bien à fiance perueſe de nous, ou des creatures. Mais le S. Eſprit nous illumine, pour nous faire capables d'entendre ce qui autrement nous ſeroit incomprehenſible: & nous foruſie en certitude, ſeellant, & imprimât les promeſſes de ſalut en nos cœurs.

M. Quel bien nous procede-il de ceſte Foy, quand nous l'auons?

E. Elle nous iuſtifie deuant Dieu, pour nous faire obtenir vie eternelle. La Foy nous iuſtifie.

M. Comment donc? l'homme n'eſt-il pas iuſtifié par bonnes œuvres, viuant ſainteement & ſelon Dieu?

E. S'il s'en trouuoit quelqu'un ſi parfait, on le pourroit bien nommer iuſte: mais entant que nous ſommes tous pourres pecheurs, il nous faut chercher ailleurs noſtre dignité, pour reſpondre au iugement de Dieu.

Le Miniſtre.

MAis toutes nos œuvres ſont-elles tellement re- Diman. XI X.
prouuees, qu'elles ne nous puiſſent meriter grace deuant Dieu?

L'Enfant.

Premierement, toutes celles que nous faiſons de noſtre propre nature ſont vicieuſes, & par conſequent ne peuuent plaire à Dieu, mais il les condamne toutes. Toute enure humaine a uât la re-generati-on damnable.

M. Tu diſ donc que deuant que Dieu nous ait receus en ſa grace, nous ne pouuons ſinon pecher: comme vn mauuais arbre ne produit que mauuais fruits. Matt 7...

E.iii.

E. Il est ainsi: car encores que nos œuures ayent belle apparence par dehors, si sont-elles mauuaises, puis que le cœur est peruers, lequel Dieu regarde.

M. Par cela tu conclus que nous ne pouuons prouuer Dieu par nos merites, pour l'induire à nous bien faire: mais au cōtraire, ne faisons que l'irriter contre nous.

E. Voire: & pourtant ie di que par sa pure misericorde & bonté, sans aucune consideration de nos œuures, il nous a agreables en Iesus Christ, nous imputât la iustice d'icelui, & ne nous imputant point nos fautes.

M. Comment donc dis-tu que l'homme est iustificié par Foy?

E. Pource qu'en croyant & receuant en vraye fiance de cœur les promesses de l'Euangile, nous entrons en possession de ceste iustice.

M. Tu entens que comme Dieu nous la presente par l'Euangile, aussi le moyen de la receuoir est par Foy.

E. Ouy.

Le Ministre.

Diman.
X X.

MAis puis que Dieu nous a vne fois receus, les œuures que nous faisons par sa grace, ne lui sont elles pas plaisantes?

L'Enfant.

Des bon
nes œu-
ures fai-
tes en
Foy.

Ouy bien, entât qu'il les accepte liberalement, & non pas pour leur propre dignité.

M. Comment? ne sont-elles pas dignes d'estre acceptees, puis qu'elles procedent du saint Esprit?

E. Non pas, à cause qu'il y a tousiours quelque infirmité de nostre chair meslee parmi, dont elles sont souillees.

M. Quel sera donc le moyen de les rēdre agreables?

E. Si elles sont faites en Foy: c'est à dire, que la per-
sonne

sonne soit asseuree en sa conscience que Dieu ne les examinera pas à la rigueur: mais en couurant les imperfections & macules par la pureté de Iesus Christ, les tiendra comme parfaites.

M. Par cela dirós-nous que l'homme Chrestien est iustificié par ses œuvres apres que Dieu l'a appelé, ou que par icelles il merite que Dieu l'aime, pour obtenir salut?

E. Non: mais au contraire il est dit, Que nul homme vivant ne sera iustificié devant sa face. Pourtant nous Pse. 143. auons à prier qu'il n'entre point en iugement ni en conte avec nous.

M. Tu n'entens pas pourtant que les bonnes œuvres des fideles soyent inutiles.

E. Non: car Dieu promet de les remunerer ample-ment, tant en ce monde cōme en Paradis: mais tout cela procede de ce qu'il nous aime gratuitement, & enseuelit toutes nos nos fautes pour n'en auoir point memoire.

M. Mais pouuons-nous croire pour estre iustifiez, sans faire bonnes œures?

E. Il est impossible: car Croire en Iesus Christ, c'est le receuoir tel qu'il se donne à nous. Or il nous promet non seulement de nous deliurer de la mort, & re- Croire en Iesus Christ, que c'est mettre en la grace de Dieu son Pere par le merite de son innocence: mais aussi de nous regenerer par son Esprit pour nous faire viure saintement.

M. La Foy donc non seulement ne nous rend pas nonchalans à bonnes œures, mais est la racine d'où elles sont produites.

E. Il est ainsi: & pour ceste cause la doctrine de l'E- Foy & Peniten uangile est comprise en ces deux poincts, assauoir, Foy ce. & Penitence.

*Le Ministre.*Diman-
X X I.**Q**V'est-ce que Penitence?*L'Enfant.*Penitence
que c'est

C'est vne desplaisance du mal, & amour du bien, procedant de la crainte de Dieu, & nous induisant à mortifier nostre chair, pour estre gouuernez & conduits par le saint Esprit au seruice de Dieu.

M. C'est le second poinct que nous auons touché de la vie Chrestienne.

Vray ser-
uice de
Dieu.

E. Voire : & auôs dit que le vray & legitime seruice de Dieu consiste en ce que nous obeissions à sa volôté.

M. Pourquoi?

E. D'autant qu'il ne veut pas estre serui selon nostre fantasie, mais à son plaisir.

La Loy.

M. Quelle regle no^s a-il dōnee pour no^s gouuerner?

E. Sa Loy.

M. Qu'est-ce qu'elle contient?

E. Elle est diuisee en deux parties : dont la premiere contient quatre Commandemens, & l'autre six : ainsi en tout ce sont dix.

M. Qui a fait ceste diuision?

Exo. 34
Deut. 10

E. Dieu mesme, qui l'a donnee escrete à Moyse en deux Tables, & a dit qu'elle se reduisoit en dix paroles.

M. Quel est l'argument de la premiere Table?

E. Touchant la maniere de bien honorer Dieu.

M. Et de la seconde?

E. Comme il nous faut viure avec nos prochains, & de ce que nous leur deuons.

*Le Ministre.*Diman.
X X I I.**R**Ecite le premier Commandement.*L'Enfant.*Le 1. Co.
Exo. 10.
Deu. 5.**E**Scoute, Israel : le suis le Seigneur ton Dieu qui t'ay tiré hors de la terre d'Egypte, de la maison de seruitude.

tude. Tu n'auras point d'autre dieu deuant moy.

M. Expose le sens.

E. Du commencement il fait comme vne preface sur toute la Loy: car il s'attribue autorité de commander, se nōmant l'Eternel & Createur du monde. Apres, il se dit nostre Dieu, pour nous rendre sa doctrine amiable. Car s'il est nostre Sauueur, c'est bien raison que nous soyons peuple obeissant.

M. Mais ce qu'il dit apres, de la deliurance de la terre d'Egypte, ne s'adresse-il pas particulierement au peuple d'Israel?

Deliurā-
ce d'Egy-
pte.

E. Si fait bien selon le corps; mais il nous appartient aussi generalement à tous, entant qu'il a deliuré nos ames de la captiuité spirituelle de peché, & de la tyrānie du diable.

M. Pourquoi fait-il mention de cela au commencement de sa Loy?

E. C'est pour nous admonester combien nous sommes tenus de suiure son bon plaisir, & quelle ingratitude ce seroit de faire du contraire.

M. Et qu'est-ce qu'il requiert en somme en ce commandement?

E. Que nous lui reseruions à lui seul l'honneur qui lui appartient, sans le transporter ailleurs.

Somme
du 1. Cō-
mand.

M. Quel honneur est-ce qui lui est propre?

E. De l'adorer lui seul, l'inuoquer, auoir nostre fiāce en lui, & telles choses semblables, qui sont attribuees à sa Maieſté.

L'hon-
neur deu
à Dieu.

M. Pourquoi dit-il, Deuant ma face?

E. D'autant qu'il voit & cognoit tout, & est iuge des secretes pensees des hommes, il signifie que non seu-

lemēt par cōfession exterieure il veut estre auoué Dieu,
mais aussi en pure verité & affection de cœur.

Le Ministre.

Diman.
X XIII.

DI le second Commandement.

l'Enfant.

Le 2. Co
mand.

TV ne te feras image taillee, ne semblance aucune des
choses qui sont au ciel là sus, ou en la terre ci bas, ou
es eaux qui sont sous la terre. Tu ne les honoreras point.

M. Veut-il du tout defendre de faire aucune image?

Des ima
ges.

E. Non : mais il defend de faire aucune image, ou
pour figurer Dieu ou pour adorer.

M. Pourquoy est-ce qu'il n'est point licite de repre-
senter Dieu visiblement?

Deute. 4.
Esa. 41.
Rom. 6.
Act. 7.

E. Pource qu'il ny a nulle conuenance entre lui,
qui est Esprit eternal, incomprehensible, & vne matiere
corporelle, morte, corruptible & visible.

M. Tu entens donc que c'est faire deshonneur à sa
Maiesté, de le vouloir représenter ainsi.

E. Voire.

M. Quelle forme d'adoration est ici condamnée?

E. C'est de se presenter deuant vne image pour fai-
re son oraison : de flechir le genou deuant icelle, ou faire
quelque autre signe de reuerence, comme si Dieu se de-
monstroir là à nous.

Quelle
peinture
est de-
fendue.

M. Il ne nous faut pas donc entendre que toute tail-
leure, on peinture soit defendue en general: mais seule-
ment toutes images qui se font pour seruir Dieu, ou l'ho-
norer en choses visibles, ou bien pour en abuser à idola-
trie, en quelque sorte que ce soit.

E. Il est ainsi.

M. A quelle fin reduirons-nous ce Commandement?

E. Comme au premier Dieu a déclaré qu'il estoit
seul

seul sans autre, qu'on doit adorer: aussi maintenant il nous demonstre quelle est la droite forme, afin de nous retirer de toutes superstitions & façons charnelles.

Le Ministre.

Passons outre.

Diman.
XXIIII.

L'Enfant.

Il aiouste vne menace, Qu'il est l'Eternel nostre Dieu, fort, ialoux, visitant l'iniquité des peres sur les enfans en la troisieme & quatrieme generatiō enuers ceux qui le hayssent.

M. Pourquoy fait-il mention de sa force?

E. Pour denoter ql est puissant à maintenir sa gloire.

M. Que signifie-il par la Ialousie?

E. Qu'il ne peut endurer compaignon. Car comme il s'est donné à nous par sa bonté infinie, aussi veut-il que nous soyons entierement siens. Et c'est la chasteté de nos ames, d'estre consacrees & dediees à lui. D'autre-

Paillardie
se spiri-
tuelle.

part, c'est vne paillardise spirituelle, de nous destourner à quelque superstition.

M. Comment se doit-il entendre Qu'il punit le peché des peres sur les enfans?

E. Pour nous donner plus grande crainte, il dit que non seulement il se vëgera de ceux qui l'offensent, mais aussi que leur lignee sera maudite apres eux.

M. Et cela n'est-il pas contraire à la iustice de Dieu, de punir les vns pour les autres?

E. Si nous considerons quelle est la condition de l'humain lignage, ceste question sera vuidee. Car de nature nous sommes tous maudits, & ne nous pouuōs plaindre de Dieu quand il nous laissera cōme nous sommes. Or comme il demonstre sa grace & dilection sur ses seruiteurs en benissant leurs enfans, aussi c'est vn tesmoi-

Cōment
Dieu pu-
nit les
enfans à
cause
des peres

gnage de sa vengeance sur les iniques quand il laisse leur semence en malediction.

M. Que dit-il plus?

E. Afin de nous inciter aussi par douceur, il dit qu'il fait misericorde en mille generations à ceux qui l'aimēt & gardent ses Commandemens.

M. Entent-il que l'obeissance du fidele sauvera toute sa race, encores qu'elle soit meschante?

E. Non pas: mais qu'il estendra iusques là sa bonté enuers les fideles, que pour l'amour d'eux il se donnera à cognoistre à leurs enfans: & non seulement les fera prosperer selon la chair, mais les santifiera par son Esprit, pour les rendre obeissans à faire sa volonté.

M. Mais cela n'est pas perpetuel?

E. Non: car comme le Seigneur se reserve la liberté de faire misericorde aux enfans des iniques, aussi d'autrepart il retient le pouuoir d'essire ou reietter en la generation des fideles ceux que bon lui semble. Toutefois si fait-il tellement qu'on peut cognoistre ceste promesse n'estre pas vaine ne frustratoire.

M. Pourquoi nomme-il ici mille generations, & en la menace il n'en nomme que trois ou quatre?

E. C'est pour signifier que son propre est d'vser plus tost de bonté & douceur, que de rigueur ne rudesse: comme il tesmoigne qu'il est enclin à bienfaire, tardif à se courroucer.

Exo. 34
Pse. 103.

Diman.
X X V.

Le 3. Co
mand.

V Enons au troisieme Commandement.

Le Ministre.

L'enfant.

T V ne prendras point le Nom du Seigneur ton Dieu en vain.

M. Que veut-il dire?

E. Il

E. Il nous defend d'abuser du Nom de Dieu non seulement en pariuremens, mais aussi en sermens superflus & oisifs.

M. En peut-on donc bien vser en sermens?

E. Ouy, qui sont necessaires: c'est à dire pour maintenir la verité, quand il en est mestier, & pour entretenir charité & concorde entre nous.

M. Ne veut-il sinon corriger les sermens qui sont au deshonneur de Dieu?

E. Par vne espece il nous instruit en general de ne mettre iamais en auant le Nom de Dieu, sinõ en crainte & humilité, pour le glorifier: Car selon qu'il est saint & digne, aussi nous faut-il garder de le prendre en telle sorte qu'il semble que nous l'ayons en mespris, ou que nous donnions occasion de le vilipender.

Du Nom
de Dieu.

M. Comment cela se fera-il?

E. Quand nous ne penserons, ne parlerons de Dieu ne de ses œuvres, sinon honorablement & en sa louange.

M. Que s'ensuit-il?

E. Vne menace, qu'il ne tiendra pour innocent celui qui prendra son Nom en vain.

M. Veu qu'il denonce ailleurs generalemēt qu'il punira tous transgresseurs, qu'est-ce qu'il y a ici dauantage?

E. Par cela il a voulu declarer combien il a en singuliere recōmandation la gloire de son Nom, disant nommément qu'il ne souffrira pas qu'on le mesprise: afin que nous soyons tant plus soigneux de l'auoir en reuerence.

Le Ministre.

VEnons au quatrieme.

L'enfant.

QU'il te souuiene du iour du Repos, pour le sanctifier. Six iours tu trauailleras, & feras toute ton œuvre.

Diman-
XXVI

Le 4. Cō
mand.

Le septieme, c'est le repos du Seigneur ton Dieu. Tu ne feras en icelui ceuvre aucune, ne toy, ne ton fils, ne ta fille, ne ton seruiteur, ne ta chabriere, ne ton bœuf, ne ton asne, ne l'estranger qui est dedans tes portes. Car en six iours Dieu a fait le ciel & la terre & tout ce qui y est cōpris : le septieme il s'est reposé : pourtant il a benit le iour du repos, & l'a santifié.

M. Commande-il de trauailler six iours la semaine, pour se reposer le septieme?

E. Non pas simplement : mais en donnant congé de trauailler six iours durant, il reserue le septieme, auquel il n'est loisible de besongner.

M. Nous defend-il donc toute besongne vn iour la semaine?

E. Ce Commandement a quelque consideration particuliere. Car l'observation du Repos est vne partie des ceremonies de la Loy ancienne. Parquoy à la venue de Iesus Christ elle a esté abolie.

M. Dis-tu que ce Commandement appartient proprement aux Iuifs, & a esté donné pour le temps de l'ancien Testament?

E. Voire, entant qu'il est ceremonial.

M. Comment donc? y a-il quelque chose outre la ceremonie?

E. Il a esté fait pour trois raisons.

M. Quelles sont-elles?

E. Pour figurer le repos spirituel: Pour la police Ecclesiastique, & pour le soulagement des seruiteurs.

M. Qu'est-ce que ce Repos spirituel.

E. C'est, de cesser de nos propres ceures, afin que le Seigneur ceure en nous.

M. Com-

Le Re-
pos instil-
lé par
3 raisons

M. Comment cela se fait-il?

E. En mortifiant nostre chair: c'est à dire, renonçant à nostre nature, afin q Dieu nous gouuerne par son Esprit

M. Cela se doit-il faire seulement vn iour la semaine?

E. Il se doit faire continuellement. Car depuis que nous auons commencé, il nous faut poursuiure toute nostre vie.

M. Pourquoi donc y a-il iour certain assigné pour figurer cela?

E. Il n'est pas requis que la figure soit du tout pareille à la verité, mais suffit qu'il y ait quelque semblance.

M. Pourquoi le septieme iour est-il ordonné plus-tost qu'un autre?

E. Le nombre de Sept signifie perfection en l'Escri-
ture. Ainsi, il est propre pour denoter la perpetuité. Aussi il nous admoneste que nostre repos spirituel n'est si-
non cōmencé durant ceste vie presente: & ne sera point
parfait iusques à ce que nous sortions de ce monde.

Nombre
de Sept.

Le Ministre.

MAis que veut dire la raison qu'allegue ici nostre
Seigneur, Qu'il nous faut reposer cōme il a fait?

Diman.
XXVII.

L'Enfant.

Après auoir créé toutes les œuures en six iours, il a
dedié le septieme à la cōsideratiō d'icelles. Et pour no-
mieux induire à ce faire, il nous allegue son exemple: car
il n'y a rien tant desirable que d'estre conforme à lui.

M. Faut-il tousiours mediter les œuures de Dieu, ou
s'il suffit d'un iour la semaine?

E. Cela se doit faire chacun iour: mais à cause de
nostre infirmité, il y en a vn certain specialement depu-
té: & c'est la police que j'ay dite.

Medita-
tion des
œuures
de Dieu
doit e-
stre con-
tinuelle.

M. Quel ordre donc doit-on garder en ce iour?

E. C'est que le peuple s'assemble pour estre instruit en la Verité de Dieu, pour faire les prieres communes, & rendre tesmoignage de sa foy & religion.

M. Comment entens-tu que ce Commandement est donné aussi pour le soulagement des seruiteurs?

E. Pour donner quelque relasche à ceux qui sont en la puissance d'autrui. Et pareillement cela sert à la police commune. Car chacun s'accoustume à trauailler le reste du temps, quand il y a vn iour de repos.

M. Maintenant disons comment ce Commandement s'adresse à nous.

E. Touchant la ceremonie, elle est abolie. Car nous auons l'accomplissement en Iesus Christ.

M. Comment?

E. C'est que nostre vieil homme est crucifié par la vertu de sa mort: & que par sa resurrection nous resuscitons en nouueauté de vie.

M. Qu'est-ce donc qui nous en reste?

E. Que nous obseruons l'ordre constitué en l'Eglise, pour ouir la Parole du Seigneur, communiquer aux prieres publiques, & aux Sacremens: & que nous ne cōtreuenions pas à la police spirituelle qui est entre les fideles.

M. Et de la figure, ne nous profite-elle rien?

E. Si fait bien: car il nous la faut reduire à la verité: c'est qu'estans vrais membres de Christ, nous delaissons nos œuures propres, pour nous permettre à son gouuernement.

Diman.
XX-
VIII.

Le 5. Cō-
mand.

Ministre.

VEnons à la seconde Table.

l'Enfant.

HOnore ton pere & ta mere.

M. Qu'entens-tu par Honorer?

E. Que les enfans soyent humbles & obeissans à leurs peres & meres, leur portent honneur & reuerence, leur assistent, & soyent à leur commandement, comme ils y sont tenus. Hone-
rer pere
& mere,
que c'est.

M. Poursui plus outre.

E. Dieu adioust vne promesse à ce cōmandement disant, Afin que tes iours soyent prolongez sur la terre laquelle le Seigneur ton Dieu te donne.

M. Que veut dire cela?

E. Que Dieu donnera longne vie à ceux qui rendront au pere & à la mere l'honneur qui leur est deu.

M. Veu que ceste vie est tant pleine de miseres, comment est-ce que Dieu promet à l'homme pour vne grace, qu'il le fera viure longuement?

E. La vie terrienne, quelque miserable qu'elle soit, est vne benediction de Dieu à l'homme fidele : & ne fust sinon d'autant que Dieu lui testifie sa dilection paternelle, l'entretenant en icelle.

M. S'ensuit-il au contraire, que l'homme qui meurt tost, soit maudit de Dieu?

E. Non : & mesmes il aduiendra quelque fois, que le Seigneur retirera plustost de ce monde ceux qu'il aimera le plus.

M. En ce faisant comment garde-il sa promesse?

E. Tout ce que Dieu nous promet de biens terriens, il le nous faut prendre avec condition, entant qu'il est expedient pour nostre salut spirituel. Car ce seroit pour chose si cela n'alloit tousiours deuant. Bîes ter-
riens avec
cōdition.

M. Et de ceux qui seront rebelles à pere & à mere?

E. Non seulement Dieu les punira au iour du Iuge-

Ei.

Punitio
des en-
fans des-
obeissans.

Deu. 28.
Deu. 30.

Deu. 31.

Deu. 32.

Deu. 33.

Deu. 34.

Deu. 35.

Deu. 36.

Deu. 37.

Deu. 38.

Deu. 39.

Deu. 40.

Deu. 41.

Deu. 42.

Deu. 43.

Deu. 44.

Deu. 45.

Deu. 46.

Deu. 47.

Deu. 48.

Deu. 49.

Deu. 50.

Deu. 51.

Deu. 52.

Deu. 53.

Deu. 54.

Deu. 55.

Deu. 56.

Deu. 57.

ment, mais il en fera aussi la vengeance sur leurs corps, soit en les faisant mourir deuant leurs iours, ou ignominieusement, ou en quelque autre sorte.

M. Parle-il pas nommément de la terre de Chanaan, en ceste promesse?

E. Ouy bien quant aux enfans d'Israel: mais il nous faut maintenant prendre ce mot plus generally. Car en quelque pays que nous demeurions, puis que la terre est siene, il nous y donne nostre habitation.

M. Est-ce là tout le Commandement?

E. Combien qu'il ne soit parlé que de pere & de mere: toutesfois il faut entendre tous superieurs, puis qu'il y a vne mesme raison.

M. Et quelle?

E. C'est que Dieu leur a donné la preeminence: car Rom. 13. il n'y a autorité ne de peres ne de princes, ne de tous autres superieurs, sinon comme Dieu l'a ordonné.

Diman.
XXIX.

Le 6. cõ-
mande-
ment.

Le 6. cõ-
mande-
ment.

Le 6. cõ-
mande-
ment.

Le 6. cõ-
mande-
ment.

Le 6. cõ-
mande-
ment.

Le 6. cõ-
mande-
ment.

Le 6. cõ-
mande-
ment.

Le 6. cõ-
mande-
ment.

Le 6. cõ-
mande-
ment.

Le 6. cõ-
mande-
ment.

Le 6. cõ-
mande-
ment.

Le 6. cõ-
mande-
ment.

Le 6. cõ-
mande-
ment.

Le 6. cõ-
mande-
ment.

DI le sixieme Commandement.

TV ne tueras point.

Ne defend-il sinon d'estre meurtrier?

E. Si fait bien: car puis que c'est Dieu qui parle, non seulement il nous impose loy sur les ceuures exterieures, mais principalement sur les affectiõs de nostre cœur.

M. Tu entens donc qu'il y a vne espeece de meurtre interieur, que Dieu nous defend ici.

E. Voire: qui est haine & rancune, & cupidité de mal faire à nostre prochain.

M. Suffit-il de ne point hayr, & ne point porter mauuaise affectiõ?

E. Non:

E. Non: car Dieu en condamnant la haine, signifie qu'il requiert que nous aimions nos prochains, & procurions leur salut, & le tout de vraye affection, & sans feintise.

M. Di le septieme Commandement.

T^{L'Enfant.}
^{Le Ministre.} V ne paillarderas point.

Le 7. C^o
mand.

Quelle est la somme?

E. Que toute paillardise est maudite de Dieu: & pourtant qu'il nous en faut abstenir, si nous ne voul^os prouoquer son ire contre nous.

M. Ne requiert-il autre chose?

E. Il nous faut tousiours regarder la nature du Legislateur, lequel ne s'arreste pas seulement à l'œuvre extérieure, mais demande l'affection du cœur.

M. Qu'est-ce donc qu'il emporte?

E. Puis que nos corps & nos ames sont temples du saint Esprit, que nous les conseruions en toute honn^osteté. Et ainsi que nous soyons chastes, non seulement de faict, mais aussi de desirs, de paroles & de gestes: tellement qu'il n'y ait nulle partie en nous souillée d'impudicité.

1. Cor. 3.
& 6.
2. Cor. 6.

V^{Le Ministre.}
^{L'Enfant.} Enons au huitiemé.

Diman.
X X X.

T V ne desroberas point.

Le 8. C^o
mand.

M. Veut-il seulement defendre les larcins qu'on punit par iustice, ou s'il s'estend plus loin?

E. Il entend toutes mauuaises trafiques & moyens desraisonnables d'attirer à nous le bien de nostre prochain, soit par violence ou cautelle, ou en quelque autre sorte que Dieu n'ait point approuuee.

M. Est-ce assez de s'abstenir du faict, ou si le vouloir y est aussi comprins?

E. Il faut tousiours là reuenir, d'autant que le Legiflateur est spirituel: qu'il ne parle pas simplement des larcins exterieurs, mais aussi bien des entreprises, volonte, & deliberations de nous enrichir au detrimement de nostre prochain.

M. Que faut-il donques?

E. Faire nostre deuoir de conseruer à vn chacun le sien.

M. Quel est le neuſieme?

L'Enfant.

Le 9. Cō
mand.

TV ne diras point faux tesmoignage contre ton prochain.

M. Nous defend-il de nous pariurer en iugement, ou du tout de mentir contre nostre prochain?

Doctri-
ne gene
rale du
iuremēt

E. En nommant vne espee, il baille vne doctrine generale, que nous ne mesdisions pas faussement contre nostre prochain: & que par nos detractions & menſonges nous ne le blessions point en ses biens ni en sa renommee.

M. Pourquoy notamment parle-il des pariures publiques?

E. Pour nous faire auoir en plus grand horreur ce vice de mesdire & detracter, denotant que quiconque s'accoustume à faussement calomnier & diffamer son prochain, viendra bien puis apres à se pariurer en iugement.

M. Ne defend-il sinon de mal parler, ou s'il cōprend aussi mal penser?

E. L'vn & l'autre, selon la raison dessus alleguee. Car ce qui est mauuais de faire deuant les hommes, est mau-
uais

uais de vouloir deuant Dieu.

M. Recite donc ce qu'il veut dire en somme.

E. Il nous enseigne de n'estre pas enclins à mal iuger ne detracter: mais plustost à bien estimer de nos prochains tant que la verité le porte, & conseruer leur bonne renommee en nos paroles.

VEnons au dernier ^{Le Ministre.} Commandement.

Diman.
XXXI.

TV ne cōuoiteras point la maison de ton prochain: ^{l'Enfant.} tu ne conuoiteras point la femme de ton prochain, ne son seruiteur, ne sa chambriere, ne son beuf, ne son asne, ne rien qui lui appartiene.

Le 10 Cō
mand.

M. Veu que toute la Loy est spirituelle, comme tu as dit, & que les autres Commandemens ne sont pas seulement pour regler les œuures exterieures, mais aussi les affections du cœur, qu'est-ce qui est ici dit dauantage?

E. Le Seigneur a voulu par les autres Commandemens rengier nos affections & volonte, ici il veut aussi imposer loy à nos pensees, lesquelles emportēt quelque conuoitise & desir, & toutefois ne viennent iusqu'à vn vouloir arresté.

M. Entens-tu que la moindre tētation qui pourroit venir en pensee à l'hōme fidele, soit peché, encores qu'il y resiste, & n'y consente nullement?

E. Il est certain que toutes pensees mauuaises procedent de l'infirmité de nostre chair, encore que le consentement n'y soit pas: mais ie di que ce Commandement parle des concupiscences qui chatouillēt & poignent le cœur de l'hōme, sans venir iusques à propos deliberé.

Toute
tētation
est vice.

M. Tu dis donques, que comme les affections mauuaises, qui emportent volōté certaine & comme resoluë,

ont esté ci dessus condamnées : aussi que maintenant le Seigneur requiert vne telle integrité, qu'il n'entre en nos cœurs quelque mauuaise cupidité, pour les solliciter & esmouuoir à mal.

E. C'est cela.

M. Ne pouuons-nous pas maintenant faire vn sommaire de toute la Loy?

E. Si faisons, la reduisant à deux articles: dont le premier est, Que nous aimions nostre Dieu de tout nostre cœur, de toute nostre ame, & de toutes nos forces: Item, nostre prochain comme nousmesmes.

M. Qu'est-ce qu'emporte l'Amour de Dieu?

E. Si nous l'aimons comme Dieu, c'est pour l'auoir & tenir comme Seigneur, Maistre, Sauueur, & Pere: ce qui requiert crainte, honneur, fiance, obeissance, avec l'amour.

M. Que signifie, De tout nostre cœur, nostre ame & nos forces?

E. C'est à dire, d'un tel zele & d'une telle vehemence, qu'il n'y ait en nous nul desir, nulle volonté, nulle estude, nulle cogitation, qui contreuieue à ceste amour.

Le Ministre.

Diman.
XXXII.

Vel est le sens du second article?

L'enfant.

C'est, que comme nous sommes si enclins naturellement à nous aimer, que ceste affection surmonte toutes les autres: aussi que la charité de nos prochains domine tellement en nos cœurs, qu'elle nous mene & conduise, & soit la regle de toutes nos pensées & nos œuvres.

M. Et qu'entens-tu par nos prochains?

E. Non seulement nos parens & amis, ou ceux qui ont

ont accointance avec nous: mais aussi ceux que nous ne
cognoissons pas, & mesme nos ennemis.

Qui sont
nos pro-
chains.

M. Quelle conionction ont-ils avec nous?

E. Telle que Dieu a mise entre tous les hommes de
la terre, laquelle est inuiolable: & ainsi ne se peut abolir
par la malice de personne.

M. Tu dis donc que si quelcun nous hait, cela est
de son propre: mais cependant, que selon l'ordre de
Dieu, il ne laisse point d'estre nostre prochain, & nous le
faut tenir pour tel.

E. Voire.

M. Puis que la Loy contient la forme de bien servir
à Dieu, l'homme Chrestien ne doit-il pas viure selon
qu'elle commande?

E. Si fait bien: mais il y a telle infirmité en tous, que
nul ne s'en acquitte parfaitement.

M. Pourquoi donc requiert le Seigneur vne telle per-
fection, qui est par dessus nostre faculté?

E. Il ne requiert rien à quoy nous ne soyons tenus.
Au reste, moyennant que nous mettions peine de con-
former nostre vie à ce qui nous y est dit, encores que
nous soyons bien loin d'attaindre iusqu'à la perfection,
le Seigneur ne nous impute point ce qui defaut.

M. Parles-tu en general de tous hommes, ou seu-
lement des fideles?

E. L'homme qui n'est regeneré de l'Esprit de Dieu
ne pourroit commencer à faire le moindre poinct qui y
soit. D'auantage, encores qu'il s'en trouuast vn qui en
fist quelque partie, si ne seroit-il pas quitte pourtant:
car nostre Seigneur denonce que tous ceux qui ne par-
leront entierement le contenu d'icelle, seront maudits.

Deut. 27
Galat. 3.

Le Ministre.

Diman.
X X X.
111.

PAR cela il faut conclure que la Loy a double office, selon qu'il y a deux especes d'hommes.

L'Enfant.

Voire: car enuers les incredules elle ne sert sinon de les redarguer, & rendre plus inexcusables deuant Dieu.

Rom. 3.
2 Cor. 3.

Et c'est ce que dit S. Paul, qu'elle est ministere de mort & damnation. Enuers les fideles elle a bien autre vslage.

M. Quel?

L'office
de la loy
Rom. 5.
Galat. 4.

E. Premièrement d'autant qu'elle leur demonstre qu'ils ne se peuuent iustifier par leurs œuures, en les humiliant elle les dispose à chercher leur salut en Iesus Christ. Puis apres, entant qu'elle requiert plus qu'il ne leur est possible de faire, elle les admoneste de prier le Seigneur qu'il leur doint la force & le pouuoir, & cependant de se recognoistre tousiours coupables, afin de ne s'enorgueillir point. Tiercement, elle leur est comme vne bride pour les retenir en la crainte de Dieu.

M. Nous dirons donc, que combien que durant ceste vie mortelle nous n'accomplissions iamais la Loy, toutefois ce n'est pas chose superflue qu'elle requiert de nous vne telle perfection. Car elle nous monstre le but où nous deuons tendre, afin qu'un chacun de nous, selon la grace que Dieu lui a faite, s'efforce assiduelement d'y tendre, & s'auancer de iour en iour.

E. Je l'enten ainsi.

M. En la Loy n'auons-nous pas vne regle parfaite de tout bien?

1. Sam. 15.
Ierc. 7.

E. Si: tellement que Dieu ne demande sinon que nous la suivions: au contraire desauouë & reiette tout ce que l'homme entreprend de faire outre le contenu d'icelle. Car il ne demande autre sacrifice qu'obeissance.

M. Dequoy

M. Dequoy seruent donc toutes les admonitions, remonstrances, commandemens & exhortations que font tant les Prophetes que les Apostres?

E. Ce ne sont que pures declarations d'icelle, qui ne sont pas pour nous des tourner de son obeissance, mais plustost pour nous y conduire.

M. Et toutefois si ne traite-elle pas des vocations particulieres.

E. Quand elle dit qu'il faut rendre à chacun ce qui lui appartient, de cela nous pouuons bien conclure quel est le deuoir de nostre estat, chacun à son endroit. Et puis nous auons (côme dit a esté) l'exposition par toute l'Escripture. Car ce que le Seigneur a ici couché en somme, il le traite çà & là pour plus ample instruction.

Le Ministre.

Vis que nous auons suffisamment parlé du seruice de Dieu, qui est la seconde partie de l'honorer, parlons de la troisieme.

Diman.
X X X
IIII.

L'Enfant.

Nous auons dit que c'est de l'inuoyer en toutes nos necessitez.

M. Entens-tu qu'il le falle inuoyer seul?

E. Ouy: car il demande cela comme vn honneur propre à sa Diuinité.

Le 3 poët
de bien
honorer
Dieu.

M. Si ainsi est, en quelle sorte nous est-il loisible de requierir les hommes en nostre aide?

E. Ce sont bien choses differentes: car nous inuoyons Dieu pour protester que nous n'attendons aucun bien que de lui, & que nous n'auôs ailleurs recours: cependant nous cerchons l'aide des hommes, entât que il le nous permet, & leur donne le pouuoir & le moyen de nous aider.

M. Tu entens que ce que nous demãdons secours des hommes, ne contreuient pas à ce que nous deuons inuoyer vn seul Dieu: veu que nous ne mettons pas nostre fiance en eux, & ne les cerchons, sinon entant que Dieu les a ordonnez ministres & dispensateurs de ses biens, pour nous en subuenir.

E. Il est vray: & de fait, tout ce qui nous en vient de bien, il le nous faut prendre comme de Dieu mesme, ainsi qu'à la verité il le nous enuoye par leurs mains.

M. Et ne nous faut-il pas neantmoins recognoistre enuers les hommes le bien qu'ils nous font?

E. Si fait bien: & ne fust ce que pource que Dieu leur fait cest honneur de nous communiquer ses biens par leurs mains: car en ce faisant, il nous oblige à eux, & veut que nous leur soyons attenus.

M. De cela pouuons-nous pas bien conclure qu'il n'est licite d'inuoyer Anges, ne Saints, qui sont decez de ce monde?

E. Ouy bien: car des Saints, Dieu ne leur a pas attribué cest office de nous aider & subuenir. Touchant les Anges, combien qu'il les employe pour seruir à nostre salut, toutefois si ne veut-il pas que nous les inuoyiõs, ne que nous ayons nostre adresse à eux.

M. Tu dis donc, que ce qui ne conuient à l'ordre que le Seigneur a mis, contreuient à sa volonté.

E. Voire: car si nous ne nous contentons de ce que le Seigneur nous donne, cela est vn certain signe d'infidelité. Dauantage, s'il au lieu d'auoir nostre refuge à Dieu seul, suivant son commandement, nous recourons à eux, mettans en eux quelque partie de nostre fiance, c'est idolatrie: entant que nous leur transferons ce que

Dieu

Signe d'
infidelité.

Dieu s'estoit reserué.

Le Ministre.

Difons maintenant de la maniere de prier Dieu. Suf-
fit il le faire de langue, ou si l'esprit & le cœur y est
requis? Diman.
XXXV.

L'Enfant.

La langue n'y est pas tousiours necessaire, mais il faut
qu'il y ait intelligence & affection.

M. Comment le prouueras-tu?

E. Puis que Dieu est esprit, il demande tousiours le
cœur, & singulierement en oraison, où il est question de
communiquer avec lui: pourtant il ne promet d'estre
prochain sinon à ceux qui l'inuoqueront en verité: au-
contraire il maudit tous ceux qui le font par hypocrisie
& sans affection. Il faut
prier de
cœur.
Pse. 145
Esa. 29.

M. Toutes prieres donc faites seulement de bouche
sont superflues.

E. Non seulement superflues, mais aussi desplaisan-
tes à Dieu.

M. Quelle affection doit estre en la priere?

E. Premièrement, que nous sentions nostre misere
& poureté, & que ce sentiment cause en nous vne fas-
cherie & angoisse: puis, que nous ayons vn desir ve-
hement d'obtenir grace deuant Dieu, lequel desir en-
flamme nos cœurs, & engendre en nous vne ardeur de
prier.

M. Cela procede-il de nostre nature, ou de la grace
de Dieu?

E. Il faut que Dieu y besogne: car nous sommes
trop stupides, mais l'Esprit de Dieu nous incite à gemis-
semens inenarrables, & forme en nos cœurs telle affecti-
on & tel zele que Dieu demande, comme dit S. Paul. Rom. 8.
Gal. 3.

M. Est-ce à dire que nous ne deuions pas nous inciter & solliciter à prier Dieu?

E. Non: mais aucontraire, afin que quand nous ne sentons pas en nous telle disposition, que nous suppliyōs le Seigneur qu'il l'y mette, pour nous rendre capables & idoines à le prier deuement.

M. Tu n'entens pas toutefois que la langue soit du tout inutile en prieres?

E. Non pas: car quelquefois elle aide l'esprit, & le retient, le fortifiāt, ace qu'il ne se destourne pas si tost de Dieu. D'auantage, puis qu'elle est formee pour glorifier Dieu par dessus tous les autres membres, c'est bien raison qu'elle s'y employe en toutes sortes: & aussi le zele du cœur, par son ardeur & vehemence contraint souuent la langue à parler sans qu'on y pense.

M. Si ainsi est, qu'est-ce de prier en lāgue incognue?

E. C'est vne moquerie de Dieu, & vne hypocrisie peruerse.

1^{re} Cor. 14

Diman.

X X X-

V I.

Le Ministre.

Quand nous prions Dieu est-ce à l'auenture, ne sachant point si nous profiterons, ou non? ou bien si nous deuons estre certains que nos prieres seront exaucees?

L'Enfant.

Il nous faut tousiours auoir ce fondement en nos prieres, qu'elles seront receues de Dieu, & que nous obtiendrons ce que nous requerrons, entant qu'il sera expedient. Et pourtant dit saint Paul, que la droite inuocation procede de la Foy. Car si nous n'auons fiance en la bonté de Dieu, il nous est impossible de l'inuoyer en verité.

Il faut
prier a-
uec cer-
taine fi-
ance

Rom. 10

M. Et que sera-ce de ceux qui doutent, & ne sa-
uent

uent si Dieu les escoute, ou non?

E. Leurs prieres sont du tout frivoles, d'autât qu'el les n'ôt nulles promesses: car il est dit que nous deman- Matt. 8.
& 11, b.
dions en croyant, & qu'il nous fera ottroyé.

M. Il reste de s'auoir cōment & à quel iure nous pou uons auoir la hardiessse de nous presenter deuant Dieu, veu que nous en sommes par trop indignes.

E. Premièrement, nous auons les promesses auquel les il nous faut arrester, sans considerer nostre dignité. Secondement, si nous sommes enfans de Dieu, il nous induit & pousse par son S. Esprit à nous retirer familie- rement à lui, comme à nostre Pere. Et afin que nous ne craignons pas de comparoistre deuant sa Maiesté glo- rieuse, nous qui ne sommes que pources vers de terre & miserables pecheurs, il nous dōne nostre Seigneur Iesus pour Mediateur, afin que par son moyen ayans acces, nous ne doutions point de trouuer grace.

M. Entens-tu qu'il ne nous falle inuoyer Dieu qu'au Nom de Iesus Christ?

Ne faut
prier qu'
au nō de
Christ.
Iean 14.

E. Ie l'enten ainsi: car nous en auons le commande- ment expres. Et en ce faisant, nous est promis que par la vertu de son intercession nos requestes nous seront ot- troyees.

M. Ce n'est point donc temerité, ne fole presompti- on, de nous ofer adresser priuément à Dieu, moyennant que nous ayons Iesus Christ pour nostre Aduocat & que nous le mettiōs en auant, afin que Dieu par son mo- yen nous ait agreables, & nous exauce.

E. Non: car nous prions comme par sa bouche: d'autant qu'il nous donne entree & audience, & interce- Rom 8.
de pour nous.

Diman.
X X X-
V I I.

P Arlons maintenāt de la substance de nos oraisons.
Pouuōs-nous demander tout ce qui nous vient en
l'entendement, ou s'il y a quelque certaine regle là des-
sus?

L'Enfant.

Si nous suiuiōns nostre fantasie, nos oraisons seroyēt
bien mal reglees. Car nous sommes si ignorans, que
nous ne pouuons pas iuger ce qui est bon de demander:
aussi nos desirs sont si desordonnez, qu'il est bon me-
stier que ne leur laschions point la bride.

M. Que faut-il donc?

E. Que Dieu mesme nous enseigne, selon qu'il co-
gnoit estre expedient, & quasi qu'il nous conduise par la
main, & que nous ne facions que suivre.

M. Quelle instruction nous en a-il baillee?

E. Par toute l'Escripture il nous l'a baillee tresample:
mais afin de nous mieux adresser à vn certain but, il a
donné vn formulaire, auquel il a briuelement compris
tous les points qu'il nous est licite & expedient de de-
mander.

M. Recite-le.

E. C'est que nostre Seigneur Iesus estant requis de
ses disciples qu'il les enseignast de prier, leur respond
qu'ils auront à dire ainsi,

L'Orai-
son que
nostre
seigneur
nous a
apprise.

N Ostre Pere, qui es es cieux, Ton Nom soit santifié.
Ton Regne auiene. Ta volonté soit faite en la ter-
re comme au ciel. Donne-nous auourd'hui nostre pain
quotidien. Pardonne-nous nos offenses, comme nous
pardonnons à ceux qui nous ont offensez. Et ne nous in-
dui point en tentation, mais nous deliure du mal. Car
à toy est le Regne, la puissance & la gloire, aux siecles
des

des siècles, Amen.

M. Pour plus facile intelligence di-moy combien d'articles elle contient.

E. Six: dont les trois premiers regardent la gloire de Dieu, sans quelque consideration de nous-mêmes: les autres sont pour nous, & concernent nostre bien & profit.

Division
de l'Orai
son Do-
minicale.

M. Comment donc? Faut-il demander quelque chose à Dieu dont il ne nous reuiene nulle vtilité?

E. Il est vray que par sa bonté infinie il dispose & ordonne tellement toutes choses, que rien ne peut estre à la gloire de son Nom, qui ne nous soit mesme salutaire. Ainsi, quand son Nom est sanctifié, il nous tourne cela en sanctification: quand son regne auient, nous en sommes aucunement participans. Mais en desirant & demandant ces choses, il nous faut auoir seulement esgard à son honneur, sans penser à nous aucunement, ne chercher nostre profit.

M. Selon ton dire, ces trois premieres requestes nous sont bien viles: mais il ne les faut faire à autre intention, sinon pour desirer que Dieu soit glorifié.

E. Voire: & semblablement, iacoit que les trois dernieres soyent deutees à desirer ce qui nous est expedient: toutefois la gloire de Dieu nous doit estre en icelles recommandee: tellement que ce soit la fin de tous nos desirs.

Le Ministre.

VENONS à l'exposition. Et deuant qu'entrer plus auant, pourquoy est ici Dieu appelé Nostre Pere, pluost qu'autrement?

Diman.
XX X-
VII I,

L'Enfant.

D'autant qu'il est bien requis que nos consciences

Qu'em-
porte le
mot de
Pere en
Dieu.

foyent fermement assurees quand il est question de prier, nostre Dieu se nomme d'un mot qui n'emporte que douceur & gracieuseté, pour nous oster toute doute & perplexité, & nous donner hardiesse de venir priuement à soy.

M. Oferons-nous bien donc nous retirer familièrement à Dieu, comme vn enfant à son pere?

E. Ouy: voire avec plus grande certitude d'obtenir ce que nous demanderons. Car si nous, qui sommes
Matt. 7. mauuais, ne pouuons refuser à nos enfans le pain & la viande, quand ils la nous demandent, tant moins le fera nostre Pere celeste, qui non seulement est bon, mais est la souueraine bonté.

M. De ce nom mesme ne pouuons-nous pas bien prouuer ce qui a esté dit, que la priere doit estre fondee en l'intercession de Iesus Christ?

E. Ouy pour certain: d'autant que Dieu ne nous auouë pour ses enfans, sinon entant que nous sommes membres de son Fils.

M. Pourquoi n'appelles-tu pas Dieu Tõ Pere, mais l'appelles Nostre, en commun?

E. Chacun fidele le peut bien nommer sien en particulier: mais en ce formulaire Iesus Christ nous enseigne de prier en commun, pour nous admonester que nous deuons exercer nostre charité enuers nos prochains en priant, & non pas seulement auoir le soin de nous.

M. Que veut dire ceste particule, Qui es és cieux?

E. C'est autant comme si ie l'appeloye Haut, Puissant, Incomprehensible.

M. Comment cela, & pour quelle fin?

E. Afin.

E. Afin qu'en l'inuoquant nous apprenions d'eleuer en haut nos penſees, pour ne rien imaginer de lui charnel ne terrien, & ne le meſurer à noſtre apprehenſion, ne l'aſſuietir à noſtre volonté : mais adorer en humilité ſa Maieſté glorieuſe : & auſſi pour auoir plus certaine fiance en lui, entant qu'il eſt gouuerneur & maiſtre de tout.

Le Miniſtre.

EXpoſe maintenant la premiere demande.

L'Enfant.

Le Nom de Dieu, c'eſt ſa renommee, de laquelle il eſt celebré entre les hommes : nous deſirons donc que ſa gloire ſoit exaltee par tout & en toutes choſes.

M. Entens-tu qu'elle puiſſe croiſte ou diminuer?

E. Non pas en ſoimeſme : mais c'eſt à dire qu'elle ſoit manifeſtee comme elle doit : & quelque choſe que Dieu face, que toutes ſes œuvres apparoiſſent glorieuſes, comme elles ſont : tellement qu'en toutes ſortes il ſoit glorifié.

M. En la ſeconde requeſte, qu'entens-tu par le Regne de Dieu?

E. Il conſiſte principalement en deux points: c'eſt de conduire les ſiens & gouuerner par ſon Eſprit : au contraire, d'abyſmer & confondre les reprouuez, qui ne ſe veulent rendre ſuiets à ſa domination : afin que clairement il apparoiſſe qu'il n'y a nulle puiſſance qui puiſſe reſiſter à la ſienne.

M. Comment pries-tu que ce Regne auienne?

E. C'eſt que de iour en iour le Seigneur multiplie le nombre de ſes fideles, qu'il augmēte de iour en iour ſes graces ſur eux, iuſques à ce qu'il les ait du tout remplis: qu'il eſclarcisse auſſi de plus en plus ſa Verité, qu'il ma-

G.i.

Diman.
X X X.
I X.
Reque-
ſte I.
Cōment
le Nom
de Dieu
eſt ſanti-
fié.

Reque-
ſte 2.

Oùgiſt-
le Re-
gne de
Chriſt.

nifeste sa iustice, dont Satan & les tenebres de son regne
soyent confondues, & que toute iniquité soit destruite
& abolie.

M. Cela ne se fait-il pas dès à present?

E. Si fait bien en partie: mais nous desirons que con-
tinuellement il croisse & soit auancé, iusques à ce qu'il
viene finalement à sa perfection, qui sera au iour du lu-
gement: auquel Dieu sera exalté seul, & toute creature
sera humiliée sous sa grandeur: mesme il sera tout en tou-
tes choses.

Le Ministre.

Diman.
X L.

Comment requiers-tu que la volonté de Dieu soit
faite?

L'Enfant.

Que toutes creatures lui soyent suiuettes, pour lui ren-
dre obeissance: & ainsi que tout se face selon son bon
plaisir.

M. Entens-tu que rien se puisse faire contre sa vo-
lonté?

La 3. re-
quite.
commet
la volété
de Die.
doit e-
stre accô-
plie.

E. Nous requerons non pas seulement qu'il ame-
ne toutes choses à tel poinct, que ce qu'il a determi-
né en son conseil auiene: mais que toute rebellion aba-
tue, il rengen toutes volonteiz à la siene seule.

M. En ce faisant, ne renonçons-nous pas à nos pro-
pres volonteiz?

E. Si faisons, & non seulement afin qu'il renuerse
nos desirs qui contreuiennent à son bon plaisir, les rends
vains & de nul effet, mais aussi qu'il cree en nous nou-
ueaux esprits & nouveaux cœurs, tellemēt que nous ne
vueillions rien de nousmesmes, mais que son Esprit vueil-
le en nous, pour nous faire pleinement consentir avec lui.

M. Pourquoy aioustes-tu, En la terre comme au ciel?

E. D'au

E. D'autant que ses creatures celestes, qui sont ses Anges, ne cherchent qu'à lui obeir paisiblement, sans quel que contrariété, nous desirons que le semblable se face en terre: c'est, que tous hommes se rengent en obeissance volontaire.

Le Ministre.

V Enons à la secôde partie. Qu'entens-tu par le Pain quotidien, que tu demandes?

*Diman.
X L I.*

l'Enfant.

Generalement tout ce qui fait besoin à l'indigence de nostre corps, non seulement quant à la nourriture & vesture: mais tout ce que Dieu cognoist nous estre expedient: acc que puissions manger nostre pain en paix.

La 4. requête.

M. Comment demandes-tu à Dieu qu'il te donne ta nourriture, veu qu'il nous commande de la gagner au trauail de nos mains.

E. Combien qu'il nous falle trauailler pour viure: toutefois si est-ce que nostre labour, industrie & diligence ne nous nourrissent pas, mais la seule benediction de Dieu, laquelle est sur nos maïs & nostre labour, pour le faire prosperer. Et dauantage il nous faut entendre que ce ne sont pas les viandes qui nous nourrissent, encores que nous les ayons à commandement, mais la vertu du Seigneur, qui vse d'icelles, comme d'instrument tant seulement.

Que c'est que demander nostre pain quotidien Dieu benoit le labour.

Deute. 8.

M. Pourquoi l'appelles-tu rien, puis que tu demandes qu'il te soit donne?

E. C'est par la bonté de Dieu qu'il est fait nostre, ne cores qu'il ne nous soit point deu. Et aussi par cela nous sommes aduertis de ne desirer le pain d'autrui, mais celui que nous auons acquis par moyen legi-

time, selon l'ordonnance de Dieu.

M. Pourquoy dis-tu Quotidien & Auiourdhui?

E. Cela est pour nous apprendre d'auoir contentement, & ne point appeter plus que nostre necessité requiert.

M. Veu que ceste priere est commune à tous, comment les riches qui ont prouision & abondance de biens pour long temps, peuuent-ils demander pour vn iour?

E. Il faut que tant riches que pources entendent que tout ce qu'ils ont ne leur peut de rien profiter, sinon entant que le Seigneur leur en donne l'usage, & fait par sa grace qu'il nous soit profitable. Ainsi, en ayant, nous n'auons rien, sinon d'autant qu'il le nous donne.

Le Ministre.

Diman.
XLII.

Que contient la cinqueme demande?

L'Enfant.

La 5. de-
mande.

Qu'il plaie à Dieu nous pardonner nos pechez.

M. N'y a-il homme viuant si iuste, qui n'ait mestier de la faire?

Il n'ya si
saint qui
n'ait me-
stier que
Dieu lui
pardonne
Iob. 9.

E. Non: car le Seigneur Iesus a donné ceste forme à ses Apostres, pour son Eglise. Ainsi, quiconque s'en voudroit exempter, renonceroit à la communauté des Chrestiens. Et de fait, l'Escripture nous testifie que le plus parfait voulant alleguer vn poinct à Dieu pour se iustifier, sera trouué coupable en mille. Il faut d'oc que nous ayons tout nostre refuge à sa misericorde.

M. Comment entens-tu que ceste remission nous soit faite?

E. Comme les paroles mesmes dont Iesus Christ a vsé le mōstrent: c'est que les pechez sont dettes, lesquelles nous tiennent obligez à condamnation de mort eternelle:

nelle : nous demandons que Dieu nous en acquitte par sa pure liberalité.

M. Tu entens donc que nous obtenons remission de nos pechez par la bonté gratuite de Dieu.

E. Voire: car nous ne pouuons nullement satisfaire pour la moindre faute que nous ayons commise, si Dieu n'vse enuers nous de sa pure liberalité, en nous les remettant toutes.

M. Quand Dieu nous a pardonné nos pechez, quel fruit & vulté nous en reuiet-il?

E. Par ce moyen nous lui sommes agreables, cōme si nous estions iustes & innocens: & nos consciences sont assurees de sa dilection paternelle enuers nous, dont nous vient salut & vie.

M. Quand tu demandes qu'il nous pardonne comme nous pardonnons à ceux qui nous ont offensez, entens-tu qu'en pardonnant aux hommes, nous meritions pardon de lui?

E. Non pas: car le pardon ne seroit plus gratuit, & ne seroit pas fondé en la satisfaction qui a esté en la mort de Iesus Christ, comme il doit estre. Mais entant qu'en oubliant les iniures qu'on nous fait, nous ensuiuons sa douceur & clemence, & ainsi nous demonstons estre ses enfans, il nous donne ceste enseigne pour nous certifier. Et d'autre part, il nous signifie qu'il ne nous faut attendre en son iugement que toute seuerité & extreme rigueur, si nous ne sommes faciles à pardonner & faire grace à ceux qui sont coupables enuers nous.

M. Tu entens donc que Dieu desauouë ici pour ses enfans ceux qui ne peuuent oublier les offenses qu'on leur fait: afin qu'ils ne s'attendent pas d'estre participans.

de ceste grace.

E. Voire: & que tous sachent qu'à la mesme mesure qu'ils auront fait à leurs prochains, il leur sera rendu.

Le Ministre.

Diman.

XLIII.

L'Enfant.

La 6. re-

queste.

QV'est-ce qui s'ensuit?
Ne nous indui point en tentation: mais nous de-
liure du mal.

M. Ne fais-tu qu'une requeste de cela?

E. Non: car le second membre est exposition du premier.

M. Quelle est la substance d'icelle?

E. Que Dieu ne no' laisse point trebuscher au mal, & ne permette que nous soyons vaincus du diable & des mauuaises concupiscences de nostre chair, lesquels
Rom. 7.
Galat. 5.
1, Cor. 10.
les bataillent contre nous: mais qu'il nous donne la force de resister, nous soustenant de sa main, & nous ayant en sa sauuegarde, pour nous defendre & conduire.

M. Comment cela se fait-il?

E. Quād par son Esprit il nous gouuerne, pour nous faire aimer le bien, & hayr le mal: suivre la iustice, & fuir le peché. Car par la vertu du saint Esprit nous surmon-
tons le diable, le peché & la chair.

M. Cela est-il necessaire à tous.

E. Ouy: car le diable veille tousiours sur nous, com-
me vn lion rugissant, prest à nous deuorer: & nous som-
mes si foibles & fragiles, qu'il nous auroit incont-
inent abatus, si Dieu ne nous fortifioit, pour en auoir la
victoire.

M. Que signifie le mot de Tentation?

Tenta-
tion.

E. Les astuces & tromperies du diable, dont il vse pour nous surprendre, selon que nostre sens naturel est
enclin

enclin à estre deceu, & nous decevoir, & nostre volonté est plustost preste de s'adonner au mal qu'au bien.

M. Mais pourquoy demandes-tu à Dieu qu'il ne r'in-
duise point au mal, veu que cela est le propre office du
diable?

E. Comme Dieu par sa misericorde conserue ses fi-
deles, & ne permet que le diable les seduise, ne que le pe-
ché les surmonte: aussi ceux qu'il veut punir, non seule-
ment il les abandonne, & retire la grace d'eux: mais aus-
si les liure au diable, pour estre suiets à sa tyrannie, les a-
ueugle, & les met en sens reprouué.

M. Que veut dire ceste addition, Car à toy est le Re-
gne, la puissance & la gloire, és siècles des siècles?

E. Pour nous reduire derechef en memoire que nos
oraisons sont plustost fondees en Dieu, & en sa puis-
sance & bonté, que non pas en nous, qui ne sommes pas
dignes d'ouuir la bouche pour le requerrir: & aussi pour
nous apprendre de clorre toutes nos prieres par la lou-
ange.

Le Ministre.

N'Est-il licite de demander autre chose, sinon ce qui Diman.
XLIII
a esté recité?

L'Enfant.

Combien qu'il nous soit libre d'vser d'autres paroles,
& d'autre forme & maniere, si est-ce que nulle oraison
ne sera iamais agreable à Dieu, laquelle ne se rapporte à
cette-ci, comme à la regle vnique de bien prier.

M. Il est temps de venir au quatrieme membre de
l'honneur que nous deuons rendre à Dieu.

E. Nous auons dit que c'est de le recognoistre de
cœur, & confesser de bouche auteur de tous biens, pour
le glorifier.

La 4^e espe-
ce du
vray ho-
neur de
Dieu.

M. Ne nous a-il pas baillé quelque regle pour ce faire?

E. Toutes les louanges & actions de graces contenues en l'Escripture, nous doiuent estre pour regle & enseignement.

M. N'en a-il rien esté touché en l'Oraison?

E. Si a bien : car en desirant que son Nom soit sanctifié, nous desirôs que toutes ses œuvres apparoiſſent glorieuses, comme elles sont. Tellement que soit qu'il punisse, il soit tenu pour iuste : soit qu'il pardonne, pour misericordieux : soit qu'il accomplisse ses promesses, pour veritable. En somme, qu'il n'y ait du tout rien en quoy sa gloire ne reluise. Cela est lui attribuer la louange de tous biens.

M. Que concludrons-nous de tout ce qu'auons dit?

E. Ce que tesmoigne la Verité, & qui a esté touché
 Iean 17. au commencement : assauoir, que ceste est la vie
 ernelle, de cognoistre le vray Dieu, & celui qu'il a enuoyé
 Iesus Christ : le cognoistre, di-ie, pour l'honorer deuëment :
 Mala. 1. afin qu'il nous soit non seulement Maistre & Seigneur,
 mais aussi Pere & Sauueur : & que nous mutuellement
 lui soyons enfans, seruiteurs & peuple dedué à sa gloire.

Diman.

X LV.

Le salut
 nous est
 présenté
 par la pa
 role de
 Dieu.

Le Ministre.

L'Enfant.

Quel est le moyen de paruenir à vn tel bien?

Pour ce faire il nous a laissé sa sainte Parole, la-
 quelle nous est comme vne entree en son royaume ce-
 leste.

M. Où prens-tu ceste Parole?

E. Comme elle nous est comprise és saintes Ecri-
 tures.

M. Comment faut-il que nous en vsions, pour en
 auoir le profit?

E. En

E. En la receuant en plene certitude de conscience, comme verité procedee du ciel, nous soumettant à icelle en droite obeissance, l'aimant de vraye affection & entiere, l'ayant imprimee en nos cœurs, pour la suiure & nous conformer à icelle.

M. Tout cela est-il en nostre puissance?

E. Il n'y en a du tout rien: mais c'est Dieu qui besogne en nous en telle sorte par son saint Esprit.

M. Mais ne faut-il pas que nous mettions peine & diligence à ouir & lire la doctrine laquelle nous y est monstree?

E. Ouy bien: & premierement, que chacun en son particulier y trauaille: & sur tout, que nous frequentions les predications, ausquelles ceste Parole est exposee en l'assemblée des Chrestiens.

Il faut
mettre
peine de
appren-
dre.

M. Entens-tu qu'il ne suffit pas de lire en sa maison, sinon que tous ensemble oyent vne doctrine commune?

E. Ie l'enten ainsi, cependant que Dieu en donne le moyen.

M. La raison?

E. Pource que Iesus Christ a establi cest ordre en son Eglise, non pas pour deux ne pour trois, mais pour tous generalement: & a declare que c'est le seul moyen de l'edifier & entretenir. Ainsi, il nous faut là tous renger, & n'estre pas plus sages que nostre Maistre.

Ephes. 4.

M. Est-ce donc chose necessaire qu'il y ait des Pasteurs?

E. Ouy: & qu'on les escoute, receuant en humilité la doctrine du Seigneur par leur bouche. Tellement que quiconque les mesprise & refuse de les ouir, il reiette Ie-

Des Pa-
stours Ec-
clesiasti-
ques.
Matt. 10.
Luc 10.

fus Christ, & se separe de la compagnie des fideles.

M. Mais suffit-il d'auoir vne fois esté instruit par eux, ou s'il faut continuer?

E. Ce n'est rien de commencer, si on ne poursuit & perseuere tousiours. Car iusqu'à la fin il nous conuient estre tousiours escoliers de Iesus Christ. Et il a ordonné les Ministres Ecclesiastiques pour nous enseigner en son nom.

Diman.
XLVI

Le Ministre.
N'Ya-il point d'autre moyen, outre la Parole, par lequel Dieu se communique à nous?

L'enfant.

Il a conioint les Sacremens avec la predication de sa Parole.

Des Sacremens M. Qu'est-ce que Sacrement?

E. C'est vn tesmoignage exterieur de la grace de Dieu, qui par signe visible nous represente les choses spirituelles, afin d'imprimer plus fort en nos cœurs les promesses de Dieu, & nous en rendre plus certains.

M. Comment? Vn signe visible & materiel a-il ceste vertu de certifier la conscience?

E. Non pas de soimesme, mais entant qu'il est ordonné de Dieu à ceste fin.

M. Veu que c'est le propre office du S^e Esprit de sceller les promesses de Dieu en nos cœurs, comment attribues-tu cela aux Sacremens?

E. Il y a grande difference entre l'un & l'autre. Car l'Esprit de Dieu, à la verité, est celui seul qui peut toucher & esmouuoir nos cœurs, illuminer nos entendemens & asseurer nos consciences: tellement que tout cela doit estre iugé son œuvre propre, pour lui en rendre louanges. Cependant le Seigneur s'aide des Sacremens

com-

comme d'instrumens inferieurs, selon que bon lui semble, sans que la vertu de son Esprit en soit aucunement amoindrie.

M. Tu entens donc que l'efficace des Sacremens ne gist pas en l'element exterieur, mais procede toute de l'Esprit de Dieu.

E. Voire, selon que Dieu veut besogner par les moyens qu'il a instituez, sans deroguer à la puissance.

M. Et qui meut Dieu de faire cela?

E. Pour le soulagement de nostre infirmité. Car si nous estions de nature spirituelle, comme les Anges, nous pourrions contempler spirituellement & lui & ses graces: mais ainsi que nous sommes enveloppez de nos corps, nous avons mestier qu'il yse de figures enuers nous, pour nous représenter les choses spirituelles & celeste: car autrement nous ne les pourrions comprendre: & aussi il nous est expedient que tous nos sens soyent exercez en ses saintes promesses, pour nous confermer en icelles.

Les Sacremens no^s sont donnez pour nostre infirmité.

Le Ministre.

P Vis que Dieu a introduit les Sacremens pour nostre nécessité, ce seroit orgueil & presumption de penser qu'on s'en peut passer.

Diman. XLVII

L'enfant.

Ouy pour certain. Tellement que quiconque s'abstient volontairement de l'usage, péchant qu'il n'en a point de besoin, mesprise Iesus Christ, reiette la grace, & esteint son Esprit.

Les Sacremens no^s sont necessaires.

M. Mais quelle certitude de grace peuuent donner les Sacremens, veu que bons & mauvais les recoiuent?

E. Combien que les incredules & meschans aneantisent la grace qui leur est presentee par les Sacremens,

si ne s'ensuit il pas que la propriété d'iceux ne soit telle.

M. Comment donc, & quand est-ce que les Sacrements produisent leur effet?

E. Quand on les reçoit en Foy, cherchant seulement Iesus Christ & sa grace.

Cercher
Christ
aux Sa-
crements.

M. Pourquoi dis-tu que nous y devons chercher Iesus Christ?

E. Pour signifier qu'il ne nous faut pas amuser au signe terrien, pour là chercher nostre salut: & ne nous faut pas imaginer qu'il y ait là quelque vertu enclose: mais au contraire, que nous prenions le signe pour vne aide, qui nous conduise droitement au Seigneur Iesus, pour chercher en lui salut & tout bien.

M. Veu que la Foy y est requise, comment dis-tu qu'ils nous sont donnez pour nous confermer en Foy, nous assurant des promesses de Dieu?

Augmen-
tation de
Foy par
les Sacre-
ments.

E. Il ne suffit pas que la Foy soit seulement commēcée en nous pour vne fois, mais faut qu'elle soit nourrie & entretenue: puis qu'elle croisse iournellement, & soit augmentee en nous. Pour la nourrir donc, pour la fortifier & l'accroistre, Dieu nous donne les Sacrements. Ce que saint Paul denote, en disant que l'usage d'iceux est de sceller les promesses de Dieu en nos cœurs.

M. Mais n'est-ce pas signe d'infidelité, quand les promesses de Dieu ne nous sont pas assez fermes d'elles-mêmes sans aide?

Imperfe-
ction des
enfans
de Dieu.

E. C'est signe de petitesse & infirmité de Foy, laquelle est bien aux enfans de Dieu, qui ne laissent pas pourtant d'estre fideles: mais ce n'est pas encore en perfection. Car cependant que nous vivons en ce monde, il y a toujours quelque reliques de des fiance en nostre chair:

chair: & pourtant nous faut-il tousiours profiter & croistre.

Le Ministre.

Combien y a il de Sacremens en l'Eglise Chrestienne? Diman. XLVIII

L'Enfant.

Il n'y en a que deux communs, que le Seigneur Iesus ait instituez pour toute la compagnie des fideles. Nôbre des Sacremens

M. Quels?

E. Aflauoir le Baptisme & la sainte Cene.

M. Quelle conuenance & difference y a-il de l'un à l'autre?

E. Le Baptisme nous est comme vne entree en l'Eglise de Dieu. Car il nous testifie que Dieu, au lieu que nous estions estrangers de lui, nous reçoit pour ses domestiques. La Cene nous est tesmoignage que Dieu nous veut nourrir & repaître, comme vn bon pere de famille a le soin de nourrir & refectionner ceux de sa maison. Baptisme. Cene.

M. Pour auoir plus claire intelligence de l'un & de l'autre, disons de chacun à part. Premièrement, quelle est la signification du Baptisme?

E. Elle a deux parties. Car le Seigneur nous y represente la remission de nos pechez, & puis nostre regeneration, ou renouvellement spirituel.

Le Ministre.

Quelle similitude a l'eau avec ces choses pour les représenter? Diman. XLIX.

L'Enfant.

Pource que la remission des pechez est vne espee de lauement, par leq̃l nos ames sont purgees de leurs macules, ainsi q̃ les ordures du corps sont nettoyyes par l'eau.

M. Touchant l'autre partie?

E. Pource que le commencement de nostre regene

ration est que nostre nature soit mortifiée : l'issue, que nous soyons nouvelles creatures par l'Esprit de Dieu. L'eau donc nous est mise sur la teste en signe de mort : trois fois en telle sorte que la resurrection nous est semblablement figuree, en ce que cela se fait seulement pour vne minute de temps, & non pas pour nous noyer en l'eau.

L'eau mi
se sur la
teste, &
pour-
quoy.

Le sang
de Iesus
Christ
est no-
stre la-
uemen-
& non
l'eau.
I. Pier. I.
I. Iean I.

M. Tu n'entens pas que l'eau soit le lauemēt de nos ames.

E. Non pas. Car cela appartient au sang de Iesus Christ seulement, qui a esté espandu pour effacer toutes nos souillures, & nous rendre purs & impollus deuant Dieu. Ce qui est accompli en nous quand nos consciences en sont arrosees par le saint Esprit. Mais par le Sacrement cela nous est certifié.

M. Entens-tu que l'eau nous en soit seulement vne figure?

Verité à
la figure
côiointe

E. C'est tellement figure, que la verité est coniointe avec. Car Dieu ne nous promet rien en vain : parquoy il est certain qu'au Baptisme la remission des pechez n'est offerte, & nous la receuons.

M. Ceste grace est-elle accomplie indifferemmēt en tous?

E. Non : car plusieurs l'aneantissent par leur peruersité. Neantmoins si ne laisse pas le Sacrement d'auoir telle nature, combien qu'il n'y ait que les fideles qui en sentent l'efficace.

M. La regeneration d'où prend elle sa vertu?

Regene-
ration d'
où préd
sa vertu.

E. De la mort & resurrection de Christ. Car sa mort a ceste vertu, que par icelle nostre vieil Adam est crucifié, & nostre nature vicieuse est comme enseuelie, pour n'auoir plus vigueur de regner. Et la nouveauté de vie,

pour

pour suivre la iustice de Dieu, procede de la resurrection.

M. Comment ceste grace nous est-elle appliquee au Baptisme?

E. Entant que nous sommes là vestus de Iesus Christ & y receuons son Esprit, moyennant que ne nous rendions pas indignes des promesses qui nous y sont donnees.

Le Ministre.

DE nostre costé quel est le droit vsage du Baptisme?

*Diman.
L.*

L'Enfant.

Il gist en Foy & Repentance: c'est, que nous soyons certains d'auoir nostre pureté spirituelle en Christ: & sentions en nous, & declarions à nos prochains par œuures que l'Esprit d'icelui habite en nous, pour mortifier nos propres desirs, afin de nous faire suivre la volonté de Dieu.

M. Puis que cela y est requis, commēt est-ce qu'on baptise les petis enfans?

*Du Baptisme
des petis
enfans.*

E. Il n'est pas dit que la Foy & la repentance doiuent tousiours preceder la reception du Sacrement: mais seulement cela doit estre en ceux qui en sont capables. Il suffit donc que les petis enfans produisent & demonstrent le fruit de leur Baptisme, apres estre venus en aage de connoissance.

M. Comment monstreras-tu qu'il n'y a point d'inconuenient en cela?

E. Pource que la Circoncision estoit autli bien Sacrement de penitēce, comme Moyse & les Prophetes declarerent: & Sacrement de Foy, comme dit saint Paul: & tou

*Deut. 10.
& 30.
Ierc. 4. a.
rom. 4. b.*

M. Mais pourras-tu bien monstrier qu'il y ait vne mesme raison de les receuoir au Baptisme comme à la Circoncision?

Promes-
ses de
Dieu e-
stendues
par tout
le monde.

E. Ouy bien : car les promesses que Dieu auoit anciennement faites à son peuple d'Israel sont maintenant estendues par tout le monde.

M. Mais s'ensuit-il de cela que nous deuions vser du signe?

E. Il est ainsi, quand le tout sera bien considéré. Car Iesus Christ ne nous a pas faits participans de la grace qui auoit auparauât esté au peuple d'Israel, pour l'amoindrir en nous, ou la rendre plus obscure qu'elle n'estoit: mais plustost l'a esclarcie & augmentee dauantage.

M. Entens-tu que si nous ne donnions le Baptisme aux petis enfans, que la grace de Dieu seroit amoindrie par la venue du Seigneur Iesus?

E. Ouy bien : car le signe de la bonté & misericorde de Dieu sur nos enfans, qu'ont eu les Anciens, nous faudroit: lequel sert grandement à nostre consolation, & à confermer la promesse qui a esté faite dès le commencement

M. Tu entens donc, puis que Dieu se declarant anciennement estre Sauueur des petis enfans, a voulu ceste promesse estre scellée en leurs corps par Sacrement extérieur: que c'est bien raison qu'il n'y ait pas moins de confirmation depuis la venue de Christ: veu que la mesme promesse demeure, & mesme est plus clairement testifiée de parole, & ratifiée de faict.

E. Ouy : & dauantage, puis que c'est chose notoire que la vertu & la substance du Baptisme appartient aux petis enfans, on leur feroit iniure de leur denier le signe
qui

qui est inferieur.

M. A quelle condition donc deuõs nous baptiser les petits enfans?

E. En signe & tesmoignage qu'ils sont heritiers de la benediction de Dieu, promise a la generation des fideles: afin qu'estans venus en aage ils recognoissent la verite de leur Baptême, pour en faire leur profit.

A quelle
condition
on bapti-
se les en-
fans.

Le Ministre.

Disons de la Cene. Et premierement, quelle est la signification d'icelle?

Dimanc.
LI.

L'Enfant.

Nostre Seigneur l'a instituee pour nous asseurer que par la communication de son corps & de son sang nos ames sont nourries en l'esperance de la vie eternelle.

De la Ce-
ne.

M. Pourquoy est-ce que le Seigneur par le pain nous represente son corps, & par le vin son sang?

E. Pour signifier que telle propriete qu'a le pain enuers nos corps, c'est de les repaistre & substantier en ceste vie mortelle: aussi a son corps enuers nos ames: c'est de les nourrir & viuifier spirituellement. Pareillement, que comme le vin fortifie, refectionne & resiouit l'homme selon le corps: aussi que son sang est nostre ioye, nostre refection & vertu spirituelle.

Christ p
le pain
nous re-
presente
so corps,
& par le
vin son
sang.

M. Entens-tu qu'il nous falle communiquer vraiment au corps & au sang du Seigneur?

E. Ie l'enten ainsi: car puis que toute la fiance de nostre salut gist en l'obeissance qu'il a rendue à Dieu son Pere, entant qu'elle nous est imputee comme si elle estoit nostre, il faut que nous le possedions: veu que ses biens ne sont pas nostres, sinon que premierement il se donne à nous.

Fiance de
nostre sa-
lut en
quoy git

M. Mais ne s'est-il pas donne à nous quand il s'est

H.i.

exposé à la mort, pour nous reconcilier à Dieu son Pere, & nous deliurer de damnation?

E. Si est bien: mais il ne suffit pas de cela, sinon que nous le receuions, pour sentir en nous le fruit & l'efficace de sa mort & passion.

Cóment
nous re
ceuons
Christ.

M. La maniere de le receuoir est ce point par Foy?

E. Ouy, non seulement en croyant qu'il est mort & resuscité pour nous deliurer de la mort eternelle, & nous acquerir la vie: mais aussi qu'il habite en nous, & est conioint avec nous en telle vnion que le chef avec ses membres, afin de nous faire participans de toutes ses graces, en vertu de ceste conionction.

Le Ministre.

Diman.
L. I. I.

C Este communion ne se fait-elle sinon en la Cene?

L'enfant.

1 Cor. 11.

Ephes. 5.

Ican 6.

Ican 17

Si fait bien: car nous l'auons par la predication de l'Euangile, comme dit saint Paul, entant que le Seigneur Iesus nous y promet que nous sommes os de ses os, chair de sa chair: qu'il est le pain de vie, qui est descendu du ciel pour nourrir nos ames: que nous sommes vnauec lui comme il est vnauec son Pere: & telles choses.

M. Qu'est-ce que nous auons au Sacrement dauantage, & de quoy nous sert-il plus?

E. C'est que ceste communion est plus amplement confirmee en nous, & comme ratifiée. Car combien que Iesus Christ nous soit vraiment communiqué & par le Baptisme & par l'Euangile, toutefois ce n'est que en partie, non pas pleinement.

M. Qu'est ce donc en somme que nous auons par le signe du pain?

Ce qu'a
uons par
le signe
du pain.

E. C'est que le corps du Seigneur Iesus, entant qu'il a vne fois esté offert en sacrifice pour nous reconcilier

lier

lier à Dieu, nous est maintenant donné, pour nous certifier que nous auons part en ceste reconciliation.

M. Qu'est-ce que nous auons au signe du vin?

E. Que le Seigneur Iesus nous donne son sang à boire, entant qu'il l'a vne fois espandu pour le prix & satisfaction de nos offenses : afin que nous ne doutions point d'en receuoir le fruit. Ce qu'a-
uons au
signe du
vin.

M. Selon tes responses, la Cene nous renuoye à la mort & passion de Iesus Christ, afin que nous communiquions à la vertu d'icelle.

E. Voire: car lors le sacrifice vnique & perpetuel a esté fait pour nostre redemption. Parquoy il ne reste plus sinon que nous en ayons la iouissance.

M. La Cene donc n'est pas instituee pour faire vne oblation du corps de Iesus à Dieu son Pere.

La Cene
n'est sa-
crifice.

E. Non: car il n'y a que lui seul à qui appartient cest office, entant qu'il est Sacrificateur eternal. Mais il nous commande seulement de receuoir son corps, & non pas l'offrir.

Hebr. 5.
Mat. 26.

Le Ministre.

L'Enfant.

Pourquoy est-ce qu'il y a double signe?

Diman-
LIII.
Double-
signe
pour no-
stre infir-
mité.

Nostre Seigneur l'a fait pour nostre infirmité: afin de nous donner à cognoistre que non seulement il est viande à nos ames, mais aussi bruuage: afin que nous cerchions en lui nostre nourriture pleine & entiere, & non ailleurs.

M. Tous doiuent-ils vser indifferemment de ce second signe, assauoir du calice?

E. Ouy, selon le commandement de Iesus Christ, contre lequel il n'est licite de rien attenter.

M. Auons-nous en la Cene simplement le tesmoi-

gnage des choses dessus dites, ou si elles y sont vrayement données?

La verité est avec la figure.

E. Entant que Iesus Christ est la Verité, il ne faut douter que les promesses qu'il fait à la Cene n'y soyent accomplies, & que ce qu'il y figure n'y soit verifié. Ainsi, selon qu'il le promet & represente, ie ne doute pas qu'il ne nous face participans de sa propre substance, pour nous vnir avec luy en vne vie.

M. Mais comment cela se peut-il faire, veu que le corps de Iesus Christ est au ciel, & nous sommes en ce pelerinage terrien?

Comment sommes ynisen la Cene à Christ.

E. C'est par la vertu incomprehensible de son Esprit, laquelle conioint bien les choses separées par distance de lieu.

M. Tu n'entens pas donc que le corps soit enclos dedans le pain, ne le sang dedans le calice.

Ce qu'il faut faire pour auoir la verité du Sacrement.

E. Non: mais au contraire, pour auoir la verité du Sacrement il nous faut eleuer nos cœurs en haut au ciel, où est Iesus Christ en la gloire de son Pere, & dont nous l'attendons en nostre redemption: & non pas le chercher en ces elemens corruptibles.

M. Tu entens donc qu'il y a deux choses en ce Sacrement: le pain materiel & le vin, que nous voyons à l'œil, touchons à la main, & saouurons au goust: & Iesus Christ, dont nos ames sont interieurement nourries.

Arre de la resurrection.

E. Voire: en telle sorte neantmoins que nous y auons mesme tesmoignage & comme vne arre de la resurrection de nos corps, entant qu'ils sont faits participans du signe de vie.

Diman. L. IIII.

Vel en doit estre l'usage?

Le Ministre.

Le Pasteur.

Tel

Tel que dit saint Paul: c'est, que l'homme s'esprouue 1. Cor. 11.
soi-même avant qu'en approcher.

M. En quoy se doit-il esprouuer?

E. Assauoir, s'il est vrai membre de Christ.

M. Par quels signes le pourra-il cognoistre?

E. S'il a vraye Foy & repentance, & s'il aime ses prochains en vraye charité, & n'est point entaché de haine, ne rancune, ne diuision.

M. Mais est-il requis d'auoir Foy & charité parfaite?

E. Il faut bien que l'une & l'autre soit entiere & non feinte: mais d'auoir vne telle perfection, à laquelle il n'y ait que redire, cela ne se trouuera pas entre les hommes: aussi la Cene seroit instituee en vain, si nul n'estoit capable de la receuoir, sinon qu'il fust du tout parfait.

M. L'imperfection donc ne nous empesche point d'en approcher.

E. Mais au contraire elle ne nous seruiroit de rien, si nous n'estions imparfaits: car c'est vne aide & soulagement de nostre infirmité.

M. Ces deux Sacremens ne seruent-ils point à autre fin?

E. Si font, d'autant que ce sont signes & marques de nostre profession: c'est à dire, que par iceux nous protestons que nous sommes du peuple de Dieu, & faisons confession de nostre Chrestienté.

M. Que faudroit-il donc iuger d'un homme qui n'en voudroit point vser?

E. Il ne le faudroit tenir pour Chrestien: car en ce faisant il ne se veut point confesser estre tel, & quasi tacitement il désauoue Iesus Christ.

M. Mais suffit il de receuoir vne fois l'un & l'autre?

E. Le Baptisme n'est ordonné que pour vne seule fois, & n'est pas licite de le reiterer. Mais il n'est pas ainsi de la Cene.

On ne
doit rece-
voir que
vne fois
le Baptis-
me, mais
la Cene
plus-
ieurs
fois.
Diman.
L V.

M. La raison?

E. Pource que par le Baptisme Dieu nous introduit & reçoit en son Eglise : apres nous y auoir receus, il nous signifie par la Cene qu'il nous veut continuellement nourrir.

Le Ministre.

A Qui appartient-il tant de baptiser que d'administrer la Cene?

L'enfant.

A qui ap-
partient
baptiser
& admini-
strer
la Cene

A ceux qui ont charge publique en l'Eglise d'enseigner : car ce sont choses coniointes que de prescher la Parole, & distribuer les Sacremens.

M. N'y en a-il pas certaine probation?

E. Ouy bien : car nostre Seigneur donne speciale-
Matt. 28 met la charge à ses Apostres de baptiser comme de prescher. Et touchant la Cene, il commande que nous la facions à son exemple. Or il auoit fait office de Ministre pour la donner aux autres.

M. Mais les Pasteurs, qui sont dispensateurs des Sacremens, y doiuent-ils admettre sans discretion tous ceux qui s'y presentent?

A qui la
Cene
doit es-
tre bail-
lee.

E. Touchant du Baptisme, pource qu'aujourd'hui on ne l'administre qu'aux petis enfans, il n'est poit mestier de discerner. Mais de la Cene, il faut bien que le Ministre regarde de ne la bailler à vn homme qu'on cognoist en estre du tout indigne.

M. Pourquoi?

E. Pource que ce seroit polluer & deshonorer le Sacrement.

M. Mais

M. Mais nostre Seigneur y a bien receu Iudas, quelque meschant qu'il fust.

E. Son iniquité estoit encores cachee : & combien que nostre Seigneur la cognust, si n'estoit elle pas notoire à tous.

Pour-
quoy Ju-
das fut
receu à
la Cene.

M. Que fera-ce donc des hypocrites?

E. Le Ministre ne les peut exclure comme indignes: mais doit attendre que le Seigneur ait reuelé leur meschanceté.

M. Et s'il en cognoist quelques uns indignes, ou qu'il en soit aduertit?

E. Cela ne suffit point pour les exclure, sinon qu'il y ait approbation suffisante, & iugement de l'Eglise.

M. Il faut donc qu'il y ait quelque ordre & police sur cela.

E. Voire, si l'Eglise est bien reglée: c'est qu'on deputte personnage pour veiller sur les scandales qui pourroyent estre. Et qu'iceux en l'autorité de l'Eglise interdissent la communion à ceux qui n'en sont nullement capables, & auxquels on ne la peut donner sans deshonorer Dieu, & scandaliser les fideles.

FIN DV CATECHISME.

H.iiii.





L'EXERCICE DES CHRE-

STIENS EN ORAISON, TANT EN PARTICV-

lier qu'en general, pour la neceſſité
de l'Eglise.

EXHORTATION.

MES Freres, que chacun de nous ſe proſterne bien humblement deuant la haute & ſouueraine Maieſté de noſtre bon Dieu & Pere, nous recognoiſſans tels que nous ſommes, aſſauoir pources pecheurs & miſerables, diſans tous de bon cœur comme il ſ'enſuit,

Confession.

Seigneur Dieu, Pere eternal & tout-puiſſant, nous confeſſons & recognoiſſons ſans feintife deuât ta Maieſté, que nous ſommes pources pecheurs, cōceus & nais en iniquité & corruption, enclins à mal-faire, inutiles à tout bien: & que de noſtre vice nous trāſgreſſons ſans fin & ſans ceſſe tes ſaints Cōmandemens: en quoy faiſant nous acquerons par ton iuſte iugement ruine & perdition ſur nous. Toutefois, Seigneur, nous auons deſplaiſir en nouſmeſmes de t'auoir offenſé, & condamnons nous & nos vices, avec vraye repentance, deſirans que ta grace ſubuiene à noſtre calamité. Vueille donques auoir pitié de nous, Dieu & Pere tresbenin & plein de miſericorde, au nom de ton Fils Ieſus Chriſt noſtre Seigneur. Et en eſſaçant nos vices & macules, eſlargi-nous & augmente de iour en iour les graces de ton ſaint Eſprit, afin que recognoiſſans

fans de tout nostre cœur nostre iniustice, nous soyons touchez de desplaisir, qui engendre droite penitence: laquelle nous mortifiant à tous pechez, produise fruits de iustice & innocence, qui te soyent agreables, par iceluy Iesus Christ, &c.

Priere.

NOstre bon Dieu, Pere & Sauueur, puis qu'il t'a plu nous faire la grace de passer la nuit pour venir iusques au iour present, dont nous te remercions & de tous les autres benefices que tu nous eslargis, vueille nous aussi maintenant faire ce bien que nous l'employons tout à ton seruice: tellement que nous ne pensions, ne disions, ne facions rien, sinon pour te complaire & obeir à ta bonne volonté, afin que par ce moyen toutes nos œuvres soyent à la gloire de ton Nom, & à l'edification de nos prochains. Et comme il te plaist de faire luire ton soleil sur la terre pour nous esclairer corporellement, aussi vueille-nous par la clarté de ton Esprit illuminer nos entendemens & nos cœurs pour nous adresser à la droite voye de ta iustice. Ainsi, à quelque chose que nous nous appliquions, que tousiours nostre principale fin & intention soit de cheminer en ta crainte, te seruir & honorer, attendans tout nostre bien & nostre prosperité de ta seule benediction, afin de ne rien entreprendre qui ne te soit agreable. Dauantage, trauaillans tellement pour nos corps & pour la vie presente, que nous regardions tousiours plus loin, assauoir à la vie celeste, laquelle tu as promise à tes enfans. Neantmoins qu'il te plaise & selon le corps & selon l'ame estre nostre protecteur, nous fortifier con

tre toutes les tentations du diable, & nous deliurant de tous les dangers qui nous pourroyent auenir. Et pour ce que ce n'est rien de bien commencer qui ne perseuere, vueille-nous non seulement pour ce iourdhui receuoir en ta sainte conduite, mais pour toute nostre vie, cōtinuant & augmentant iournellemēt ta grace en nous, iusqu'à ce que tu nous ayes amenez à la pleine conionction de ton Fils Iesus Christ nostre Seigneur qui est le vray Soleil de nos ames, luisant iour & nuit, sans fin & à perpetuité. Et afin que nous puillions obtenir telles graces de toy, vueille oublier toutes nos fautes passees, nous les pardonnāt par ta misericorde infinie comme tu as promis à tous ceux qui t'en requerront de bon cœur. Exauce-nous nostre Dieu, nostre Pere & Sauueur, par nostre Seigneur Iesus Christ, au nom duquel nous te supplions comme il nous a enseigne, disans, Nostre Pere, qui es es cieux, &c.

D E P S E A U M E CXLIII.

Fay-moy ouir dès le matin ta misericorde: car i'ay esperé en toy.

Fay-moy cognoistre la voye en laquelle ie doy cheminer, puis que i'ay esleué mon cœur à toy.

Delivre-moy de mes ennemis, Seigneur: car i'ay crié à toy.

Enseigne-moy à faire ta volonté: car tu es mon Dieu. ton Esprit me dirige au droit chemin.

O R A I S O N P O U R D I R E A-

uant que commencer son œuvre.

LE Seigneur Dieu & Pere nous vueille assister par son saint Esprit, & par icelui nous gouverner & conduire,

duire, tellement que tout ce que nous ferons, dirons & penserons, soit à son honneur & à sa gloire, au nom de son Fils Iesus Christ nostre Seigneur, Amen.

O R A I S O N P O U R D I R E

auant qu'estudier sa leçon.

DU PSEALME CXIX.

Enquoy adressera l'enfant sa voye? en se conduisant selon ta Parole, Seigneur.

Ouvre mes yeux, & ie considereray les merueilles de ta Loy.

Donne moy entendement, & ie garderay ta Loy, & la garderai de tout mon cœur.

Seigneur, qui es la fontaine de toute sagesse & science, puis qu'il te plaist me donner le moyen d'estre instruit en l'aage de mon enfance, pour me sauoir saintement & honnestement gouverner tout le cours de ma vie: vueille aussi illuminer mon entendement, lequel est de soimeisme aueugle, ace qu'il puisse comprendre la doctrine qui me sera donnee: vueille confermer ma memoire, pour la bien retenir, vueille disposer mon cœur à la recevoir volontiers, & avecques tel desir qu'il appartient: afin que par mon ingratitude l'occasion que tu me presentes ne perisse. Pour ce faire, vueille espandre sur moy ton saint Esprit, l'Esprit, die, de toute intelligence, verité, iugement, prudence & doctrine: lequel me rende capable de bien profiter, afin que la peine qu'on prendra à m'enseigner ne soit perdue. Et à quelque estude que ie m'applique, faye que ie la reduise à la vraye fin: c'est assauoir, de te cognoistre en nostre Seigneur Iesus Christ, pour

auoir pleine fiance de salut, & vie en ta grace, & te ser-
uir droitement & purement, selon ton bon plaisir: telle-
ment que tout ce que j'apprendray soit comme instru-
ment pour m'aider à cela Et puis que tu promets de don-
ner sagesse aux petis & aux humbles, & confondre les
orgueilleux en la vanité de leur sens: pareillement de
te manifester à ceux qui seront de cœur droit: au contrai-
re, auégler les malins & peruers: vueille-moy rengier à
vraye humilité, par laquelle ie me rende docile & o-
beissant, premierement à toy, secondement à mes su-
perieurs, que tu as commis pour me regir & enseigner.
Dauantage, vueille disposer mon cœur à te chercher sans
feintise, renonçant à toutes affections charnelles & mau-
uaises. Et qu'en telle sorte ie me prepare maintenât pour
te seruir vne fois en l'estat & vocation laquelle il te plai-
ra m'ordonner quand ie seray venu en aage.

DE P S E A L M E XXX.

*Le Seigneur reuele ses secrets à ceux qui le craignent, & leur
fait cognoistre son alliance.*

P R I E R E A D I E U P O U R
donner benediction à nostre labour.

NOstre bon Dieu, Pere & Sauueur, puis qu'il t'a
pleu nous commander de travailler pour subue-
nir à nostre indigence, vueille, par ta grace, benir telle-
ment nostre labour, que ta benediction s'estende ius-
ques à nous, sans laquelle nul ne peut prosperer en bien:
& que telle faueur nous serue pour telmoignage de ton
affi-

assistance: nous faisant cognoistre par icelle le soin paternel que tu as de nous. Dauantage, Seigneur, qu'il te plaise nous assister, par ton saint Esprit, afin que nous puissions fidelement exercer nostre estat & vocation, sans aucune fraude ne tromperie: ains que nous regardions plustost de suiure ton ordonnance, que de satisfaire à l'appetit de nous enrichir. Que si neantmoins il te plaist de faire prosperer nostre labeur, qu'aussi tu nous donnes le courage de subuenir à ceux qui sont en indigence, selon le pouuoir que tu nous en auras donné: nous retenant en toute humilité, afin que ne nous esleuions par dessus ceux qui n'aurot pas receu telle largesse de ta liberalité. Ou si tu nous veus traiter en indigence, que pour le moins tu nous faces la grace d'auoir recours à tes promesses, pour nous asseurer que tu nous nourriras toujours par ta bonté: afin que ne tombions en deffiance: mais plustost attendions patiemment que tu nous remplisses non seulement de tes graces temporelles, mais aussi de tes graces spirituelles, afin que nous ayons toujours plus ample matiere & occasion de te remercier, & nous reposer entierement en ta seule bonté. Exauce nous Pere de toute misericorde, par Iesus Christ ton Fils nostre Seigneur, Amen.

P R I E R E P O U R D I R E A-

uant le repas.

DV PSEALME CIIII.

Toutes choses attendent apres toy, Seigneur, & tu leur donnes viande en leur temps.

Quand tu leur donnes, elles la recueillent: & quand tu ouvres ta main, elles sont rassasies de biens.

SEigneur, auquel gist la plénitude de tous biens, vueille estendre ta benediction sur nous tes pources seruiteurs, & nous sanctifier les dons lesquels nous receuons de ta largesse, afin que nous en puissions vser sobrement & purement, selon ta bonne volonté, & par ce moyen te recognoistre Pere & autheur de toute benignité: cerchans tousiours principalement le pain spirituel de ta Parole, dõt nos ames soyent nourries eternellemēt, par Iesus Christ ton Fils nostre Seigneur, Amen.

DEUTER. VIII.

L'homme ne vit pas de pain seulement: mais de toute parole procedante de la bouche de Dieu.

ACTION DE GRACES POUR dire apres le repas.

PSALME CXVII.

QUE toutes nations louent le Seigneur, que tous peuples lui chantent louange:
Car sa misericorde est multipliee sur nous, & sa Verité demeure eternellement.

SEigneur Dieu, nous te rendons graces de tous les benéfices que nous receuons assiduelement de ta main, de ce qu'il te plaist nous substenir en ceste vie corporelle,

porelle, nous administrant toutes nos necessitez : & singulierement de ce qu'il t'a pleu nous regenerer en l'esperance d'une meilleure vie, laquelle tu nous as reuelee par ton saint Euangile: te prians qu'il te plaise ne permettre pas que nos affections soyent ici enracinees en ces choses corruptibles, mais que nous regardiôs tousiours plus haut, attendans nostre Seigneur Iesus Christ, iusqu'à ce qu'il apparaisse en nostre redemption, Amen.

ORAI SON POVR DIRE

au soir.

SEigneur Dieu, puis qu'il t'a pleu créer la nuit pour le repos de l'homme, comme tu lui as ordonné le iour pour trauailler, vueille-nous faire la grace de tellement reposer ceste nuit selon le corps, que nostre ame veille tousiours à toy, & que nostre cœur soit esleué en ton amour: & que tellement nous-nous demettions de toutes sollicitudes terriennes, pour nous soulager selon que nostre infirmité le requiert, que iamais nous ne t'oublions: mais que la souuenance de ta bonté & grace demeure tousiours imprimee en nostre memoire: & que par ce moyen nostre conscience ait aussi bien son repos spirituel comme le corps prend le sien. Dauantage, que nostre dormir ne soit point excessif, pour complaire outre mesure à l'aise de nostre chair: mais seulement pour satisfaire à la fragilité de nostre nature, afin de nous disposer à ton seruice. Aussi qu'il te plaise nous conseruer impolus tant en nostre corps qu'en nostre esprit, & nous garder contre tous dangers, ace que nostre dormir mesme soit à la gloire de ton Nom. Et pource que le iour ne s'est point passé que nous ne t'ayons offensé en

plusieurs sortes, selon que nous sommes pources pecheurs: ainsi que tout est maintenant caché par les tenebres que tu enuoyes sur la terre, vueille aussi enseuelir toutes nos fautes par ta misericorde, afin que par icelles nous ne soyons point reculez de ta face. Exauce-nous nostre Dieu, nostre Pere, & nostre Sauueur p nostre Seigneur Iesus Christ: au nom duquel nous te prions disans, Nostre Pere, qui es es cieux, Ton Nom soit sanctifié, &c.

ORAI SON POVR DIRE QVAND ON

veut lire en la S.Escriture, ou quand on veut ouyr le Sermon.

MOn Dieu, mon Pere, mon souuerain Seigneur, combien que de ta grace tu manifestes assés clairement à tous par tes creatures la grandeur de ta bonté, te declarant encores plus priuément à nous par ta Parole: si est-ce neantmoins que ie cognoy en mon esprit vn tel aueuglement & stupidité, que ne puis ouuertement comprendre tout ce qu'il t'a pleu nous reueler par icelle. Voyant donc que ie n'y puis rien entendre par mon sens charnel, mais que plustost par icelui ne feroye que corrompre & polluer tout ce qui est pur & saint: vueille-moy faire la grace de chasser les tenebres hors de mon entendement, illuminer mes yeux, ouurir mes aureilles, preparer mon cœur, former tous mes sens, mes affectiōs & pensées par ton saint Esprit, afin que ie la reçoie avec ardent desir, & en pleine certitude de Foy: afin d'estre instruit à te obeir & complaire, & à receuoir ce bien inestimable que tu me proposes, quand par icelle tu me presentes le pardon gratuit de toutes mes fautes, pour l'amour de ton Fils unique: m'assurant aussi par lui de la vie eternelle: moy (di-ie) qui suis totalement indigne d'vn si excellent bien. Puis donc, Seigneur, qu'il te plait

plaist venir iusqu'à moy pour me reueler ce qu'autrement
me seroit caché, vueille-moy rendre attentif à escouter, en-
tendre, & retenir tout ce qu'il t'a pleu nous enseigner par
ta Parole, afin que la lecture & predication d'icelle serue à
ta gloire, à mon instruction, & à l'edification de mes pro-
chains: & que ceste mesme voix me retienne tousiours en
ton obeissance, crainte, amour, humilité & reuerence, par
icelui Iesus Christ ton Fils nostre Seigneur, Ainsi soit-il.

ACTION DE GRACES A R R E S LA

lecture & predication de la Parole de Dieu.

TE te ren grâces, mon souuerain Seigneur, de ce qu'il t'a
pleu m'annoncer par ta sainte Parole mon salut en Iesus
Christ mon Redempteur: te priant qu'il te plaist me faire
re la grace de rememorer souuēt vn tel benefice pour t'en
remercier incessamment, & pour aspirer tousiours de plus
en plus à la iouissance d'icelui: qu'il te plaist aussi me don-
ner vn vray desir & opportunité de frequenter souuent
la lecture & predication d'icelle, pour m'imprimer &
confirmer la certitude de tes promesses en mon cœur par
ton saint Esprit. Finalement, qu'il te plaist communiquer
ce thresor infini à tant de peuples qui en sont pri-
ués: afin que tous ensemble te glorifions éternellement par
Iesus Christ nostre Seigneur, Amen.

ORAISSON POUR DIRE EN LA VISI-

ration d'un malade.

O Seigneur Dieu tout-puissant, éternel, & plein de grâ-
ce de benignité, entre plusieurs & diuers chastimens par

lesquelst tu nous appelles à toy, tu as accoustumé de donter
 nostre chair par beaucoup & diuerses maladies, lui ostant
 sa nonchalance, & lui resueillant sa stupidité par infirmi-
 tez dangereuses: & lors tu baillies aduertissement de la vie
 malheureusement passée, & de la fin d'icelle, voire de la
 mort bien prochaine, par tormens & angoisses bien pres-
 santes, qui sont comme les auant-coureurs d'icelle: & aus-
 si du grand & dernier iour de ton iugement, & de la vie
 eternelle qui s'en ensuiura, laquelle sera continuee aux bōs
 en gloire & beatitude, & aux meschans en ignominie &
 damnation de la gehenne. Desquelles choses la chair ay-
 ant la bride laschee ne veut ouyr nullemēt parler. Or main-
 tenant, Seigneur, nous auons trouué cest homme abbatu
 de maladie, detenu au lit, & soustenant la rigueur de ton
 fleau, & la seuerité de ta verge, enuers lequel le sentiment
 du peché est resueillé, & l'image de la mort se presente
 maintenant deuant les yeux. Et pourtant, nous poures pe-
 cheurs, qui attendons ceste mesme heure d'aduersité, selon
 la condition de nostre nature, nous te prions humblement
 auoie ce poure malade, que tu n'exerces point rigoureux iu-
 gement a lencontre de lui, selon qu'il a merité: mais plu-
 tost, Seigneur de bonnaire, iette les yeux de ta miséricor-
 de sur lui: & le regardant comme racheté, donne lui gra-
 ce & constance de courage, par laquelle il recoiue paissi-
 blement ceste gracieuse correction & uisitation paternelle:
 qu'il l'endure patiemment en obeissance volontaire, se sou-
 mettant de tout son cœur & gré à la benéuolence de toy
 qui le frappes. Assiste-lui en toutes ses aduersitez & fas-
 cheries, & sois sa protection & defense contre le danger
 qui est bien prochain de lui: & principalement si sa con-
 science decouuerte lui fait accusation de ses pechez inte-
 rieurs,

rieurs, alors, Seigneur plein de bonté, mets à l'opposite les durs tormens & le sacrifice volontaire de ton Fils Iesus Christ, pour la defense de ce pource homme: lequel ton Fils bien-aimé, a porté nos infirmités & a enduré la peine que nous-mêmes auions meritee, estant fait peché pour nous, quand pour nos pechez & offenses il a souffert la mort: les quels il a lauez par son sang: & resuscitant des morts, a esté fait nostre iustice & parfaite redemption. Fay que ce pource malade sente le fruit & la vertu de ces benefices par Foy: & estant pressé de ceste angoisse, qu'il recoiue pour sa consolation vn si grand thresor de felicité, c'est à dire la remission de ses pechez, à cause de ton Fils Iesus Christ: que ceste Foy lui soit comme vn bouclier, par lequel il repousse les estonnemens de la mort, & qui le face hardiment cheminer pour paruenir à la vie eternelle & bien-heureuse: que quand il l'aura apprehendee il en iouisse eternellement. O Pere celeste, aye-le donc pour entierement recommandé. O nostre bon Dieu, en ceste sorte, pource qu'il est malade, tu le gueriras: il est gisant, tu le releueras: il est couché, tu le redresseras: il est foible, tu le fortifieras: il recognoist son impureté & ses macules & ordures, tu le lauieras: il est nauré, tu lui appliqueras sainte & bonne medecine: il est saisi de crainte & tremblement, tu lui donneras bon courage. O Seigneur, recoy-le à toy: car il a son recours droit à toy: & le ren constant & ferme à obeir à tes Commandemens, & saintes ordonnances. Bref, pardonne-lui tous ses pechez, toutes ses fautes & offenses par lesquelles il a grieuement prouoqué ton ire & la rigueur de ton iugement contre soy. En lieu de la mort, Seigneur, ottroye-lui la vie avec toy en gloire: & si tu cognois qu'il puisse encore faire quelque profit à cultiuer ta vigne en ceste mortalité, & de

plus grande diligence & sollicitude se conformer à l'exemple de ton Fils Iesus Christ, conserue-le: mais que ce soit en lui augmentant tes graces: toutesfois que ta volonté soit faite en tout & par tout, qui est bonne à tout iamais. Donne-nous, Seigneur, toutes tes choses, aussi bien qu'à ce poure hōme abbatu de maladie, par le seul Seigneur Iesus Redempteur, Medecin & Sauueur des poures pecheurs, nostre seul bouclier & defense assuree: & lequel pour donner exemple & grande consolation aux poures pecheurs, a mené avec soy en Paradis le brigand qui estoit crucifié auprès de lui: lequel Seigneur Iesus vit & regne avec toy en vnité du saint Esprit vray Dieu à perpetuité, Ainsi soit-il.

LES



